



مالیه درستی :

# بورجه

حقوق فا کولتھسی ایله مکتب ملکیه ده  
تدریس اولمقده در

محرری

ابراهیم فاضل

حقوق فا کولتھسی و مکتب ملکیه اقتصاد و مالیه

خبر

هر حق محفوظدر

✽

[ حقوق ] مطبعه سی


باب عالی : ابوالسعود جاده سنده نومرو ۱۹

۱۳۳۲

مکتب ملکیه  
تدریس اولمقده در

TBMM KUTUPHANESI

T. B. M. KUTUPHANESI
700014



## مدخل

علم مالیهك موضوعی — زما نهمزده مسائل مالیهك درجه الهیمنی

علم مالی ، اشخاص عمومیهك محتاج اولدینی وارداتك صورت تداركیله بونلرك ماهیتی ، اهمیتی ، اسباب تزايد و یا تناقصی مطالعه ایدن و واردات و مصارفك صورت تنظیم و توزینی ایله اشتغال ایله بر علمدر دبیله بیلیر .

فی الحقیقه علم مالیهك زیاده موضوع بحث اولان مالیات دولتر . فقط عین زمانده ولایات نواحی و بلدیلهر کی آیریمجه بر شخصیت سیاسیه مالک اولان اشخاص عمومیهك *Personnes publiques* امور مالیهسی تدقیق دخی بو علمك دائره صلاحیتنده در . بناءً علیه تعریفی دولته انحصار ایتدیرمه یرك علی العموم اشخاص عمومیهك تشمیل ایتك دها موافق اولور . مع مافیه بزمطالعائزده الك زیاده دولتی نظردقمه آلا جفر . دولت وظائفی ایفا ایچین مطلقا یاره یه محتاجدر ، دولتک وظائفی ، بعض مفرط لیبه رال مقتصدینك بایدینی کی ، یالکیز وظائف انضباطیه منحصر قالمالیدر دیسهك بیه هر حالده بومسائل ایچین دخی براردو ، بر هیئت ضابطه تأسیس ایتك و محکمهلر وجوده کتیرمك لازم کلور ؛ بوده مطلقا واردانه عرض احتیاج ایدر . بوبارهك صورت تدارکی موضوع بحث اولدینی آنده مسئله مالیه کندی کنینه میدانه چیقمش اولور :

دولت وارداتی املاک خصوصیه سندن ، یا خود بر طاقم تشبثات صناعیه دتمی الده ایله ملی ، یوقسه ویرکویه می مراجعت ایتملی ؛ نه کی احوالده استقرضات عقد ایله ملی ؛ بومنابع وارداتدن هر برینه نه نسبتده مراجعت

ایتملی؟ هانکی ویرکولر دهامشروع ، هانکی طرز استقراض داهاشایان قبولدر ؟ الخ . . . ایشته بونلر علم مالینک مهم برقسمنی یعنی واردات عمومی فضائی تشکیل ایدر .

مهم مناقشات نظریه وقانونیهی ایجاب ایدن اشبو واردات عمومی مسائلی حل اولوندقدن صکره دیگر بر مسئله نک مطالعهسی لزومی تظاهر ایله ر :

مالیه نظارتنک جبایت اولنان بوواردنک اداره و اصول محاسبهسندہ محافظه وضوح وانتظام ایدہ بیلمسی آنجق بعض قواعد اتباع ایله مسیله ممکن اولابیلر ؛ بوقیئت هرملکتندہ وتخصیص مشروطیتله اداره اولنان ، ویرکولرک ، واردات عمومی نک جبایت و استعمالی مجلس ملینک تصدیق ومراقبهسہ محتاج اولان محالدرده ، برلوزوم محقق نمیتددر . اگر حکومت آجیلاجق دوره مالیه نک واردات ومصارف نمنهسنی بر اصول منتظمه تبعاً مجلس ملینک پیش تدقیقنه عرض ایتمز ، اولنرک چیزدیکی خط حرکتی منتظمأ تعقیب ایله منرسه حاکمیت ملیه اسمایی غائب ایدلش اولور . بو اصول منتظمی بزه تأمین ایدہ جک واسطه ایسه یالکیز بودجهدر .

برملکتنک اصول مالیه سنک تمامی تطبیقنی انفاذ بر صورتده تحت تأمینہ آلان قواعد ندر ؟ واردات ومصارف دولتی انکام ، الک بسیط ، الک واضح بر صورتده عرض ایدہ جک بر بودجه نه صورتله یاییله بیایر ؟ بودجهی نه صورتله تصدیق نه کی وسائطله تطبیق وقوتول ایدہ بیایر ؟ الخ . . . ایشته بونلرده ایکنجی بر سلسله مسائل مالیه درکه بودجه و بودجه حقوقی نامیله عام مالینک دائره مطالعهسہ داخل اولور .

بناءً عليه عام مالیى وادرات عمومیه نك مطالعه سى ، بودجه نك مطالعه سى ديه ايكي قسم اساسى به آيرابيليرز . دولتك خزينه سنه كيرن وادراتك ماهيت و صورت تحصيلى بيلنمەدن او وادراتك مصارفه صورت تطبيقى مطالعه ايله مك دوغرو كورونمە بيلير ؛ اولاً منابع وادرات دولت وبعده او وادراتك تخمين و مصارفه صورت تطبيقى مطالعه اولمليدير ديدنله بيلير . . بزم بوراده معكوس بر يان تعقيب ايتكل كمنك ، يعنى مالىه درسارينه بودجه ايله باشلامقلمزك ، سببى بو اصولك سهولت تشریح وتفهم نقطه نظرندن بزدهاموافق كورونمە سندن عبارتدر . حكومات حاضرده بودجه لر بر مملكتك حيات مالىسى ايچون فائدهلى اولان اكثر معلوماتى احتوا ايتكمكده در . بودجه و بودجه حقوقك مطالعه سى بزه مباحث و تشكيلات مالىه حقنده بر فكر عمومى ويرر بودجه نك وادرات و مصارف ستونلرنده املاك ، صنايع ، تكاليف وادراتى واستقراضات مصارفى كورولمش اولاجنى ايچين بومسائل حقنده بر معلومات متقدمه الله ايديلير و بو معلوماتك ده وادرات عموميه نك اقسام مختلفه سنك حين مطالعه سنده يك بويوك فائده سى اولور .

## ۲

دوغرودن دوغرويه بودجه مسائنه كيرمزدن اول مسائل مالىه نك و بوميانده بودجه نك حائر اولدني اهميتى اكلامق ايچين مصارف دولتك زمانمزده كى اهميتندن وبونلرك اسباب تزايدندن برنبنده بحث ايله مك ايجاب ايددر .

اكر بوكون زمانمزك اوچ بويوك حكومتى اولان انكلتره ، المانيا ، وفرانسه نك صوك قرق الى سنه لك بودجه لر ينك ارقامنى مقايسه ايدجك

اولورسه ق يکونلرينک سندن سنيه واقع اولان تزايد عظيمي قارشيسنده مهوت قاليرز . في الحقيقه ١٨٧٠ ده ايکي ملياري کچمه يه ن بودجه لر ١٨٩٠ ده اوچ ملياري ، ١٩٠٥ ده درت ملياري ، صوک سـنه لـرده ٤,٥ ملياري تجاوز ايله مش و بوکون ايسـه - طبيعي برقاج يوز مليون فرق ايله - بش مليار فرانقه تقرب ايله مکده بولونمشدر .

بوتزايد مصارف کيفيتي يالکيز بواوچ حکومه راجع اولماديني کي صرف ١٨٧٠ دن صـوکره کي دوره يده منحصر دکادر . تا ١٩ نجی عصرک ابتدا سندن بری بوتزايد دوام ايدـه کـمش و هر حکومت آرزوق بونک تأثيريني حس ايتمشدر . لکن بوتزايد بالخاصه صـوک زمانلرده تأثيريني آرتيرديني ايچين اوروپا افکار عموميه سي بوندن بحق صـوک درجه دوچار اندیشه اولغه باشلامشدر .

تزايد مصارف کيفيتي اکثر يا دولت آدمـلرينک تدبير سز لکـلرينه ، اموال دولـتک سوء اداره سـنه عطف ايديلير ؛ بو شکاياتده بوبوک بر حصه حقيقت واردر . انکار ايديله مزکه مصارفک بوتزايد جسمي قسماً سوء اداره دن ، تدبير سز لکدن . انتظام سز لـقـدن متولددر . لکن بواسـباب صـنـيـه نـک يانـسـده ، مصارفک تزايدينه باعث اولان ؛ بعض اسباب عموميه و طبيعيده واردر که بوندن نه واضع قانونلری نه ده اداره آدمـلرينی مسؤل طومتق جهته کيده يـز

هرشیدن اول بودجه لـرده ظاهري بر نوع اثر تزايد واردر که بونی تزايدات حقيقه دن تفريق ايله ملک ايجاب ايدر :

بباير سکـز که ١٩ نجی عصرک ابتدا سـندن بری فيـثاتلـرده وسـطـی اولارق :- ٣٠ — ٥٠ بر تزايد وقوعه کلشدر . يعني اشيا بر زمانلر

دها دون فيئاته صاتين المقدمه ايكن بوكون - ۳۰ - ۵۰ قدر فضله  
فيئات اوده مك ايجاب ايدييور . بو ترفع فيئاتك اسباب اقتصاديه سنى  
بوراده ايضاح ايده جك دكاز . يالكوزرفاه عمومينك صوك عصر ظرفنده  
تزايدى كيفيتك اشيايك طابنه اجراى تاثير ايتديكنى و بناء عليه فيئانده  
بر ترفع حصوله كتيديكنى ، كذا نقد اعمالنده مستعمل اولان قيمتدار  
معادنك استحصالى آرتماسى اوزرينه قيمتك تناقص ايتديكنى و بنا برين  
عنى برمال ايچين دها فضله آلتون و كموش و يرمك لازم كلديكنى ذكر  
ايله اكتفا ايده جكيز .

ايشته فيئاتلرك بو ترفعى كيفيتى افراد بودجه‌لرنده اولدينى كې دولت  
بودجه‌لرنده ده يكونلرك قبارمىنى ايجاب ايتمشدر . فقط بو تزايد ظاهرى در .  
چونكه دولتك ۱۹۰۰ سنه سنده كى احتياجاتك ۱۸۰۰ سنه سنه نظراً  
قطعيأ تزايد ايتمه ديكنى يعنى دولتك بر عصر صوكره ينه عىنى اشياو عىنى  
خدماته محتاج اولدينى فرض ايتسه ك دخى صرف فيئاتلرك تزايدى  
يوزندن بودجه يكونلرينك - ۳۰ - ۵۰ نسبتنده يوكسله جكى بديهى  
بر كيفيتدر

كذا بودجه‌لرده صورت ترتيب نقطه نظر ندر زده ظاهرى بر تزايد  
موجوددر . چونكه بودجه بخشنده سويليه جكمز وجهله بر زمان بودجه‌لر  
صافى اولارق ترتيب ايديليردى يعنى واردات ، مصارف تحصيليه سى  
بعدا لتزويل بودجهيه صافى اوله رق كچيريلير ، بعض مصرف دواړينك  
واردات خصوصيه سى — مثلاً عدليه ، داخله و اورمان نظارتلرينك  
خرجلرى ، بحريه نظارتلرك صاندينى كه نه كمبلر كې — تقاض و محسوب  
صورتيله مصارفدن اينديريلرك بودجهيه كچيرلمزدى . بواحوال طبيعيدر كه

بودجه‌نك يکوتى نقصان کوستر مکه بر سبب تشکیل ایدردی . حالبوکه زمانزده همان هر دولنده بودجه‌لر غیر صافی اوله‌رق بایلدینی، مصارف آرقه‌سندده هیج بر واردات و کذا واردات ارقه‌سندده هیج بر مصرف بکزلیمه‌رک کافه‌سی آری آری ایکی سستونه ترقیم اولندینی جهته ، فائده‌سنی ایلریده . مطالعه ایده‌جکمز بواصول محاسبه یوزندن، بودجه‌لرک یکونی یوکسلمشدر . ایشه بوده بر تزايد ظاهریدر . بناءً علیه بوتزایدلری، حقیقی بر تزايد عدایتمه‌ک ایجاب ایدر .

مصارفك تزايد حقیقیسك اسبابی ایکی قسمه آریله‌بیلیر: ۱ اسباب اقتصادی ، ۲ اسباب سیاسی . اسباب اقتصادی اسباب طبیعی‌دن اسباب سیاسی‌ه ایسه . آز چوق صنی بر ماهیتی حائر اولان اسبابدن معدوددر . اسباب اقتصادی‌دن دولای واقع اولان تزايد ، نفوسك و ثروت عمومیه‌نك ترقی و تعالیسندن انبعاث ایدن تزايدیمکدر . واردات و مصارفات مملکتك تزايد نفوسه تبعاً یوکسلمسی غایت طبیعی اولدینی کی زینکیلشن بر ملتك حکومتدن بکله‌دیکی خدماتده کمیت و کیفیت نقطه نظرندن بر وسعت و ترقی ارزو و طلب ایتمی‌ده پک بدیهی بر کیفیتدر . ترقی صنایعك ایجاباتی اوله‌رق شهرلره دوغرو واقع اولان ته‌اجم، ایجادات و اختراعات قنیه ، ماکنه‌لر دوری و الح، افراد اوزرنده اوکونه قدرطانیان برطاقم احتیاجات خصوصیه تولید ایندیکی کی بر چوق احتیاجات عمومیه و مشترکده احداث ایلهمش و ثروتك . بناءً علیه ویرکو وارداتك، تزايدی سایه‌سندده مظهر تسهیلات اولان حکومتده ایضای خدمات نقطه نظرندن ایکی وضعیت قارشوسندده بولمنش در :

۱ اوکونه‌قرر ایفا ایندیکی خدماتی ده‌ا و اسع و مکمل بر صورتده



کورمکه چالیشمق ، ۲ بر طاقم خدمات جدیدہ در عہدہ ایلک .  
ایشتہ بو اسبابہ بناء ۱۹ نجی عصر دولتی ، کرک مرکزیت کرک  
عدم مرکزیت اصولی ایلہ اداره اولسون ، شمندوفر ، تلغراف ، تلفون  
اموری ایلہ اشتغال ایتکہ ، امور نافعہ سنک ساحہ سنی توسیعہ ، اسکیدن  
قات قات یوکسک بر صورتہ امور معارف ، امور خیریہ ایلہ اشتغالہ  
واحد ... کندینی مجبور کورمشد .

بو، دولته ہمالیہ مال اولدی، مصارفی یوکسلندی . فقط ہر مملکتک منافع  
حقیقیہ سی بواجرا آتی مطلق بر صورتہ استلزام ایتدیکی جہتلہ دولتک  
بویاری یوکلمسی طبعی، مشروع و ضروری ایدی .

تزايد مصارفك اسباب سياسيه سنہ كلنجه بونلرك برنجیسی حرب و حرب  
تہدیدیدر . بوکون عمومیتلہ ہر حکومت بودجہ سنک برثانی مدافعہ ملیہ  
مصارفہ صرف ایتکدہ در . حتی بونسبت شرق دولترلندہ دہاز یادہ در .  
مصارف حربیہ دیگر طرفدن یالکز حربیہ بودجہ لری اوزرینہ تأثیر ایتککہ  
قالیور ، دیون عمومیہ بودجہ سنہ دہ تأثیرات مخربہ اجرا یلیور . ہر سنہ دولتلرک  
حرب تہلکسی یوزندن انشاآت حربیہ یہ مختص اولہرق عقد ایتدکلری  
بیوک استقر اضلر ، بالآخرہ فائض و آمورتیمان صورتیلہ ، دیون عمومیہ  
بودجہ لری بکوتی قبار تیور . ( معافیہ بواسطہ استقر اضلتک تأثیرندن بحث  
ایدرکن امور نافعہ و سائرہ ایچون عقد ایدیلن دیونک دہ تزايد  
مصارف نقطہ نظرندن عینی نتیجہ یی تولید ایتدیکنی اونوتما ملیدر )  
خلاصہ بوکون بتون اوروپا صالح مسلح دورندہ یاشایور . کرچہ  
بو حال بر چوق فیلسوفلری ، صاحب پرور لری دوچار اندیشہ ایتدیکندن  
بوکا قارشو اوروپادہ معکوس . جریان افکار مقدماتی بلیر کی اولیور .

بناءً عليه بر تون كلوب ده تماماً بر عكس العمل حاصل اولسى احتمال داخلمده در .  
 لكن محقق اولان برشى وارسه اوده بوكونك زمانزدن هنوزبك اوزاقده  
 اولمسيدز . حل حاضرده هيچ بر حكومت كندى كندينه اتخاذ مقررات ايدرك  
 مصارف حربيه سنك مقدارينى تنقيصه مقتدر اوله مينجه ، اوروپا بك وضعيت  
 حاضرده سنده ، بونوع مصارفى بر مصيبت فقط اجتنابى غير قابل بر مصيبت .  
 ديه تاقى ايلك ضروريدر .

حكومت عوام اصولك تاسيسى ده مصارف عموميه نك تزايدينك .  
 اسباب سياسيه سندن بريدر . شبهه سز هيچ كيمسه اصول مشروطيتك .  
 بودجه نقطه نظر نندن توليد ايتديكى فوائدى انكار ايتمز ؛ و بزده اينريده بونلرى  
 كوره جكز . . لكن اموال عموميه نك اهالينك و كيللرى طرفندن ده ازابده .  
 تصرف ايله اداره ايديله جكنه دار اولان اميدلرى وقوعات مع الاسف .  
 تكذيب ايدك لكشدر ؛ بو ، مختلف عوامل تحت تاثيرنده وقوعه كليكده در ؛ اول  
 هر مملكتده اهالينك اكثريتى تشكيل ايدن عمله و كوچك ارباب صنايع  
 اولدينى معلومدر . بعض مكاتب اقتصاديه نك تلقين ايتديكى افكار ايله  
 مشبوع اولان بونصوف كندى مقدار نك اصلاحى مداخله دولت  
 سايه سنده ممكن عدايتكده و كوندركلرى بونوئلرى مسلك مداخله  
 وحتى سوسياليسم مكتبته سالك اولان ذوات ميانندن انتخاب ايلكده در .  
 حكومتلرايه بوغر و پلرك تحت نفوذنده اوله زق هر سنه يكي بر طاقم وظائف  
 در عهده ايلكده ويكي بر طاقم مصارف الته كيرمكده در . فقط مع التأسف بودفعه  
 در عهده ايديلن وظائف ، ترقى مدنيتك ايجاب ايلديكى خدمات اوليوب  
 على الاكثر ايفاسنه تشبثات شخصيه نك باغاً ما باغ كفايت ايديله جكي .  
 وظائف اوليور ؛ شمند و فرلرى حكومتك تحت انحصارينه آلمغه چالاشمق .

دولتی لایقلہ موفقی اولہ میہ جفی صنایعہ تشویق ایتک ، عملہ قانونری تسمیہ اولان قوانین ایله قسماً دولت نام و حسابنہ عملہ نک حیاتی سیغورطہ ایتک ، اهالی ایچون بودجهیه بار اوله حق نقاعد صندوقری تشکیل ایتک والی... هپ مالی نقطه نظر دن دولتره پک بیوک رخنلر آچقده در .

حکومت عوام اصولنده اسرافات یالکیز مخالفت اجتماعات دن دولانی واقع اولان بوتزاید مصارفه منحصر قالمیور ؛ انتخابات مزایده جیلکی بو خصوصده برعامل دیگر تشکیل ایدیور . کندی دائرة انتخابیه سی ایچون برحق مصارف وعد ایتک وصوکره مجلس مبعوثانده نفوذندن استفاده ایدرک بونلری قویاره بیامک ، دوره تشریعیه نک ختامنده ، مجلس طاغیله جفی زمان ، منتخبلر اوکنه الده دلائل رجحان ایله چیقماق ایچون ، سخاوت فوق العاده ابراز ایتک یعنی بعض ویر کولری عفو ، متخینک خوشنیکده جک بعض مصارف احداث ایتک والی ، مجالس مبعوثانده کل بوم کورولان احوال دندر : بعض مالیون الده ارقام اوله رق ، استاتستیکلرله ، پارلمنتونک سخاوتنک نه در حله قدر چیقدیغنی کوسترملر در .

مبعوثلر سخاوتکار در لر چونکه مسئول دکلدر . بودجه مذاکراتی اناسانده کمال طلاقله مدافعانده بونورلر ؛ حکومتک تخصیصاتی تربید ایدیلر ، مأمورینک مقداری ومعاشی آرتیریلر ، دولت کندی کیسه سندن مجبوری حیات سیغورطه سی تشکیل ایدر ، معاونت مقابله شرکتلرینه تخصیصات ویرر ، بعض صنایعی صنعی صورتده یاشاتماق ایچون مکافات نقدیه بخش ایدر فقط بونلر بودجهیه میلیونله مال اولور .

بوندن ماعدا بر دفعه بودجه تصدیق اولنیدی قونترولک کوشه دلی ، حساب قطعی قانونلرینک هیچ نظر دقتی جلب ایتمه سی ، تخصیصاتی

تجـاوزايدن ناظرلرلك پارتى فـكرـيله معذور كورلمسى هـب باشـتهـجه برر  
مـحـذور دركـه آتـى بـودـجـه لـربـنـه پـك آغـير بر صـورـتـده چـو كـر .

بو سـ وـز لـر مـز لـه اـدارـه مـشـروطـه و حـا كـمـيت مـلـيـه نـك ، و اـرـدـات عـمـومـيـه  
و بـودـجـه مـسـائـلـده كـي اـهـمـيـتـي اسـتـصـغـار اـيـتـمـك اـيـسـتـه دـيـكـمـز ذـهـا بـنـه  
دو شـمـه مـلـيـد ر ؛ بـالـعـكـس بـودـجـه نـك حـيـن مـطـالـعـه سـنـده كـورـه جـكـمـز و جـهـلـه  
بـودـجـه عـضـو يـتـي ، بـتـون اسـاسـاتـي حـا كـمـيت مـلـيـه دـن آـمـش و بـو اسـاسـاتـيـنـه  
بـوسـايـه دـه كـونـدن كـونـه تـوسـع و تـكـمـل اـيـدـر كـ پـيـد ر پـي بر چـوق سـيـئـات  
مـالـيـه نـك اـز الـه سـنـه مـوفـق اولـه بـيـلـمـشـد ر . فـقـط بـو حـال بـزى دـه مـوقـر اسـيـد ك  
صـوك زـمـانـلـر دـه اسـسـد بـر دـيـكـي هـوا ي اسـر افـي تـقـيـيـح ، و چـارـه اـز الـه سـنـي  
تـحـر ي اـيـلـه مـكـدن مـنـع اـيـدـه مـز . دـولـتـك سـيـاسـت اـدـار يـه و مـالـيـه سـنـي الـار نـدـه  
طـوتـانـلـر ك تـدـيـر سـز اـكـلـر بـنـه سـوـء اـدـارـه لـر بـنـه ، اـوز اـقـد ن يـقـيـنـدن مـالـيـات  
دـولـتـك اـدـارـه سـنـه اشـتـراك اـيـدـنـلـر ك سـوـء اسـتـعـمـالـلـر يـنـه مـهـمـا اـمـكـن مـانـع  
اولـه جـق بـودـجـه قـوا عـد ي اولـد يـنـي كـي حـا Kـمـيت مـلـيـه ي تـمـثـيـل اـيـدـنـلـر ك  
صـا لـا حـيـتـلـر ي تـجـاـوز لـر يـنـدـه مـمـكـن اولـد يـنـي قـد ر سـلا مـت بـخـش بر سـد  
چـكـجـك بـنـه عـيـنـي فـور مـالـيـتـه لـر د ر . شـبـه سـز بر مـلـكـتـده فـكـر اـتـصـر ف بـسـبـتـون مـخـو  
اولـور و اسـر اف فـور طـنـه سـي حـكـمـر ان اولـمـغـه بـاشـلـار سـه اك نـافـذ قـوتـلـر بـيـلـه  
اـوكـنـدـه يـيـقـيـاـيـر ؛ يـيـقـلـمـسـه بـيـلـه دـولا مـبـاجـلـي طـر يـقـلـر لـه اـوز لـر لـر نـدن آـشـيـلـمـق  
مـمـكـن اولـور . اـنـكـلـتـره مـثـالـي بـونـي بـزه كـافـي دـر جـه كـوسـتـره بـيـلـر : بـو مـلـكـتـده ،  
بـودـجـه نـك تـفـصـيـلـنـدـه كـورـه جـكـمـز و جـهـلـه ، اكـمـكـل قـوا عـد ك قـبـولـي ، صـوك  
زـمـانـلـر دـه بـور انـكـدـه بر دـر جـه يـه قـد ر اسـر افـه تـمـاـيـلـنـه مـانـع اولـه مـا مـشـد ر .  
فـقـط بـو حـال بـودـجـه قـوا عـد ي اـهـمـيـتـدن دـو شـور مـك اـيـچـون بر سـبـب تـشـكـيـل  
اـيـدـه مـز ... بـو قـوا عـد ، سـوـء اسـتـعـمـالـا تـي ، اسـر افـا تـي بـسـبـتـون مـنـعـه قـا دـر

اولسه لربيله، اولدجه تحديدينه و'حوال ماليه نك تنويرينه موفق اولورلر كه سياست ماليه دوات ايچون بو فائده نك ده اهميتى انكار اولنه ماز .  
 ايسته بو صورتله بودجه قواعدينك درجه اهميتى اكلاشلدن صكره شيمدى دوغرودن دوغرويه بودجه نك مطالعه سنه شروع ايده بيليرز .



## تودھنك تعریفی

۳۲۷ تاریخی اصول محاسبه عمومی قانونك برنجی ماده سی دولت بودجه سنی شو صورتله تعریف ایدیور .[\*]

[ بودجه واردات و مصارف سنویه دولتک تخماتی مبین و بونلرک موقع تطبیق و اجرایه وضعه اذونیتی متضمن قانوندر ] .

بو تعریفه ده اعمومی و واضح رشکل ویرمک ایچون موسیو آلیکسک، فرانسه نك ۱۸۶۲ اصول محاسبه ده قره سنده کی شکلی خفیفه تعدیل ایدرهك، وجوده کتیردیکی تعریفی بالقبول دیه جکیزکه [ دولت بودجه سی، دولتک بر مدت معینه آتیه طرفنده واقع اوله جق مصارقاتی و جبات ایدیه جك اولان وارداتی تخمین و تصدیق ایله بن بر قانوندر ]

اولا : بر مدت معینه دیورز . تعریف قانونیزده اولدینی وجهله برسنه دیورز : فی الحقیقه بودجه اکثریا برسنه ایچون پاییلیر . فقط بوندن آزا ویا بوندن فضله مدتلر ایچون پاییلان بودجه لده وارددر . هرملککنده موقت بودجه لر بر ویا بر قاج آی ایچون پاییلیر . المانیا حکوماندن بعضیلری عادی بودجه لرینی بر دکل متعدد سنه لر ایچون تنظیم و تصدیق ایدرلر . بناء علیه تعریف عمومی اولمق ایچون، بودجه نی سنه ایله تعیین ایتیه رهك، بر مدت معینه دیمک ده ا موافق اولور .

ثانیاً : « بر مدت معینه آتیه طرفنده وقوع بوله جق مصارف و جبات ایدیه جك اولان واردات » دیمکله بودجه نك بر زمان آتی ایچون احضار

[\*] بودجه Budget کلمه سی عن اصل انکلیزجه اولوب فرانسه یه ۱۹نجی عصر ابتداسنده کیرمشددر . بزده بودجه کلمه سنه مترادفاً اکثریا ( موازنه عمومی ) تعبیری قوللا نیلیر .

ايدلديكنى تعريف قانونيدهكى « تخمىنى . كلسندن دهازياده برصراحتله  
ايضاح ايلش اوليورز . تعريفمزمدهكى « آتیه » قيدي عيني زمانده بودجه يي  
« حساب » دن تفريق ايلك ايچون الزمدر . چونكه بودجه تماماً حسابك  
مەكوسيدر : حساب كچمش اولان معاملاتك ارقام حقيقه سى اولدينى  
حالده بودجه آتیه اجرا ايديلهك اولان معاملاتك ارقام تخمىنى سى اولش  
اوليور .

ثالثاً : تعريفدهكى تخمين و تصديق كله لرى بودجه ايچون الزم اولان  
ايكى قيددر . چونكه بر طرفدن بودجه ، جبايت ايديلهك اولان واردات  
واجرا ايديلهك اولان مصارفك تخميناتى ميين اولان ارقامدن عبارتدر .  
ديكر طرفدن بودجه ، حكومته اشـبو وارداتى جبايت و مصارفى تأديه  
ايلكه ماذونيت بخش ايلين بر قانوندر . بوايى قيد يكديكرينك لازم غير  
مفارقيدر : تصديقى محتوى اولميان بر تخمين جدولنه بودجه دينه من؛ بو بر  
بودجه پروژدى ، برويقه اداريه اوله بيلير . فقط هر حالده بودجه دكل ..  
كذا تخمينى ميين ارقامى محتوى اولميان بر تصديق بودجه دكلدر . بودجه دينه بيلمك  
ايچون او تصديقك ، ولو يكون حالده اولسون ، واردات و مصارف ارقامى  
ويا هيچ اولمازسه يالكيز مصارف مجموعى احتوا ايله مى لازمدر .

سابعاً : بودجه بر « قانون » در ديورز ؛ بونكه ده بودجه نك مرعى الاجرا  
اولمى ايچون ، اونك وضع قانون حقى حائز اولان قوانينك تصديقنه  
اقرار ايتمى ، يعنى حكومت مشروطه ده مجلس مى ايله حكمدارك تصديقى  
احتوا ايلمى ، لازم كديكنى آكلاتش اوليورز .

فقط شكلاً قانون باشقه ماده قانون باشقه شيدر . حقوق اساسيه

اثر لرنده تفصيل اولنديني وجهله مجلس ملی ايله حکمدارک تصدیقنه اقران ایدن هر شی شکلاً *An point de vue formel* قانوندر . مادهٔ *Au point de vue materiel* قانون اولق ایچون ایسه او عقدک *Acte* عینی زمانده ، امر ونهی متضمن وعمومی بر قاعدۀ حقوقیه یی محتوی اولسی اقتضا ایدر .

بو بیاناتمزه نظراً بودجه نك شکل اعتباریله بر قانون اولدینی قبول ایدمک ضروری ایسه ده مادهٔ یعنی محتویات حقوقیه سی اعتباریله بر قانون اوله بیلمه سی یک شایان قبول اوله ماز . چونکه وارداتک تأسیس وجباتی حقنده قواعد حقوقیه وضع ایدن بودجه دکل مستقل بر طاقم قوانین و از جمله ویرکوقانونلریدر . کرچه اکثر مملکتلرده ، ویرکولرک هر سینه تکرر جباتی ایچون بودجه ده بر مادهٔ مخصوصه ايله مساعدۀ ایدمسی اساسی قبول اولنمشدر . بونی ده ایلریده کورم جکزر . فقط بو ماده ، یکی بر قاعدۀ حقوقیه وضع ایتمش اولیوب ، اساساً موجود قواعد حقوقیه نك تطبیق وتکرری ایچون اقتضا ایدن بر شرطی ایفا ايله مکدن باشقه برشی بایمیش دکلدر . کذا مصارفک قسم اعظمی اولجه بر طاقم قوانین مخصوصه ايله مثلاً تشکیلات ، تقاعد ، استقرضات قانونلریله تحت قراره آلمشدر . مصارف ایچون بر قاعدۀ حقوقیه وضع ایدن اصل بو قانونلردر . مجلس حین تصدیقده اشیبو قوانینه اتباع حرکته مجبوردر او حالده مصرف بودجه سنده کی تخمین وتصدیق دخی اولجه موجود قواعد حقوقیه نك تطبیقی ایچون اقتضا ایدن شرائطی ایفا ايله مکدن باشقه برشی دکلدر .

بناءً عایه بودجه مادهٔ قانون دکل بر عقداداری *Acte d'administration*



در بو عقد اهمیت مخصوصه‌سنه بناء مجلس ملی به و حکمدارک تصدیقه  
عرض ایدلکده ویا لکنز شکلاً قانون صفتی اکتساب ایله مکده در .  
یا لکنز بر نقطه حقنده احترازی بر قید در میان ایله مکده مجبورز: بودجه‌نك  
شکلی بخشنده کوره جکمز و جهله بعض کره موازنه عمومیه قانونلرینه بودجه ایله  
هیچ علاقه‌سی اولیان بعض مواد و احکام علاوه ایدلکده در؛ بودجه‌نك سینه‌سنده  
بعض یکی ویرکولر احداث اولنمی یا خود بر طاقم تنسیقات اداریه وجوده  
کتیرلمی کی . موازنه عمومیه ده فضولی بر موقع اشغال ایتمکده اولان  
بو موادک ماهیتی طبیعتیه بودجه‌نك ماهیتدن آیری اولوب بونلری هم  
شکلاً هم ماده قانون دیه تلقی ایله مک اقضا ایدر .

بودجه بو صورتله تعریف ایدلکدن، ماهیتی اکلانشیلدقدن صکره  
ابتداسندن انتها‌سنه قدر کچیردیکی ادواری برر برر . مطالعه‌یه ابتدار  
ایله مک ایجاب ایدر؛ عموم مؤلفینک قبول ایستدیکی بو ادوار بودجه‌نك  
تنظیمی ، تصدیقی ، اجرایی ، مراقبه‌سی دورلرندن عبارتدر : منطقاً  
غایت دوغرو اولان بو تقسیم تاریخ صیره‌سیله ده یکدیگری ولی و تعقیب  
ایدر یعنی اولاً بودجه قوه اجراییه طرفندن تنظیم اولور ، ثانیاً قوه  
تشریعیه طرفندن تصدیق اولور ثانیاً برای اجرا یینه قوه اجراییه  
کلهرک تطبیق اولور و نهایت رابعا یینه قوه تشریعیه طرفندن مراقبه اولور .  
بناءً علیه بزده شیمدی بو تقسیم منطقی . و چنبجه بودجه مه‌قانونه‌سنك  
مطالعه‌سنه ابتدار ایله جکمز .

## بودجه‌نك تنظيمی

— ۲ —

بودجه‌ی کیم تنظیم ایدر؟

هر مملکتده بودجه‌ی تنظیم ایدن قوهٔ اجراییه در. و بویله اولمسی ده  
 بك طبیعیدر. چونکه قوهٔ اجراییه نك مملکتك هر طرفنده، حتی اك  
 هجرا گوشه لرنده، بیکلرجه مأمورینی واردر. حکومت مرکزیه کل  
 یوم اونلرله مناسبات و مخبراتده بولوندیغی جهتله، مملکتك احتیاجاتنه،  
 یعنی ایجاب ایده‌جك مصارفه، آله حق وارداته دائر معلومات عمومیه‌الده  
 ایده‌بیله‌جك آنجق او اوله‌بیلیر.

دیگر کیمسه لر و مثلاً مبعوثلرده مملکتك بعض احتیاجاتی، بعض  
 محالرك سعهٔ تکلیفیه‌سنی، بعض یرلرده اجرا ایدلمسی لازم کلن مصارفی  
 تقدیر ایده‌بیلیرلر و بلکه ده‌ا اینی بیلیرلر؛ چونکه بونلر احوال محلیه‌ی  
 ده‌ا یاقیندن تدقیق ایتشلردر. فقط هیچ بر زمان نظر دقتدن دور  
 طومه‌ملیدرکه مبعوثلرك و سائر اصحاب معلوماتك بیلکیلری وطنك  
 آنجق بر قطعهٔ صغیره‌سنه منحصردر. اونلر بو معلوماتلرینی مملکتك  
 قطعات مختلفه‌سنه تشمیل ایده‌منزلر. وطنك هیئت عمومیه‌سنك واردات  
 و مصارفی حقنده بر فکر عمومی ایدینه بیلیمک ایچون امور حادثاتی  
 یوکسکدن کوره بیله‌جك بر موقعده اولمق، اقتضا ایدن معلوماتی  
 کندیسنه ایصال ایده‌بیله‌جك خادملره مالک بولمق لازمکلور. بویله  
 بر موقعده بولنان ایسه یالکز قوهٔ اجراییه در. برده بودجه‌ی ایلریده  
 تطبیق ایده‌جك اولان ینه قوهٔ اجراییه اولدیغی جهتله مسئولیت

مستقبله اندیشه سی اونی بودجه بی دها ای شرائط داخلنده احضاره دها قابل تطبیق بر شکل و صورتده ترتیبه سوق ایدر؛ بر فرانسز خطینک دیدیکی وجهه : « بر کمینک بولندی و وضعیتی ادراک ایدیه بیه جک ، یلکنلره لازم کان شکل و صورتی اعطایه مقتدر اوله جق آنجق او کمینک سواریسیدر ، چونکه روز کارلرک استقامتی ، اوکنه حائل اولان جریانلرک شدتی الک ای ادراک ایدن انجق اودر » دها عامیانه بر صورتله افاده ایده بیلمک ایچون دیه بیلیرزکه او یاپدیره جق اولان برکیمسه او اولک پلانی بالاخره انشاء آتی اجرا ایده جک اولان معماره یاپدیرر ؛ فقط او پلانی معاینه اتمک تصحیح و تعدیل ایتدیرمک صلاحیتنه مالکدر . بونک کبی مجلس ملی ده بودجه بی احضاره قوه اجرائیه بی مأمور ایدر . فقط بالاخره بونی تعدیل و تصدیق حقی محافظه ایلر . خلاصه بودجه هر طرفده قوه اجرائیه طرفندن تنظیم اولنمقده در . یالکیز جاهیر متحدة امریقا بو بایده بر استشنا تشکیل ایدر کبی کورونور . فقط دقتله معاینه ایده جک اولور سهق بو مخالفتک صرف ظاهری اولدیغنی و بوراده ده بودجه نك تنظيمی ایچون ینه حکومتک مداخله سی لازم کلدیکی آکلامقده مشکلات چکمه یز :

متحدة امریقادہ قوه تشریعیه ایله قوه اجرائیه نك وظائف و صلاحیتاری یکدیگرندن تماماً آیریدر . قوه تشریعیه نك وظیفه سی قانون یامق و قوه اجرائیه نك وظیفه ده بو قانونی تطبیق ایله مکدر . بواساس قبول ایدیلنجه قانوندن باشقه برشی اولمایان بودجه نك تنظيمی دخی قوه تشریعیه ره راجع اولماسی و قوه اجرائیه نك بودجه پروژه سی تنظیمنه حق بولنماسی طبیعیدر .

آمریقاده قونفره هر دورۀ تشریعیه ابتداسنده رئیس ( اسپیکور  
 speaker ) طرفندن متعدد قومیتلره آریلیر : داخلیه ، خارجیه .  
 عدلیه واخل . . . . قومیتلری کی . بو قومیتلرک هر بری کندی دائره سنه  
 عائد قوانینک احضاری ایله مکلفدر . ایشته بودجه نك احضاری ده  
 بونلردن بری اولان تخصیصات قومیته سنه Omité des appropriations  
 راجعدر . مالیه ناظری بوراده بودجه نك تنظیمنه اساس اولاجق  
 واردات و مصارف جدوللرینی و اوراق متفرعه نی اشبو قومیتیه تودیع  
 ایدر . بونلر طبع و توزیع اولنور و صکره قومیتیه بودجه یه دیله دیکی  
 شکلی ویرر . مالیه ناظرینک مطالعه سی دیکار ، دیکر قومیتلرک افکار  
 و مطالعاتی آلیر ، فقط ارقامه ایستدیکی کی تصرف ایدر . یاپیلان  
 بودجه قومیته نك مالی اولور ؛ حتی آمریقاده نظارک مجلسه حق دخول  
 و مدافعه سی اولدینی جهتله بودجه یی ینه قومیتیه راپورتوری مدافعه  
 ایدر و بوضورتله اور و پامجالس مبعوثاننده کورلنک بر درجه ده بودجه یه  
 تصرف ایلر ؛ بونکله برابر آشکاردرکه قومیته نك یابدینی بودجه  
 کاملاً مالیه ناظرندن النان معلومات اوزرینه بنا ایدیش ، مواد ابتدائی  
 کاملاً قوه اجرائیه دن آلمشدر ، بونلر اولما نجه قومیتیه بودجه یی یالماز .  
 بناء علیه بوراده ده بودجه نك حقیقی عاملی ینه قوه اجرائیه در دینیله بیلیر .  
 بو صورتله هر یرده بودجه یی تنظیم ایدن قوه اجرائیه اولدینی  
 آکلاشیلدقدن صکره مسئله یی ده یقیندن تدقیق ایلک و بودجه یی قوه  
 اجرائیه ایچنده هانکی مأمورینک تنظیم ایتدیکنی آراشدر مق لازم کلیر :  
 دنیله بیلیر که حکومت ایچنده هر مامور ، اوزاقدن یاقیندن ، بودجه نك  
 تنظیمنه اشتراک ایدر فقط بوبابده صریحاً بر مطالعه یوروده بیلیمک ایچون  
 مأمورینی مأموری محلیه و مأمورین مرکزیه دیه ایکی یه آیرمق اقتضا ایدر .

اولا : محلی مأمورلر مملکتک هر طرفنه طاغلمش اولدقلری کبی کبی اهالی ایله ده تمادیا حال تماسده درلر . مملکتک احتیاجاتی ایلك اوکجه ادراك ایدن بونلردر . بناء علیه بودجه نك احضاری ایچین لازم کلن ایلك عواملی طوپلایان ده بونلر اولمق لازمکلیر : یوللرک انشاسی ، نهرلرک تطهیری ، پوستلر ، قشلهلر ، مکتبلر انشاسی الخ.. الخ . . کبی احتیاجاتی اولا بونلر کورر . بو احتیاجاتی ، تخمین بر صورتده ایجاب ایده جک مصارفی، سنه ایچنده ویا بالخاصه بودجه نك انشای تنظیمنده مرکزیه بیلدیرلر و بصورتله بودجه نك ایلك ناظملی صفتی اکتساب ایده درلر .

ثانیا : محلی مأمورلرینک تکلیفاتی سلسله مراتب قاعده سنه توفیقاً مأمورین مرکزیه کلیر . مرکزده هر نظارت بر طاقم مدیرتله ایریشدر . بو مدیرتله اشعارات مالیه یی یاعیناً قبول یا خود تعدیل ایدرلر و صکره کندی مصارف مرکزیه لرینی ده بونلر علاوه ایلرلر ، بو صورتله هر مدیرته عائد بر مصارف بودجه سی حصوله کلیر و ناظره تقدیم اولنور .

ثالثاً : ناظر عائدی بودواژ بودجه لرینک هر برینی آیری آیری تدقیق ایدر . هر نظارتده کی محاسبه مدیرتی دخی بو باده ناظره معاونت ایدر . بو صورتله لزومسز کوریلان بعضی مصارف طی ، بعضیسی تنقیص ایدیلیر . شایان اعتراض اونایان مصارف عیناً قبول اولونور . و صکره طشره و مرکز مأمورلرینک نامی اورته دن سیلینرک حصوله کلن متن دوغریدن دوغریه ناظرک تنظیم ایتش اولدینی بر بودجه ، نظارت مصرف بودجه سی اولمش اولور .

رابعاً: بوتون بو بودجه پروژه‌لری مالیه ناظرینه تقدیم اولنور. مالیه ناظرى صفحات مختلفه احضارک و کنجیسیدر؛ مومى الیه کندی نظارتیه عائد مصرف بودجه‌سنى ده دیگر ناظرلر کبی حاضر لامشدر . شمدی وظیفه‌سى بوتون بومصارف بودجه‌لرینی جمع و توحید ایتک. یکانه بر مصرف پروژه‌سى وجوده کتیرمکدر .

مالیه ناظرینک ایکنجی وظیفه‌سى واردات عمومیه بودجه‌سنى یامقدر. ناظرلرک جمله‌سى مصرف ناظرلریدر: نافع، حربیه، بحریه، معارف الخ ناظرلری مصرفی ناظرلردر . واردات ناظرى دکلردر . فی الحقیقه بو نظارتلرک بر چوغنک بعض وارداتی واردر مثلاً حربیه و بحریه نظارتلرینک صائدقلری کهنه کمیلر و اشیادن آلدقلری واردات معارف نظارتینک مکتب اجوراتی کبی؛ بالخاصه بعض نظارات و دوائر واردرکه بونلرک مقصد تأسیسلری دولته واردات کتیرمکدر . پوسته تلغراف نظارتی، رسومات، دفتر خاقانی امانتلی کبی. فقط شوراسنی هیج بر زمان نظر دقتدن دور طوتماملیدرکه بونلرک وارداتی نظارتلرینه عائد دکلدر. بالنتیجه خزینۀ دولته کیرر. خزینۀ دولتک ناظرى ایسه یالکز مالیه ناظریدر . بناءً علیه دولتک واردات بودجه‌سنى، دوائر عائد سندن اخذ معلومات ایده‌رک؛ وجوده کتیرمک صرف مالیه ناظرینه عائد بروظیفه بر امتیازدر .

ایشته بوصورتله مصارف بودجه‌لرینک جمع و توحیدی و واردات بودجه‌سنىک تنظیمی الیه ، حصوله کان عمومی بودجه مالیه ناظرى طرفندن برای تدقیق و تصدیق مجلس وکلایه تودیع اولنور؛ بورادن ده مجلس مبعوثانه کونده‌ریله جکدر .

اگلاشيليورکه بودجه‌نك احضاري خصوصنده اک مهم وظيفه ماليه ناظرينه ترتب ايتکده در . ماليه ناظري مصارف بودجه‌لريني جمع ايده جک، بوني واردات بودجه‌سيه قارشيلاشديره جق وتوازن حصوله کلمسه چالیشه جقدر . بودجه‌نك يکونلريني باغلامق آننه کلديمي ماليه ناظرينک الی تیره ملیدر! توازن حصوله کایسه رف کنديسنه، کایسه، قباحتي نه کنديسنه راجع در . افکار عموميه ومجلس مبعوثان غير متوازن بر بودجه دن دولاي مسئوليتي هب ماليه ناظرينه يوکتمکه متايلدر . غلاستون ماليه ناظري ايچون «النده دائما متوازن بر ترازو اولديني حالده دیکتلي بر يولده يورومکه مجبور اولان آدم» دیردی .

ماليه ناظرينه بوقدر آغير بر مسئوليت يوکدنجه اوکا بر طاقم حقوق و امتيازات ده ويرمک لازم اوله جني خاطره کایر : مادامکه توازن وعدم توازن دن مسئول اولان کنديسيدر او حالده ، بودجه‌نك احضاري خصوصنده ، دیکري رفقاسنه قارشو بر حق مراقبه سي اولمي، ارقداشلرينک فضله طلب ايتديکي تخصیصاتي تنقيص صلاحيتني حائز بولمليدر .

فقط فعلياتده ممالك متمدنه‌نك اکثريسنده ماليه ناظرينه بو حق بخش اولنماشدر؛ نه کيم بزده ده نه قانون اساسيده نه ده اصول محاسبه قانوننده بويله امتيازي مشعر بر قيد مخصوص کوريله ماز . بوده سببسز دکلدر : في الحقيقه ماليه ناظرينه دیکر ناظرلره نظراً بر حق رجحان ويرمک مملکتک توازن ماليه سي نقطه نظر دن فائده لی اوله بيلير؛ لکن دیکر طرف دن بر ناظري دائره سي امور دن مسئول طو توب ده تخصیصاتنه ماليه ناظريني حاکم قيلمق مشکل الاجرا اولديني اونودلما ملیدر . بر جوق

ناظر لر بو تقدیرده تحمل مسئولیت ایتکدن استنکاف ایدر لر . بوکا  
بناء اکثر ممالکده قبول ایدیلن اصول ، مالیه ناظر یله ناظر عائی  
آرمنده بوباده اختلاف ظهورنده کیفیت مجلس وکلا یه سوق ایتکدر .  
بوراده کیفیت یامساعدات متقابله ایله حل اولنور و یا حل اولنه مازسه  
ومشله مهم ایسه بر بحران وکلا یله نهایت بولور ، یامالیه ناظر ی چکیلیر و یا  
ناظر عائی استعفا یه مجبور اولور .

کرچه هر سنه مالیه ناظر لر ی بودجه نك تنظيمنه ایتدار اولنه جنی  
زمانلرده دواثره تحریرات مخصوصه کوندره نك مصارفك تنقیصی  
لزو مندن ، حتی کن سنه یه نظراً دهافضاه اوله رق کلن بودجه لرك قبول  
اولنه میه جقندن بحث ایدر لر ؛ فقط بوتون بویانات بر تصرفه دعوت ماهیتی  
حائز اولوب قطعاً بر امتیاز مخصوص اوزرینه مستند دکلدر ؛ و دواثره  
بوکا هر حالده اتباعه مجبور اولدقلری کل یوم کورلمکده در ؛ یالکز  
مالیه ناظر لر ی ارقداش لر ی اوزرنده حقیقه بیوک بر نفوذ شخصی یه  
مالک بولنور ، تیهرك feroce تعبی ر یله دیمك ایسته دیکی وجهه ، پنجه لی  
اولورسه ، انجق اوزمان مالیه نظارتی ، حقوقاً دکل ، فعلاً حائز امتیاز  
اولمقده و دیگر نظاری تصرفه مجبور ایلیه بیلیمده در

مالیه نظارتنك نظارساثره اوزرنده قانوناً حائز رجحان اولدینی  
بر مملکتنه تصادف ایتك ایچون انكلتريه کیتمك ایجاب ایدر :

انكلتريه مالیه نظارتی تمثیل ایدن بر مجلسدر Board بوکا ( بورو  
دوتره زودوری Bureau de Trésorerie خزینه مجلسی ) نامی ویریلیر ؛  
یو مجلسك اعضاسی موقع اقتدارده بولنان قایینه نك الكفوذلی رجالندن  
مشکلدر :



باشد همان دایما قایمہ رئیسی اولان خزینہ برنجی لوردی  
 Le premier lord de la Trésorerie بولنور، بوندن صکرہ اصل  
 خزینہ ناظری chancellor de l' Echiquier ونہایت ینہ ہیئت وکلایہ  
 داخل اولان اوچ درت لورد Lord gunior ایله ایکی سہ قرہ تہر کلیر.  
 بوصورتلہ قایمہ نک اک نفوذلی اعضاسنہن یدی ویا سکز کشیدن  
 مرکب اولان خزینہ مجلسی طبیعتیلہ آرتق، سائر مملکتلردہ اولدینی  
 کبی، مصارف بودجه لرینی جمع وتوحید ایتکله قالہ ماز. بورواعضالرینک  
 اشغال ایتدیکی موقع مهم اونلرہ اولاً فعلاً مهم برنفوذ واقتدار بخش  
 ایتکده در. بوندن ماعداد قوانین اساسیہ دہ بوحق تأیید ایتکده باجملہ  
 مصارفی بالنتیجہ تعیین حقنی بورو دوترہ زوروریہ اعطا ایتکده در.  
 ۱۸۱۸ دن بری خزینہ مجلسی بوحق کمال موفقیتیلہ تطبیق ایدیور،  
 نظارتلرک زائد وفضلہ کوردیکی مصارفی اجتہادینہ کورہ تقیید و تنقیص  
 ایدیور. فقط فعلیاتدہ مجلس بوحقنی کمال احتیاط ایله استعمال ایتکده  
 ودایما نظار عائدہ سی ایله مذاکرہ و مناقشہ دن صکرہ ارقامہ بر شکل قطعی  
 ویرمکده در.

شوراسی دہ شایان ذکر درنہ بورو دوترہ زوروری نک بوحق  
 انحق، دوائر ملکیت یعنی نافعہ، عدلیہ، معارف، صنایع نفیسہ،  
 خارجیہ، مستملکات، خزینہ واخل نظارتلری حقندہ، کمال مطلقیتلہ  
 جاریدر. بوصورتلہ مصارف بودجه سنک نصفندن زیدہ سی مجلسک  
 حق تقدیرینہ معلق قالمش اولیور.

حربیہ و بحریہ مصارفی خصوصندہ بوحق بتون وسعت و شمولیلہ  
 تطبیق ایدیلمہ مکده در؛ اشبو نظارتلرلہ خزینہ مجلسی آرہ سندنہ

ظهوره كلن اختلافات عديده اوزرينه ۱۸۷۰ تاريخنده ويريلن بر قرار موحيبنجه حربيه و بحريه نك بودجه لرى كنديلرى تنظيم ايدى نك دوغرودن دوغرويه مجلسه تقديم واوراده مدافعه ايتلى اساسى قبول اولمش فقط برائى معلومات بو بودجه لرى بورويه بيلدىرملرى مجبوريتى تصريح ايدلمشدر .

بونكه برابر حربيه و بحريه نكستيانارى (مصارف بودجه لرى) ده بعضى قيوده تابعدر :

اولا: بورونك رضاسى اولمادن بودجه لرى نك تصديفى ديكشديريله مز- ثانياً: مصارف تزيب و ياتنقىص اولنه بيليرسه ده بورونك موافقتى اولمادن بوسبوتون يكي بر مصرف علاوه اولنه ماز .

ثالثاً: بورو تصديق ايتكسزين معاشات و ياتقاعديه حقتده هيچ بر اصلاحات وجوده كتيريله ماز .

ايشته بورو دوتره زورورى نك حائز اولدينى بو حق رحجان انكلام نك تقيض و تعالى ماليسنه تاثير ايدن اسبابك الكمهملرندن برى اولمشدر .

— ۳ —

بودجه نه زمان تنظيم اولئور ؟

بودجه بر زمان آتی ایچون یاسلیدیجی جهته عائد اولدیجی سنه یه کیرمزدن اول تنظيم ایدلمسی طبیعیدر: انجق بوصورتله سنه یه کیرمزدن اول الده مابه لتطبیق برقانون بولنش اولور. احوالده بودجه یی سنه یه کیرمزدن نه قدر اول تنظيمه باشلاملیز ؟

بودجه تخمین اساسنه مستنددر فقط بوتخمینک حقیقت حاله ممکن اولدیجی قدر یاقلاشمسی اقتضا ایدر؛ بو ایسه زمان تخمینک امکان دائره سنده زمان تطبیقه یقین اولمسیله قائمدر؛ اکر اوچ سنه صکره تطبیق ایديله جک بر بودجه یی شمدیدن تنظيم ایدرسهک ومثلاً بیک اوچوز او توزسنه مالیه سی بودجه سنی بیک اوچوز یکر می یدیده تنظیمه قالدیشیرسه ق تخمینا تمزده عظیم خطا لره دوشمه من محققدر؛ چونکه اوچ سنه صکره ویرکو حاصلاتک نه یه بالغ اوله جغنی، اشیا فیاتک و بناء علیه کمرک حاصلاتک نه قدر طوته جغنی، خلاصه بالجمله وارداتک نه مقدار حاصلات کتیره جگنی انجق پک مهم، پک قبا بر صورتده تخمین ایده بیلیرز؛ بوراده ارقامک سختی طبیعیه غایت آز اولور. فقط بودجه یی عائد اولدیجی سنه یه کیرمزدن الی آی اول، اوچ آی اول ونهایت برکون اول تنظيم ایدرسهک وقوعاتی درجه درجه دها یاقیندن کوره بیلرز: بومدتلر ظرفنده سنه آتیه ایچنده مملکتک نه کبی احوال قارشوسنده بولنه جغنی، محصولاتک اکتساب ایده جکی فیض وندرتی، احوال صناعیه و تجاریه نک اکتساب ایده جکی فعالیت وعطالتی، اشیانک فیاتتی، بحران مستقبل تجاریلری، حتی بحران سیاسیلری وبالنتیجه

مصارفك نه راده لره وارده بیه چكینی بزه کوستره چك بر چوق علائم و امارات موجوددر . بومار اتدن استنباط احكام ایدره ك ارقامی ممکن مرتبه حقیقه تقریب ایتك قابلدر .

دیك اولیور كه بودجه یی زمان تطبیقندن خیلی زمان اول تنظیم ایتنه ك برنجی محذوری بو صورتده تخمینا تده غیر مقصدی خطا لرك صدورینه میدان ویرمكدر؛ بودجه ك ناظم لری نه قدر نفوذ نظر صاحبی اولور لرسه اولسونلر ظلمات ایام ایچنه تماماً تنفیذ انظار ایتكه مقتدر دكلردر .

فقط بو حالك ایکنجی بر محذوری دهسا واردر : زمان تطبیقندن بعید اوله رق ترتیب ایدلش بودجه لرقصدی واختیاری بر طاقم خطیاتی مجالس ملیه ك وافكار عمومیه ك انظارندن صاقلایه بیلمك سیئه سنی ده داعیدر لر :

هر مملكتده مالیه ناظر لری بودجه ك واردات و مصارفی ممکن اولدینی قدر از فرقه توزین ایتك وظیفه سیله مكلفدر؛ فقط بوموازنت کیفیتی هر زمان طبیعتیه وقوع بولماز و دائماً ممکن اولماز . بعضاً مصارف وارداتی بك زیاده تجاوز ایدره؛ بویه بر بودجه یی مجلسه تقدیمه جسارت ایدمه بن مالیه ناظر لری « ایشته سزه متوازن بر بودجه تقدیم ایتكه مغتخرم » دییه بیلمك ایچون بعض وارداتی قصداً تزید و بوكا مقابل بر طاقم مصارفی ده بیه بیه تنزیل ایدر لر . مبعوثان تطبیقندن غایت اوزاق اولان بر زمانده بو حیلله ك بك فرقه وارده ماز و تنقیداتی تمامیه یوروده مر؛ فقط بودجه موقع تطبیقه وضع اولدینی زمان وارداتك فضله تخمین ایدیلدیکی بالعكس تخصیصاتك، بالالزام آز کوسترلدیكندن، کفایت

ایده‌میه جکی ظاهر اولور؛ یو تقدیرده مقدمه مجلس مبعوثانه متوازن بر بودجه تقدیمیه افتخار ایدن مالیه ناظری تخصیصات منضمه طلب ایدر، استقرضات قابولرینه مراجعت ایلر. متوازن طن ایدیلن بر چوق بودجه لک یا لکزیالانجی بر موازتی حائز اولدینی نیجه دفعه لر کورلمشدر .

خلاصه زمان تنظیمنه نظر آ بر مملکتده حقیقی بودجه موجوددر ویا دکلدر؛ زمان تطبیقه قریب اولارق تنظیم ایدیش بر بودجه صحیحدر و مملکتک عضویت اداریه‌سنه حاکمدر . زمان تطبیقه بعید اولارق باییلان بر بودجه غیر صحیحدر ، قصدی و غیر قصدی خطا لرله مالیدر بناء علیه ایلریده دیکشمیه محکومدر .

ایشته بو حقیقت ممالک متمدنه آکلاشیلدینی ایچین هر طرفده بودجه‌نك تنظیمی ممکن اولدینی قدر زمان تطبیقه قریب ایتکه سعی ایدیش حتی بعضلرنده تماماً موفق اولمشدر .

شیمدی مسئله‌نی ده‌ا یاقیندن تدقیق ایدرک بودجه‌نك احضارینه نه زمان ابتدار ایتک لازم کله جکنی تحری ایده‌لم :

معلومدر که بودجه‌نك احضاری ایچین اولا مأمورین محلیه مرکزیه اشعارانده بولنور ، اوندن صکره دوائر مرکزیه بو اشعاراتی جمع ، تعدیل و تصحیح ایدر ، نهایت نظر عائده‌سی بر ده‌ا بونلری تدقیق ایدر و درجه رابعه‌ده مالیه ناظری مصارف بودجه لرینی توحید و واردات بودجه‌سنی تنظیم ایدر . بوتون بونلر طبیعی برکونده یاسیله حق شیلر دکلدر . بو کابناء اولا قوه اجرائیه‌یه ایکی ، اوچ درت آی کبی بر احضار مدت ویرمک لازمدر . فقط بوده کافی دکلدر . سنه باشنده بودجه‌نك مابه‌التطبیق قانون حالی آلمسی ایچین بونک اولجه مجلس ملینک تصدیقیدن کچمه‌سی و بعده

حکمدارک اراده سنه اقران ائمه سی اقتضا ایدره؛ مجالس تشریعیه بونی قبول و تصدیق ایتزدن اول اوزون اوزادی به تدقیق ومذا کره ایدر. بناء علیه دوائرک مدت احضارینه برده مجالسک مدت تصدیق و تدقیقنی علاوه ایتک لازمدر. بومدت مملکته کوره دیکشیر: بعض یرلرده مجلس اموری نه دهاسرعتله کورر. هر مبعوث « حق کلام واردر » دیه دوغرویا کلش ناطقه پردازلغه هوس ایتز. ایشه بوکی مملکته ادرده بودجه نک تدقیق آذربمدتده ختام بولور. بالعکس بونک معکوسی برسجیه به مالک اولان مملکتلرده ایسه مدت تدقیق ومذا کره طبیعتیه ایجه اوزون اولور. بومدتى وسطى اولارق اوچ درت آی عد ایدر وبوکا نظارتلرک زمان احضاری اولان اولان ایکی اوچ آئی ده علاوه ایدرسهک بالنتیجه بودجه نک احضارینه سنه جدیده مالیهدن لااقل اتی آی اول ابتدار ایتک لازم کلدیکی تسین ایدر. بصورتله بودجه نک تنظیمه سنهدن آلتی آی اول ابتدار ایدن دولتر بولوندیگی کبی سکیز طقوز آی ونه ایت بودجه نی یوم تطبیقندن بر. بر بقی سنه اول احضار ایدیلن دولترلرده واردر. بوخصوصده ممالک مختلفه نی تلخیصاً کوزدن کچیره لم :

فرانسه بوخصوصده اک کری قالمش اولان دولترلردن بریدر. بوراده مجلس عمومی، هر مملکتده اولدیغی کبی، صوک بهارک صوکلرینه دوغرو طوپلانیر و بودجه سنه مالک اولمق ایچین استعجال کوسترر؛ مالیه ناظری ده کانون ثانی ویاشباط ایچنده بودجه نی تقدیم ایدره ؛ فقط فرانسه ده سنه مالیهده کانون ثانیدن کانون ثانی به قدر دوام ایدر. بوکا بناءً مثلاً ۱۹۱۳ کانون ثانیسنده تودیع اولنان بودجه پروژه سی اوسنه به عائد اولامز ؛ چونکه بودجه سنه به کیرمزدن اول

يايلىمق لازمدر . او حالده اشبو پروژه ۱۹۱۴ بودجه سیدر ۱۹۱۳ بودجه سی ایسه ۱۹۱۲ ابتدا سنده مجلسه ویریش و چوقدن مجلسك ورئیس جمهورك تصدیقنه اقتران ایله مشدر .

خلاصه فرانسه ده بودجه يوم تطبیقندن برسنه اول مجلسه ویریلیر؛ نظارتلرده بو بودجه نك احضارینه اوچ ، درت ، بش آی اول ابتدار ایتك لازم کله جکندن ، بو مدتی ده حساب ایده رسهك ، فرانسه ده کی بودجه نك احضارینه يوم تطبیقندن ، ۱۵ ، ۱۶ ، ۱۷ آی اول باشلانمسی اقتضا ایده جکی تین ایدر . بواصولك نه قدر سقیم اولدیغنی سویله مکه حاجت بیله یوقدر . بویله بر بودجه ده ارقامك صحتی پك قولای اولامایه جغندن ایلریده دکشمکه محکومدر . قرانسه بودجه سنده هر سنه عظیم بر مقداره بالغ اولان تخصیصات منضمه یی تولید ایدن اسبابدن بری ده بودر

بو خطایی تصحیح ایچین ایکی چاره متصوردر : بری مجالس ملیه یی ده اول اجتماع دعوت ایتك مثلا : مجلسه ایلولده طویلامق . بوضورتله زمان تدقیق برسنه دن اوچ درت آیه اینش و بودجه پروژه سنك تعطیل مدتله رنده مجلسه او یوماسنه امکان بر اقل مامش اولور . دیگر یی ده : سنه مالیه نك ابتداسنی تأخیر ایتك ومثلا سنه یی نیساندن نیسانه یا تموزدن تموزه عد و اعتبار ایتك . بوایکنجی حالده ده ینه اولکی نتیجه یه اصل اولونور یعنی مدت تدقیق کانون ثابیدن تموزه قدر اولمق اوزره آلتی آیه تنزیل ایدلمش اولور .

ملتک وکیللرینی بر آزداها ایرکن اجتماع دعوت ایتك ممکن دکدر . چونکه اونلرک هر سنه صولک بهارده اجتماعلری عادت و ضرورت حکمنه کیر مشدر .

سنه مالیه ابتدا سنك دکیشدیر یله سنه کلنجه ایشه اصل یاپیلاجق

اصلاحات بوراده در. بوتقدیرده نظارتلر مثلاً تشرین اولده احضاره باشلایارق اوچ ، درت آیده پروژه حصوله کلیر . کانون ثانی ویا شباطده مجلسه تودیع اولنور؛ درت، بش آیده ده بوراده تدقیق اولنور ، بو صورتله تموز ابتداسنده - تموزدن تموزه قدر عد و اعتبار اولنان - برسنه نك بودجه سی حصوله کلش اولور ، مدت احضارده بریحق سنه دن سکر ، طقوز آیه تنزل ایتیش بولونور. فرانسه ده بوسورتله سنه مالییه ابتداسنک تموزه نقی حقنده بری ۱۸۱۹ دیگری ۱۸۸۸ ده اولقی اوزرد. حکومت طرفندن ایکی تکلیف واقع اولمشده هر ایکی دفعه سنده قوه قانونیه نك اعتراضات سطحیه سنه اوغرایه رق عقیم قالمشدر .

فرانسه نك قبول ایتمه دیکی بواصولی ممالک متمنده دن بر چوقلری قبولده تردد ایتمه مشلردر :

از جمله انگکترده سنه مالییه نیساندن نیسانه قدر دوام ایددر . هر سنه تشرین اول ابتداسنده خزینه مجلسی مختلف دواثری بودجه لری تنظیمه دعوت ایلر . معاملات احضاریه ایکی ، اوچ آی دوام ایدر صوکره بوروده بر آی قدر تدقیقه بولونور، و پروژه نیساندن ایکی اوچ آی اول مجلسه کلیر؛ بوراده ده ایلریده مطالعه ایده جکمز قومیه لرده تدقیقه باشلانیلر . قومیتلر وظیفه سنی ایکی اوچ آیده بیتیرر ، نهایت نیسان ابتداسنده بودجه مجلسک هیئت عمومیه سته کیرر . بودجه نك اصل رسمی تقدیم کونی بو کوندر . « کون مالییه ناظری » بودجه اسپیش Budget Spitch دینیلن برنطق ایله بودجه سنی رسماً مجلسه تقدیم ایدر . حتی ایجاب ایدر سه قومیه لرده تقریر ایتیش اولان ارقامی بیاه دیکشیدیرر . یعنی سنه نك ایلک کوننده مالییه ناظری بودجه سنه



يکيدن صاحب اولور. هيئت عموميه بوضورتله بودجه ني سنه يه کيردکن صکره بر بر بچق آی ظرفنده تصديق ايدر وبومدت ظرفنده مملکت ايلريده ماهيتي مطالعه ايده جکمز موقت بودجه لره اداره اولنور .

بودجه نك سنه يه کيردکن صکره تصديق اولنماسي سايه سنده انكلترده ماليه ناظري آني يي کشف دکل عادتاً رؤيت ايدر . ارقامک تعلق ايده جيکي حادثات ارتق خريانه باشلامش اولوب کوز اوکنده در . بناء عليه تقديري دهـا صحيحـ دهـا قولـايدـر . ايـشته بـوندن دولـايدـر که انكلترده بودجه تخمينلري صاغلام بر اساسه استناد ايتمکده وبالخاصه اکثرياً ياکلش تقديردن دولايي ظهوره کلن تخصيصات منضمه لره پک اوقدر مراجعت ايذمه مکده در .

انكلترده بودجه نك مجلسدن چاپوق چيتماسنك اسباب متمدده سي واردر . اولاً : انكلترده مبعوثان چاپوق ايش کورمک طبيعته مالکدر . مجلسده بودجه مورينه آنجق صاحب اختصاص اولانلر قاريشير وبونلرده تدقيقاتي الكزياده قوميت لرده سردوبيان ايدر لر .

ثانياً : انكلترده قوه اجرائيه دائماً موقع اقتدارده بولنان فرقه نك الك شايان اعتماد رؤـاسـانـدن ، ليدر Leader لرندن مرکبدر : بونک ايچين قوه شريعيه هيئت وکلايه دائماً امنيت ايدر وعرض ايتديکي ارقامک اسرافات وسوء استعمالني احتوا ايتديکنه دائر شهده بولنماز ؛ فرانسه ده ايسه بالعکس قوه شريعيه قابينه حقنه دائماً بر عدم امنيت بسلر واونک هر رفتني تدقيق ايچين اوزون اوزادييه وقت صرف ايدر ، ثالثاً : بودجه لره تصديقاتنده تأخراتي ايجاب ايدهن احوال دن بريده .

بودجه متوازن اولمدينی زمان منابع واردات تدارکی ایچین مذاکرات  
مدیده ده بولمقده در . حالبوکه انکلتره عایت زنبکین برملکت اولدینی  
کبی تکالیفک درجه الاستیقتی ده ممالک سائرده دن زیاده در . بالخاصه  
اینقوم ناقس (ایراد عمومی وبرکیسی) غایت الاستیقتی بر ویرکیدر  
احتیاج زمانلرنده برنی ضمیمه ۲.۵ ملیون انکلیز لیراسی قدر  
فضله واردات آله بيلمکده در بناء علیه انکلیز لر وارداتک قیصه کلدیکی  
مشکل آنلرده منابع واردات تدارکی ایچون دیگر مملکتلرده کی قدر  
توقفه مجبور قالمقده در .

دردنچی بر سببده شودر: انکلتره ده فون قونسولده (Fondeconsolide)  
ذیلن بودجه نک ثابت بر قسمی وارددرکه مصارف جهتندن حکمدارک  
تخصیصاتی بعض حکماک معاشاتی، ایتم ارامل و متقاعدین تخصیصاتی  
و واردات جهتندن جای و اینقوم ناقس ویرکیدرندن ماعدا شیلری  
احتوا ایدر . بوارقام هر سنه یکیدن موضوع بحث و مذاکره اولماز .  
قوانین مخصوصه ایله بر کره ایچین قبول ایدلمش اولان واردات  
و مصارف مذکور قانون دکشدرلمه نیجه هر سنه عیناً بودجه به کچیریلیر  
و بودجه نک مذاکره سنده تکرار مذاکره اولتماز . بوده طبیعی مجلسه  
برآز وقت قازاندریر .

ایشته بواسابدن دولایی انکلتره ده بودجه ممالک سائرده نظر آدها  
سریع بر صورتده ، ۶ ، ۷ ، آیده، قانونیت کسب ایتمش اولور .  
آلمان ایمپراطور لغنده ، پروسیه ده وسائر بعضی آلمان حکومتانده  
دخی سنه مالیه نیساندن نیسانه دوام ایدر . سسکز طقوز آی اول  
بودجه نک احضارینه باشلانیلیر . درت بش آی قوه اجرائیه نک تنظیمی  
درت بش آی قوه تشریعیه نک تصدیقیه کچر .

هندستان ، دانمارقه و رومانیاده حال عیناً بویله در ،

ایتالیا و جاهیر متحده امریقاده رأس سنه مالیه تموز آی اعتبار ایدیلیر . بودجه مجلس مبعوثانه کانون ثانیده کلیر . قوه اجرائیهده بودجه بی تنظیم ایچون بوندن اول اوج درت آیه محتاج اولاجنی جهتله موازنه قانوننک احضارینه ۱۰۰۹ آی اول ابتدار ایدلمش دیمکدر . نوروچ ، قانادا . مکسیقا ، صربستان و ژاپونیاده دخی سنه مالیه تموزدن تموزه قدر دوام ایدر .

بلجیقا ، روسیه ، اسویچره ، هولاندا ، یونانستانده رأس سنه مالی فرانسده اولدینی کی کانون ثانی ابتداسیدر؛ بو حکومتلردن بلجیقا باشقه برطریقله بودجهنک زمان تطبیقی زمان احضاره تقریبه موفق اولمشدر . بوراده هر سنه نک بودجه سی بوسنه کانون نایسنده یعنی یوم تطبیق داخل اولدقن صکره ، محلسه تقدیم اولنور ؛ مجلس وظیفه تدقیق و تصدیقه بوندن صوکره ابتدار ایدر . فقط بوزمانده حکومت بودجه سز ایش کوره میه جکندن بر قاجر آیلق موقت بودجه لر Douzièmes provisoires تنظیم اولنور . موقت بودجه لرک محاذیر عیدیه می واردر . بونلری ایلروده کوره جکز ؛ لکن بلجیقا بو محذورلری ممکن مرتبه رفع ایچون موقت بودجه لری بر طاقم قیود قانونیه آلتنه آلمش ، بونلره بر شکل انتظام ویرمشدر . هر حالده بواصولک باشقه بر نقطه نظر دن محذوری اولسه بیله وقوعاتی دها یاقیندن . سنه ایچنه کیریلدکن صکره ، کورمک کی بر محسناتی حائر اولدینی ده انکار اولنه ماز . ملکه مزه کلنجه : بومشله حقنده اصول محاسبه عمومیه قانوننده ایکی ماده یه تصادف اولنور ] هر سنه نظار کنندی دائره لری مصارفاته

عائد بودجه لرینی احضار ایدره رک مفرداتیله برابر تموز نهایتنه قدر مالیه ناظرینه کونده ریرلر . مالیه ناظری خزینۀ دولته ناظری صفتیه مذکور بودجه لری تدقیق و کندی نظارتک مصارف بودجه سیاه دولته واردات عمومیه بودجه سنی ده علاوه ایدره رک دولته عمومی بودجه سنی وجوده کتیرر ] بویله جه تشکیل ایدن بودجه مجلس مخصوص وکلاجه تدقیق و تصدیق اولندقدن صکره صدراعظم و مالیه ناظری طرفندن امضائی بولندیقنی حالده متعلق اولدیقنی سنۀ مالیه ابتداسنده موقع اجرایه وضع اولنه بیلیمک ایچون دورۀ اجتماعیه نک عقیب کشاندنه مجلس مبعوثانه تودییع اولنور . ] ( ماده ۶ و ۷ ) . دیمک اولیورکه تموزده مالیه نظارتنه تودییع ایتمک ایچون دوائر عائدۀ سی بودجه لرینی لاقلا یکی آی اول حزیران ابتداسنده، احضاره باشلامالیدر؛ آغستوس، وایلول تشرین اول؛ ایلری ده مالیه نظارتی و مجلس وکلاجه تدقیق و مخبره ایله کچر و مجلس مبعوثانک یوم انعقادی اولان تشرین ثانی ابتداسنده بودجه مجلسه کلش اولور . درت آیدده بوراده تدقیق ایدلکدن صکره رأس سنۀ مالیمز اولان مارت ابتداسنده تطبیق اولنور بناء علیه مملکتتمزده بودجه نک احضارینه سنهیه کیرمزدن طقوز اون آی اول باشلامق لازم کلیور . مملکتتمزک حالنه کوره بواصول اولدقچه موافق در . لکن عجبا مجلس مبعوثان تدقیقاتی درت آیده اکمال ایدمیلیرمی ؟ فی الحقیقه شمدییه قدر بوکا موفق اولانه مادی فقط ایلریده بودجه نک قادروسی و تصنیفاتی تنظیم اولنور، وانی بر اصول تدقیق تأسیس ایدیلیرسه بو مدتک کافی کله جکی امید اولنور . بنابرین بعض مبعوثانک تکلیف ایتدیکی وجهه سنۀ مالیه مزنی نیساندن ویا تموزدن ابتدار ایتدیرمکه لزوم یوقدرظننده یز .

## بودجه حسابری

ژوستیون ، اکزرسیس

بودجه نك كيملر طرفندن و نه زمان تنظيم اولنديني اكلاشيلدقدن  
صكره بودجه نك فصل احضار اولنمى لازم كلديكي وبالفعل فصل احضار  
اولنديني مباحثى مطالعه ايلك لازم كلير ؛ فقط بودجه نك تنظيمى  
مسئله سنده ، بودجه حسابلرينك اشغال ايتديكي اهميته بناءً اول امرده  
بو حسابلر حقنده بعضى معلومات ويره جكز :  
بودجه بر سنه مالیه ايچون ياپيلير و سنه مالیه طرفنده جبايت  
ايديله جك واردات ايله تأديه ايديله جك مصارف او بودجه ده تخمين  
و تصديق ايديلير .

فقط هيچ بردولت يوقدر كه بودجه نك كنديسنه و يرديكي وارداتي  
بر الدن جبايت ايتسون ، مصارفاتي ده ديكر الدن تأديه ايله سون .  
بو صورته هيچ بر قيد و حسابيه تابع اولميرق ، هيچ بر نقطه ده  
توقف و تأمل ايله ميرهك ، الى آخرالايام دوام ايلك بر مسرفك حركتي  
نمونه امثال ايتمكدن باشقه بر شى دكلدر . مسرف كندى حال ماليسنى  
كندى كوزلرندن پيله صافلامق ايچون هيچ بر زمان توقف ايتمز .  
بر الدن آلير ، ديكر الدن صرف ايدر و هيچ بر حساب طوتماز ؛  
دولتك ده بو صورته حركت ايتمى طبيعتيله جائز اوله ماز ؛ بناءً عليه  
دولت بودجه سنى تطبيقه باشلاديني ، سنه يه كيرديكي ، آندن اعتباراً  
بودجه يه متوازيأ بر حساب طوتمغه باشلار . بورايه ، وارداتي جبايت  
و مصارفنى تأديه ايتدكجه ، بتون معاملاتى كوني كونه قيد ايدر .

نهایت مدت حسابیه سنك منتهاسنه كلديكي زمان بر آن توقف ایلر .  
اجرا آتی بر دهها کوزدن کچیریر ، تولد ایدن نتایججه کوره سنین آتیجه  
طرفنده استفاده ایدیله جك بر طاقم تجارب الله ایدر .

ایشته بودجهیه متوازیاً طوتیلان بو حسابك طرز تعمیقی خصوصنده  
ایکی اصول موجوددر : ۱ اکرزسیس (exercice)، ۲ ژه‌ستون  
(gestion) بو تعبیرانك بزم اصول محاسبه‌مزرده ، ترکیجه مقابلرینه  
تصادف اولمه‌میور. اکرزسیسندن باشقه برشی اولمیان اصول حسابیه‌مزم  
« بودجه حسابی » ندن غیری بر نام ویرلمیور. کرچه ژه‌ستون مقابلی  
اولیق اوزره « اداره حسابی » (دها اوللری بوکا ذات وزمان حسابی  
اسمی ویرلمشدی) نامی موجودسه‌ده بوندن قصد اولنان صرف محاسب  
مسئوللارك طوتدینی حساب اولوب، اکرزسیسندن باشقه بر طرزده اولیق  
اوزره، عموم بودجهیه متوازیاً بعض مملکتلرده طوتیلان حساب دکلدر .  
اولا ژه‌ستونك نصل بر حساب اولدینی ایضاح ایدلم :

ژه‌ستون [ بر سنه مالیه ظرفنده بالفعل جبات ایدیلن واردات ایله  
تأدیه ایدیلن مصارفی احتوا ایدن حسابدر . ] محاسبه‌سنده ژه‌ستون  
اصولی تطبیق ایدن دولتلرده بر سنه‌نك بودجه‌سی تطبیقه کیرر کیرمز  
حسابده دیکشیر. سنه ایچنده فعلاً وقوعه‌کلن بالجمله مصارف ایله جبات  
ایدیان واردات بر حساب قید اولنور و سنه‌نك صوك کونی ختامه ایرر  
ایرمز همان بو حسابده قطع اولنور ؛ قاصه وارداتندن مصارف تنزیل  
اولنهرق بقیه همان یکی سنه ایچون آجیلان حسابك ابتداسنه قونور  
ویکی سنه حسابی اسکی سنه‌ده اولدینی کی دوام ایدر. ژه‌ستون اصولی  
تطبیق اولنان مملکتلرده سنه‌نك صوك کونی کلیر کلز بودجه اولمشدر.

او بودجه‌نك اجراسنه آرتق یکی سنه ابتداسنده دوام ارنماز ؛ حتی اجرا اولنش بولسان بعض امورك مقابلری اکر سنه ایچنده تأدیه اولنمامشه آرتق او بودجه‌دن تأدیه اولماز ؛ او سنه‌نك بودجه‌سنه فی مابعدیکی سنه بودجه‌سی وارث اولمشدر بنام علیه بقیه واردات و مصارف همان یکی سنه بودجه‌سنه کچیر یایر و بوندن صکره کړك واردات کړك مصارف، هانکی سنه بودجه‌سی نامنه تأدیه و جبات اولنور سه اولسون، وارث اولان بودجه ایچون آجیلان ژمستیونه قید ایدیلکه باشلانیر . خلاصه بودجه فصل اون ایکی آیدن اون ایکی آیه قدر دوام ایدرسه ، ژمستیونده بو صورتله اون ایکی آیدن اون ایکی آیه قدر دوام ایدرو یکی بودجه ایلر برابریکی ژمستیونه باشلانیر .

حالبوکه ژمستیونك مقابلی اولان اکزرسیس باشقه نوع بر اصول محاسبه‌در : اکزرسیسی تعریف ایتزدن اول کیفیتی بر مثل ایلر ایضاح ایدم : مثلاً بر زنکین آدم بر سنه‌نك وارداتدن اوده‌نك اوزره بر چوق مواد و اشیا سپارش ایدر : موبله‌لر، مابوسات و مأکولات اعمال و احضاری ایچون متعهدلرینه امر ویریر . فقط اوله بیلیرکه متعهدلر بو اموال و اشیا تامماً اوسنه ایچنده تسلیم ایده‌مزلر و یا تسلیم ایتسه‌لر بیلر نوطاریخی وقتنده یتشدر مزلر و یا او زنکین نوطاری تفتیشه وقت بوله‌ماز و حتی لاسب او سنه‌نك صوك کونلرنده تأدیاده بولنه‌ماز . تأدیات مارت ، نیشان آلیرینه قالیر حالبوکه بو آدم بو مصارفی اسکی سنه بودجه‌سندن اوده‌مك اوزره اختیار ایتشدری شیمدی اکر اسکی سنه بودجه‌سی حسابی قیارسه بونلری یکی سنه بودجه‌سندن اوده‌مسی لازم کله‌جک . بو ایسه اونك حساباتی قاریشدره بیلیر . او حالده

بو آدم شویله جه حرکت ایدر :

یکی سنه ایچین آریجه بر حساب آچهرق بو سنه عا ئد اولان  
مصارف و وارداتی بورایه قید ایدر فقط عینی زمانده اسکی سنه عا ئد  
اولان حسابی قیامینی بر ایکی آی تأخیر ایلر؛ بو مدت ظرفنده صرف  
اسکی سنه عا ئد اولاق اوزره وقوعبوله جق تأدیاتی ایله آله جی واردات  
بقیه سنی ینه بورایه قید ایدر ؛ بر ایکی صکره بو بقایادن قسم اعظمکده  
آرقه سی آله جی جه تله اوزمان بواسکی حسابی قیام. ایشه بوصورتله  
بو آدمک یکی سنه ابتداسنده ایکی حسابی بولنش اولور ری اسکی سنه  
عا ئد حساب، دیکری یکی سنه عا ئد حساب ...

دولترلده عیناً بویله در بر سنه بودجه یله تعیین ایتدکاری مصارف  
و وارداتک بر قسمی تام سنه صوکنه قدر اجرا وجبات ایدیله من مثلاً  
بر بنا یایلمش ختامی بر آیه متوقف، بوبنساک پاره سی تماماً انحق بر  
آی صوکره اوده نه ییله جکدر ؛ حتی بودجه ده محرر بر جوق امور تماماً  
ایفایدلش فقط اوراق مثبته و ساره سی تدقیق ایدلک وقته محتاج اولدیغندن  
تأدیات انحق یکی سنه ابتداسنده وقوعه کله ییله جکدر ؛ کذا واردات ده بویله در  
بر سنه بودجه سنه عا ئد اولان وارداتک بر قسمک جباتی بر ایکی آی  
تأخر ایده بیلیر؛ بوقیه واردات و مصارف حقیقت حالده کچمش بودجه یه  
راجعدر؛ بوقیه یی طویلامق ایجاب ایدر؛ احوالده سنه ابتداسنده آچیلش  
اولان بودجه حسابی قیامقده استعجال ایتمه مک ، بناء علیه او بودجه یه  
عا ئد اولان حسابک برقاج آی ده ا جریانه میدان ویرلک ایجاب ایدر؛  
دیمک اولیورکه اکزرسس اصولنده دوره حسابیه سنه مالیه دن فضله در،  
برسنه مالییه عا ئد اولان حقوق ووظائف ، واردات و مصارف طویلامق



ايچون هر مملكتده بودجه حسابي سنه ماليه نك صوكنجي كوني قبادماز .  
مملكتك قانونلرنده تصریح ايديلن ، ايكي ، اوچ ، درت آي كجي بر  
« مدت متممه Période Complémentaire » ظرفنده دها اسكي حساب  
آچيق طوتولور واسكي سنه نامه وقوع بولان معاملات بورايه قيد  
اولور . [ \* ]

ينه بك قولايقله اكلشيليركه اكر رسييس اصولنده هر سنه ماليه  
ابتداسنده ايكي حساب موجوددر . بري كچمش سنه نك مدت متممه سي  
حسابي ديكری يكي كيرن سنه نك يكي آچيلمش بولان حسابي . . بوايكي  
حساب يكدیكريله قاريديرلماز بري يكي سنه يه عائد اولان معاملات طوپلار  
ديكری كچمش سنه يه عائد حقوق و وظائفك بقیه سنی جمع ایلر . احواله  
اكر سيسي [ برسنه بودجه سنه عائد اولان واردات و مصارفي اوسنه نك  
ختـامندن صكره ، بر مدت معينه و متممه ظرفنده دخي طوپالايان اصول  
محاسبه در ] ديه تعريف ايتك اقتضا ايدر .

خلاصه : دوره حسابيه هر برده بودجه دوره نك يعنی سنه ماليه نك  
مطلقا عینی دكلدر . فی الحقیقه ژه ستيون و اكر رسييسك هرايكيمي يالكر  
برسنه بودجه سنه عائد اولان واردات و مصارفي جمع ايدر ؛ فقط ژه ستيون  
اصولی تطبیق اولان يرلرده بودجه دوره سي كچكدن صكره ، او بودجه نك  
موروثاتی همان يكي بودجه يه نقل اوله جني جهته ، اسكي بودجه نك  
هيچ بر حقوق و وظائفی قالمامشدر ، بناء عليه دوره حسابيه نك ده تمديدينه

[ \* ] دوره متممه حساباتك صورت جرياتي آكلامق ايچون « بودجه نك  
اجراسي » قسمنده « بودجه نك قبادلسي » فصلنه مراجعت اولمليدر .

حاجت يوقدر . او حالده ژهستيوني قبول ايدن حكومتلرده دوره حسابيه بودجه دوره سنه يعنى سنه ماليهيه مساويدر .

بالعكس اكر سس-يس اصولى تطبيق اولنان ممكنكلرده يكي بودجه هان اس-يكي بودجه نك موروثاته مالك اوله ميه جني جهته او بودجه نك جريانه و حسابانك تصفيه سنه دها برقاچ آي مساعده ويريلير او حالده دوره حسابيه سنه ماليه و بونك متممى اولان برقاچ مجموعندن ( مدت متممه ) عبارت اوله رق سنه ماليه دن فضله بر مدت دوام ايدر بومدتك مرورندن صكره اسكي بودجه نك برقه جني جزئى حقوق و وظائف يكي بودجه يه دور اوله رق بونك ده حساباتى يكي اكر سسيه نقل اولنور .

### اكرزسيك و ژهستيونك محسانات و محاذيرى

هرشيدن اول شونى سويله يلم كه بوايكي اصولدن برينك محسانى ديكري نك محذوري تشكيل ايدر . يعنى اكرزسيك محسانى ژهستيونك محاذيرى و ژهستيونك محسانى ده اكرزسيك محاذيرى ديمكدر .

اولا اكرزسيك محسانى يعنى ژهستيونك محاذيرى :

١ — اكرزسيك اصولى ايني و حقيقى بودجه لرك تنظيمه مدار اولور ؛ تعبير ديكره بواصولده تخميناتك تطبيقاته نه قدر ياقلاشد يني دها قولايقله كورولور .

هرهانيكي برسنه نك بودجه سنده اخذ موقع ايده جك اولان ارقام شبهه سزكه بعضى قرانته نظر آتمين اولنور . دها واضح بر تعبيرله ديلم كه برسنه نك بودجه سى بايله جني زمان سنين سابقه بودجه لرينك حين تطبيقده تعين ايدن ارقامى رهبر تقدير اتخاذ اولونور . بناءً عليه اس-يكي سمنلر بودجه لرينك تطبيقاتى نه قدر ايني بر صورتده جمع ايديلش اولور سه ، يعنى

تخمیناً تمیزه اساس اتحاد ایدہ جکمز ارقام حقیقہ نہ درجہ متقرب بولورسہ،  
بودجہ یہ وضع ایدیلہ جک ارقام دہ اودر جہ قطعی و حقیقی اولمش اولور. بویہ  
حقیقی بودجہ لر تنظیمی ایسہ آنجق اکزرسس اصولنک تطبیقی ایلمہ نمکندر.  
مثلاً : سنہ مالیه نك صوك کونلرنده اختیار اولمش و فقط هنوز  
تادیہ ایدیلہ مش بعض مصارف واردر ؛ حربیہ نظارتی شہباط آیلرنده  
برطایم طوب صاتین آلمش لکن هنوز پارہ سنی ویرمہ مش ویا بعض واردات  
تحقق ایتمش فقط هنوز جبات اولنامہ مش، و بوائنادہ یکی سنہ مالیه -  
دولت عایہ عثمانیہ نك سنہ مالیه ابتداسی مارت اولدینی یوقاریدہ کورلمشدی - دہ  
حلول ایتمش بولور؛ و بوسیدیه یکی بودجہ نك تطبیقہ باشلانیر .

شیمدی مارت ابتداسندہ اسکی بودجہ حسابی ہان قابایہ جق یعنی  
حساباندہ ژہستون اصولی قبول ایدہ جک، اولورسہ ق بوبقاییابی یکی سنہ  
ژہستیونسہ قید ایتمکہ مجبور اولہ جقز؛ و بوضورتلہ ہم ایکی سنہ نك معاملاتی  
یکدیگر سہ قاریشدیر مش ہم دہ اسکی سنہ تخمیناتنک تطبیقاتہ نہ قدر یا قلاشدیغی  
آکلامامش بولنہ جنز . چونکہ بقیہ لری هنوز طویلاما مشزدر .

حالبوکہ اکزرسس اصولنک تطبیقندہ بوغذور بر درجہ یہ قدر مندفع  
اولور ! چونکہ اسکی سنہ حسابی بر قاچ آی دہا آجیق بولوندر مقلہ  
بوبقاییابی طویلامغہ امکان بخش ایتمش اولورز. فی الحقیقہ بومدت ظرفندہ  
بقایانک اکثریسی طویلانہ بیلیر. و بودجہ نك تخمیناتنک تطبیقاتہ درجہ  
تقریبی دہا واضح و عیان بر شکل اکتساب ایدر .

بالتیجہ بونک یکی بودجہ لر تنظیمندہ دہا قوی بر اساس اولاحنی  
ظاہر ددر. چونکہ یکی بودجہ تخمینہ اساس اولمق اوزرہ دہا تام ارقام

الدہ ایتمزدر . ژہستہ بوندہ ایسہ بالعکس ارقام دھا ناقص اولارق طوبلاندینی ایچون بونقطہ نظر دن بر محذور اساسی موجوددر .

۲ اکزرسیس اصولی بودجه لری قابل مقایسہ قیلار . چونکہ ژہستہ یون تطبیق اولوندینی زمان برسنہ ظرفندہ کی معاملات عینی بر حسابہ یازیلہرق ۲۸ شباطدہ بتون حسابات قایانیر ؛ بر سنہ کلہ جک سنہ یہ عائد اولان بعضی وارداتک تقدیم جباتی . وبابعضی مصارفک بر قاج کونلک تأخر تأدیہ سی حسابیلہ بودجه دھا متوازن کورینور ، دھا فضله وارداتلہ قپانہ بیایر . فقط بو حقمسز بر توازن دز . معکوساً دیگر بر سنہ بعض وارداتک جباتی دھا بر قاج کون تأخر ایدر ، وباحسب الایجاب بعض مصارفک تأدیہ سی تقدیم ایدیلیر ؛ بودجه دہ بر آجیق کوریلور . فقط بوده حقمسز بر آجیقدر . چونکہ اوسنہ بودجه سی کندیسنہ عائد اولان حقوق وظائفی تماماً جمع ایتہ مشدر . بناء علیہ بوایکی سنہ بودجه لری ، سنہ صو کندہ ، مقایسہ اینک دوغرو اولماز . چونکہ بریسنده کوریلان فضله واردات ، دیگرندہ کوریلان آجیق دوغرو دن دوغرویہ اوسنہ لک واردات و مصارفندن متولد دکلدر .

حالبوکہ اکزرسیس اصولندہ بو محذور مندفع اولور . چونکہ سنہ لری ، ممکن مرتبہ ، بر برینہ قاریشدیریلہ مش ، هر سنہ یہ عائد عناصر آری جمع ایدیلشد . بویله متجانس عناصری مقایسہ ایتکده طبعی دائرہ امکانده در .

۳ -- اکزرسیس اصولی بودجه دہ تجاوز تخصیصات واقع اولورسہ بونک کیزلیجه سنہ آتیہ دورینہ میدان ویرمز ؛ باخود دھا عمومی بر صورتہ

افاده ایدلم : کیره جک سنه وارداتک جبایتی تقدیم ومصارفک تأدیہ سنی  
تأخیر ایله یکی سنه بی اسکی سنه لهنه متضرر ایتمز :

بونو برآز ایضاح ایتک اقسایلر : مثلاً حربیه ناظری سنه مالیه  
ظرفنده بودجه سنده کی طوپ تخصیصاتی تماماً صرف ایتمش اولور . حتی  
تخصیصاتدن فضله بر مقدار بورجی قالمش بولور . بونی طبیعتیه تخصیصات  
موجود اولمادینی ایچین تأدیہ ایدمه . بومشکلات قارشیدنده حربیه ناظری  
آله جقلو سنه دیرکه : « طوپلرک بودجه ده تخصیصاتی قالمایان قسمک ،  
تسلیم وتسلمه ادائر اولان اوراقی ۲۸ شباطده دکل برمارتده مبادله ایدلم »  
حربیه ناظری بوتقدیرده بودجه سنک طوپ نصانی تجاوز ایتمشدر ،  
بوکندیزی ایچین موجب مسئولیتدر . حتی فصلنده تخصیصات اولمادینی  
ایچین بوباره ک تأدیہ سنی دخی امر ایدمه . فقط اگر ژستون اصولی  
تطبیق اولیورسه ، حربیه ناظری ، تسلیم وتسلم اوراقی یکی سنه مارتی  
ابتداسنده مبادله ایتکله واوراق تأدیہ بی اوزمان امصالامقله ، بوتجاوز  
وتخصیصاتی بلای ایتمه مش اولیور بوتقدیرده باره کی سنه حسابندن تأدیہ  
ایدملکله ده بالذبحه یکی سنه بودجه سی اسکی سنه بودجه سی لهنه متضرر  
اولمش اولیور .

ایشته اکزرسیس اصولی بوکامانعدر . چونکه او طوپلرک تخصیصاتی  
یکی سنه ابتداسنده اودنسه دخی مادام که اسکی سنه بودجه سنه توفیقاً سپارش  
اولمشدر ، او طوپک پاره سی اودنک ایچون ینه اسکی سنه بودجه سنده  
تخصیصات قالب قالمادیغناقیلاجق وتجاوز وتخصیصاتک میدانه چیقاجقنی بیلان  
ناظر بو حیلده جسارت ایدمه جکدر .

بوندن ماعدا بمضاً اولور که سنه‌صو کنده اوسنه وارداتنک مصارفه تماماً  
تقابل ایتدیکی کوریلور. بوتقدیرده اوسنه وارداتی ممکن مرتبه مصارفه تقریب  
ایده بیلیمک ایچین، مالیه ناظری ژه‌ستیون اصولی سایه‌سنده، دیگر برحیله به  
توسل ایده بیلیر. هر یرده حکومتک یکی سنه مالیه ابتداسنده جبات  
ایده بیله‌جکی بعض بویوک آله‌جقلری واردر. مالیه ناظری مشکلاته  
اوغرادینی زمان همان مدیونلرله اویوشارق اشبو وارداتک جباتینی برقاچ  
کون تقدیم ایدر. پاره‌ینی شباط صوکنده آلیر. فی‌الحقیقه اوزمان واردات  
مصارفه توازن ایدر. فقط ینه یکی سنه، وارداتنک بر قسمندن محروم  
ایدلمش اوله‌جینی جهته، اسکی سنه لهنه اولمق اوزره متضرر ایدلمش  
بولور. ایشته اکزرسیده بودخی ممکن اولماز. چونکه یکی سنه  
وارداتی برقاچ کون اول آلنه بیله یکی سنه اکزرسیسنه راجعدر  
ویناء علیه مالیه ناظرینک بو حیه به توسل ایتمه‌سنده بر فائده متصور  
دکدر.

ثانیاً ژه‌ستیونك محسناتی و بالمقابل اکزرسيسك محاذیری.

أ -- ژه‌ستیون معاملاتی تعجیل ایدر. چونکه شباط صوکنه  
کدکمی حساب قطع اولنه‌جق و بقایایی طویلامق ایچین اوزون مدت بکله‌مک  
لازم کلیه‌جکدر. بوندرده شوفائده تولدايدر: محاسبه قطعیه قانونلری  
هر یرده بودجه حسابانه استناد ایتدیکندن، ژه‌ستیون حسابک قایاناسنی  
تعجیل ایتمش اولمقله. محاسبه قطعیه قانونلرینک ده ایرکن حاضر لائمش  
اولسنه بادی اولمش اولور. بو حالده قوتترول تسهیل و تفتیشک قوتی تزید  
ایدلمش دیمکدر. چونکه قوتترول معامله‌سی نه قدر تأخر ایتمش اولورسه

قوتی اودرجه آزالير : مجلس ملی موقع اقتداردن دوشميش اولان ناظر لرك حساباتی قتيئشده اوقدر بيوك بر فائده كورمديكي حالده، حساب سەنك عتيبنده و ناظر هنوز موقع اقتدارده ايكن تقديم ايدلمش اوله جق اولور سه بالعكس مجلسك نظر دقتي حلب ايدر و محاسبه قطعيه قانونلري ده دقتله تعقيب ايدلمش اولور .

٣ -- ژەستيون اصولی بودجهيه اساس تخمين اوله رق النه جق ارقامك ممكن مرتبه اك صوك ارقام اولسني تأمين ايدر . مثلاً : ٣٢٩ بودجه سەنك تخمينه ٣٢٨ سەنك حزينانده ابدار ايدە جكز . طبيي ٣٢٨ سەسي ارقامني اساس تخمين اولارق آلاماز . فقط اكر ريسيس اصولی تطبيق اولتمده ايسه ٣٢٧ سەسي ارقامني ده آلاماز . چونكه شيمدی كوره جكمز وجهله ٣٢٧ اكر ريسيسك ارقامی آنجق ٣٢٨ اغستوسنده تعيين ايدە جكدر .

لكن ژەستيون اصولی تطبيق اولنيور سه ٣٢٧ سەسي ارقامی آله بيليرز . چونكه بوارقام ٣٢٧ سەسەنك ٢٨ شباطنده تعيين ايتشدر . ايشته بوصورتله ژەستيونده يكي سە بودجه سە مدار تخمين اولق اوزره ممكن مرتبه اك صوك ارقام آله بيلديكي حالده اكر ريسيسده دهاسكي ارقامه مراجعتە مجبوريت حس اولنيور . وبوصـورتله تخمينك قوتی آزالمش اوليور .

٣ -- ايلريده كوريله جك دركه برسە بودجه سەنده موجود اولديني حالده صرف اولونامايان بقيه تخصیصات دورە حسابيه صوكنده ابطال اولنه رق او بودجه سەده حقيقي بر تصرف تأمين ايديش اولور . بوكا

« ابطال تخصیصات annulation de crédit » دینیر . ایشته اکزرسیس اصولی بو ابطال تخصیصاتی عدیملامکان دکلستهده پک مشکل قیلار . بر مثال ایله ایضاح ایدلم: مثلاً: مالیه نظارتی بودجه سی محروقات فصلنده موجود بشیوز بیک غروشدن یوزبیک سیه می ایچنده صرف ایدیله مش اولسون . اوحالده شباطدن صکره بوقسم تخصیصات ابطال ایدیلک لازم کله جک . شیمدی اکزرسیس اصولی جاری اولدینی زمان ایکی حسابک - اسکی سنه دورء متممه سی حسابی یکی سنه حسابی - آجیق بولماسندن استفاده ایده بیان مالیه ناظری بو پاره نك ابطال ایدیله سی ایسته من ؛ یکیدن و اوسنه ایچون کمور سپارشنده بولور ؛ تأدیاتی اسکی سنه بودجه سندن ، هنوز صرف اولنماش اولان ، محروقات فصلی بقیه سندن یاپار . فی الحقیقه شیمدی کوره جکمز وجهله اسکی سنه نك دورء متممه سی ظرفنده انجق بالذات سنه مالیه ایچنده اجرا ایدیش اولان مصارفک تأدییه سی جائز اولوب دورء متممه ظرفنده یکیدن مصارف تعهداتی غیر جائز بولندیغه دائر صراحت قانونیه واردر . لکن مصرف ناظرلری دائماً بونک قولایخی بولورلر ؛ تعهدلری یکی سنه مارتنده بایدقلری حالده اوراق تعهدیه وتسلیحیه بی کچمش سنه تاریخیله تنظیم ایچون متعهدلرله اویوشورلر . نته کیه مالک تمندنده دیوان محاسباتلر بوبولده برچوق سوءاستعمالات میدان چیقارمشلردر . بوکابناء بعضی مؤلفلر اکزرسیس اصوله « ابطال تخصیصاتک مزاری tombeau de l'annulation » اطلاق ایله مشلردر . ژهستون اصولنده ایسه یکی سنه یه کیردکدن صکره اسکی سنه بقیه تخصیصاتی صرفه امکان اولدینی جهتله بونقطه نظر دن برفانده دیگر واردر .



## تطبیقات :

ممالك متمدنه دن بك آرز قسمی ژهستیونی واكژیسی اکزرسیسی قبول ایتشلردر .

اکزرسیس اصولی قبول ایدنلر میاننده دولتمزله فرانسه کورو -  
لمکدهدر . فرانسهده سنه مالیه کانون ثانی دن کانون ثانییه قدر امتداد  
ایتدیکی حالحه دوره حسابیه کانون ثانی ابتداسندن ایرتسی سنه نیسانك  
غایه سنه قدر دوام ایدر . بناء علیه بوراده دوره حسابیه اون آلتی  
آیدن عبارتدر .

بزده اصول محاسبه عمومییه قانون موقتنده شومادله تصادف اولمقدهدر :

[دوره حسابیه بودجهك احتوا ایتدیکی امور وخدماتك ایفایی  
ومعاملاتك تسویه سی مدتیدر بر دوره حسابیه بودجهك تعلق ایتدیکی  
برسنه مالیهك مارتی ابتداسندن شباطی نهایتیه قدر ایفایا ایدیان امور  
وخدماتی واكتساب اولنان حقوقی محتویدر] ماده : ۲ [سنه سی ایچنده ایفایا ایدیان  
امور وخدمات واكتساب اولنان حقوقدن دولایی اصحاب استحقاقه دین  
اولان مبالغهك تحقق وامر اعطا وتأدیه معاملاتی و وارداتك تخصیلاتی  
نیسان نهایتیه قدر اودوره حسابیه عائد اولمق اوزره دوام ایدر .  
آنحق نیسان نهایتیه قدر وقوع بولان تأدیاتدن تاریخ مذکوره دکن  
بودجه دن محسوبي اجرا ایدیلهمه مش اولانلرك محسوبیه متعلق وبوکا  
مقتضی معاملات آغستوس غایه سنه قدر اجرا ایدیله بیلور . ] ماده : ۳  
شو حالحه بزده دوره حسابیه مارت ابتداسندن ایرتسی سنه آغستوس  
نهایتیه قدر یعنی اون سکنز آی دوام ایدر . دیمك که مدت متممه

الئی آیدن عبارتدر . آنجق بوآلئی آیک ایلاک ایکی آینده سنهسی ایچنده ایفا ایدیان امور وخدمات واکتساب اولنان حقوقدن دولایی اصحاب استحقاقه دین اولان مبالغه تأدیه معاملاتی ووارداتک تحصیلاتی دوام دوام ایده بیلدیکی حالده صوک درت آیده آنجق محسوب معامله اجرا ایدیه بیلوب اسکی سنه نامه یکیدن تأدیه وجبات معاملهسی باییله ماز، نته کیم بوبابده ایلریده، بودجه نك قیاماسی بختنده، ده از یاده تفصیلات ویریه جکدر . انکلتزه وایتالیا حکومتلری ژهستیون اصولی قبول ایتشلر مع هذا بواصولک محاذیرینی تخفیفه چالیشمشردر :

انکلتزده حکومت نامه تأدیاده بولنان و حکومتک وارداتی جمع وتمرکز ایتدیرن انکلتزه بانقه سیدر . بانقه ژهستیونی هر سنه نپسانک برنجی کونی آچار واونی متعاقب اولان مارتک ۳۱ نجی کونی اقشامی، - وارداتدن نه قدری جبات ایدیش و مصارفاتک نه مقداری تأدیه ایدیش اولدیغنی اصلا نظر دقته آلمایه رق - عینی ژهستیونی قاپار .

یوقاریده ژهستیون اصولنک حال مالی پی لایقیه توضیح ایتهدیکندن ومختلف سنه لر واردات و مصارفی یکدیگرینه قاریشیدریدغندن بحث ایتشدک . بومهم برمحذوردر . فقط انکلتزده بومحذورک اهمیت بالنبه آزادلمشدر . چونکه اولان انکلتزده واردات جهتدن بقایا اقل قلیل مرتبه سنه در . کچن سنه دن بوسنیه نه قدر بقایا قالمشسه بوسنهدن ده کله جک سنه یه اوندن پک فرقلی بقایا قالمیه جفتدن بو جهتدن حسابات تشوش ایتمز . مصارف جهته کانه انکلتزده سنه مالیه نك صوک کونسه قدر تحق ایدوبده تأدیه اولنماش اولان مصارف سنه صوکنده تأدیه اولنمش کبی ژهستیونه مصرف قید ایدیلیر ؛ دیگر طرفدن بومبلغ " مصرف ناظری

Paymaster général « نامیله معنون اولان بر محاسب عمومینک حسابنه ایراد قید اولنور . بوصورتله ژهستیون مهمالمن اتمام ایدیش و مختلف سنه لر مصارفی یکدیگرینه قاریش دیرلماش اولور و تأدیات متأخره اشبو خصوصی حساب اوزرندن یورودیلیر .

ژهستیونک سنه صوکنده بعضی واردات نقصان کلنجه سنه آتییه عاقد واردات بر آرتقدیم ایدیلهرک نقصانک تلافی ایدیلهسی، و یا تخصیصاتدن بر قسمک کیزلیجه سنه آتییه دور ایدیلهرک تجاوز تخصیصاتک صافلانسی کبی مهم بر محذوری دها واردی، انکلترده بو محذور دخی شدتی غائب ایله یور .

بر کره انکلترده بو حاله میدان ویرمه مک ایچون تفتیشات متدیه اجرا ایدیلور . بوراده ، ایلریده مطالعه ایده جکمزودیوان محاسبات مقامنه قائم اولان قونترولور (Contrôleur auditeur général)، بوکی سوء استعمالک سنه صوکنده اجرا ایدیله بیله جکی تحمین ایتدیکی ایچین بالخاصه بو زمانلرده اجرای تفتیش و تقید ایلر . وایکی سنه واردات و مصارفاتک یکدیگرینه قاریش دیریلوب قاریش دیر یلادیغنی دقتله مراقبه ایدرک راپورنی مجلسه تقدیم ایلر . بو تفتیش احتمالی شبهه سزکه بر چوق سوء استعمالات تصدیاتک اوکنی آیلر .

فقط بو مملکتده اصل بو محذوره مانع اولان نقطه یی انکلیزلرک اخلاق سیاسیله رنده ارامق لازم کلیر . بوراده ناظرلرک طبیعت و اخلاق سیاسیله یوکی کوچو کدکلره تنزل ایتمه لرینه مانعدر . انکلترده ناظرلرله پارلمنتو دیگر بعضی مملکتلرده اولدینی کبی ، دائمی بر حال اختلافده دکل ، بروفاق تام اوزره تأمین مناسبات ایدرلر . پارلمنتونک ناظرلرله بیوک برعهادی بولنور و بو مملکتک اخلاقی ایجاباتی اولهرق

ناظر لردہ پارلمنتونک کنڈیسنه اظهار ایتدیکی بو امنیتی سهوہ استعمال ایتک کبی کوچوکلکدرده بولنمازلر . مشکل بر موقعهده بولندیلمی دوغرودن دوغرویہ مجاسه عرض حال ایدرک تخصیصات منضمه طب ایدرلر فقط بودجهری بر برینه قاریشدرق کبی حیللر ارتکاب ایتزلر .

ایتالیایه کلنجه : یکی بر حکومت اولان ایتالیا هریرده کی صووک تجاربی نظر دقته آلهرق، یالکیز اصول محاسبه سنی دکل، بالمله قوانینی اوکا کوره تنظیم ایتشدر . بوراده ده ژہستون اصولی تطبیق ایدیلمکده وانکلتریه مشابه بر اصول ایله بر محذوری تخفیف ایدیلمکده در . یعنی بورادهده بقایادن دولایی حال مالینک نقصان اولهرق اکلاشلما مامه سی ایچین انکلتریه مشابه بر تدبیر اتخاذ اولنشدر : تحقق ایتش فقط جبايت اولونماش اولان واردات وکذا تحقق ایتش فقط تأدیه اولونماش بولنان مصارف، تأدیه وجبايت اولونماش کبی ژہستونه کچیرایر و عینی زمانده بو مبالغ « بقیات حسابی *Compte de reliquats* » نامنده کی بر حساب خصوصی به کچیریلوب تأدیات و جبايات متأخره اشبو حساب اوزرنده یورودیایر .

فرانسه مالیه ناظری بارون لونی ۱۸۱۹ ده بویولده بر اصولک فرانسه به ده ادخالئی تصور ایتشدهده بو تصویرینی ساحه حقیقته ایصال ایدمه مشدر .

## قاعدهٔ عمومیت

بوندن صکره بودجه نك نه صورتله حاضر لائمی لازم کلدیکنی والیوم  
نه صورتله حاضر لاندیقتی مطالعه یه ابتدار ایده جکر .

ای بر بودجه پروژه سنك مالك اولمی لازم کلن اوصاف پك  
چوقدر : صحت ، وضوح ، وحدت ، اقتصاد ، توازن والح هپ بو  
زمره دندر . فقط بتون بو اوصافی ایکی قاعده آلتنده جمع ایده بیایرز :  
۱ : بودجه بالمله واردات وكافه مصارفاتی تماماً و آیری آیری

اوله رق احتوا ایتمه لیدر . بعض نوع مصارف ، واردات آرقه سنده  
کیرلتمش ، بعض نوع واردات ده مصارف ارقه سنده اختفایلمش بولونما لیدر  
۲ : بودجه نك كرك واردات كرك مصارف ارقامی ممکن اولدیقی

قدر صحیح بر صورتده تقدیر ایدلمش اولمایدر .

بوقاعده لرك بر نیجیسه عمومیت universalité ایکنجیسه حسن تقدیر  
guste évaluation اطلاق اولنور . بو ایکی قاعده یه رعایت ایدیله رك یاپیلان  
بودجه لرده ای بر بودجه خواصی موجوددر ، دینله بیلیر . بوقاعده لر یكدیكرینك  
لازم غیر مفهارقیدر : كافه واردات و مصارفی احتوا ایدن بر بودجه حسن  
صورتله تقدیر ایدلمه مش اولورسه اونده صحت موجود اوله میه جنی کی ،  
ارقامی صحیحاً تعین ایدلمش اولان بر بودجه دخی كافه واردات و مصارف  
دولتی احتوا ایلزسه اوکاده ای بر بودجه دینه میه جکدر . بناءً علیه  
بودجه لرده عمومیت و حسن تقدیری حصوله کتیرمک ایچون نه صورتله  
حرکت ایتمک لازم کله جکنی و مالك مختلفه ده بو خصوصه نه درجه ده ونه  
صورتله اتباع ایدلمکده بولندیقتی برر برر مطالعه ایلك ایجاب ایدر .  
قاعدهٔ عمومیت :

بودجه نك وارداتی ایله مصارفی آزچوق یكدیكریله مناسبتداردر :

اولاً : واردات ، عمومیتله برطاقم مصارف تحصیلیه نی اقتضا ایدر ؛ مثلاً ویرکولر ، مصارف جباتی ، توتون ، طوز ، باروت و الخ انحصارلری ، مواد ابتدائیه و آلات و ادوات مصرفلری ، عملیه اجر تلافی تضمن ایدر . ثانیاً ، بعض مصارف وارد کرکه بعض واردات متفرعه یی ایجاب ایدیه بیلیر . مثلاً دولت ترسانه لرنده ، طوبخانه لرده آلات و ادوات حربیه اعمال اولنور . بو ، دولتی ک آغیر مصارفدن بریدر لکن عینی زمانده بعض واردات ده حصوله کتیره بیلیر . او فابریقه لک خرده دیر و باقیلری ، اسکی طوب و کیلری صاتیلوب بر واردات تدارک ایدیه بیلیر . عدلیه دواثری بعض خرجلر آلیر ، اورمان و معادن اداره سی بعض اورمان خرجلری ، ییقیش آغا جلر بدلی الیه ایدر . بو ماللری ارزومزه کوره تعدد ایتدیره بیلیر .

بومطالعائی نظر دقته آلهرق واردات و مصارفاتک بودجه یه تحریری ایچون ایکی اصول تصور اولنه بیلیر . واردات و مصارف یا تلخیصاً بودجه یه کچریلر یا خود تفصیلاً تحریر ایدیایر .

بواصوللرک برنجیسی یعنی تلخیصاً یازمق دیمک ، امکان داره سنده یکدیگریله مناسبتدار بولان واردات و مصارفی تقاض و محسوب ایتدکن صکره نتیجه حاصله نی بودجه یه قید ایتک دیمکدر . بناءً علیه بو اصولده واردات دولت ، مصارف تحصیلیه تنزیل اولندقدن صکره حاصلات

صافیه حالنده و بعض مصارف دولت دخی اولنره متفرع واردات مخصوصه تنزیل اولندقدن صکره مصارف صافیه حالنده بودجه یه درج اولنور

ایشته بواصوله حاصل صافی اصولی ( méthode du produit net ) اطلاق اولنور .

واردات و مصارفی تفصیلاً بودجهیه درج ایتک اصوله کلاجه: بو اصوله بر طرفدن بالجه واردات دیگر طرفدن بالجه مصارف، تقاض و محسوب صورتیه هیچ برشی ضایع ایدلمکسزین واردات ویا مصارف ستوننه کچیریلیر ایشه حاصل صافی اصوله معکوس اولان بوصورتهده حاصل غیر صافی ( méthode du produit brut ) ویا عمومیت اصولی ( méthode de l' universalité ) دینور .

دیمک اولیورکه عمومیت قاعده سنی : [ بالجه مصارف وکافه وارداتک اک کوجوک اقسامنه قدر یکدیگرندن آیری ایکی جدول حالتده بودجهیه تحریر وادخالندن عبارتدر ] دیه تعریف ایده بیلیرز .

حاصل صافی اصولی اول امرده دوغرو بر اصول کبی کورینور . چونکه بو اصولده بودجهیه فی الحال کیره جک اولان واردات صافی اوله رق کچیریلور و بعض مصارفده فی الحال دولتک خزینه سندن نه حقیقه جقسه ، او قدر اولقی اوزره قید اولنیور . حالبوکه معکوس اولان سیستمده یعنی عمومیت قاعده سنده واردات و مصارف حقیقیه نیک نه قدر اولدیغنی ا کلامق ایچون وارداتک مصارف تحصیلیه سنی و مصارفاتک واردات مختلفه سنی بودجهده آریوب تنزیل ایتک لازم کلیرکه بوده بر آرز مشکلات اراشه ایدر .

حاصل صافی اصولنک مهم اولان بوفانده سنه مقابل پک مهم و صریح محاذیری واردر .

اولا بواصول پارلمنتونک بودجه اوزرنده کی حقیقی قسماً جعلی برشکه افراعه سبیت ویرر: واردات و مصارفاتک بر قسمی تقاض و محسوب ایدلدیکی ایچون بودجهده کوزو کمز. بالخاصه وارداتک مصارف جباتی بودجهلرده کوزوکیه جکی ایچون حکومت مصارفک بوقسمنک اجرا سی خصوصنده پارلمنتونک

تصديقہ عرض احتياج ايتيور و بونلري ديلديكي مقدارده اولمق اوزره تعين ايدہ بيلورديمکدر؛ کذا برطاقم واردات ده بودجہ ده کوزو کيہ چکي ايجون بونلرک ده الدہ ايدلمسي خصـ و صندہ پارلمنتويه عرض کيفيت ايتمکه مجبور دکدر معناسي چيقار . خلاصہ اولاً بعض مصارفي واردات آرقہ سـ سنده ثانياً بعض وارداتي مصارف آرقہ سـ سنده کيزله مک اصول ماحضی سـ ايه سنده حکومت بر درجهيه قدر قونترولدن قاچمه و ايسـ تديکي سربستي به نائل اولمغه موفق اولور

ثانياً حاصل صافي اصولي اسرافاتي قولايلاشديرير . في الحقيقه بو اصولده مالبه نظارتی و برکولرک مصارف جبايتی ايسـ تديکي کي تزديدن حذر ايتيه بيلير . چونکه کيفيت مجلس ملي به عرض اولنديني ايجون ، بوراسي فنالني کوره ميه چک ، هر نظارت بودجه ايله کندينه مخصوص اولان تخصیصاتي برطاقم واردات خصوصيه ايله تزديد ايدہ بيله چک و بو واردات ده پارلمنتونک نظرندن قاچه جنی ايجون دوچار اسراف اوله بيله چکدر . فرانسه حکومتی ۱۸۱۸ دن اول تکالیف وارداتي بودجهيه صافي اوله رق کچيرمکده ايکن ، تکالیف مديریتلرينک کندی ارزولرينه کوره صرف ايتدکلري ، مصارف تحصيليه نک عموم وارداته نسبتی تخمافرسا بر درجه ده ایدی . ۱۸۱۸ دن صکره عموميت قاعده سي تطبيق اولمغه باشلانجه اسرافات و سوء استعمالاتک اوکی آلتش و مصارف تحصيليه مهم برنسبتده تنزل ايتمشدر . بومثال بزه واردات صافيه اصولنک اقتصاده نه قدر مانع اولديغنی کوستر

ايشته عموميت قاعده سي بو محاذري ازاله يه خدمت ايدر . بالجه واردات و مصارف آيري آيري مجلس ملي به عرض ايدلمکله هم حاکميت مليه تحکيم همده اسرافات و سوء استعمالات تحديد ايدلمش اولور .



کریچه شبهه سزدر که اسرافاتی اصل منع ایده جـك اولان شی اولاً واردات دولتی قبض و صرفه مأمور اولانلرک حسن نیت و خلوص واستقامتیدر. هیچ برقاعده و نظام بولنه مازکه حسن نیت صاحبی اولمیان مأمورینی تماماً تصرف واستقامتله حرکته مجبورایتسون؛ بونکله برابر؛ شو عمومیت قاعده سی سوء استعمالاتی تماماً منع ایده مسه بیه هیچ اولمازسه اشکال ایدر که بونکده بر فائده عظیمه اولدیفنی قبول ایتک لازمدر .

عمومیت قاعده سی اشبو فوایدن ماعدا بودجه ده وضوحی دخی تأمین ایدر. چونکه هیچ کیمسه وضعیت مالیه سنی اونی هیئت عمومیه سیله کورمه دن احاطه ایلیه مز . عمومیت قاعده سی ایسه بسطدر و مشاهده عمومیه امکاتی بزه بخش ایدر . بواصولده عجبا آرقه سنده بعض مصارف کیزلیمیدر دیه وارداتی تفتیش ایتکله و عجبا آرقه سنده بعض واردات کیزلیمیدر دیه مصارفی قارشدیرمغه حاجت یوقدر . بوراده کیزلی کوشه لر، تنزیل ، تقاص و محسوب کبی شیلر آراشدیرمغه احتیاج مس ایتمز . مصارف و واردات اک کوچک نقطه سنه قدر آیری آیری یازلمشدر . ایشته بو بیساطندن برضیای حقیقت انتشار ایدر و دواتک حال مالیسی پروزسر اوله رق اکلاشیلیر .

بوفوایدی حسبیه اهمیتی درکار اولان عمومیت قاعده سنه، تمامیه دکلسه بیه، هر حالده کلی صورتده تقرب ایتک دول متمدنه نه انجق صوک زمانلرده تمکن اوله بیلکمشدر. چونکه هرملکتده اوزون مدت ، مختلف نظارتلرک واردات و مصارفانندن برچونگی تماماً و یا قسماً بودجه دن و ملتک تصدیقندن خارج قالمشدر: صرف واردات تدارک ایتک وظیفه سیله مکلف اولان دواتر کندی اداره لرینک استقلالی تأمین ایچون مصارف جباتک

وارداتدن بعد التزیل قالانک بودجهیه درجی خصوصنده دائماً اصرار ایتشیر و بوبابده عمومیت قاعده‌سی پک کوچکله قبول ایده بیلمشلردر. کذا مصارف دواثری، کندی اداره لرینه عائد کوچک کوچک وارداتک بودجه‌نک واردات عمومیه‌سی میاننده بوغولماسی و اوپاره‌نک کندی احتیاط اچهلری مقامنده، صرف کندی مصرف لرینه تخصص اوله‌رق، قالماسی ارزو ایتدکلرندن دائماً عمومیت قاعده‌سی عیننده بولنمشلردر. فقط نهایت عمومیت قاعده‌سی هرطرفده آز چوق احرازظفروموفقیت ایتش و بودجه‌لرده اساس اوله‌یه باشلامشدر. ممالک مختلفه‌نک بوبابده کچیردیکی صفحاتی مختصراً ایضاح ایدلم :

فرانسه ده انقلاب کیردن اول (۱۷۸۹) عمومیت قاعده‌سی قطعاً موجود دکلدی. برچوق مصارف واردات ارقه‌سنه کیزلمکده و کذا برچوق واردات مصارف ارقه‌سنده اختفا ایله‌مکده ایدی. بودورک اک مکمل بودجه‌لرندن بری اولان مشهور مالیه ناظری نه‌کر Necher ک ۱۷۸۱ بودجه‌سی ۵۲۰ میلیون مصارفی احتوا ایتدیکی حالده، مصارف نابلسنده یالکیز ۲۵۰ میلیون کورونمه‌سی بوبابده بر فکر ویره‌بیلیر.

انقلاب دورینک بودجه‌لری : اوزمانلر فرانسه آسینا یعنی قوائمه نقدیه دورنده بولندینی جهته‌له امور مالیه پک مذبذب بر حالده ایدی. بناءً علیه عمومیه دوغرو بر تمایل موجود اولقله برابر، اوزمانلرک بودجه‌لرینی قاعده عمومیه برمودهل اتخاذ ایتک ممکن دکلدر.

نابولیونک بودجه‌لری عمومیه دوغرو ایلک خطودینی آتمشدر. نابولیون محاربات عظیمه سبيله محتاج اولدینی مبانئی تدارک ایده بیامک واسرافاتی انظار خلقدن صاف لایه بیامک ایچون، عمومی بودجه یاننده

برده کیزی حرب بودجه سی وجوده کتیرمک کبی اساساً عمومیت غایت مخالف بر قاعده اتخاذ ایتش اولمله برابر هیچ اولمازسه واردات عمومیتک بودجهیه غیر صافی اوله رق کچیرلمه سی اساس اتخاذ ایتش ایدی . یالکیز ویرکولر وارداتی بودجهیه صافی اولارق ادخال اولنوردی . بوندن ماعدادیکر وارداتک مصارف تحصیلیه سی بودجه خارجی قالمقدن قورتیلمه شدی .

رهستوراسیون دوری ( ۱۸۱۵ ) . بوبابده بر تکامل جدید ده ها حصه - وله کتیرمش ۱۸۱۷ تاریخلی بر قانون ایله بالجه وارداتک ، بو میانده ویرکولر حاصلاتی دخی داخل اولمق اوزره ، بودجهیه غیر صافی اولارق ادخالی اصولی قبول اولنمشدی .

۱۸۲۲ تاریخنده فرانسه نک ال بیوک مالیه ناظرلرندن بری اولان موسیو دوویل - de villèle بو خصوصده یکی برترقی ده ها حصه - وله کتیردی و بر نظامنامه ایله ، هیچ بردارنه نک خصوصی بر طاقم وارداته مستدأ مصارفی تزئید ایدمه جهکی ، اساسی وضع ایتدی اوزمانه قدر نظارتلر بعض واردات متفرقه بی بودجهیه ادخال ایتمه یوب خصوصی صورتده صرف ایدرلردی . مثلاً حبس خانه لرده محبوسینه ایشلتدیریلوب صایلان اشیا بدلانی ، حربیه و بحریه نظارتک صاندینی اسکی مالزومه و خردلر ، بالجه دوا ترک کوچک خرجلری ، اسکی موبله و کاغدلر بدلانی و الح . . . هپ بودجه خارجی قالمقه ایدی . ایشته ۱۸۱۷ قانونیه بر طاقم مصارف خود بخود وارداتدن تنزیل اولنمه یه رق بودجهیه ناصل ادخال ایدلمش ایسه ، ۱۸۲۲ قانونیه ده اوله جه بعض وارداتک مصارف آرقه سنده کیزلمه سنک اوکی آلمشدر . بوضورتله بوتاریخدن اعتباراً فرانسه عمومیتی بودجه لرینه قاعده اولارق قبول ایتش و کرک دیوان محاسبات کرک

حساب قطعی قانونلری و پارلمنتو نظارک بوباید و واقع اولان محالقلرینی ظاهره جیقارارق و کمال شدتله تقبیح ایدرک قاعده نك تماماً تطبیقنه صرف مساعی ايله مکده بولمشدر .

بونکله برابر فرانسه ده قانوناً بعض مصارف بودجه خارجی قالمقده و بصورتله عمومیت قاعده سنه براستشا تشکیل ايله مکده در : از جمله لیسهرلر مصارفی بودجه یه صافی اولارق کچر یلکده یعنی لیسهرلرک وارداتی بودجه ده کورولمه بوب یالکیز حکومتن آلدقلری تخصیصات کورولمکده در ؛ دارالفنونلر و معدن مکتبی ده بویله در . کذا قوشو محالرنده بیاتلردن آلنان یوزده بر ، زراعت نظارتجه بودجه خارجنده اولارق ، تشویق تکثیر حیواناته صرف اولقمقده موزهلر حاصلاتی ده بودجه خارجی بر اقلقمقده در .

انگلتره ده ۱۸۵۶ تاریخندن بری عمومیت قاعده شامله اولمق اوزره قبول اولمشدر . اوزمانه قدر انگلتره بودجه لرلنده واردات و مصارفک بر چوخی صافی اولارق کوسترلمکده ایدی . بونارینجه حاصلات غیر صافیه اصولی قبول اولنجه بودجه یکونلرنندن بردن ۱۱۲ ملیونلق بر تزايد کورولمشدر . بوکون انگلتره ده بوقاعده نك تطبیقانه شدیداً اعتنا اولقمقده و حتی واردات متفرقه Miscellaneous-revenues میاننده بر قاقچ یوز فرانقلق واردات بيله کورولمکده در .

مع فافیه املاک دولت حاصلاتی ، بودجه قانونی مربوطاتنده مجاسه تفصیلاً عرض اولنقله برابر ، بودجه نك متننده صافی اوله رقی کوسترلمکده Drawback - یعنی بالاخره اعاده ایدمک اوزره کمرکلرده النان رسوم - هیچ کوسترلمه مکده در .

آلمانیا ده ۱۹۰۰ سنه سنه قدر پوسته و تلغراف حاصلاتی بودجهیه صافی اولارق کچیرلمکده ایکن بوتاریخدن بری غیر صافی صورتده کچیرلمکده در. لکن ایمپراطورلق بودجه سنه بالواسطه ویرکولر الان صافی اولارق کوسترلمکده در. چونکه بوویرکولری جبایت ایدن دوغرودن دوغرویو ایمپراطورلق اولمایوب فده دراسیونه داخل اولان حکومتلر بولندیغندن اشبو حکومتلر مصارف تحصیلیه اوله رق ویرکونک یوزده معین برمقدارینی توقیف ایلمکده و بناء علیه، ایمپراطورلق بودجه سنه، بوویرکو حاصلاتی اساساً صافی اوله رق کیرمکده در.

آلمانیا بودجه سی برطرفدن (اتحاده داخل) فده دره حکومتلرک هر برندن Contribution Matriculaire نامیه بر واردات آلمده و دیگر طرفدن هر حکومته Répartition نامیه بر مقدار اعطا ایلمکده ایکن بومصرف و وارداتی قطعاً تقاض و محسوب صورتیه تنزیل ایتیمور آلدیغنی واردات بودجه سنه، و ویردیکنی مصرف بودجه سنه قید ایلدور. بونده عمومیتدن ماعدا دیگر بر سبب واردرکه اوده تابعیت و متبوعیتی کوستر مکرر.

پروسیه و بلجیقا صنعتکارایی حکومتدر: بومملکتلرده شمندوفرلرک اکثرینی دولت طرفندن اداره اولتمقده در. بناء علیه بودجهیه شمندوفر وارداتی صافی اوله رق کچیرمکده بر درجهیه قدر حائر معذرت اولدقلری حالده ینه عمومیت قاعده سنک فواندینه صادق قالمقده و شمندوفر واردات و مصارفی ایری ایری بودجهیه ادخال ایده رک حاصلات صافییه بودجهیه ملحق اولان اولان ولوا یحده تفصیلاً کوستر مکرر درلر.

ایتالیا و روسیه دخی محاسبه عمومیه قانونلرنده عمومیت قاعده سنی رهبر حرکت اتحاد ایتشلردر.

حکومت عثمانیه به کلانجه : بتون ممالک متمذنه جه قبول ایدیان عمومیه تطبیق حرکتیه قرار و یردیکنی اصول محاسبه عمومیه قانوننه وضع ایدیان ایکی ماده ایله اثبات ایتکده در : [ واردات و حاصلات غیر صافی اوله زرق ایراد قید اولور . و تحصیل و اداره مصرفیه سائر مصارف متفرعه دخی مصرف قید ایدیلور ] ماده : ۱۹

[ ناظر لر کندولرینه و یریلان تخصیصاتدن فضله تمهیدات و صرفیایده بولنه میه جقلری کی تخصیصات مذکورده نی هیچ برنوع واردات خصوصیه ایله ده تزئید ایده منزلر ... ] ماده : ۲۰

بوماده لرک برنجیسی واردات آرقه سننده . مصارف صافلامنی منع ایتدیکی کی ایکنجیسی ده بعض مصارف آرقه سننده واردات اخفا ایله ده کی نهی ایدیلور . مالیه نظارتی بالخله نظارتلرک اشبو ماده رعایت ایدوب ایتهدلاری ، ایلریده کوره جکمز وجهله ، کندی طرفندن نظارتلره تعیین اولان محاسبه مدیرلری واسطه سیله قوتترول ایتکده در .

## قاعده وحدت

و

معاكسى بولان خصوصيت قاعدهسى

بودجهده وحدت قاعدهسى عموميت قاعدهسك بر نتيجه طبعيه سيدر .  
عموميت قاعدهسى ، يوقا ريده كى تعريفندن ده مستبان اوله جنى وجهه ،  
يالكز واردات ارقه سنده مصارف و مصارف ارقه سنده واردات كيزله مهنى  
نهي ايتيور ؛ عيني زمانده بالمله وارداتك يالكز بر جدوله و بالمله  
مصارفانك يالكز ديكر بر جدوله درجنى امر ايتمكه دولت بودجهسك  
اويچ ، بش ، سكز الح بودجهيه آيرلسنى منع ايديور : ايشته عموميتك  
بو ايكنجى خاصه سنى بعضى مؤلفلر وحدت قاعدهسى *règle de l'unité*  
ناميله توسيم ايله مشلردير . بودجهنك هيئت عموميه سى حقهده واضح  
و عمومى بر فكر ايدينه بيلمك انجق بتون واردات و مجموع مصارف  
تابولوسنى قارشى قارشى به قويغمله ممكن اولور ؛ انجق بو سايله دركه  
واردات و مصارف دولت ده قولاى مراقبه ايديله بيلير .

بودجهده خصوصيت *spécialité budgétaire* وحدت قاعدهسك  
خسد كاملى ، قطب مخالفدير . وحدت قاعدهسى بالمله واردات و كافه  
مصارفى بر بودجهيه طوبالاديني حالد بودجهده خصوصيت قاعدهسى يا خود  
خصوصى بودجه اصولى هر دائريه ، هر مؤسسه عائد اولان واردات  
و مصارفك عمومى بودجهيه ادخال ، ايديلوب بونلرك هر برى ايچون  
آيرى بر بودجه ياييلماسنى استلزام ايله يور . يعنى بوراده هر دائره نك

وظائفی آری آری بودجه لرده تخمین ایدیلور صکره بونلرک قارشوسنه کندو واردات خصوصیه لرندن ویا واردات عمومیه دن آله جقلری مبالغ وضع اولنور و بو صورتله متعدد بودجه لر حصوله کلیر .  
طرفدارلرینک مدافعاتنه نظراً بو اصول غایت منطقی و ضایعده .  
تطبیق اولنان صورتک عیندر :

اولا بو اصولده هر دأره نك واردات و مصارفی یکدیگری نه کفایت ایتکه محکوم اوله رق قارشو قارشو به وضع اولنور و بوسورتله دوائرک ،  
حس مسئولیتی تزئید ایدیلورک ، دها زیاده تصرفه و دها ای ایش کورمه محکوم ایدیلر . ثانیاً : بو سایه ده بر طرفدن بو ادارلرک تخصیصاتی دیگر طرفدن چیقاردقلری نتیجه ، سنه صوکنده ، واضحاً معلوم اوله جنی جهته ، دوش تحمله آلنان فداکارلغک استیصال اولنان نتیجه به تقابل ایدوب ایتدیکی کرک افکار عمومیه و کرک مجالس ملیه جه موازنه و مقایسه سی قولایله شیر .

بویوک بر حقیقتی محتوی اولقله برابر ، بو مطالعاتی تمامی تمامنه وارد عد ایده میز . بو نقطه یی اییجه اکلامق ایچین وظائف دوائی اول امرده ایکی به تفریق ایتک ایجاب ایدر :

دولتک برطاقم وظائفی واردرکه مقابلنده بر واردات مخصوصه سی ، بر اجرت خصوصیه سی موجود دکدر . آسایش خارجه و داخلیه یی تأمین ایله مک ، مملکتده انوار عدالت و معارفی تشر و تعمیم ایتک ایچون واقع اولان مصارف کبی که بونلر ایچون آریجه بر اجرت وضع اولمه ماز . چونکه دولت لرك ایفا ایتدیکی بو خدمتلر دن هر کسک درجه استفاده سی معین دکدر . بویکی خدماتک مصارفی واردات عمومیه دن تسویه اولنور



ودواتر متعلقه سی واردات مخصوصه ایله اداره اولنه ماز. بناء علیه بوکی مصارفك هیئت مجموعه سنی انجق دولتك واردات عمومیه سیله قارشیلار. شدیرمق قابل اولاییلیر .

ایکنجی برصنف خدمات ده واردرکه بونلرك واردات خصوصیه لری واردر . بو دواتر کندی ایشلیری واردات مخصوصه لری داخلنده تدویر ایتمکه و ممکن اولورسه فضله وارداتلیری خزینه عمومیه اعطا ایله مکه مجبوردرلر . پوسته تلغراف ، اورمان ، املاک و صنایع دولت اداره لری ، حربیه و بحریه نظارتلرینک طوبخانه و ترسانه لری ، شمندوفر ریختم ، لیمان دواتری ، دولت انحصارلرنده توتون ، باروت ، طوز فابریقه لری و الح بو زمره دندر . اشیو اداره لرك مصارف و واردات مخصوصه لری قارشى قارشى به قونه جق اولورسه اونلرك حیس مسئولیتلری تربید ایدیلیر ، وارداتلریله ایفا ایتدکلی خدماتک مقایسه و موازنه سی ممکن اولور . بناء علیه اشیو داترلرك واردات و مصارفانک تقابل ایدیله سی حقیقه محسنات عظیمه یی داعیدر .

فقط مسئله یاقیندن تدقیق ایدیله جک اولورسه بو فوائد و محسناتک تأمین بودجه به عائد بروظیفه اولمدینی تبیین ایدر : بودجه هرشیدن اول دولتک حال مالیه سی حقیقه بر فکر عمومی ، بر احاطه عمومیه ویرمک ایچوندیر . بناء علیه واردات و مصارف دولتک کافه سی اول امرده عمومی بر بودجه تختنده جمع اولونمالیدر . خصوصى بودجه طرفدارلرینک تأمین ایتمک ایسته دکلری و بزمده پک مصیب و مناسب کوردیکمز محسنات باشقه صورتلرله ده تأمین ایدیله بیلیر .

بو کی صنایی ماهیتی حائز اولان اداره‌لرک واردات و مصارفی قارشی قارشی به احتوا ایتک اوزره بودجه‌یه اوراق ولواخ متبوعه علاوه اولنه بیلیر و بو خصوص قوانینله ده تحت مجبوریته آلتیق ممکندر . بوندن ماعدا بو اداره‌لرک سنه ایچنده ، مطرد و غیر مطرد و قتلرده استاتیسیتیکلره و جداول سائر ایله نتایج اجرا آتی افکار عمومیه‌یه عرض ایتیه سی مجبوری طوتولا بیلیر . ایشته آنجق بوصورتله هم بودجه‌ده وحدت محافظه ایدیلش هم ده بو اداره‌لرک مسئولیتلری تربید و مراقبه‌لری تسهیل ایدیلش اولور

ازجمله انکلتلرده بو کی صنایی ماهیتی حائز اولان دوائر هر سنه راپورلر نشر ایدره‌ک بودجه‌ده کندیلری ایچین معین اولان واردات و مصارفی سنه ایچنده کی اجرا آتیلری افکار عمومیه‌یه عرض ایتیمکه مجبوردرلر . کذا پروسیاده و باجبقاده بودجه‌لر دولتک بالجله واردات و مصارفی احتوا ایتدکن صکرا شغندوفر و سائر صنایی اداره‌لرک پالانچولری و خصوصی بودجه‌لری آریجه موازنه عمومیه‌نک صوکنه درج ایدیلیر . بونلردن مبعوللر بر فکر آلیرلر . و حتی بودجه‌نک تصدیقی صیراسنده تنقیدلری در میان ایلرلر . فقط ، بو اداره‌لرک واردات و مصارفی بودجه‌نک هیئت عمومیه‌سی صیراسنده موضوع بحث اولدیغندن بوقسملر آریجه تصدیقه اقتران ایله مز .

خلاصه بوکون تام معناسینه بودجه‌ده خصوصیت اصولی تطبیق ایدن دولتلر بک آزدر . مع مافیہ بعض مملکتلرده ازجمله فرانسه‌ده بعض خصوصی بودجه‌لره تصادف اولمقددر : بومملکتده مسکوکات ، تصرف صندینی ، دولت مطبعه‌سی ، لژیون دونور Legion d'honneur ، دولت

شمندوفرلری ، صنایع مکتب عالیسی Ecole centrale ، اداره لری کوچک و خصوصی بودجه لرینه مالکدرلر . بر چوق فرانسز مؤلفلری بواسولک شدتله علینده در . چونکه بوحال وضوحی اخلاص ایتیمکه وعموم بودجه نك قوترولی اشکال ایتیمکه اولمه سندن ماعدا بوا دادرلرک اکثر بسنك يالکیز مصارف جهتنه اهمیت ویرملرینه بادی اولمقده در . چونکه هر سینه آجیققرینی عمومی بودجه نك ویره چکی تخصیصات ایله قابایه بیله جکلرندن وارداتلرینك آز ویا چوق اولماسی کندیلرینی پک آز متأثر ایدیور .

حکومت عثمانیه ده مشروطیتدن اول واردات دولت مصارفه هیچ بر صورتله کفایت ایده : مکه اولدیغندن هیچ اولمازسه وارداتك اك صاغلاملری ایله مصارفك اك مهملرینی ، تأخیری حائر اولمایانلری ، اوده مك ایچون برطاقم خصوصی بودجه لره احتیاج ضروری ایدی : دیون عمومی و تجهیزات عسکریه بودجه لری بوسبیدن خصوصی برر بودجه ایدیلر .

مشروطیتدن صکرده بزه خصوصی بودجه لر ( ملحق بودجه لر ) ترك اولنه مامشدر . ۳۲۵ سنه سنده خصوصی بودجه اوله رق صیه ( قرانتنه ) و اواقف بودجه لرینه تصادف اولئیور . ۳۲۶ ده بونلردن ماعدا زراعت باققیسی . امنیت صندیغی ، معزولین و متقاعدین صندوقلری بودجه لری عمومی بودجه دن آیری اوله رق تنظیم اولنمشدر ؛ ۳۲۷ بودجه سنده ایسه معزولین و متقاعدین صندوقلری تکرار عمومی بودجه داخلنه آلمشده دیکر بعض خصوصی بودجه لر احداث اولنمشدر .

الیوم بروجہ آتی دوائر ملحق بودجه‌لره مالکدر :

اوقاف نظارتی ، حجاز تیمور یولی ، زراعت بانکہ سی ، حجاز صحیہ دارہ سی ، عثمانی سیرسفاٹن اداره سی ، امنیت صندینی مدیری

برنقطہ بی نظر دقتدن دور طوتماملیدر : دولت عثمانیہ نك واردات واردات و مصارف عمومیه سنك مقدارینی اکلامق ایچون عادی بودجه ایله خصوصی بودجه‌لر وارداتی و کذا بتون بودجه‌لر مصارقاتی جمع ایله مک غایت یا کلاش بر اصولدر . چونکه خصوصی بودجه‌لرک بعضیلرنده کوریلان واردات ، از جمله حجاز تیمور یولی ، حجاز صحیہ سی ، زراعت بانکہ سی واردات سنك بر قسم مهمی ، عادی بودجه‌نك ویردیکی تخصیصاتدن عبارت اولدینی جهتله ، عادی بودجه‌ده مصرف اوله رق کورولمکده در .

زراعت بانکہ سنه مقطوعاً ویریان ۲۲۰ بیك لیرا حجاز تیمور یولنه ویریان ۲۷۰ بیك لیرا ، حجاز صحیہ تخصیصاتی اولان ۱۲ بیك لیرا ، صحیہ تخصیصاتی اولان الی بیك لیرا ( ۳۲۸ مالیه بودجه سی فصل ۷۷ - ۸۰ ) دولت ایچون بر واردات جسدیده اولمبوب خزیننه مالیه دن چیمقمده و ملحق بودجه‌لر وارداتی میاننه کیرمکده در . بناءً علیه اشبو ملحق بودجه‌لرزه کورولن سالف الذکر وارداتی ، واردات جسدیده دن عد ایدره رک عادی بودجه وارداتی ایله جمع ایله مک دوغرو اوله ماز ،

## فوق العاده بودجه

وحدت قاعده سنه مخالفت عرض ایدن اصولاردن بری ده فوق العاده بودجه اصولیدر . فی الحقیقه وحدت قاعده سی واردات و مصارف دولتک کافه سنی عینی بودجه داخلنده جمع اتمکی امر ایلد بکی حالده فوق العاده بودجه اصولی قبول اولندینی زمان دولت بودجه سی بری « عادی بودجه Budget ordinaire دیکری «فوق العاده بودجه Budget extraordinaire ناملریله ایکی به انقسام ایلدور ؛

او حالده فوق العاده بودجه [ دولتک فوق العاده مصارفی ایله اونک قارشولنی اولان فوق العاده وارداتی احتوا ایدن آیری بر بودجه در ] دیه تعریف اولنه بیایر :

دولتک بعض نوع مصارفی واردر که صرفیات عادیه دندر ، اسایش داخلیه و خارجیه یی تأمین اتمک ایچون واقع اولان اردو ، دونما ، پولیس ، ژاندارمه ، محاکم مصرفلری ، امور نافعۀ عادیه ، امور معارف ، مؤسسات خیریه و صحیه مصارفی و الخ هپ بوزمره دندر ؛ بوکبی مصارف هر سنه تکرر ایدر و دولتک واردات عادیه سی ایله قارشیلشدیریلیر . فقط دولت بعض زمانلرده فوق العاده بر طاقم احوال قارشوسنده ده بولنه بیایر : مثلاً بر حرب ، بر اختلال ظهور ایدر ، و یا خود بیووک بر لیان ، بر شمندوفر انشاسی ، بر قتال حفری کبی مصارف جسیمه یه احتیاج حس ایدیلرک و مصارف عظیمه قارشوسنده بولنیلور ؛ حرب

وامور نافعه جسيمه ايشته بالخاصه مصارف فوق العاده يي ايجاب ايتديرن ايكي مهم مسئله . . . بونلر ايسه ، طبيعتيله ، واردات عاديّه ايله باييله- ميه جفتدن ، بوخصوصده ، واردات فوق العاده يه يعنى على الاكثر استقرضاته مراجعت اولنور .

ايشته بعض ماليون شو حالى نظر دفته آلهرق دولتك واردات و مصارف عاديّه يي ايجون عادي بر بودجه و واردات و مصارف فوق العاده ايجون آيري و فوق العاده بر بودجه يايه يي توصيه ايدرلر و ديرلر كه : دولتك مصارف عاديّه سنى مصارف فوق العاده سييله قاريشدير مق قطعياً موافق اوله ماز ؛ مصارف عاديّه يي اوددين واردات عاديّه يعنى قسم اعظمى اعتباريله و ير كولدرد ؛ بو مصارفدن استفاده ايابن حال حاضرده ياشايان كي مسهلر يعنى نسل حاضر اولغله ، استفاده ايتدكارى بو خدماتك باريخده و ير كو صورتيله اوده ملرى بك مناسب و عادلدر . بونك ايجون بو مصارف عاديّه يي ، عادي بر بودجه داخلنده ، واردات عاديّه ايله قارشولاشدير مق كفايت ايدر . حالبوكه مصارف فوق العاده بونلره قطعياً مقيس و مشابه دكلدر . بونلر اويله مصارفدر كه ، نسل حاضرى دكل الزياته بطون مستقبليّه يي مستفيد ايدر ؛ بناءً عليه مقابلرينك قسم اعظمى ده انسال مستقبلك اوده سنى اقتضايلا . بو مصارفي عادي بودجه داخلنه قويه رق و ير كولرله قارشولاشديره جق اولور سهق بو مقصد فوت اولور ، يعنى بو خدماتك ثقاتى انسال حاضره اوزرينه چوكمش اولور ؛ او حالده بو خصوصات ايجون فوق العاده بر بودجه يايق و بو مصارفي اشبو بودجه ده فوق العاده واردات ايله قايماق اسلم بر طريقدر . .

بومطالعاتى تماماً وارد عد ايدمه ميز : چونكه مصارف فوق العاده يى وازدات فوق العاده ايله قارشولاشدير مق مسئله سى باشقه بو خصوصده آيرى بر بودجه ياي مق مسئله سى ينه باشقه در :

زمانمزد دولتلرك بودجه لرى حتى مصارف عاديه يى بيله كوچلكله اوده بيلديكى حالده . مصارف فوق العاده لرى عادى واردات ايله اوده مه لرى بالطبع اكثر يامكن اوله مامقده در ؛ بناء عليه مصارف فوق العاده ايچون واردات فوق العاده يه يعنى استقراضاته مراجعت اولنمى ضروريدر بيله اولمغله برابر بو حال فوق العاده بر بودجه تنظيمى ايجاب ايدن شيلردن دكلدر .

عمومى بر بودجه ياييلوب اشبو فوق العاده واردات ده واردات عاديه صيره سنده درج كذا كرك مصارف عاديه كرك مصارف فوق العاده عيى بر مصرف ستوننه تحرير ايديله رك بوصورتله قاعده و جدت محافظه ايديله بيلير . بو وجهله حركت ايتك مصارف فوق العاده يى انسال حاضره نك دوش تحملمنه يوكلتمك ديمك دكلدر : عقد ايديان استقراضاتك فائض ورأس المالى ، ٤٠ ، ٥٠ سنه وحتى مؤبداً ، آتى بودجه لرنده ، بطون مستقبليه طرفندن اوده نه جك ، بارك قسم اعظمى ينه اونلر طرفندن تحمل ايدلش اوله جقدر .

بوصورتله بعض مصارف استقراضاتله قياتمق يعنى انسال مستقبليه اودتمك ايچون بر فوق العاده بودجه يه احتياج اولمدينى اكلاشيلدقدن صكره مسئله يه ده اياقندن تماس ايدمك ، فوق العاده بودجه لرده كورلمكده اولان مصارفى تحليل ايله جك ، اولور سهق وضوح مالى وتصرف خزينه نقطه

نظر نندنه بویه بودجه لره احتیاج اولدیغنی و بالعکس بوخصوصده فوق العاده بودجه لرک مهم محاذیری داعی اولدیغنی اکلامقده کوچلک چکمه یز :  
فوق العاده بودجه طرفدارلری بعض نوع مصارف ایچون فوق العاده بودجه تنظیم ایتک مجبوری اولدیغنی و ایکنجی بر قسم مصارف ایچون فوق العاده بودجه اختیاری بولدیغنی ونهایت اوچنچ بر قسم ایچونده فوق العاده بودجه بایلمسی سوء استعمالی مؤدی اولدیغنی قبول ایدرلر .  
فوق العاده بودجه لرک محاذیری اکلامق ایچون بو اوچ قسم مصارف کوزدن کچیردم :

فوق العاده بودجه ایله عادی بودجه دن تفریق ایدلمسی ضروری کوروان مصارف ، حرب مصارفی در ؛ دیورلرک : تاریخ اقوامده بعض آتات اولورک بعض نوع مصارفی عادی بودجه ایله اوده مک ممکن اولاماز ؛ حرب و بابر اختلال داخلی کبی وقایع اوزرینه اختیار ایدیلن مصارف کبی که بواحواله مانع اولمق و یا هیچ اولمازسه بو حاللرک نتایج مالیه سنی منع ایتک هیچ کیمسه نک ید اقتدارنده دکدر ؛ بناء علیه بوکبی احوالده دولتک عادی بودجه سنی تشویش ایتیه رک برفوق العاده بودجه ایله اداره امور ایتک ضروریدر .

بویه زمانلرده برفوق العاده بودجه تنظیمی معذور کورسه کدخی بو بایده نهدن دولایی بر ضرورت قطعیه حس ایدلیدی آکلاشیلهماز ؛ دولت اکر حرب زماننده استقراضه مراجعه مجبوریت کوریه ورسه بو استقراضات یکوئی عادی بودجه داخلنه وضع ایتیمی وقارشوسنه مصارف فوق العاده یی وضع ایله مسی هر زمان قابلدیر ؛ حال عادییه



عودت اولندیفی زمان بوفوق العاده قسملر بودجه دن طی اولنه رق  
 او بودجه نك یكى بودجه لرله مقایسه یه صالح قانمسی داندما اثره امکانه در .  
 عملیات ده بونك ممکن اولدیغی کوسترمشدر . فرانسلر ۱۸۷۰ -  
 ۱۸۷۱ ده غایت مهم بر مقدار واران مصارف حربیه لری ایچون  
 فوق العاده بودجه آچامشدر ؛ قریم وایتالیا محاربهرلنده ده ، استثنائی  
 وارداته مراجعت ایتمکله برابر ، بتون واردات و مصارفی عادی بودجه  
 داخلنده جمع ایتمشلردر . حتی انکلترده بعض احوال فوق العاده نك  
 منابع فوق العاده به مراجعت اولنیه رق عادی بودجه داخلندن اوندیکی  
 بیه کورولمشدر . بعض نظریون و رجال حکومت ، یوکی احوال  
 فوق العاده بی استقرضاته مراجعت ایتیه رك ویرکولرله اوده مه نك  
 ملکتهک منفعت مالییه سی و منافع عالیه اخلاقیه سی ایچون الزم اولدیغی  
 بیه ادعا ایتمشلردر . ازجه غلادستون بو بایده غایت حکیمانه سوزلر  
 سوبله مشدر : « مصارف حربیه جناب حق فتوحات احتراضاته قارشى  
 خلق بیوردیغی بر حائل معنویدر . . . انتها بولمش اولان بر حربك بارینی  
 سنه بسنه اوده مکده دوام ایله مک مجبوریتمیلان جنکجو یانه نك بر معدل  
 طبیعیه سیدر . » غلادستون یالکز نظریاتده قالمامش اداره ایتدیکی قریم  
 محاربیه سی مصارفك قسم اعظمی ویرکولر علاوه ایتدیکی ضامم ایله اوده مشدر .  
 بوسایه ده ، قریم محاربیه سی ایچون فرانسه ۱۶۰۰ میلیون استقرض ایتدیکی  
 حالده ، بو محاربده ده افعال بروضعیتده بولنان انکلتزه یالکز ۶۵۵ میلیوناق  
 بر دین آلتیه کیرمشدر .

انکلتزه حکومتی دها یقینلرده دخی ، افغانستان ، مصر ، به شو .

آنالاندرلری مصارفنک قسم اعظمی ویرکولرله اوده مشدر. افریقای جنوبی  
سفری بیلہ ۱۹۰۱ ده انکلتره نك بودجہ سنی ۴۷۰۰ میلیون فرانغه قدر  
قبارتدینی حالده قطعاً بر فوق العادہ بودجہ یہ احتیاج حس ایتدیرمه مشدر.  
بوصورتله ، مصارف حربیه ایچون فوق العادہ بر بودجہ تنظیمنک  
مجبوری اولدینی اکللاشیلدقندن صکره اختیاری اولعرق فوق العادہ  
بودجہ آچیللمسینه لزوم کوستربان مواده کلهلم :

فوق العادہ بودجہ طرفدارلرینک اختیاری عدايتدکاری بومصرفلر  
امور نافعہ مصارفیدر. بومصارفه اختیاری دیورلر، چونکه دولترلر هیچ  
بر زمان بو مصارف نافعہ یی بردن اجرا ایله مکه مجبور دکلردر .  
اومصرفی سنه لره آیره رق عادی بودجہ واسطه سیله ده ایفا ایده بیلیرلر .  
فقط لسبب ، بیوک بر یکون حالنده اجرا اولندیی ، بو کی عادی  
وفوق العادہ مصارف یکدیگریله قاریشیدرلماق ایچون ، آریجه بر  
فوق العادہ بودجہ ایله باپیلامایلدیر فیکرنده بولنورلر .

لکن امور نافعہ مصارف فوق العادہ سی ایچونده بو صورتله  
فوق العادہ بودجہ کشدینه هیچ بر احتیاج یوقدر . فی الحقیقه بردن  
اختیار اولنان کالی بر مصارف عادی بودجہ یکونتی موقه یوکساتیر  
فقط هر زمان بو فوق العادہ مصارفی یکوندن طرح ایدهرک مصارف  
عادیه متدارینی بولماق ممکن اولدینی کی بر قاج سنه صکره ، اشبوامور نافعہ  
ختمه ایردیکی زمان ، تکرار او بودجهلری مصارف عادیه یکونلرینه  
دوغرو تزیلی ایله مک دخی هر زمان قابلدیر . بناء علیه امور نافعہ ده  
فوق العادہ بودجہ یه احتیاج مس ایتدیرر بر مصرف دکلدر ،

فوق العاده بودجه طرفدارلرينك بيله فوق العاده بودجه لرك مصارفي مياننده بولمىنى بادیء سوء استعمال عدايتدكارى مصارفه كلنجه : ايشته فوق العاده بودجه لرك مضرتى اصل بوراده نمايان اولور . سوء استعمالى مؤدى عد اولنان مصارف اويله شيلردركه اكثريا عادى مصارفدن اولدقلى حالده عادى بودجه يە قونه مديغندن ويا قونمق ايستمدىكندن دولايى فوق العاده بودجه يە آشيريلير .

بو صورته مصارف عاديە نك واردات فوق العاده ايله اودمىسى نتيجه سى ظهور ايدر . ماليه ناظرى واردات عاديە نك مصارف عاديە يى قيامديغنى كورنجه بر قسم مصارفي فوق العاده ناميله . فوق العاده بودجه يە ادخال ايدر . فقط بو حال عادى بودجه نك آچيغنى فوق العاده بودجه ايله كيزليجه قياق و بالتيجه مملكتك حال ماليسى كوزلردن صاقلامق ديمك اولور . بو برسوء استعمالدر ومع الاسف برسوء استعماله بعض مملكتلرده بر چوق دفعه لر مراجعت ايدلمشدر چونكه عادى مصرف ايله فوق العاده مصرف حدودىنى يكدىكرينه قاريشديرمق غايت ممكندر عادى مصرف فوق العاده مصرف طرز تالقى به كوره دكشير لئون سه نك ديدىكى وجهله « مصرف عاديدر ، نه زمان بودجه قوميسونلرى او مصرفه عادى اطلاق ايدرسه ؛ مصرف فوق العاده در ، نه زمان بودجه قوميسونلرى او مصرفه فوق العاده ديرسه ... »

بو مطالباتدن شو نتيجه يى چيقاره بيليرز : نه مصارف حريه نه ده مصارف نافعە ايچون فوق العاده بودجه آچمه ضرورت و احتياج يوقدر

بو کبی مصارف ایچون فوق العاده بودجه آچه بی تجویز ایتسه ک بیه فوق العاده بودجه لر ، عادی ایله فوق العاده مصارفک حدودلری لایقیه بللی اولدینی ایچون . یالکیز بو مصارفی ایتکه قالمیوب بر طاقم مصارف عادی بی ده کیزلیه جکدر . بو ایسه بر سوء استعمال ، بر عدم تصرف ، بر اسراف اولدینی کبی دولنک حال مالینسی کوزلردن صاقلایه جق بر واسطه در ... وحدت قاعده سندن آریلنجه دایما عینی محاذیرک تولد ایتسی ضرور بدر ... بناء علیه هیچ بر حالد دولنک بودجه سنی تفریق احتیاج و ضرورت اولدیغی قبول وبتون واردات و مصارفی عینی بودجه داخلنده جمع و تولید ایله کی دستور موازنه اتخاذ ایتک اسلم بر طریقدر .

ایشته فوق العاده بودجه نک بو مضرائی ادراک ایدلیکی ایچون ، اوروپا دولترلی فوق العاده بودجه اصولدن واز کچمشردر :

از جمله فرانسه بو بابده درت دوره کچیرمشردر :

۱. - برنجی دوره رستوراسیون ۱۸۱۵ تاریخنه قدر دوام ایتمشر . بو دوریه قدر قبل الاختلال ، انقلاب زماننده ، قونسولا و برنجی ایمپراطوراق دورلرنده ، متعدد فوق العاده لی بودجه لر کورلمشر . حتی نابولیونک domaine extraordinaire نامنی ویردیکی بودجه ، مصارف حربیه بی انظار خلقدن صاقلایه جق کیزی و فوق العاده بر بودجه ایدی .
۲. - رستوراسیون دورنده ۱۸۳۰ تاریخنه قدر فوق العاده بودجه لر دن اثر کورولمشر .

۳. — ۱۸۳۳ تاريخن دن اعتبار آمو نازشي دوز و بيه ده (تموز حكومتی) اوچنجي ناپوليون دورنده و اوچنجي جمهورينك ابتدالرنده متعدد فوق العاده بودجه لركورلمشدر. بالخاصه ايكنجی ايمپراطور لقه ده، ۱۸۶۲ دن صكره، فوق العاده بودجه لركر قانون ايله دائمی بر شكل آلمشدر .

اوچنجي جمهوريته ۱۸۷۰ محاربه سی اثناسنده فوق العاده بودجه يوقدی فقط محاربه دن صكره بر بريني متعاقب Comptes de liquidation تصفيه حساباتی « ناميله ايكي فوق العاده بودجه ياييالمشدی؛ بونلرك قبانديني زمان ارتق هرکس فوق العاده بودجه نك لغو اولنه جغنه انتظار ايدييوركن ۱۸۷۸ تاريخنده تكرار امور نافع ايجون بر فوق العاده بودجه آچيلمش و متعدد دفعه لرده ۱۸۹۰ تاريخنه قدر دوام ايتمشدر .

۴. — ۱۸۹۰ سنه سنده فرانسه دردنجی دورديه کيرمش، اوسنه دن اعتباراً فوق العاده بودجه اصولی رد ايدهرک بوکونه قدر بو سياستنده ثبات ايلکده بولونمشدر . بناء عليه ، بودجه ده خصوصيت مناسبيتيله کوردیکمز بر ايکی استنادن صرف نظر ، فرانسه بودجه سی بوکون يکانه وعمومی بر بودجه در .

انکلتريده دنخي عمومی بودجه موجود اولوب فوق العاده بر بودجه يوقدر : انکلتريه بانقه سنك طوتديني ژهستيو نه کرک کرک فوق العاده بالمله مصارف و واردات کچيريلير. بتون بو مصارفک همپی عینی بودجه ده داخلدر .

بونکله برابر بودجه نك وحدتی اصولی بعض مصارفك بعض احوالده بالخاصه استقراضات ایله قارشولشدیرلمسینه مانع اولمامقده در . لکن بوکی مصارف ومتقابلی اولان واردات فوق العاده تماماً عمومی بودجه ده داخلدر . بوندن صکره بومصارفك نه قدری واردات عادیه نه قدری استقراضات ایله تأدیه اولندیغنه دأر بودجه نك صوکنه بعض لوايح وجداول علاوه اولتمقده در .

مثلاً ۶ ، ۷ ، ۱۰ ، سنه ظرفنده پایله حق انشآت حربیه وبحریه واردر . بوانشآت مصارفك قسم اعظمی استقراضات ایله اوده نیر . بوکی بیوک تشبثات ایچون خصوصی برقانون، بر پروغرام تنظیم اولنور . فقط هرسنه بودجه سنده ، بومصارفدن نه قدری اوسنه پایله جنی ونه قدر استقراض ایدیلجهکی آریجه قید اولنور . شوقدرکه بو قسم قانونیه اقتران ایتیش اولدی بی ایچون آریجه مناقشه ایدلز ؛ ایجاب ایدرسه بودجه نك صوکنه ده تکرار ایضاحات مقنعه ویره جك تابلور ، جدولار وسأره علاوه ایدیلیر .

کذا یوقاریده سوبدیکمز مصر ، ترانسوال ، افغانستان وسأره محاربهرلینی انکلتزه قسماً استقراضات ایله قایاندی . فقط هم بومصارف هم ده مقابله اولان واردات عمومی بودجه یه ادخال اولنهرق ایرتسی سنه بودجه نك صوکنه بومصارفك نه قدری واردات عادیه نه قدری واردات فوق العاده ایله اوده ندیکنه دأر جدولار علاوه ایدلدی .

خلاصه انکلتزه فوق العاده بودجه اصولنه اصلاً یناشعه مشدر . المایاده عمومی بودجه اوج صنف مصارفی احتوا ایتمکده در . عادی

مصارف ، موقت مصارف ، فوق العادہ مصارف ؛ عادی مصارف ہر سہ تکرر ایدہ جک اولان مصارفدر: موقت مصارف *Depenses transitaires* ہر سہ تکرار ایتیموب یالکز بردفعہ ایچون اختیار ایدیلیر . فقط بوموقت مصارف ہر سہ ، باشقہ باشقہ اولق اوزرہ ، بودجہدہ کورملکدہ در . مصارف عادیہ ایلہ مصارف موقتہ یہ قارشولق اولان واردات عادیہ در . آلمان بودجہسندہ اوچنچی قسمی تشکیل ایدن مصارف فوق العادہ ایسہ صرف واردات فوق العادہ ایلہ قبانان مصارفدر .

دیمک اولیورکہ آلمانیاہ فوق العادہ مصارف و واردات آیری برصنف حالندہ اولقلہ رابر تمام عادی بودجہ قادروسی داخلہ کیردیکی ایچون بوملکندہ عمومی بودجہدن آیری بر فوق العادہ بودجہ موجود دکلدیر .

پروسیہ بودجہسی دہ عادی مصارف و فوق العادہ مصارف نامیلہ ایکی قسمہ انقسام ایتیمکدہ ایسہدہ فوق العادہ مصارف بورادہ قسماً قارشولایان بودجہنک مصارف عادیہسیدر . بناء علیہ بورادہدہ فوق العادہ بودجہ یوقدر . کذا روسیہ و اوستریا مجارستان بودجہسی دہ عین حالہدر .

ایتالیادہ عادی بودجہنک نابولری مصارف عادیہ و مصارف فوق العادہ بی بیلہ تفریق ایلہ مہ مشدر .

فوق العادہ بودجہ اصولنک جاری اولدینی حکومتلر بلجیقا ژاپونیا و حکومت عثمانیہدر .

بلجیقادہ فوق العادہ بودجہسی سنوی یوز میلیون فرانکی کچمکدہدر . واکثریہ عادی بودجہ یہ ادخال ایدلمسی لازم کان بر چوق مصارف دہ احتوائتیدیکی جہتلہ تمام آشیان تنقیددر .

تأیو نیاده کذا عادی بودجه سندن باشقهجه فوق العاده بر بودجه وارسه ده هیچ اولمازسه بو بودجه نك مصارفك بر قسمی، واردات عادیه بودجه سی فضله سیله قیامتق اییلکنه مالکدر .

خلاصه اوروبا حکوماتنك کافه سی فوق العاده بودجه اصولی رد ایتمکده والآن تا وجود اولان ممالکده ده بوداثره دن چیقلمغه چالشمقده در . حکومت عثمانیه ده بوجریانه تابع اولسی ومشروطیتدن صکره تشکیکنه چالشدینی بودجه سیسته منده فوق العاده بودجه لری رد ایتمسی لازم کلدیکی حالده مع الاسف مشروطیتك هر سنه سنده عادی بودجه یاننده برده فوق العاده بودجه کورلمشدر .

ایلك فوق العاده بودجه ۳۲۵ سنه سنده بوجه آتی دواثر ایچون ویرلمش و واردات جهتمندن ده آتیده کی واردات فوق العاده ایله قیادلمشدر .

## مصارف

حربیه	۳۲۵	۸۴۶	۳۱۲
مالیه	۱۶۱	۷۵۱	۸۵۰
طوبخانه	۳۴	۱۷۴	۶۱۳
بحریه	۹	۳۹۱	۱۱۶

## واردات

اوستریادن بوسنه هر سلك الحاقی مناسبیه الالان ۲۵۰ ۰۰۰ ۰۰۰

تضمینات .

بیله یزسراینك اشنای تحریسنده نقد آومؤخرآ ۱۶۰ ۰۰۰ ۰۰۰

تحویلات اوله رق الده ایدلدیکی جهت عسکریه دن

افاده قلنان .



اسکی طوپلره محسوباً النهجق آوانس	۳۰ ۰۰۰ ۰۰۰
خزینة مالیه و جهت عسکریه یه راجع اولوب	۹۲ ۵۰۰ ۰۰۰
خزینة خاصه دن دور اولنان وصاتیلیمسی	
مقرر بولنان املاک و اراضی بدلاتی	
یکون	۵۳۲ ۵۰۰ ۰۰۰

عینی سنه شباطنده بحریه نظارتی ایچون اون سنه ده صرف اولنق اوزره ۵۱۳ ۰۰۰ ۰۰۰ غروشلق بر فوق العاده بودجه ویرلش وقارشولغنک دونمای عثمانی طرفندن جمع ایدیله جک اغانه اوله جفی متن قانوندن اکلاشیلیمقده بولنمشدر ،  
 بوندن صکره ۳۲۶ و ۳۲۷ سنه لرنده ویریلن واسیتقراضات ایله قارشولنان فوق العاده بودجه لر بوجه آتیدر :  
 : ۱۳۲۶

حریبه ( اوج سنه لک )	۵۲۵ ۰۰۰ ۰۰۰
تجارت و نافعہ	۹۴ ۶۰۶ ۲۰۰

: ۱۳۲۷

نافعه	۳۱۸ ۵۷۳ ۰۰۰
معارف	۲۰ ۰۰۰ ۰۰۰
یکون	۹۸۵ ۱۷۹ ۲۰۰

بوتون بو فوق العاده بودجه لری جمع ایده جک اولورسه ق ایکی میلیار کبی مهم بر یکنونه اصل اولورز .  
 فوق العاده بودجه لریمز دقتله تدقیق ایدیله جک اولورسه بومیانده

عادی اطلاقنه سزایجه مصارفك موجود اولدیغی کوریلور . عادی مصارفك فوق العاده بودجه لره ادخالنك دواتك مالیه سی تشویش ایتدیکی کی اسرافاتی ده مؤدی اولدیغی یوقازیده ایضاح ایتدیکمز جهتله بوراده ده ازیاده اصرار ایله میه جکز . بوندن ماعدا بوفوق العاده بودجه لرک اکثر یسنده تخصیصات یکدیگرندن آیری فصللر تشکیل ایتدیکی جهتله قوه اجرائیه نك تخصیصات آره سنده دیلیدیکی کی مناقلات اجراسنه مقتدر اوله بیلمسی وبو صورتله بر صلاحیت واسعه یی حائر بولنسی ده ایریجه بر محذوردر . بناء علیه بزده ده فوق العاده بودجه اصولی ترك اولنه رق وحدت قاعده سنه رجوع اولنسی شایان تمئیدر .

## حسن تقدیر

ای بر بودجه حاضر لاق ایچون رعایتی لازم کان ایلاک قاعده عمومیت و بونک نتیجه سی اولان وحدت اولدینی کبی ایکنجی قاعده ده حسن تقدیر در . فی الحقیقه بودجه نک یالکیز عمومی اولسی کنایت ایتمز عینی زمانده هر واردات و هر مصرف یکونک تقدیرنده ممکن اولدینی قدر اصابت تقدیر کوسترملک لازمدر .

بودجه یه وضع اولدان ارقامک حسن صورته تقدیر ایدلش اولسی ایچون بودجه ناظم لرنک نفس لرنده ایکی خصصتی جمع ایتمه لری لازمدر : نفوذ نظر و حسن نیت . بودجه نک تنظیمنده بوایکی خصصت یکدیگر لرنک لازم غیر مفار قیدر . نفوذ نظر صاحبی اولان بر ناظر اگر حسن نیت مالک دکلسه صحیح بر بودجه وجوده کتیر میه جکی کبی حسن نیت صاحبی اولان بر ناظرده نفوذ نظر مالک دکلسه اصابت تقدیری اولاماز . بناء علیه بودجه نک حسن تقدیری قاعده دن زیاده شخصه ، بودجه ناظم لرنک مالک اولدینی خصائله ، تابع بر کیفیتدر .

بودجه یی تنظیم ایدناره مجلس مبعوثانجه شایان قبول اوله میه جق بر یکونه واصل اولدیلمی ، بعضاً ارقامی تضییق ایده رک یکونلری تنزیل ایتمک و یا مالیه ناظری واردات ایله مصارفک توازن ایده میه جکنی حس ایتمدی ، بعض منابع وارداتک مخناتتی ، او راده یه واره جغنی کندی بیله امید ایتمدیکی حالده ، تزیدد ایلمک تمایل ایدر . بویه یالکیز

كاغد اوزرنده متوازن نيجه بودجهلر كورلمشدر . بوبابده نظاره قارشى حس ايديلن درجهٔ اعتماد هر يرده مساوى دكلدر . مثلاً فرانسهده ، بزده اولدينى كې ، ناظرلك نفوذ نظر وحسن نيتى هر آن تحت شبههده در . انكلترده ايسه ناظرلر حقنده بيوك براعتادپرورده ايديلير ؛ بناءً عليه هر مملكتده اصول تقدير ناظرلره قارشى حس ايديلن درجهٔ اعتماد كوره دكيشير . بوخصوصده اولاً وارداتك بعده مصارفك اصول تقديرينى كوزدن كچيرهلم ،

## ۱

## وارداتك اصول تقديرى

وارداتك تقديرنده اوچ اصول موجوددر .

۱ اوتوماتيك اصول

۳ تزيد وسطى اصولى

۳ تقدير ذاتى اصولى

۱ اوتوماتيك اصول ، نتيجهسى معلوم اولان صوك اكرزيسيك

ارقامنى سنهٔ آتیه نك واردات تخمىسى اولق اوزره عیناً بودجهیه كچيرمكنن عبارتدر . یعنی بو اصولده ماضى استقبالك تمامى تمامنه موده لی اولمش اوليور . بو اصوله فرانسه لر اوتوماتيك یعنی متحرك بالذات ديورلر چونكه بوضورته اصول تخمین هیچ برعملیه ذهنيه یی ایجاب ایتیه رك كچمش اكرزيسيك ارقامنى عیناً قوپیه ایتمكنن قاليور .

غایت بسیط اولان بو اصول ناظرلرینك حسن نیت ونفوذ نظرندن

شبهه ایدیلان مملکتلره لایق بر اصولدر . مالیه ناظرلرینك النده بو سایه‌ده هیچ بر اقتدار بر اقلیمامش و تخمین واردات بو صورتله بر عملیه میخانیکیه تابع طوتولش اولیور .

فرانسه‌ده الیوم تطبیق ایدلمکده اولان بواصول ۱۸۲۳ تاریخنده ایلک دفعه اولمق اوزره موسیو دو ویلهل طرفندن قبول ایدلمشدر . فقط شوراسنی ده‌سویلیهلم که وارداتك اوچ ربعدن زیاده‌سنه، بالواسطه تکالیف، املاک وارداتی، انحصار و الخ کبی منابه، تطبیق ایدلمکده اولان بواصول، بالخاصه توزیع اصولیه جیایت ایدلمکده اولان بالواسطه تکالیفه و واردات و متفرقه وسائره شمیل ایدلمه مکده در . وارداتك بوقسم جزئیسی دیگر مملکتلرده اولدینی کبی تقدیر ذاتی اصولیه قید اولنور، یعنی مالیه ناظری اك صوك اکزرسیسك ارقامنی، کورولن احتیاجه کوره تصحیح، تعدیل ایده‌رك یکی بودجهیه قید ایدر . برده تعرفه‌نك تبدلی، سنه‌نك عادیه و یاکیسه اولمی حسبیله ضمیات و یا تنزیلات اجرایی، یاخود یکی ویرکولر احداثی حالنده تقدیر ذاتی اصولنه توفیق حرکت ایدیلهر ك اسکی سنه اکزرسیسلرینك یگونلری تعدیل و تصحیح ایدیلیر .

۲ تزید وسطی اصولی ینه‌اك صوك معلوم اولان اکزرسیسك ارقامنی آلمق فقط صوك بش اون سنه ظرفنده وارداده کورولن ترایدك ارقام وسطیه‌سنی بوکا علاوه ایده‌رك حاصل اولان نتیجه‌نی بودجهیه واردات قید ایتمکدن عبارتدر .

بواصولده ۱۸۵۲ و ۱۸۸۳ تاریخلرنده برر قاچر سنه مدتله فرانسه‌ده تطبیق ایدلمشدر .

از جمله ۱۸۵۲ سنه سنده برقاج سنه دنبری فرانسه وارداتنه کلی تزیید کورولمش و بو تزیید دن ده استفاده ایدیلهرک بودجه یه کچیرلمسی جهتی دوشونیلدیکندن وارداتک مقداری، تزیید وسطینک علاوه سیله، هر سنه بودجه سنده، کچمش سنه یه نظر آ ۵۰، ۶۰ میلیون فرانق فضله کوسترلمکه باشلانمشدر. قریم محاربه سی اوزرینه وارداتنه اسکی تزیید قالمدیغندن کاه اوتوماتیک کاه تزیید اصولی قبول ایدلمش و ۱۸۶۴ ده تکرار اوتوماتیک اصولنه قطعاً رجوع اولنمشدر. فقط ۱۸۸۳ تاریخنده کذا ۱۸۵۲ ده اولدینی کبی تزیید مشهود اولمغه لئون سهنک تکلیفی اوزرینه تکرار تزیید وسطی اصولنه رجعت اولنمش و صوک سهنک وارداتنه اون سهنک تزیید وارداتک وسطیسی علاوه اولنق اصولی قبول ایدلمشدر. فقط، غریب تصادف، بو اصول قرار کیر اولور اولماز تزیید وارداتک آرقه سی کسبیلمش و برقاج سنه صکره تکرار اوتوماتیک اصولنه رجعت اولنهرق اوزماندن بری بونده قرار قیلنمشدر.

تزیید وسطی اصولی ده اوتوماتیک اصولی کبی پک عنیدیر برسنه وارداتنک ایرتسی سنه عیناً کورونه چکی ظن ایتک نصل دوغرو دکلکه بونک، اولکی بش سنه نک وسطیسی نسبتبنده تزیید ایدیه چکنی ظن ایتک ده او یله جه صحیح دکلدر. مع فیه فرانسه ده بودجه ۱،۵ سنه اول حاضرلندی بی جهته هیج برناظر یوقدر اوزاقدن وارداتک مقدارینی دوغرو دن دوغرویه تقدیره مقتدر اوله میه جنی کبی فرانسرلده ناظرلره کوستریلن اعتماد سزاق ده بوکا ایریجه بر سبب تشکیل ایتدیکندن بو اصولی فرانسه ایچون موافق کورمک ضروریدر.

۳ تقدیر ذاتی اصولی: بوطرز انکلتزه، المانیا، ایتالیا، متحده امریکا، وسائر حکومتلرده جاربدرد. اولاً: بو حکومتلرک اکثریسی سنه مالیه لرینک ابتداسنی دیکشدرمشلر. بودجه نك احضاری ایله تطبیق آره سنده کی مدتی قلیل ایتشلردرد. ثانیاً! بو محللرده هیئت حکومته اولان اعتماد زیاده در. پارلمنتو بورالرده نظارک اخلاق سیاسیه لرینه، صفوت و خلوص نیتلرینه قانع ومطمئندر؛ بوکا بناء اشبو مملکتلرده بودجه نك وارداتی تقدیر ایچون اوتوماتیک اصوله ویا تزید وسطی صورتیه مراجعتیه مجبوریت حس اولماز. واردات دوعروندن طوعرویه ناظرلرک تقدیر واجتهاد ذاتیسی اوزرینه بودجه یه قید اولنور.

ازجمله انکلتزده، یوقاریده سویلدی کمز وجهله، بودجه نك مجلس مبعوثانده مذاکره سنه سنه یه کیرمزدن برایکی کون اول واکثرا بر ایکی کون صکره ابتدار اولنور. بصورتده سنه ایچنه کیرلش اولدینی جهته وارداتک مقداری تخمینیه صورتله دکل بلکه رأی العین کوره رک تقدیر ایدلش دیمکدر. بناء علیه مالیه ناظری مطلقا ختامه ایرن سنه نك ارقامنی آلفه ویا وارقامی وسطی صورتده تزید ایتمه مجبور دکلدر. دائره سی رؤساییه بالاستشاره وارداتی، جریانه باشلامش اولان حادثاتک عرض ایلدیکی علائک هیئت مجموعه سنه کوره، تقدیر وتخمین وایلر. وقوعات انکلتزده اولدینی کی یقیندن و خلوص نیتله تدقیق ایدیلر سه شبه سزدرکه خطا احتمالی آز اولور. انکلتزده ناظرلر ومعاونلری بو وظیفه لرنده اوقدر بیوک اهتمام واعتدال کوستریرلرکه، بالاخره نتایج، علی الاکثر، تخمینلریله موافق دوشر واحوال فوق العاده دن

صرف نظر ، بودجه ایله محاسبه قطعیه قانونلری بیننده بیولک فرقلر ظهور ایله مر .

متحدہ امریقاده بودجه نك زمان تصدیقی وقت تطبیقنه قریبدر .  
 بوندن ماعدن خزینہ ناظری کانون اول آینه دوعرو ایلک تخمینلرینی  
 تصحیح ایتمک صلاحیتنه مالک اولدیغندن بودجه نك وارداتنك تخمیننده  
 تقدیر ذاتی اصولنه مراجعت اولنمسی طبعییدر . بونکله برابر بومملکتده  
 تخمینات ایله نتایج فعلیه آره سنده ایجه فرقلر مشهود اولمقددر . فقط  
 بو فرقی تقدیر ذاتی اصولنه دکل بلدکه متحدہ امریقا اصول مالیہ سنك  
 کچیردیکی سیثاته عطف ایتمک لازم کلیر . بوراده ۱۸۹۱ سنه سنه قدر  
 هر سنه واردات تخمیناتدن ایجه فضله ظهور ایدیوردی . موسیو  
 دومولینارینك دیدیکی وجهله بو تاریخه قدر امریقا خزینہ سی مزمن  
 بر فضله واردات خسته لغیه معلول ایدی . بو فضله واردات غایت  
 آغیر کمرک تعرفه لرندن حصوله کلیور واولجه لایقیله تخمین اولنه .  
 مایوردی امریقا بو حال قارشوسنده یوکسک تقاعد معاشاتی ویرمک  
 وسائر مصارفی آرتیرمق طریقنه توسل ایتدی وبونک نتیجه سی اوله رق  
 فضله واردات بودجه آچیقلرینه تحویل ایتدی . نهایت ۱۹۰۲ دن  
 بری بو مصرخیلق سیاستندن فراغت ایدلمش اوله جق که ، ینہ  
 هر سنه بودجه لرده ۲۵۰ - ۳۰۰ میلیون فرانق فضله واردات  
 کورولمکده در .

پروسیه و المانیاده دخی سنه ابتداسنده بودجه مجلسده حال مذاکره ده  
 بولندیی ایچون واردات جریانہ باشلایه جق اولان احوال نظر دقته  
 آلنه رق تخمین اولنور . ذاتاً بو مملکتلرده دولتک اجرا ایلدیکی



صنایع ، بالخاصه شمندو فرحیلک ، اوتوماتیک ویا تزید وسطی کی عندی اصللرک قبوله مانعدر .

ایتالیانکده قبول ایتدیکی تقدیر ذاتی اصولیدر . برده، ایتالیا ده آتیده کوره جکمز وجهله، بر مصحح بودجه اصولی واردرکه بوسایه ده ایتدائی بودجه، سنه اورته سننده برهانعدیل اولنمقده ورأی العین کورولن احتیاجات اوزرینه وارداتک مقداری تزید ویا تنقیص اولنمقده در . صولک زمانلرده ایتالیا بودجهلری دائما ۴۰ ، ۵۰ میلیون فرانق قدر فضله واردات ایله قبانمقده اولماسنه بواصولک تأثیری اولمشدر .

بلچیکا حکومتی هر نوع وارداتی ایچون الکمناسب اصول تقدیری قبول ایتمشدر . مثلاً کمرک وارداتی علی اکثر بش سنه لک وارداتک وسطیسی اولق اوزره قیدایدیر؛ تکلیف شخصی ایچون کچن سنه نک حاصل ایتدیکی ارقامی نظر دفته آلیر. دیگر نوع واردات حقننده ده تحلیلالات عمیقده بولنوب احوالک روشنه کوره ایجاب ایدن مقدار تحریر اولنور؛ عینی زمانده بوراده سنه یه کیرمزدن اول پروژه نک بتون وارداتی بردها کوزدن کچیریلوب ایجاب ایدن تعدیلات اجرا وبوصورتله تقدیرک ممکن اولدینی قدر صحیح اولسنه اعتنا ایدیلیر .

خلاصه دول متمدنه نک اکثریسی تقدیر ذاتی یعنی بلا واسطه تقدیر اصولی قبول ایله مشلدر .

حکومت عثمانیه ده قبول اولنان اصوله کلنجه : مشروطیتدن صکره ، هر نوع وارداتک کچمش بش سنه لک مقدارینک وسطیسی یکی بودجهیه واردات اوله رق قید ایتک اصولی اختیار اولنمشدرکه فرانسزلرک اوتوماتیک سیستمه نک شبیه برصورت اولدینی اشکاردر .

مع مافیه بواصول بیله ، صوك سنه لر وارداتی آنجق بك ناقص اوله رق معلوم اولدیغندن بیوك مشکلاتی داعی اولمشدر. حال حاضرده استناد ایدیه جك هر نوع وثائق و قیودات واحصائیاتك فقدانندن دولای. حكومت عثمانیه ده تقدیر ذاتی اصولی غیر قابل تطبیقدر دینیه بیلیر.

## ۲

### مصارفك تخمینی

بودجه نك واردات ستونلرینه وضع ایدیلن ارقامدن مقصد نهایت الامر هر برشعبه واردات حقنده بر فكر یقینی حاصل ایتك ایچوندر. یوقسه مطلقا اوارقامك مطلقا عینی حصوله كتیرمك مطلوب دكلدر. واردات فضله كلیرسه تحصیلدارلر بوفضله یی آلمقدن امتناع ایتمز لر نقصان كلیرسه اینی دكلدر.. فقط هر منبعك وارداتی تخمینده نقطه سی نقطه سنه اصابت ممكن اوله میه جغندن بر قسمدن حصوله كلن تناقصك دیگر قسمده کی تر ایدله قبانمی و بوضورتله هیئت عمومی و واردانده جدی بر تناقص مشهود اولمامسی نقطه سنه حصر نظر ایدلمكدن باشقه برشی یاییلاماز. ديك كه بودجه نك وارداتی آره سنده بر تعاون مشترك و متقابل اساسی موجوددر یعنی وارداتك یكدیكرینك نقصانی تلافی ایتسی اقتضا ایدر.

حالبو كه بودجه نك مصارفی ، واردات كبی ، یكدیكرینه متسلسلا باغلی شكلدر ؛ بونارك هر برینك ایری برشخصیتی وارددر. بو شخصیتارك هر برینه تخصیصات اطلاق اولنور. یعنی تخصیصات Credit

[ بر خدمت معینه نك ایفاسی ایچون صرفنه مذنویت ویریلن مبلغ معین ] در تخصیصاتك براسمی واردركه هانکی خدمته صرف اولنه جغنی کوسرتیر قرطاسیه ، مأمورین معاشی ، معینات عسکریه بدلی کبی ؛ برنام ایله ویریلن تخصیصات قطعاً باشقه برنامه صرف اولنه ماز. عینی زمانده بواسمك حذاسنده برمبلغ معین واردركه اوامر معین ایچون صرف اولنه جق پاره نك حد اعظمیسی کوسبتیر ؛ بو حد اعظمی نجاوزایدیله مز و لوکه دیگر نوع تخصیصات نقصان صرف ایدلمش اولسون. کوریلورکه تخصیصات تماماً یکدیگرنندن مستقلا در ؛ برینك فضلہ سی دیگرینك نقصاتی اورته مز ؛ بناء علیه مصرف بودجه سندن مطلوب اولان یالکز بودجه نك یکوئی تجاوز ایتمه مك دکل ، بلکه آری آری هر نوع مصرفك ، هر تخصیصاتك ، یكونلرینه رعایت ایله مکدر. بومقصد فوت اولدیمی بودجه نك اهمیتی قالدی دیمکدر .

اوحالده تعیین مصارف کیفیتی تخمین وارداته نظراً دهامهم ، نظر دقتی ده زیادہ جلبه لایقدر .

اول امرده شوراسنی سویلیه لم که تقدیر مصارف خصوصنده تخمین وارداتده اولدینی کبی هیچ براتوماتیک اصول موجود دکدر بوراده قابل تطبیق یکانه اصول ناظرلرک اجتہاد و تقدیر ذاتیلریدر . مصارف ، ناظرلرک اجتہادلرینه تبعاً تخمین ایدیلیر : ناظر رفقاسیابه استشاره ایدر اسکی ویکی وقوعاتی تدقیق و آرایه جنی تخصیصاتك هر برینی اوکا کوره تعیین ایلرا . خلاصه ناظر دوات نامنه پاره صرف ایده جک اولان کیسه در. نه کبی خدمت لرك ایفاسی اقتضا ایتدیکنی و بونلره مقابل نه قدر مبلغ صرفی لازم کلدیکنی آنجق او تقدیر ایدر و هرسته

بو مصارفك مقدارى دكشير، بناءً عليه بو خصوصه ناظر او توماتيك بر اصول تقديره دكل بلدك رآى واجتهاد شخصيسنه مراجعت ايلر .

كرچه ماليه ناظرى ديكر نظاره قارشى « بودجهنك بو قدر آغير لقلره تحملى يوقدر ، بو مصارف جسيمه ي قبول ايدهم » ديه اعتراض ايد بيلير وكذلك مجلس مبعوثان ماليه ناظرى طرفندن تقديم اولونان بودجه به قارشى مصرف كيسه سنك قورردونلرني قيصة بيلير ايسه ده ينه بك دوغرى اولقى اوزره ادعا ايد بيلر كه اصل مصرف كيسه سي ناظرلر ك آووننده در . بناءً عليه بونلر حسن نيت و خلوص قلبه مالك اولماي بوده تنقيص مصارفه غيرت كوستر مزرا ايسه كنديلرني اقتصاده رعايت ايتدير مك بك كوچدر .

بونلكه برابر مصرف بودجه سنه بك فاحش و آغير ارقامك وضع اولنمامسنى ، بر درجه يه قدر تدقيق ايتك ايچون قاعده ماهيتنى حائز اولميه جق بر اصول تدقيق موجوددر . بواصولك اكلا شيلمسى ايچون اولاتخصيصاتى ايكي قسمه آيرملى ز . بوتقسيم هم نظرى وهم ده قانونيدر . يعنى اكثر ممالكك قانونلرى بوتقسيمي قبول ايتشددر .

#### ۱ - تخصیصات متحولہ Crédits évaluatifs ۲ تخصیصات

غير متحولہ Crédits limitatifs : تخصیصات متحولہ ده پاره نك هانكي خدمت ايچون صرف ايديله جكي قطعياً معين اولوب انجق مقدارى تخميناً بيان ايدلشددر . بالعكس تخصیصات غير متحولہ ده هم خدمت هم مقدار مصرف قطعياً بيان ايدلشددر .

بوايكي نوع تخصیصاتى يكدیكرندن تفریق ايچون بعض مثاللر ایراد

انده لم .

ہر نظارت بودجہ سندہ بر مصارف محاکمہ تخصیصاتی موجود در۔  
 نظارتلر دہ افراد عادیه کبی بعض خصوصلر دہ اقامہ دعوا ایدر لر ویا  
 مدعی علیہ اولور لر۔ شیمدی فرض ایدہ لم کہ، سنہ اور تہ سندہ نظارتک محاکمہ  
 تخصیصاتی بیتمش و بونکله برا۔ ، ، ، سنہ مجبوریت کورلش  
 اولسین۔ بوتقدیر دہ نظارت «مادامکہ ہم مصارف عادیه متعلق  
 تخصیصاتم ختام بولمشدر ارتق دعوا اقامہ ایدہ ہم» دیہ بیلیر می؟  
 شہسز کہ خایر۔ دیمک اولیور کہ مصارف محاکمہ تخصیصاتی دیہ قونان  
 مبلغ صرف تخمیندر۔ بونک مقدار حقیقیسنی آنجق بودجہ نك  
 اجراسی کیفیتی تعیین ایدہ جبکدر۔ تخصیصات ہمہ نجه ناظر نہ یاپار؟۔ ا کر  
 مجلس مبعوثان آچیق ایسہ اوکا مراجعتلہ تخصیصات جدیدہ ایستہ۔  
 و مجلس دہ بر ضرورت قارشیدسندہ اولدینی جہتلہ بو تخصیصات منضمہ بی  
 قبول ایدر۔ واکر شو حال مجلس مبعوثانک مسدود بولندینی بر زماندہ  
 واقع اولمشہ ہر مملکتک قانونلری، محاسک مسدود بولندینی بر زماندہ،  
 مجلس وکلانک بر قانون مخصوص ایلہ، بونوع مصارف ایچون، تخصیصات  
 منضمہ ویرہ بیلیمسی اساسی قبول ایتدیکندن ناظر دہ بوصلاحیتہ استناداً  
 کیفیتی مجلس وکلادہ در میان ایدر۔ و ہیئت وکلانک قراری ایلہ تخصیصات  
 جدیدہ آلیر۔ (تخصیصات منضمہ بحثنہ مراجعت)  
 بودجہ دہ اغنام، اعشار و سائرہ یہ متدائر بولنان مصارف، پوستہ،  
 نقلیہ، بندیہ، حبس خانہ، مصرفی، جرم مشہود تخصیصاتی و الخ بو ماہیتی  
 حازدر۔ تخصیصات منحولہ نك ہانکیلری اولدینی بودجہ دہ بر جدول  
 مخصوص ایلہ کوسترلشدر۔ (ث جدولی)

تخصیصات غیر متحولہ تخصیصات متحولہ یہ اصلاً مقیس دکلدر . چونکہ بوتخصیصاتك بودجه نك حین تنظیمندہ قطعی بر صورتہ تعیینی دائرۂ امکاندہ در . مأمورین معاشاتی، اقلام مصارفی ، طوب تفنك اشتراسنہ، انشآات بحریہ یہ متعلق تخصیصات ہب بوقسمہ داخلدر . اشبو بوتخصیصاتك ختنامی تقدیرندہ ناظر مسؤولی مجلس مبعوثانہ مراجعتلہ « بكا تخصیصات جدیدہ ویریگز » دیبہ بیلیرسہدہ اشبو مصارفك قطعاً تعیینی ممکن اولہ بیلدیکی ایچون، اغلب احتمال، محلسك ردینہ اوغرار . ہر حالہ بوتخصیصاتك مجلسدن قورتارلمسی کوچدر . فقط مجلس منعقد دكلسہ ایشتہ اصل مشكلات بورادہ در . . بوکبی مصارف حقندہ مجلس مبعوثان منعقد بولمادینی زمانلردہ ، مجلس وکلانك یرقانون مخصوص اصداریلہ تخصیصات جدیدہ ویرمسی اکثر ممالکدہ ممنوعدر . بناء علیہ بوتخصیصاتك عدم کفایہ سی حالندہ ناظر مشكلات جدیدہ یہ معروضدر .

ایشتہ بوتقسیمك مصارفك تقدیری وبالخاصہ بونك تفتیشی خصوصنہ بیوك تأثیری واردر :

اولا : تخصیصات متحولہ یہ بودجہدہ تعیین ایدرکن مختلف دوائر ونظار بو تخصیصاتی لزوم حقیقیسندن دہا نقصان اولہرق کوسترمکہ تمایل ایدہ بیلیرلر ؛ چونکہ بودجلرینك یکوتنی سنین سابقہدن غایت فضلہ بر مقدارہ ابلاغ ایدرلرسہ دوچار رد واعتراض اولوق احتمالی واردر . بودجہی دن کوسترمك ایچون یاپیلہ جقشی ایسہ تخصیصات متحولہ نك مقدارینی تنزیل ایتکدر . اما صکرہدن بوتخصیصات کفایت

ایتمیہ جك، تخصیصات منضمہ آرانہ جق ایمش . . بو کی تخصیصاتك آلمسنك قولای اولدیغنی ناظرلر بیلمز دكلدر ؛ اونلر اللرنده اوراق ووناق لازمه اوله رق و « نه یایم، چوق محاکمه اولدی . حبس خانہ یه چوق آدم دولدی، چوق مکتوب نقل ایدلدی الخ » دیهرک مبعوثلری اقناع ایدہ جنکلیرینه امیندرلر . اوحالده جعلی اقتصادلر، یالانجی تصرفلر واسطه سیله حین تنظیمنده، بودجه لرینك مقدارینی ممکن اولدیغنی قدر آز کو سترمکه کندی نقطه نظرلرندن بر محذور کورمزلر . . فقط بونك فنالغی صکره دن کورولور ، تخصیصات منضمه لر، مناقله لر، تجاوز تخصیصات والح ایله بودجه نك ایلك انتظامی ، ابتدا کی موازتی تماماً اخلال ایدیلر .

اوحالده كرك مالیه ناظرینه وكرک بودجه قومیسو نلرینه تخصیصات متحولہ نك تدقیقنده توجه ایدن ایلك وظیفه بالاخره بودجه نك انتظام و توازنی اخلال ایدہ جك اولان بو کی جعلی تصرفلر موجود اولوب اولدیغنی آراشدیرمق تخصیصات متحولہ نك لزومندن نقصان یازلاماش اولدیغنه قناعت حصوله کتیرمکدر .

مالیه ناظری و بودجه قومیسو نلری تخصیصات غیر متحولہ حقنده تماماً عکسی بر طریق تفتیش تعقیب ایتلیدر . چونکه بو تخصیصاتی بودجه یه وضع ایدرکن مصرف ناظرلری ایلریده بو خصوصه تخصیصات منضمه آلمق ایستلرسه دوچار رد اوله جقلرینی ویا هیچ اولمازسه بیوک مشکلاته معروض بولنه جقلرینی بیلیرلر . . اوحالده بودجه نك تنظیمنده ممکن اولدیغنی قدر بومصارفك ارقامنی یوکسک قید ایتمه صرف مساعی ایدرلر ، تا که ایلریده شیعمیدن کوره مدکاری

بعض تزايد مصرف قارشوسنده بولنورلر سە دوچار مشکلات اولسونلر؛ ايشته ماليه ناظرى وبالخاصه بودجه قوميسيونلرني متماديأ نفوذ نظرلريني بو طاشقينلني ميدانه چيقارمق وبونلري تنزىل ايله مك جهتنه صرف ايتليدرلر .

بو صورتله اولاولاردات وبعدە مصارفك نه صورتله تخمين اولنديغني، كورييورز . بالنتيجە ، وارداتك تخميني ايجون فرانسەده وبزده موجود اوتوماتك اصوللردن صرف نظر ايتديكمز حالده كرك وارداتك وكرك مصارفك تخميني ايجون بودجه نك ناظملىرنده اراشمى لازمكان پسيقولوژيك واخلاقى بعض اوصافدن ماعدا هيچ بر معيار حقيقي اولمدينى تين ايتمش اوليور .



## بودجه پروژه سنك شكل و تقسيماتى

بودجه پروژه سنك تنظيمى هر يرده ماليه ناظرينه عائد بر حق اولديني يوقا ريده كورولموشدى ( صحيفه ۲۲ ) . ماليه ناظرى بودجه نك مصارف قسمنى وجوده كتيروك ايچون كنديسني هر نظارت و داره دن ورود ايدن مصرف جدوللرينى اساس تنظيم اتخاذايدر . بوجندا اول بعض اقسامى احتوا ايلر ؛ مثلاً : چكن سني نه قدر تخصيصات طلب اولمشدر ، شيمدى ايسه نه قدر ايسته نيليور ؛ سني سابقه نظرأ نه مرتبه ضمايم و يا خود تنزيلات واردر ؛ ايشته هر دائرة بو خصوصده ماليه نظارتنه بويله بر جدولله بوكا مربوط ، واسباب موجبيني حاوى بر تقرير ويرير . ماليه ناظرى ده بونلره مستندأ مصرف تابلوسنى حاضرلار وعموم دوائر بودجهلرينى جمع وتوحيد ايدر . صكره واردات جدولى تنظيم اولنور ؛ بوجدواك تنظيمى ، خزينه نك ناظرى صفتيله ، منحصرأ ماليه ناظرينك بر حق ، بر وظيفه سويدر . ايجاب ايدرسه بوبابدهده دواژدن اخذ معلومات ايدر ؛ فقط بو وارداتك مقدارينك تعيينى صرف كنديسني عائد بر معامله در .

خلاصه ماليه ناظرى مصارف جدولنى و واردات تابلوسنى احضار ايتمكله بودجه نك الكرو حلى والك اساسلى قسملرينى احضار ايله مش اولبور . لكن بودجه يالكيز بوندن عبارت دكلدر . بوجدوللرك باشنه قوانين ساژره ماده لرينه مشابه

بعض ماده لروضع اولتور. بونلردن برنجیسنه مصارف ایکنجیسنه ده واردات جدولی ربط ایدیلیر. بوندن ماعدا آتیده کوره جکمز برچوق ماده لردها علاوه قلنهرق بودجه پروژە سننده اصل مقصود اولان متن قانون وجوده کتیرلمش اولور. پروژە ده تصدیقه اقران ایدە جک قسم انجق بودر. لکن بودجه بو حالحه مجلس مبعوثانه کوندرماز؛ بونک باشنه (اسباب موجبە لایحه سی Exposé de smotifs) دینیلن بر مقدمه علاوه وكذلك الك صوك قسمه ده بودجه ده کی ارقامی یعنی واردات و مصارفاتی وایضاح ایدە جک بعض اوراق و لوايح ملحقه ربط ایلک اقتضا ایدر. شو سوزلریمزدن آکلاشیلدینی وجهله بودجه اوچ قسمدن ترکب ایلەر.

۱ -- اسباب موجبە لایحه سی

۲ -- متن قانون

۳ -- اوراق و لوايح ملحقه .

بوصورتله حصوله کلن پروژە نك حجمی مملکتدن مملکتنه دکیشیر. مثلاً انکلترده بودجه جیبده طاشینه جق قدر کوچک بر جلد اولدینی حالحه فرانسه و حکومت عثمانیه ده، حتی اوراق و لوايح ملحقه نك بعضاً مهم بر قسمی طبع اولمדיنی حالحه، غایت بیوک و آغیر بر جلد تشکیل ایدر. بودجه پروژە سنك تقسیماتی دخی بعضی مملکتلرده دکیشه بیلیر؛ مثلاً انکلیز بودجه لرده اسباب موجبە لایحه سی موجود دکلدیر؛ مالیه ناظرینک عوام قاماره سننده ایرادایتدیکی نطق مخصوص (budget spitch) اسباب موجبە لایحه سی مقامنه قائمدر.

بودجه لایحه سی ختام بولنجه اسباب موجبە و متن قانون قسملری بر جلد حالنده طبع اولتور. اوراق و لوايح ملحقه ایسه آریجه طبع ایدیلیر.

# ۱ — اسباب موجبه لايحه سی

اسباب موجبه لايحه سنك محتوياتي مملكتدن مملكتنه ، ناظر دن ناظره ، كوره دكيشه بيلير . ماليه ناظري بودجه نك باشنه بر مقدمه علاوه ايدجكدر ؛ طبعيله هر ناظر عين صورتده افاده مرام ايتمه جكندن اسباب موجبه لايحه سی هر بودجه ده آرزوق فرقلي بر صورتده اولور . لكن بعض مواد عموميه واساسيه واردركه بونلرك اسباب موجبه لايحه سنه ادخاللري اعتياد حكمنه كير مشدر .

اولا : ماليه ناظري ، اسباب موجبه لايحه سننده ، مملكتك ثروت عموميه سندن ، فعاليت اقتصاديه سندن بحث ايدر و بوده يك طبعيدر . چونكه مملكتك ثروتی و فعاليت اقتصاديه سی كرك وارداته و كركسه مصارفاته تأثیر عظیم اجرا ایدن احوال دندر . ماليه ناظري اشولايحه ده فعاليت اقتصاديه و صنايعه نك حركت و ركودتي تدقيق ايدر . فعاليت آرتشمسه اسبابی كوسترر . اكر بالعكس بر ركودت موجود ايسه نيچون بويله اولديغنی ايضاح ايلر .

ثانياً : ماليه ناظري قبانمش و فقط هنوز محاسبه قطعيه قانونلريله مجلسك تصديقه اقتراان ايتمه مش اولان اكزرسيسلرك ، وكذا ايچنده بولنيلوبده هنوز ۵ ، ۶ ، ۷ آبي مرور ايتمش بولنان سنه حسابيه نك احوال و نتايحي حقه ده مجلسه معلومات ويرير . يعني كچمش اكزه ر سيسلرك نه قدر واردات و نه قدر مصارفاتي احتوا ايتدكلرني ، تعبير آخرله تطبيقك تخميناته نه مرتبه تطابق ايتديكنی عرض ايلر . بومعلوماتده بودجه نك انشای تدقيقنده فائده بخش اولور .

ثالثاً : ماليه ناظري اسكي سنه ماليه اثناسنده احوال ماليه سنك نه حالده

بولندینی، خزینہ نك قيصہ وعده لرده اودنك اوزره عقد ایتدیكى استقراضاتك، یعنی دیون غیر منتظمه نك، مقدارینی مجلسك انظار تدقیقه عرض ایدر .

خزینہ نك بعض مهم وارداتی واردرك سـنـه نك ایام اخیره سـنـده مثلاً تشرین اول ویاتشرین ثانی ده جبات ایدیلر، فقط مصارف بو وارداتك جباتینی بکله مز ، بر چوق مهم مصارفك سـنـه ابتداء سـنـده اودنمی اقتضا ایدر .

بو تقدیرده دیوتی ایفا ایتك ایچون مالیه ناظری (Bons du trésor) دنیان خزینہ تحویلاتی اخراج ایتك و یا خود بعضی مؤسسات مالیه دن وانسلر عقد ایتك مجبوردر ؛ بونلر دولتك دیون منتظمه سی میانه داخل اولماز ؛ چونكه سنه ایچنده ، واردات تحصیل اولندینی زمان ، عیناً تأدیه اولنه جقدر .

بوندن ماعدا بعضی احوالده بر قاج سـنـده اوده نك اوزره ( obligation à court terme ) دینان قيصہ وعده لی استقراض تحویلاتی ده اخراج ایدیلر . ایشه بونلر دولتك دیون غیر منتظمه سنی ( dette flottante ) تشکیل ایدر . مالیه ناظری ده اسباب موجه لایحه سنك بونقطه سنده، اشبو استقراضاتك مملكتك اعتبار عمومیسنه اولان تأثیراتی درج ایدر و الیوم خزینہ نك اعتبار مالینسی بیان و کمال شدتله مدافعه ایلر .

رابعاً : بوتون بو ایضا حاتدن صکره مالیه ناظری او سـنـه ایچون بودجه یه وضع ایتدیكى ارقامه نقل کلام ایدر ك واردات و یا مصارفانده تزايد و یا تناقص بولنیورسه بونك اسبابی و بوندن بر فائده و یا خود

بالعکس محذور تولد ایدوب ایتیه جکئی اوزون اوزادی به تفصیل و ایضاح ایدر .

خامساً : ماليه ناظری اسباب موجب لایحه سنده آتی به متعلق بعض تمنیات سرد ایدر . مثلاً : فلان ویرکونک تبدیل ایدیلهرک باشقه بر شکله افرانغی اقتضای تیدیکی موضوع بحث ایدر . و بونک بودجه به نه کی منافع تأمین ایده جکئی ایضاح ایلر ؛ و نهایت اکر ایسترسه استقباله عاقد بعض پروژه لر یابار و بونلرک صوکنده مبعوثلردن تقدیم ایتدیکی بودجه بی قبول ایتلری تمینسده بولور .

ایشته اسباب موجب لایحه سنده هر سده درجی اعتیاد حکمنده اولان مواد اساسیه بونلردن عبارتدر ، لایحه مذکوره بودجه نك هیئت مجموعه سی حقنده مجلس ملی اعضاسنه بر فکر ویریر .

## ۲ — متن قانون

حکومت عثمانیه ده بودجه نك متن قانونیسی ایکی قسمدن مرکبدر :  
 ۱ صدر اعظم و ماليه ناظری طرفندن امضالشمس اولان و دولتک ، مایحق بودجه لر دن غیری ، واردات و مصارفی احتوا ایله یں « موازنه ماليه قانونی » . بودجه دینلنجه علی الاطلاق بوقسم اکلایلییر .

۲ ملحق بودجه لر : بوقسم صدر اعظم و مؤسسه نك تابع بولندیی نظارتلرک نظاری طرفندن امضال نور و مدافعه سی نظارت عاذه سده راجعدر .  
 انحق برای انتظام دولتک عمومی بودجه سده ربط و الحاق اولور .  
 اولاً برنجی قسم ایله اشتغال ایلیه جکز :

۱ — موازنه ماليه قانونی ینی عمومی بودجه نك متی بالجمله قانونلر

كبي برطاقم ماده لردن متشكلدر . بوماده لرك عددی هر سنه بودجه سنده  
احتياجه كوره تزويد ويا تنقيص اولنور .

دولت عثمانيه ده ، وهمان كافه ممالكده ، بودجه نك برنجی ماده سی  
مصارفه متعلقدر . ديمك اوليور كه دولت بودجه سنده مصارف عموميتله وارداتدن  
مقدم مذكوردر ؛ احوالده اولو بوتقدمك اسبابی ايضاح ايله مك ايجاب  
ايدر :

على العموم افراد بودجه لری ياباركن اولو مقدار وارداتی تعيين  
ايدر و مصرفی اوکا اوبدور مق وحتی قابلسه بر مقدار تصرف ايلك  
چاره لری تحری ايلر ؛ یعنی تعبير عاميانه سيله افراد ، « آياغی يورغانه  
كوره اوزات ! » دس-تورينه توفيق حرکت ايدر ؛ بوده غایت معقول  
ومنطقيدر .

دولتك اولو آياغی اوزاتوب اوندن صكره يورغان تدارك ايتمه سنك ،  
یعنی تعبير حقیقی سيله ، اولو مصارفی تعیین ايدوب بعده اوکا كوره  
واردات آراماسنك سینی ، منابع وارداتنك ماهيتنده آرامق اقتضا  
ايدر :

اكر دولت ده افراد كبی كندی املاك وارضيسنك ، اجرايلديكي  
صنایعك ، ایراديله تأمین اداره ايتسه يدی شبهه سزكه اولو وارداتی تعیین  
ايله مكه مجبور قاله جقدی . لکن زمانمز دولت-لرینك بودجه لرده  
املاك و صنایع وارداتی بك اهمیتسز بر راده ده در . وارداتك  
اك مهم قسمی ، حال حاضرده ، ویركولردن آلتقمده در . ویركولر ايسه  
انجق كندیلرندن نطلب اولنورسه اونو ویریرلر ؛ یعنی ویركولر وارداتنك  
حدودی ، مكلفینك دائره تحمیلی كچمه مك اوزره ، غایت واسعدر .

افراد کندی جیبندن آلدینی حالده دولتک دیگرلرینک جیبندن آلوب اداره اولنمی بر امتیازدر . فقط بوامتیاز دولته بر مجبوریت ده توجیه ایلیور: دولت اولا کندی احتیاجک ساحه سی تعیین ایلمیدرکه، مکلفیندن نه مقدار فداکارلق طالب ایدم بیلجکی تعیین ایتسون ، چونکه دولتک آرایه جنی پاره افرادک قوه تکلیفیه سی ایله دکل کندی احتیاجی ایله محدوددر ، بواحتیاجک درجه سی تجاوز ایله افراده فضله بار اولمق عدالت تکلیفیه ایله قطعاً قابل توفیق دکلدر . خلاصه فرانسز مالیه ناظرلرندن موسیو passy نك دیدیکی وجهله « وارداته برحد مشروعیت بخشیدن، اجرایی لازم کن مصارفدر» بناء علیه دولت بودجه لرنده، نه مقدار ویرکو طرح اولنمق لازم کله جکی ا کلاشیلحق ایچون ، ابتدا مصارفک تعیین ایدلمی ضروریدر .

کرچه پروسیه و باحیقاد و واردات ماده سی ده اول مذکور ایسه ده بوملکتلر ده بیل بودجه ناظم لرینک ذهننده حائز تقدم اولان مصارفدر . بورالرده مالیه ناظری انحق مصارفک مقدار وسطیسی حقنده بر فکر عمومی ایدندکن صکره تدارک واردات مسئله سی ایله اشتغال ایلر .

ایشه علی العموم بودجه لرده مصارفک وارداتن ذکر اولنمی بوسببه میندر مصارفه متعلق اولان بورنجی ماده عثمانی بودجه سنده شوشکلده در: [ ۱۳۲۷ سنه مالیه سی مصارف عادیه بودجه سنده دواثر اعطا ایدیلن تخصیصات اشبو قانونه مربوط ( آ ) اشارتلی جدولده اراّه اولندینی وجهله ۴۸۷ ۳۱۸ ۶۲۳ ۳ غروش اوله رق تعیین ایدلمشدر ]

ماده نك اشارت ایتدیکی ( آ ) جدولنه مراجعت ایدرسه ك ماده ده کی یكونك بروجه آتی دواثر ییننده منقسم اولدینی کورورز : [ ۱ ]

[ ۱ ] مطالعه می تسهیل ایچون صوک بودجه نك ارقایی آلمشدر .

غروش	دواثر
۱ ۱۸۳ ۲۱۶ ۹۰۳	دیون عمومیه
۵۰ ۳۴۸ ۰۰۰	خاندان سلطنت
۲۱ ۸۷۱ ۱۰۱	مجلس عمومی
۲۸۵ ۵۴۵ ۶۶۲	مالیه
۱ ۹۱۷ ۰۹۰	دیوان محاسبات
۵۰ ۸۰۸ ۲۴۸	رسومات
۸۹ ۵۳۷ ۶۰۸	پوسته و تلغراف
۱۱ ۶۵۹ ۹۰۰	دفتر خاقانی
۲ ۶۴۰ ۳۶۰	صدارت
۱۳۵ ۵۸۱ ۳۵۲	داخلیه
۴۸ ۳۵۱ ۱۷۰	امنیت عمومیه
۳ ۳۰۸ ۲۰۰	شورای دولت
۲۴ ۵۱۸ ۸۲۴	خارجیه
۵۱ ۰۶۸ ۶۴۲	علمیه
۷۸ ۶۴۵ ۲۲۴	عدلیه
۹۹ ۴۴۸ ۱۸۵	معارف
۱۵۵ ۳۸۶ ۶۶۰	نافعه
۴۸ ۱۹۴ ۰۶۳	اورمان
۱۶۸ ۲۷۱ ۶۱۲	بحریه
۹۰۰ ۰۰۰ ۰۰۰	حربیه
۴۹ ۱۵۷ ۴۷۸	اعمالات حربیه
۱۷۳ ۸۴۲ ۲۰۵	ژاندارمه
۳ ۶۲۳ ۳۱۸ ۴۸۷	یکون



فقط تقسیمات بونکله قالماز بودجه نك ياپراقلريني بر آز چورمه جك اولورسه ق آجدولندن دهاف فصل مصارف بودجه سنه راست كليرزكه بوراده بالاده كي دائره دن هر برينك آري بر مصرف بودجه سي واردر و آجدولنده يكونا كوستريلن مصارف اشبو دواثر بودجه لرنده برطاقم تقسيمات تاليه يه تابع طوتيلمشدر .

هر مصرف بودجه سي اولا برطاقم قسملره ايريلير مثال اولوق اوزره ۱۳۲۷ سنه سي ديون عموميه بودجه سي آليرسه ق بوراده بش قسمه تصادف ايدرر :

برنجي قسم : استقراضات ؛ ايكنجي قسم : آوانسلر ومتفرق ديون ؛ اوجنجي قسم : دمير يوللرينك كيلومتر و باشنه تاامينات آقچه لري خصصاتي ؛ دردنجي قسم : معاشات ذاتيه ؛ بشنجي قسم : متقاعدين وممزولين . ديكر بودجه لرده بوبله جه اقسامه ايرلمشدر .

مصارف بودجه سنك هر قسمي «فصل» ناميله ايكنجي برتقسيمه دهاف تابع طوتيلور : ينه ديون عموميه بودجه سنك برنجي قسمي اولان استقراضاتي نظردقته آليرسه بروجه آني فصوله منقسم اولديني كوريلور . « ۱ : مصر ويركوسي ، وقبريسي فضله واردا تي ايله تاامين اولنان

مستقراضات

۲ : محرم قرارنامه سي احكامنه تابع طوتيلان مستقراضات

۳ : محرم قرارنامه سنك نشرندن صكره عقد ايدايوب مراتبات سنويه سنك

جبايت و تاديه معاملات ديون عموميه اداره مجلسنه توديع اولونان مستقراضات

۴ : محرم قرارنامه سنك نشرندن صكره عقد اولوب مراتبات

سنویه‌سنك جبايت و تأديه معاملاتى ، بعض مؤسسات ماليه‌يه توديع اولونان مستقرضات ،

« ۵ : مرتبات سنويه‌سنك جبايت و تأديه معاملاتى ، دوغريدن دوغري‌يه حكومت طرفندن اجرا اولونان مستقرضات . »

نهايت بودجه‌نك هر فصلى درجه‌ثالثه‌ده تقسيمايه تابع طوتيلمشدركه بوتقسيمات تاليه‌يه‌ده (ماده) اطلاق اولنو [°]  
سوزلر يى خلاصه تكرر ايدلم :

متك ايلك ماده‌سى مصارفه متداثر اوله رق عموم دواثره عايد مصارفك يكو تى محتويدر . بويكون عمومى (آ) اشارتلى جدولده اساميسى ذكر ايديان ۲۲ دائريه انقسام ايدر . بوداثره لردن هر برينه عايد مصرف‌ده بودجه‌نك مفصل مصرف جدولده تفصيلاً دواثره ؛ دواثره ، قسملره ؛ قسملره ، فصللره ؛ فصللره ، مادد لره آريلير .

بناء عليه برنجى ماده بى (آ) جدولنه كوندر ييور . و بوج دولده ، اصل مصرف جدولنه كوندر ييور كه مصارفك ، بودجه‌نك تصديق بختنده كوريله چكى وجهله ، اصل تصديق اولنه جق اقسامى اولان ( فصللره ) بوج دولده در .

واردات :

متك ايكنجى ماده‌سى وارداته تعلق ايدر . مثلاً : ۱۳۲۷ سنه‌سى بودجه‌سنده اشبو ايكنجى ماده شووجه ايله در :

ماده : ۲ [ ۱۳۲۷ سنه ماليه‌سى موازنه عموميه مصارفنه قارشولق

[°] متن قانونك ماده لريله فصلك تقسيمات تاليه‌سى اولان ماده‌نى بربرينه قارشيدير ماملير .

اولان واردات نخبه اشبوقانونه مربوط (ب) اشارتلی جدولده کوسترلیدیکی وجه ایله «۲,۸۴۴,۵۷۹,۵۰۰» غروشدن عبارتدر . [

مادهده مذکور (ب) جدولی وارداتی بوجه آتی اقسامه آیرهشدر:

نوع واردات	غروش
۱ بلاواسطه آلمان ویرکولر	۱۰۰ ۲۱۱ ۳۵۵
۲ تمغا، خرچلر قیدیله	۵۰۰ ۷۳۵ ۱۲۷
۳ بالواسطه النان ویرکولر	۳۰۰ ۹۹۷ ۵۳۵
۴ انحصارلر	۸۰۸ ۸۴۳
۵ صنایع دولت حاصلاتی	۷۰۰ ۹۵۸ ۲۳
۶ املاک دولت حاصلاتی	۶۰۰ ۳۶۳ ۷۹
۷ مقطوع ویرکولر	۱۰۰ ۳۸۷ ۸۹
۸ متفرقه	۸۰۰ ۴۴۸ ۱۲۶
۹ استردادات	۸۰۰ ۹۶۵ ۳۸
۱۰ تقاعد و معزولین صندوقلری عائداتی	۲۰۰ ۸۶۳ ۱۲۴
یکون	۵۰۰ ۵۷۹ ۸۴۴

وارداتک قسملرندن هربری کرک اشبو ب جدولده و کرک ایلریدهدها مفصل اولان مصارف جدولده فصللره آیریلیر .

مثلا :

منابع وارداتک برنجی قسمی اولان بلا واسطه ویرکولر طقوز فصاه آیرلشدر :

(۱) : مسقات و اراضی و عرصه لر ویرکوسی .

(۲) : تمتعات ویرکوسی .

(۳) : بدل نقدی .

(۴) : طریق بدل نقدیسی .

(۵) : اغنام ، دوه ، جاموس ، جانوار .

(۶) : اعشار .

(۷) : خصوصی اورمانلر حاصلاتندن آلمان رسوم .

(۸) : معادن رسومی .

(۹) : ویرکو تذکره لری .

اشبو فعللردن بعضیلری ده درجه نالته ده ماده لره آریلیر .

مثلا اعشار : (۱) اصل اعشار ، ( ۲ ) توتون عشری (۳) اپک عشری اولمق اوزره اوچ ماده دن متشکلدر . بوراده آتیده کوره جکمزى وجهله تصدیقه اقتران ایده جک اولان فصل یکنیدر .

ایشته بوصورتله موازنه عمومیه قانونلرینک برنجی ماده سی مصارفه ایکنجی ماده سی وارداته منحصر اوله رق بولر بودجه نك الاساسلی موادینی تشکیل ایتمکده در .

فقط بولردن ماعدا بودجه لره هر سنه تکرار ایدن بر طاقم مواد دها بولمقده در :

بوماده لرك بری آلمقده اولان تکالیفک ، هانکی قانونلره مستندآ حبات ایدلمکده اولدیغی کوستریرکه شو بولده در : [موازنه عمومیه واردات قسمنه داخل اولان و اشبو قانونه مربوط (ت) اشارتلی جدولده کوستریلن کافه رسوم و تکالیفک فلان سنه سنده ده تحصیل وجبایته دوام اولنه جقدر] اشارت ایدیلن جدولده ده هر نوع تکالیفک هانکی قانونلره مستند اولدیغی کوسترلمشدر .

کذا هر سنه بودجه لرده تکالیفه راجع اوله رق غایت مهم وشوشکلده بر ماده دهاموجوددر: [موازنه عمومیه قانونیه تحت ماذونیتده بولنمان بالجه رسوم وتکالیفک تطبیق وتحصیلی قطعياً ممنوع اولوب بونک خارجنده هر نه نام وصورتله اولورسه اولسون طرح وجبات تکالیف حقنده امر اعطا واجرا ایدنلر تعقیبات قانونیه تابع طوتوله جقلر در]

شوصوک ایکی ماده ایله ویرکونک سنوی اولماسی قاعده سی قبول ایدلمش اولیور. معین ویرکولر هر سنه تکرار آجبات ایدیله بیللمک ایچون مجلس ملینک مساعدده سنک تکرار ایتمی اقتضا ایلر؛ بوصورتله مجلس ملی بودجه اوزرنده کی حاکمیتی تقویه ایتمش وحکومتی هر سنه همه حال بارلر تویه مراجعته مجبور قیلمش اولیور. ماده نک عمومیتندن دخی صراحة آکلاشیله جنی وجهله بوقاعده ره رعایت یالکزه یئت وکلا ایچون بالجه دکل مأمورین ایچون مجبوریدر. یعنی بوراده، آمرک فوق القانون اولان امری مأموری مسئولیتدن قورتارده میه جنی، قاعده سی کمال شدتله تطبیق اولنیور؛ بوماده دده موجبنجه، سنه ختامه ایرنجه بودجه ده ختامه ایرمش و آرتق اسکی سنه بودجه سنده تکالیفک جباتی ایچون ویریان ماذونیتک حکمی قالمامش دیمکدر. قاینه بودجه سر جبات تکالیفی امر ایدمه جهک، وفوق العاده قانون امر ایتمه بیله جبات وتحقق مأمورلری بواصری اصفا ایتمه جکلر در.

بوسایه ده قوه اجرائیه نک سنه دن اول دائماً مجلسه مراجعت ایدوب بودجه نی تصدیق استیذرمسی مجبوریتی تأیید ایدیلور دیمکدر. [۱]

[۱] بویاده قانون اساسینک ۱۰۲ نجی ومحاسبه عمومیه قانونک ۹ نجی ماده سی موجبنجه براسنن ناموجوددر: [بودجه نک حکمی عائد اولدینی سنه یه مخصوصدره اوسنه نک خارجنده حکمی جاری اوله ماز. انجق بعض احوال فوق العاده دن

هر سـنه بودجهـده اخذ موقع ایتـمـسی ایـجاب ایدن مادهـلردن  
براشنجیبیـده شودر :

[ محاسبه عمومیـه قانوننك اون برنجی مادهـسی موجبـنجه مجلس  
عمومینك اثنای تعطیلـنده حكومتـجه تخصیصـات منضمـه اعطا ایدیلـه بیـلهـك  
اولان خدمات ۱۳۲۷ سـنهـسی ایچون اشبو قانونـه مربوط [ ت ]  
جدولـنده تعداد ایدلـشدر ]

تخصیصـات غیر متحولـه ( crédits limitatifs ) ایـله تخصیصـات  
متحولـه ( crédit évaluatifs ) ك نه اولدینی مقـدا كورولـشـدی .  
( مصارفك تقدیری بخشـه مراجعت ) تخصیصـات متحولـده احتیـاج  
حقیقینك مقدارینی انجق بودجهـنك اجراسی کیفیتی تمین ایدر بناء علیه  
بـو مصارف بالفرض سـنه ایچـنده نقصان كلدیكی تقدیرـده مجلس بونك  
ایچون قولایجه تخصیصـات منضمـه ویریر ؛ و اكر مجلس منعقدكـسه  
مجلس وكلاـدن صدور ایدـهـك برقانون موقـتـله تخصیصـات منضمـه آلتـسـنه  
هر یرده جواز ویرلشدر .

حالبوكه تخصیصـات غیر متحولـهـنك مقداری قطعیدر . مجلس منعقد  
اولـسه بیـله ناظر بونك ایچون تخصیصـات آرامغه جسارت ایدـهـمز .  
ایتـسه بیـله ، اغلب حتمال ، مجلسك ردینه اوغرار ؛ وهله مجلس منعقدكـسه  
مجلس وكلا قانون مخصوص ایـله بو خصوصـده تخصیصـات منضمـه اعطا  
ایدـهـمز . ایتـسه بالادهـكی ماده وادكا ملحق ( ث ) جدولی ایـله هانـكی

دولایـن مجلس مبعوثان موازنهـنی قرارلشدر مقسـزین فسـخ اولـندینی حالـده حكـمی  
برسنهـنی تجاوز ایتـهـمك اوزره برقرار نامه ایـله وكلاـی دولت بارادـه سـنیه سـنه  
سابقـه موازنـهـسـنك جریان احكامنی مجلس مبعوثانك كلهـك اجتماعـه قدر تمـدید  
ایدرلر ]

قسم مصارفده، مجلسك عدم انعقادنده، مجلس وكلا طرفندن تخصیصات منضمه ویریله بیله چکی تعیین و تخصیصاتك متحول اولانلری صراحة ذکر ایدلمشدر .

بو جدولده هر سنه تجربهیه مستند بعض تعدیلات و تصحیحات اجرا اولنور . یعنی بعضی فصللر تخصیصات غیر متحولدن ایکن اقتضای حال ایله تخصیصات متحوله میانسه ادخال ویا عکسی اجرا ایدیلر . بودجه‌ده هر سنه بولنان مواددن بر آلتنجیسی ده شودر :

[ بانق عثمانی ایله اولان خزینه حساب جاریسندن ماعدا مالیه نظارتی ایجابی حالده سنه مالیه طرفنده اوده‌نك و مقداری ایکی میلیون لیرایی تجاوز ایتمه‌ك اوزره خزینه تحویلاتی اخراجنه ویا موقت آوانسلر ویا حساب جاریلر عقد و کشادینه مأذوندر . ]  
( ۳۲۷ بودجه‌سی ماده : ۶ )

اسباب موجب لایحه‌سندن بحث اولندیفی ائشاده‌نخی ایضاح ایدلدیکی وجهله حکومت سنه‌نك هر دورنده مصارفاتی منتظماً تأدیه ایدر . لکن واردات بر اطراد تام ایله خزینه‌یه داخل اولماز . علی الاکثر کوریلدیکی اوزره واردات تشرین ثانی ده جبات اولنه‌جق ایکن آغستوسده بر مصارفك مهم بر قسمنی تأدیه ایتك اقتضا ایدر .

بو حالده مالیه ناظرینك، تأدیه مصارفه موفق اولمق ایچون واردات استحصال اولندیفی زمان اودنك اوزره ، بر مقدار خزینه تحویلاتی اخراج ایتمه‌سی ویا آوانسلر عقد ایله‌مسی مجبوریدر .

ایشته سوء استعمالانه مانع اولمق ایچون هر سنه بودجه‌سنده بر ماده مخصوصه ایله مالیه ناظرینك اعظمی اوله‌رق اخراج ایده‌جکی تحویلاتك

مقداری تعیین و تحدید ابدیلیر (\*)

اشبو مواددن مابعدا بودجه‌لرده سائر ده بر طاقم مواد دها واردر که موضوعی هر سنه عیناً تکرار ایتمز. سنه‌دن سنه‌یه کوره بوماده لک مقداری تبدل ایدر.

بوماده لر مواد اداریه ، نافع ، مالیه و سائر مه عائد اولور : مثلاً ، دولت ، بویوک بریول ، قنال ، لیمان یایدیره حق ، بونی حکومتک نه کی شرائطله احاله ایده بیله چکی حقنده بر ماده قونه بیلیر .

کذا ، مثلاً بودجه‌ده تنسیقات قانوننک تعدیلنه دائر ماده بولور . یا خود ویرکویه بر مقدار ضم اولنه جغنه ویا تعدیل یا الغا ایدیله حکنه وحتی بعضاً یکی بر ویرکو وضع اولنه جغنه دائر بعض احکام موجود اولور . کذاک چوق دفعه لر تشکیلات اداریه بودجه لر ایله یاییلیر . مثلاً بر دائر تأسیس اولور ، بودجه‌ده بر ماده ایله ، نظارتک تشکیلاتی مأمورینک استانولری تبدیل ایدیلیر .

ایشته بوکی خصوصاته متعلق احکام ، واردات و مصارفات کی بر سنه نهایتنده اولوب کیتمز ، بلکه ، یا یکی بودجه ایله ویا بر قانون مخصوص ایله تبدیل ایدیله دیکه ، سنین مستقبله اناسنده ده دوام ایدر . [\*\*]

بودجه‌یه بویله مستقل قانون تشکیل ایده بیله جک ماهیتده بولنان . یعنی

(\*) [ قانون مخصوصه ویا موازنه عمومیه قانوننده مصرح بر مأذونیه مین اولقیزین حتی قبصه وعده لی بیله اولسون هیچ بر استقراض عقد اولنه‌ماز ] محاسبه عمومیه قانون موقی ماده : ۱۲

[\*\*] بوندن دولانی هر سنه بودجه‌سنده شوشکده بر ماده دها موجوددر .

[ اسکی موازنه قانونلرینک اشبو قانون وقوانین مخصوصه ایله فسخ و تعدیل اولنن احکامی متبردر ]



ویرکولری تبدیل و تعمیر ، و یا خود یکی بر ویرکو احداث ایدم‌جک اولان و کذا دواثرک تشکیلاتنه مأمورینک «استاتو» لرینه تعاقی بولنان ماده‌لری ادخال ایتک دوغرو دکدر . بعض اهمیتسز اصلاحات و تبدلات اداریه‌نک بودجه قانونلری ایله یاییلمه‌سنه بر شی دینه‌مزسه‌ده مستقل بر قانون تشکیل ایدم‌جک ماهیتده اولان احکام اداریه‌ مالیه و نافعنه‌نک بودجه‌یه ادخالی هم بودجه‌نی هم بومسائلی متضرر ایدر .

چونکه بودجه‌نک تصدیق اکثریا طار و یک صیتیشیق بروقتده وقوع بولور . بناءً علیه شوزمانده قوؤ قانونیه برسنه ظرفنده چرخ اداره‌نی تدویر ایدم‌جک اولان واردات و مصارفی تدقیق و تخمینه آنجق فرصتیاب اولابیلیر . بودجه‌یه بو کبی اجنبی مواد علاوه اولدنیقی تقدیرده ایسه نه واردات و مصارفک ونده بو موادک لایقیله تدقیقنه امکان قالمش اولور . بوندن هم بودجه وهمده بومواد قانونیه ضرر کوریر ، ایکیسی‌ده لایقیله دوشونولوب حاضرله‌مز . بنابرین بو کبی موادی بودجه‌نک خارجه آماق اسلم طریقدر .

۲. — متن قانونک ایکنجی قسمی ملحق بودجه‌لردر ملحق بودجه‌لرده طبق موازنه‌ مالیه کبی بر طاقم مواد قانونیه‌دن و بونلره مربوط واردات و مصارف جدوللرندن مرکبدر . بو جدوللر دخی عمومی بودجه کبی قسملره ، قسملر فصللره و فصللرده ماده‌لره آیریلیر . اوقاف بودجه‌سنگ وارداتی دولت بودجه‌سندن آیری ایسه‌ده دیگر دیگر ملحق بودجه‌لرده کوزولن وارداتک هم بر قسمک موازنه‌ مالیه قانوننده . صرف اوله‌رق موجود اولدنیقی خاطر دن چیقار ماملیدر . ( ۶۸ نجی .

صحيه يه مراجعت ) ۳۲۷ سنه سي ملحق بودجه لر ينك مصارف قسم لر ينك  
يكونلري بروجه آتيدر :

غروش

۷۶ ۰۴۴ ۳۶۲	اوقاف نظارتی
۴۷ ۶۵۰ ۶۷۵	حجاز تیمور یولی مدیریتی
۲۰ ۹۷۲ ۸۲۲	زراعت بانکہ سی
۱ ۸۷۵ ۲۸۰	حجاز صحیہ اداره سی
۱۴ ۴۲۷ ۵۷۰	صحیہ دارہ سی
۳۴ ۰۳۱ ۴۸۰	عثمانی سیر سفائن اداره سی
۱ ۳۰۱ ۱۲۶	امنیت صندینی مدیریتی

ایشته بودجه پروژہ سنك متن قانونیسی ، عثمانی بودجه سی نظر دقته  
آلنہ رق . ایضاح ایدلش اولبور : ممالك متمدنه بودجه لر ينك اکثریسی ،  
تفرعاندہ بو شکل و صورتدن بر آز آریاير سه ده اساس اعتباریلہ  
بزمنکنه مشاہدر . از جملہ فرانسه بودجه سنندہ مواد قانونیہ بر بحث  
حالندہ دوام ایتدیریلہ رک درت قسمہ آیرلشدرد . (۱) عمومی بودجه  
(۲) ملحق بودجه لر (۳) تدایر خصوصیه (۴) تدایر سنویہ ؛ بودہ بزم  
بودجه مزده کورولان موادك صورت اخزلہ تصنیفندن باشقه برشی دکلدرد .  
لکن بالطبع ، بورادہ ، مملکتك احوال وایجاباننه کورہ ، بزده موجود  
بولنمیان بر طاقم مواد دخی واردرد .

### ۳ - اوراق ولوايح ملحقه

بودجه پروژہ سنك صوکنہ برطاقم وثائق دخی علاوہ ایدیلیرکہ بو  
قسم تصدیقه اقتران ایتیموب یالکز متن قانونك حتی اسباب موجبہ

لايجمه سنك بعض مواد واحكامنى توضيحه خدمت ايله جكدر . اوراق ولوايح ملحقه بودجه پروژه سنك الك حجملى قسميدر . بودجه يه لف ايدلسى معتاد اولان اوراق ولوايح زماندن زمانه ديكشه بيلير بزيالكيز ماللك متمدنه بودجه لر نده على العموم موجود بولنان برقاچندن بحث ايدنه جكدر .  
(اولا ) كچمش سـنـه نك واردات ومصارفاتنك تطبيقاتى مصور بر خلاصه حسابيه موجوددر .

كچن سنه نك اكزه رسيى بالاخره محاسبه قطعيه قانونى حالنده مجالس تشريعيه يه كله جكدر . فقط هنوز كله ديكي ايچون مبعوثان بو حـسـابهـانـه يعنى تخميناتك تطبيقاته درجه تقربنه واقف دكل . اسكى اكزه رسيى ايسه يكي سنه بودجه سنه اساس اولاييلير . بناء عليه قوه تشريعيه يى سنه سابقه حساباتندن خبردار ايتك ايچون بو حسابك خلاصه سنى شو اوراق ولوايح ملحقه ايچنه ادخال ايتك اعتياد حكمنه كير مشدر .

(ثانياً) بودجه ده كى وارداتك مقدار وتفصيلاتى محتوى بر جدول موجوددر .

بوراده واردات اينجه دن اينجه يه تحليل ايدلمش ، بر چوق قسملره ايرلشدر . هر قسمده مصارف تحصيله نك نه يه بالغ اولدينى ، صوكره اشبو وارداتك بش سنه لك وسطيسى نه اولدينى وهانكى اصول ايله تخمين ايدلد بكي .  
الح كوسترلشدر .

( ثالثاً ) مفصل بر مصارف دفترى واردر . هر نظارتك طلب ايتديكى تخصيصات حقنده ايضاحات مفصله ويرير ، نظارتك مأمورلرينه واشيا سنه متعلق بر اطاق معلومات اعطا ايدر . و بوراده حتى تخصيصاتك فصل وماده دورنده كى تفرعاتى بيله كوستريلير .

خلاصه بوجودلده مصارفاتك ايجهدن ايجيه تدقيقه يارار .  
 ( رابعاً ) ديون غير منتظمه به Dette flottante يعنى قيصه وعدهلى  
 استقرضاته وحزينه تحويلاتنه عائد معاملاتى محتوى بر جدول دها  
 موجوددر . دولتك منتظم صورتده عقد ايتديكى استقرضالر ، -  
 « Dette-Consolidée » بوميانده موجود دكلدر . آرزو اولورسه بوبابدهده  
 آريجه بر جدوله ربط اولنه بيلير .

( خامساً ) ، انشا آته متعلق بر قسم موجوددر . بوراده فرضا بحريه  
 نظارتك يابديره جنى سفاسك حربه نظارتك يابديره جنى بر قيشله نك  
 صورت انشاسى بر مكاتبك ، بر نظارتك پلاننى والى كورولور .

ونهايت بو اوراق ملحقه مياننده برده ، ماليه ناظرينك سنه سابقه  
 ظرفنده نه قدر تخصيصات منضمه آلدیغنه دائر بر جدول كورينور .  
 بوجودلندن دخی چكن سنه مجلس وكلائك ويا مجلس مائيك ، مجموعاً ، نه مقدار  
 تخصيصات منضمه ويرديكى وبالتيجه بودجه نك تخمينات ابتدائيه سى نه مرتبه  
 تجاوز ايدلديكى اكلاشيلير . بو صورتله مجلس ، هم بودجه نك ارقام  
 ابتدائيه سنك سنه ايجنده نه قدر تزويد ايدلش اولديغنى وهمده تخصيصات  
 غير متحولدن مجلس وكلا قراريله ضميمات آلوب آلمانديغنى تحقيق  
 ايده بيلير .

ايشته بو صورتله اسباب موجب لايحه سى ، متن قانون واوراق وناق  
 ملحقه دن عبارت اولان بودجه پروژه سى تنظيم ايدللكه معامله احضار .  
 ختام بولش اوليور . شمدي بو پروژه برائى تصديق قوه تشريعيه كه جكلدر .

## بودجه نك تصديقي

۱۰

### بودجه حقك تاريخي

بودجه نك تصديقي بوكون على العموم هر يرده ملته عائد بر حقدرد. فقط ملتك معامله تصديقه بالذات اشتراكى نمك اولامديغندن بووظيفه كنديلرينك و كيللرى عد ايتديكمز مجلس مبعوثان واعيانه توجه ايدر . عجباً بو حقدك ماهيتى ندر ؟

ابتداى امرده « ويركى اوده ين ملت اولدينى ايچون ، اولابوويركى راضى اولمق و ثانياً ، تحميل ايده چكى ويركو مقدارنى معقول بر صورتده تعيين ايله مك ايچين ، مصارفى تونترول ايتك ملتك حقيدر » ديزيله بيلير .

فقط بوتون حق تصديقي بوجهده مندمج عند ايتك خطادر . چونكه مكلف اولان افراد ملتك و برديكنك حسابى صورامامه سى اكثرياً كورنش اولان احوالندرد . مثلاً بر دولت بر راضى يه استيلايدوب اوراده ساكن اولان خلقدن ويركى الدينى زمان اهاليك بونى مراقبه ايتمه سى احتمالى يوقدر . نابوليون ۱۹ نجى عصر ابتدا سنده آلمان حكومتانه از جمله روسيه يه قارشى احراز غلبه ايتديكى صيره لرده ، مغلوبلر اوزرينه ويركيلر تعيين ايتديكى حالده ، اهالى بوباره نك نره يه صرف اولنديغنى كنديسندن صورامامشى !

اوقدر اوزاغه كيمكه نه حاجت ! ده دونه بزده ، روسيه ده

و علی العموم حکومت مطلقه ویرکونی ویرن خلق حکمداره قارشى  
 « ویرکونی ویرن بزلرز، بونک مقدار و تطبیقاتی بزمراقبه ایده جکر، ديه  
 بیلیرمی ایدی ؟

دیمک اولیورکه ویرکونی اوده مک دایما بودجه حقنه مالک اولمانی  
 ایجاب ایتمه یور . او حالده بودجه حقنی بشقه براساسه استناد ایتدیرمک  
 لازم کایرکه بوده حاکمیت ملیه اساسیدر . بوکون هرطرفده بودجه بی  
 تصدیق اولان ملتدر؛ چونکه هرطرفده حاکم اولان ملتدر؛ اگر حاکم،  
 ملتدن بشقه سی اوله یدی ، مثلاً مملکتلر مطلقیت اصولی اوزره اداره  
 اولنسه یدی ، اوزمان بوحق حکمداره راجع اوله جقدی ، نته کیم اوله  
 اولمشدر .

حاکمیت ملیه نک اعلان واستحصالی فصلکه اختلالر ، انقلابلر  
 نتیجه سنده ممکن اوله بیلیمشه بونک بر جزئی اولان بودجه حقنک  
 استحصالی ده اوله جه غایت کوچ اولمشدر . ذاتاً اختلالات سیاسیهدن  
 اکثریسنک اساسی ، نوه سنی، بوباره مسئله سی، اوده نیله جک ویرکونک  
 مقداری مراقبه ایده بیلیمک کیفیتی تشکیل ایلر .

تاریخاً بودجه حقنی الاول استحصالیتمش اولان مملکت انکلترودر .  
 بعده فرانسه بووادیده انکلترو بی تعقیب ایلهمشدر . ممالک متمدنه  
 سائر ایه تماماً بوا یکی حکومتدن ملهم اولمشلر اونلرک وضع ایتدکری  
 بودجه اساسانی ، آز چوق تعدیل ایله ، قبول ایلهمشدر .

بودجه حقنک تماماً استحصالی ایچون اولا ویرکونک اونى اوده یئرلر  
 طرفندن تصدیق اولمنسی، یالکیز بوظفه نظردن حاکمیت ملیه نک قبولنه جهد  
 ایدلمش وایچه مشکلات ایله بواساس قبول ایتدیرلدکدن صکره ، تصدیق

واردات حقنك ویركوي ايجاب ایندیرن اسبابك ده تدقیقنی مستلزم اولدینی ادعا اولنه رق، تصدیق مصارف صلاحیتك ده الده ایدلمس نه موفقیت حاصل اولمشدر. بوندن صوكره بوحق مطرداً، سنوی اولمق اوزره، مراقبه اولمغه باشلايه رق بودجه حاكیمیتی اتمام ایدلمشدر.

اولا وارداتك تصدیق، مصارفك تصدیق واطراد تصدیق خصوصنده انكلتړه نك كچیرمش اولدینی تكاملك خطوط اساسیه سی مختصراً كوزدن كچیره لم:

۱ وارداتك پارلمنتو طرفندن تصدیق — « ویركومكلفینك رضاسی اولمادن طرح ایدیه من، قاعده سنك قبولی انكلتړه ده غایت اسكیدر. بوحقك طانمسی اوقدر اسكیدر كه كیمسه بونك ظهور تاریخیسی بیانه مقتدر دكلدر.

بتون قرون وسطاده، انكلتړه ده قبول اولنان قاعده مالیه « قرال، مملكتك مصارفنی كندی املاكی وارداتیه اوده « یولنده ایدی. قرالاك بوباره یی نه صورتده صرف ایدم جكی ایسه « اسرار دولت « دن معدود ایدی؛ احتیاجات فوق العاده ویا موقته حالنده قرال فوق العاده اوله رق افراد مملكتدن بر مقدار پاره جبات ایدر، فقط بونك ایچونده مكلفینك وکیللربنك رضاسی استحصالی املك اقتضا ایله ردی.

زمان كچدكجه مصارف دولت آرتمه، املاك قرالیه وارداتی آرتق بومصارفه كفات ایدمه كه باشلادی؛ اوزمان ویركوده استثنائی اولمقدن چیقارق دائمی اولمق استعداد و تكاملنی كوستردی؛

فقط ویركونك ملت طرفندن تصدیق قاعده سنی تأسس ایتدیكی زماندن اعتباراً بوحق انكلتړه ده حكمدارانك برچوق تعرضاتنه معروض قالمش هله ۱۷ نجی عصرده استوارت خاندانی طرفندن همان كاملاً

دوچار رد اولق تهلکسنی کیرمشد . برنجی ژاق و خلفی برنجی شارل ، پارلمنتونک مقاومتته حواله سمع اعتبار ایتیه رک ، کندی کندیلرینه ویرکو طرح ایلک کبی بر فکر فاسده دوشمشلردی . فقط پارلمنتو ۱۶۲۸ ده برنجی شارلک لندن ، ایچنده ملنک ویرکوبی تصدیق حق صراحة مذکور بولنان ، بیاننامه بی Pétition of rights قوبارمشدی . قرال بالاخره وعدينک خلافه حرکت ایتک ایتیه رک ship money ناميله مشهور اولان بحریه ویرکوسنی وضع و پارلمنتونی طاغیتمشدی . اهالی مقاومت ایتدی . Hampden نامنده برانکلیز ویرکوسنی اوده مکدن استنکاف ایدیه رک ایشی محکمه قرالی به عکس ایتدیردی ، محکوم اولدی ، فقط مملکتده بیوک برغلیان تولید ایلدی ، نهایت ۱۶۴۹ اختلالنده قرال اعدام و ملنک ویرکوبی تصدیق حق تأیید اولندی .

آز مدت صکره ، استوارتلیر تکرار مواقع اقتداره کلدیکی وقت ، یکی قرال ایله پارلمنتو آرمنده اسکی مجادلات ، بودجه دهاشدته ، باشلامش ۱۶۸۸ انقلابنه منجر اوله رق ( کیوم دورانژ (Villaume d'Orange) ک انگلتره تحتته صعودی ، انتاج ایله مشدر . کیوم دورانژ بومقامه وصول ایچون اول امرده ملنک ویرکوبیه راضی اولق حقنی رسماً تصدیق ایتیش بوبابده Bill of Rights نام بیاننامه بی نشر ایله مشدر . بوندن صکره انگلترده بوحق بالعموم وارداته تشمیل ایدلمش و اصلا اعتراض کورمه مشدر .

ویرکونک مکلفین طرفندن تصدیق قاعده سی اون سکزنجی عصر صوکنده انگلترده مهم بر موقع تطبیق بولمش یالکیز انکلیزلرک دکل مستملکات اهالیسنک دخی کندی ویرکولرینه کندیلرینک راضی اولماسی اساسنی انتاج ایله مشدر .



۱۷۶۵ تاریخده انگلتره پارلمنتوسی کندی مستملکه سی بولسان امریقای شمالی اوزرینه اهمیتسز برایکی رسم وضعنه قرار ویرمش و بو صورتله برکانون اختلالك اشتعالتنه سبب اولمشدر . باشده واشینگتون اولمق اوزره بتون آمریقا انگلتره نك، کندی رضالری اولمق سزین، ویرکو طرح ایتمسنه قارشى عصیان ایتمش و ظهوره کلن محاربه اوزرینه ۱۷۸۲ ده مملکت استقلالی احرازه موفق اولمشدر . اثنای حربده ، ۱۷۷۸ ، انگلیز پارلمنتوسی مستملکات اهلایسنگ رضالری اولمق سزیه اولنرك مكلف طوتولمیه جنی قرارینی ویرمشده ده ، بوقرار متحده امریقا ایچون بك کچ ایدی . . فقط دیگر انگلیز مستملکاتی ایچون الیوم تطبیق اولمقده در .

۲ — مصارفك پارلمنتو طرفندن تصدیقی — تا اون دردنجی عصر دئیری انگلتره پارلمنتوسی تصدیق ایتمدیکی وارداتك نه ایچون ویرلیدیکی وزره یه صرف ایدلیدیکی اكلامق حققی قراله طائمه چالیشمش و بعضاده موفق اولمشدی . فقط انجق ۶۸۸ اختلالدن صكره، کیوم دورانزه قبول ایتمدیریلان اساس دائره سنده، بوحق حقیقه تطبیق اولمیه باشلاندر .

یالکز ۶۸۸ دن صكره دخی پارلمنتو مصارف خصوصنده کی حق تصدیقی کافه مصارفه تشمیل ایده میوردی؛ چونكه حكومتك اداره ملكیه سی مصارفی تخصیصات حكمداری ایچنده داخل ایدی . تخصیصات حكمداری ایسه یكوناً اعطا اولنور و تحلیل اولنمزدی؛ بو تخصیصاتی حكمدار دیله دیکی كبی تصرف ایدردی . حتی الان خزینه خاصیه انگلیز جه ده، و كهنی بورادن اقتباس ایدن سائر اوروپا سالاندرنده، یاكش اوله رق Liste eivile (ملکيه بودجه سی) نامی ویرلمسنگ سبب تاریخسی بودر .

دیك اولیوركه ابتدا انگلتره ده یالکز مصارف عسکریه بودجه سی

پارلمنتونك تصدیقنه اقتراان ایتیمكه باشلامش ومصارف ملكیه سائر خزینه حكمداریدن افتراق ایتیمكه باشلادقیجه بواش بواش دائرة تصدیق تعمم ایتمشدر. نهایت ۱۸۳۷ده قرانیچه ویقتوریانك تخته جلوسی انناسنده تخصیصات حكمداریه آرتق تماماً مصارف دولتن آیرلش وخزینه حكمداری انجق خاندان حكمداری به عائد مصارفه راجع قالدق مصارف دولتك كافیهی مجاسك قونترولنه تابع اولمشدر.

۳ - واردات ومصارفك مطرداً هر سنه تصدیق ... اطراد سنوی تصدیق دخی انگلترده انجق ۱۶۸۸ سنه سندن صكره جای تطبیق بولمشدر. بوندن اول پارلمنتو منتظماً اجتماع ایتدیكى ایچون تصدیق سنوی اصولی موجود دكادی.

بو تاریخدن صكره پارلمنتو منتظماً اجتماع ایتیمكه باشلانجه ودواثر مصارفی خزینه خاصه مصارفندن آبرلقچه، بونلرك هر سنه یکیدن تصدیق اولنسی اساسی قبول ایدلمشدر. مع مافیه ایوم بیله، ایلریده كوره جكمز وجهله، بر قسم مصارف، فون قونسولیده fonds consolidé نامیله، قانون دكشدرلمدكچه هر سنه تكرر تصدیق ایجاب ایتیمك اوزره، بردفعه ایچون تصدیق ایدلمكدە بولنمشدر.

وارداته كلنجه : ۱۶۸۸ دن صكره بر قسم وارداتك حكمدارك بتون حیانتجه و دیگر بر قسم ویركولركده « تكالیفك معین و قیصه مدتلر ایچون تصدیقی پارلمنتونك منتظماً اجتماع ایده جكنه دائر الكیوك تأمینات اولدینی ایچون » سنوی اولهرق تصدیق اصول اتخاذایدلمشدر. بوكون بیله ایتقوم تاقس یعنی ایرادعمومی ویركوسیله جای ویركوسنك سنوی اولهرق و دیگر ویركولركده، قانون مخصوصله دكشدرلمدكچه دوام ایتك

اوزره، دائمی اوله رق تصدیق ایدلمسك و ارداتك فون قونسولیده‌نك و اردات  
قسمنه داخل اولمسك سبب تاریخیسی بودر . ( ایلریده برسنه‌دن زیاده  
مدتله تصدیق اولنان بودجه‌لر بحثه مراجعت )  
فرانسه :

فرانسه‌ده ، مملکت اوزون مدت بودجه مسئله‌سنده غریب بر  
لاقیدی کوستردیکی جهتله ، بودجه حقنك تاریخی انکلتیره‌دن ده‌آز  
فجیع ، ده‌آز قانلی صفحات کچرمشدر .

فی الحقیقه قرون وسطا‌دن بری *etats généraux* نه تازه‌نرولر ، (\*)  
ویرکوی تصدیق حقنی متعدد کره‌لر یورولمقسزین طلب ایتمشدی .  
بالخاصه همانده اختلاجی دینه‌جك قدر حقوقی استحصاله جبالایان  
۱۳۵۵ ، ۱۳۵۶ مجالسك بو خصوصه‌کی تمایلات و تظاهراتی پك  
کورولتولی اولمشدی ؛ لکن بو حرکت متجددانه ، قرالیتك کوندن کونه  
تراید ایدن نفوذ و مطلقیتی اوکنده اوزون مدت دوام ایدمه‌دی پك  
جابوق انظفا بولدی . قرالار نه‌آز نه‌رولرک ویرکوی تصدیق حقنه  
رعایت ایلمه‌کی وعددن کری طورمازلردی ؛ بالخاصه ۱۱ نجی لوئی  
و دردنجی هازی بو یولده‌کی بیاناتده غایت سخی داوارانمشلردی ؛ لکن  
بو وعدلرک هیچ بریسی طوتیلما‌دی بو مجالس اصلاً مطرداً اجتماعه  
دعوت ایدلمدیکی کبی قرالیت بیوک بر اضطرابه دوشمکجه بو مجالس‌دن  
تخصیصات طلب ایتمه‌دی . حکمدارلر فعلاً ویرکولری کندی ارزولریله  
طرح ایدرلر و مالیات مملکتی دیدکلری کبی اداره ایلرلردی .

(\*) نه‌آز نه‌رولر. فرانسه‌ده ۱۳۰۲ — ۱۶۱۴ تاریخلرنده پك غیرمنتظم  
وبك فاصله‌لی اوله رق اجتماع ایدن ، ره‌بان ، اصلزادکان ، و اهالی وکیللرندن  
مرکب مجالس ایدی ؛ بو مجالسك دائره صلاحیتی غایت محدوددی .

فرانسه ده ۱۶۱۴ دن صكره نه نازه نه رولر قطعاً دعوت اولنمادی فقط بونكله دولتك خزينه سي ده افنا بر وضعيته دوشمش اولمدی و بلكه ده ايلشدی. كرچه پارلمانلر ( \* ) ، حقلى اولمدينى حالده ، ويركويى تصديق ايتك ايجون قراله بالخاصه ۱۵ نجى و اون التجى لوتى به بعضى مرتبه مقاومت كوستردى . لكن قرالار ، پارلمانك ادعا ايتديكى امتيازات ماليه ي رد و اونلرك مقاومتنى كسر ايلوردى ؛ بونكله برابر ، قرالك يالكز باشنه ويركوطر ايتكده حق اولمدينى فكري مملكتده باقى ايدى. و خالق حكمدار ك قوه مطلقه سنه قارشى بوكه لن بو بكانه قوته ظهيرايدى. حتى تكرار نه نازه نه رولرك اجتماعه دعوتى يعنى بودجه نك اصل اهالى يى تمثيل ايتديكى قبول اولنان اعضادن مركب مجالسه تصديق ايتديرلمسنى طاب اياين ، ۱۷۸۷ تاريخده ينه پارلمان اولمشدى .

انقلاب كيردن ( ۱۷۸۹ ) صكره ، آرتق ويركويى تصديق ايتك صرف ملتة عائد برحق اولديني شبهه كوتورمن بر صورتده قبول ايدلدى. بو ساينه ده بو قدر زمانديرى ، يالكز نظرياتده وجودى قبول ايديلوب فعلياتده سقوط ونسيانه دوشمش اولان بو حق بر تمامى تطبيق بولمش اوليوردى .

فقط انقلاب مجالس تشريعيه سنك ويركولرى ، و على العموم وارداتى ، هر سنه تصديقه خريص كورونكلرى قدر ، مصارفى تصديقه دخى استعجال ايتش اولدقلىنى ظن ايتمه مليدر . فى الحقيقه فرانسه ده ايلك

( \* ) ( پارلمان ) لر اسكى دورده ، يعنى انقلاب كبيره قدر ، فرانسه نك اعياندىن مركب باشليجه مؤسسات عدليه سي ايدى . پارس پارلمنتوسنك قرالك حواله ايدى جكى امورى مذاكره ايتك حكمدار ك امر نامه لرني وقوانين قيد ايدوب قراله مطالعه سي يلديرمك كى امتيازاتى واردى .

مجالسك ايشى ، خزينه خاصه ي خزينه دولتن آيرمق اولدى ؛ فقط بو مجالس مصارف دولتى تصديق و تفتيشه قدر كیده مدى ، و بو تفتيشك عدم موجه دى ( او دورده كىتلى مقدارده اخراج ايديلن قوايم نقدیه نك توحيد ايتديكى نتايجك انضماميله ) فرانسه يه ۴ نجى سنه (۱۸۹۷) افلاسى كى مهم برجريخه ماليه آچغه سبب اولدى . برنجى امپراطور اوراق دورنده تصديق مصارف حق قبول اولنماشدى انجق ره ستوراسيوندن صكره بوحق ، قانون مكتوب صورتنده اولمامغله برابر ، غير قابل اعتراض برشكاده قبول ايدلمش ، و آتیده كوره جكمز وجهله ، بو حق تصديق يواش يواش توسع ايدرك فصللاره قدر اينمشدر .

بو تاريخچه دن بودجه حقنك اولانكلتره ده قبول ايديله رك بر عصر صكره فرانسه يه كچديكى مستبان اولور . انكلتره و فرانسه نك بودجه تأسيساتى ۱۹ نجى عصرده بتون اوروپا و امريكا حكومتانه موددل اولمش و مشروطيته داخل اولدقچه هر حكومت بو حق اعلان و تصديقه تردد ايله مه مشدر . ۹۳ قانون اساسى عثمانيسنك ۹۶ نجى و بونى متعاقب موادى كرك واردات و كرك مصارف خصوصنده حاكيمت مليه يي تأييد ايتكمه در .

## بودجه نك تصديقنده مجلس مبعوثان واعيانك

### حقوق متقابلهسى

صربستان ، يونانستان ، بلغارستان و سيار بر ايكي دولت مستثنا اولقى اوزره ديكر ممالكده قوه تشريعيه نك ايكي مجلسدن ، مجلس مبعوثان و مجلس اعياندىن ، مركب اولدىنى معلومدر . بناءً عليه اول امرده ، بودجه نك تصدىقى خصوصنده ، بوايكي مجلسدن هانكيسنك ده زياته حائز صلاحيت و امتياز اولدىغى ايضاح ايلك اقتضا ايدر .

مجلس مبعوثان هر يرده ملتدن انشعاب ايلدىكي اونك انتخابيله وجود بولدىنى حالده مجلس اعيان بعض يرلرده تاماً ويا قسماً منصوب اعضا دن تشكيلدر . حتى انكلترده قسماً ارثيدر . هرايكي مجلس انتخاب ايله تشكىل ايدن يرلرده بيله اعيان اعضاسنك انتخابى مبعوثانك كنندن فرقليدر : مبعوثان دوغرو دن دوغرويه ، بر درجه انتخاب ايله تعيين اولنورلر اعيان ايسه ايكي وحتى اوچ درجه ايله منتخبدر ؛ بوكا بناءً همان طرفده مجلس اعيانك ، حاكميت مليه يي ، مجلس مبعوثان درجه سنده تمثيل ايدمه چكى صريحاً ويا ضمناً قبول اولمش و بونك نتيجه سى اوله رق بودجه مسائلنده مجلس مبعوثانه آرز چوق بر امتياز و يرلمشدر .

مجلس مبعوثانك مجلس اعيانه قارشو حائز اولدىنى امتيازك اك طبيعى سى بودجه يي تدقيق خصوصنده حائز تقدم اولمقدردر : هر مملكتده

بودجه اولاً مجلس مبعوثانہ تقدیم واونك طرفدن تصدیق اولور بعده اعیانہ ویریلیر . یالکیز المانیا واسویچره بوقاعده‌نك ایکی مستشاسیدر . المانیا حکومتی بودجه‌ی ایلک اوکجه دیلر رایش‌تاغه Reichstag دیلر بونده‌سراته Bundesrath تودیعی ایدر . کذا اسویچرده بودجه ابتدا کرک conseil national وکرک conseil des Etats یه ویریله‌سیلیر .

ممالک سائرده‌کی تقدم تدقیق کیفیتی مجلس مبعوثان ایچون یالکیز ظاهری بر امتیاز اولیوب عینی زمانده بر اهمیت فعلیه‌ی ده حائزدر . چونکه بودجه‌ی ایلک اوکجه کیم ممالک اولورسه اوکا ال‌زیاده حاکم اوله‌جق یینه او اولدینی تجربه ثابت اولمشدر .

مبعوثان بودجه پروژه‌سنی ابتدا تدقیق ایدر کن کندی ایزواثرینی اوراده براقیر . مبعوثانجه اساسلی صورتده تدقیق اولمش بر بودجه‌نك ارقامنی تبدیل و تحویل ایتک اعیانجه غیرممکن دکسه‌ده‌یک کوچ اوله‌چغندن بودجه‌یه مبعوثانک حاکم قالمسی احتمالی زیاده‌در . اساساً اعیان بودجه‌ی یوم تطبیقنه یاقین برکونده آلیر ، بناء علیه تدقیق و تصدیق قیصه بر زمانده یایمق مجبوریتنده بولور . بویله صیقیشیق برمدته ایسه اینجه‌دن اینجه‌دن تدقیقات اجرایی بالطبع امکان داخلنده دکدر . بوحالده ایسه بودجه‌ده مبعوثانک اثر تدقیق و فعالیتنک باقی قالمسی طبیعیدر .

ایشته ایتالیا‌ده ، متحده امریقا‌ده ، اسویچده وسائر بعض ممالکده مبعوثانک بوحق تقدمدن ماعدا امتیازی یوقدر :

ایتالیا‌ده بودجه‌ی اوکجه مبعوثان تصدیق ایدر . بعده اعیانہ کونددر . اعیان او بودجه‌ی ایکنجی اوله‌رق تدقیق ایدر سده ارقامه دیلیدی کبی تصرف ایتک ، مجلس مبعوثانک اوکجه رضاسنی آلمان‌دن

فصللاری تزید ویا تنقیص ایلک صلاحیتیه مالکدر . اعیان طبیعتیه دکشیدریکی قسملری تصدیق ایتدیرمک اوبودجه ییینه مجلس مبعوثانه اعاده اید، جکندن بوصورتله ایکی مجلس آره سنده براختلاف ظهور ایلش اولور . بودجه برقاچ دفعه ایکی مجلس آره سنده ، کیدرکلیر ونه ایت هرا یکی طرف ادعاسندن بر قسمنی ترك ایدرو مساعدات متقابله ده بولنه رق مسئله حل اولور .

متحدۀ آمریقا ده بودجه ابتدا مجلس مبعوثانجه تدقیق اولور بعد اعیانه کوندربایر اعیان بونک بعض نقاظنی تعدیل ایدر ومبعوثانه اعاده ایلر . فقط امریقا ده تعاملدندر ، مبعوثان اعیانک بودجه حقنده کی نقطۀ نظرنی دیکله مهن، تدقیق ایتهدن همان رد ایدر . بونک اوزرینه اوچ مبعوث و اوچ اعیان دن مرکب بر مجلس تشکیل ایدر . بوقومیسون بر صورت حل بولور . مجلس مبعوثان واعیان بوصورت حلی قبول ایدر بوصورتله مبعوثانك امتیازی یالکیز بر تقدم تدقیقندن عبارت قالیر ومختلط قومیسونه کوندربیلن اعیان اعضاسی بر آاز مصر و ناطقه پرداز اوله حق اولورسه کندی نقطۀ نظرنی ده قبول ایتدیرمکۀ موفق اولور .

بالجیقا، هولاندا ، پروسیه ، انکلتره وسائر بعض جکومتلرده مجلس مبعوثانك حائز اولدینی امتیازی یالکیز تقدم تدقیقندن عبارت اولیوب ده واسعدر :

بالجیقا مجلس اعیانی مبعوثانك تکلیفاتی تعدیل ورد ایده بیلیرسه ده بودجه یی یکی بر مصرف ویا یکی بر ویرکو علاوه ایده من . یکی تخصیصات ویا یکی بر کونك اوکجه بودجه یی علاوه سی مبعوثانه عائد بر امتیازدر . هولاندا و پروسیه ده مجلس مبعوثانك امتیازی بوندن ده واسعدر .



بودولتلمرده اعيان مبعوثانك بودجه سنى تعديل ايده ميوب يکوناً قبول ويا رد ايتمکه مجبوردر .

انكلترهده مجلس مبعوثانك ، مسائل ماليهده ، لوردلر مجلسنه قارشى اولان امتيازى هيچ بر قانون مکتوب اوزرينه مستند اولميوب، تا يک اسكى زمانلردن برى رعايت ايديله کليش اولان تعامل و عرف و عادت اوزرينه مستنددر . ذاتاً انكلترهده قوانين اساسيه دن مهم بر قسمك عرف و عادتدن ياشقه بر شى اولدينى معلومدر .

بودجه حقك تاريخى مناسبيلهده کوردیکمز وجهله ، انكلترهده غايت اسكى زمانلردن برى ویرکونك ملت طرفندن تصديق ايديلمسى قبول ايديلمش و بو حقك توسعى نتيجه سى اوله رق بودجه حق تعمم ايتمشدر . ملتى تمثيل ايده جک هيئت ايسه ، بعضى صنوف مخصوصه نك ممثلى اولان لوردلر دکل، انجق مبعوثان اوله جفتدن بودجه حقك تصديق اولويته بونلره اضافه ايديلمش ولوردلرک مداخله سى، صرف ظاهرى قورتارمق ايچون ، عادتاً بر مراسم قيبيلندن اولمق اوزره تلقى ايديلمشدر . بنا عليه انكلترهده لوردلر بودجه يى بايکوناً قبول ايتمکه ويا رد ايده مکه مجبوردرلر . لوردلر مبعوثانك وضع ايتديکى ارقامى نه تزيبده نه تنقيص ايده بيلير (\*) ذاتاً

(\*) صـوك زمانلرده ليبرالار اعيانك يکوناً بيله بودجه يى رد ايتک حقى حائز اولديغى ادعا ايتشلردر . ۱۹۰۹ انكلترهده سرزده ظهور اولان پارلمنتو بحرانده باش وکیل موسيو آسـکـويت وماليه ناظرى موسيو لوئيد زورزک قبول ايتديرمک ايتديکلى اساس، يالکمز بودجهده دکل على العموم مسائل

بودجه لوردلر مجلسنه اکثر با سنه نك غایت كچ بر موسسمنده كلكده بولنديني جهته بوراده بودجه يي على العجله تصديق ايدوب چيقارمق مجبوري كندى كندينه حاصل اوليور .  
فرانسه يه كلاجه :

اشبودولتلك يوقاريدكى زمرئ دوليه دن هانكي سنه داخل بولنديني ده احل اولئامشدر . اختلاف ۱۸۷۵ قانون اساسيسنك ۸ نجى ماده سنندن تولدايدسيور ؛ بو ماده «وجبنجه» قوانين ماليه ابتدا مجلسي مبعوثانه عرض اولوب اونك طرفندن تصديق اوليور »

بو قيدك تفسييرنده ايكي مجلس آره سنده بيوك بر اختلاف موجوددر .

مبعوثان طرفدارانسه كوره مجلس مبعوثانك امتیازی بودجه يي ابتدا تدقيق ايتمكدن ده واسعدر . اعيان بودجه يي ايكنجى اوله رق تدقيق ايتدكدن ماعدا مبعوثلرك بودجه قويمش اولدقارى واردات ومصارفانى تزييد ايمه كمك محكومدر . چونكه مجلس اعيان مصارف ويا وارداتى تزييدايدجك اولورسه ابتدا مجلس مبعوثان طرفندن تصديق اولئامش بر تصديقده بولمش اوله جقدر . بو ايسه ماده ده كى « اونك طرفندن تصديق اوليور » قيدينه مخالفدر .

ماليه ده صوك سوز مجلس مبعوثانك اولمى اساسيدر: اكرمالى بر قانون، ايكي سنه ظرفنده اوج دفعه اعيان طرفندن رد ايديلوبده مبعوثان طرفندن اصرار ايديليرسه صوك دفعه سنده آرتق لوردلر مجلسنك تصديقنه احتياج حس اولئامه دن قانون حكمداره برآي تصديق، عرض اولئاميله جقدر . بر قانونك مالى اولوب اولمديغنده اختلاف اولنديني تقديرده مجلس مبعوثان اسپيكورينك ويره جى قراره اعتبار اولئامه جقدر .

ایان طرفدار لرینک طرز تفسیری بستیون باشقه در : مبعوثان یالکز بر تقدم تدقیق امتیازی حائز اولوب بوندن فضله هیچ بر صلاحیتلری یوقدر . « اونك طرفدن تصدیق اولور » قیددن مقصد بودجه نك یالکز مبعوثانه « عرض اولنسی » کافی اولوب عینی زمانده اونك طرفدن « تصدیق اولنسی » لزومی تا کید ایتمکدر . چونکه اعیانه کوره ، یالکز ابتدا عرض قیدی موجود اولوب ابتدا تصدیق قیدی مجبور اولیه جق اولسهیدی هیئت وکلا بر مجوریت حس ایتدیکی زمان ابتدا مبعوثانه عرض اولنمش فقط رد اولنمش بولنان بودجه یی ، ایکنجی اوله رق اعیانه عرض ایده جک وبالکز مجلس اعیانك تصدیق ایله اکتفا ایله . بیه جکدی . ایشته « تصدیق اولور » قیدیه قوه اجرائیه نك بویه بر مناسبتمز لکنك ، بودجه حقنك بویه بر سوء استعمالك ، اوکی آلمق ایسته نیلمشدر ، دینیلور .

فی الحقیقه بر قاج دفعه فرانسه ده قانون اساسینك تعدیل وتفسیری ایله مکلف ومبعوثان ایله اعیانك اجتماعندن مرکب مجلس عمومی congrès اجتماع ایتمشده هر دفعه سنده ، قونعده موضوع بحث اوله جق مسائل ، فرانسه قانون اساسیسی ایجابجه ، اولجه تعیین اولورکن ، بومشله نك موضوع بحث اولماسندن بالخاصه اجتناب اولنمش وبصورته مسئله هنوز بر شکل قطعی اخذ ایتمه مشدر .

فعلیاته ایسه مجلس اعیان ، بر بودجه اختلافی ظهور ایتدجه ، هر دفعه سنده کندی نقطه نظرنی مدافعه و محافظه ایتدیکنی اعلان ایتمکن کری قالماقله برابر ، بودجه نك اعیانده تدقیق ایدلمسی اکثریا

غایت طار بر زمانه دوشمکه. دائماً مبعوثانك نقطه نظرینه اقتضا ایتکه مجبور قالمقده در. هر نه دینیارسه دینسون بو کیفیت مجلس مبعوثانه، تقدم تدقیقیدن دهافضلہ، بر امتیاز بخش ایتش اولور.

حکومت عثمانیه :

عثمانلی مجلس مبعوثانك بودجهیه دائر اولان امتیازی منحصرأ حق تقدم تدقیقینه مالکیتدن عبارتدر، یعنی مجلس مبعوثان بودجهیه اولجه تعدیل و تدقیق ایدر. و بعدالتصدیق هیئت اعیانه ایصال ایلر. لکن هیئت اعیانك ده بومصدق بودجه لایحه سنی تعدیل و تبدیله، و ایجاب ایدر سه بوکا بعض شیلر علاوه سنه حق واردر.

نته کیم قانون اساسیمزك الی بشنجی ماده سی بونی مفیددر :

[ بر قانون لایحه سی اولامجلس مبعوثانده بعده - هیئت اعیانده بنده، بنده اوقونوب و هر بر بندینه رأی و یریلوب اکثریت ارا ایله قرار و یرلمدکجه و بعدالقرار هیئت مجموعه سی چون دخی بتکرار ارا اکثریتله قرار حاصل اولمادقجه قبول ایدلش اولماز ]

کذا قانون اساسینك هیئت اعیانه متدائر اولان (۶۴) نجی ماده سنده شویله دینیلور.

[ هیئت اعیان هیئت مبعوثانندن و یریلان قوانین و موازنه لایحه لرینی تدقیق ایله و اگر بونلرده اساساً امور دینییه و ذات حضرت پادشاهینك حقوق سنیه سنه و حریت و قانون اساسی احکامنه و دولتك تمامیت ملکیه سنه و مملکتک امنیت داخلیه سنه، و وطنك اسباب مدافعه و محافظه سنه و آداب عمومیه یه خلل و یرر برشی کور برسه مطالعه سنك علاوه سیله یا قطعاً

ویا خود تعدیل و تصحیح اولنق اوزره هیئت مبعوثانه اعاده ایدر .  
 و قبول ایتدیکی لایحه لری تعدیل ایله مقام صدارته عرض ایلر ]  
 بوماده لردن ده مستبان اولدینی اوزره اعیان مجلسی موازنه قانونلری  
 ایکنجی اوله رق تدقیق ایدر . فقط بعضی محذو رلر تصور ایتدیکی  
 تقدیرده یا کلیاً و یا خود تعدیل اولنق اوزره هیئت مبعوثانه رد ایده بیلیر .  
 مجلس مبعوثان ایله مجلس اعیان آره سنده اشبو تعدیل کیفیتدن  
 یرا اختلاف چیقارسه بونک صورت تسویه سی مبعوثان نظامنامه داخلینک  
 ۱۰۳ نجی ماده سنده مذکور اولدینی اوزره شویله جه وقوع بولسی  
 ایجاب ایدر .

ماده — ۱۰۲ [ هیئت مبعوثاندن قبول اولنان بر قانون لایحه سی  
 تعدیل اولنق اوزره هیئت اعیاندن اعاده اولنورسه ، برانجمن تعیین ایدیلیر .  
 بو انجمن هیئت اعیاندن تعیین اولونان انجمنه برلشدیریلوب طلب  
 اولونان تعدیلات عباره سنک قرارلاشدیرلمسنی مبعوثلردن بری تکلیف  
 ایده بیلیر . بو صورت هیئتجه قرارلاشدیرلدینی حالدده بو مأموریت  
 یا لایحه یی مقدما تدقیق ایدن انجمنه یا خود مجدداً انتخاب اولونان دیگر  
 برانجمنه حواله اولونور . طرفین انجمنلری تعدیلات مطلوبه نك عباره سی  
 حقنده اتفاق واتحاد ایدر لرسه هیئت مبعوثان انجمنی موافقت طرفین  
 ایله تنظیم اولنان عباره یی حاوی بر مضبطه قلمه آلوب هیئت عمومیه نك  
 هذا کراتی عباره اوزرینه جریان ایدر . ]

ایشته بو ماده ده دخی ایکی مجلس آره سنده قانونک تصدیق و تعدیلی

خصوصنده اختلاف افکار چیقارسه مسئله نك هیئت. مختلطه یه حواله  
ایدیله جکی تصریح ایدلمشدر .  
مع مافه بودجه خصـ. و صنده بو مختلط قومیسـ یونه شیجدی یه قدر  
مراجعت اولنما مشدر .

## ۱۲

## بودجه انجمنلری

و

## انجمنلرده صورت تدقیق

بودجه نك برای تصدیق ابتدا مجلس مبعوثانه کلمی ایجاب .  
ایندیکی اکلاشیلدقدن صکره قانونك بوراده صورت تدقیقنی مطالعه ایلک .  
ایجاب ایدر .

بودجه پروژه سی ، هیئت عمومی ده موقع تذکره وضع ایدلمزدن .  
اول ، بالجه قانون لایحه لری کی ، برای تدقیق قومیسوینلره یعنی انجمنلره  
کوندزه یایر و بو قومیسوینلره بودجه قومیسوینی نامی ویریلیر . بناء علیه  
اول امرده بودجه قومیسوینلرینك صورت تشکلی و بعده بو قومیسوینلرک  
نه صورتده ایفای وظیفه ایتمکده اولدقلرینی کورملم :

۱) دائمی و سنوی قومیسوینلر . - بودجه قومیسوینلری برتقسیمه  
کوره دائمی و سنوی اولق اوزره ایکی یه آیریلیر .

دائمی بودجه قومیسوینلری مجلس مبعوثانك مدت انتخابیه سی  
ظرفنده ایفای وظیفه ایدر و بناء علیه بر دوره تشریعه ده هر سنه عینی  
مبعوثلردن ترکب ایدر . بو قومیسوینلره دائمی قومیسوین - Commission  
prmenante نامی ویریلیر . مثلاً بزده مبعوثلر درت سنه ایچون انتخاب  
اولدقلری جهته دائمی قومیسوین اصولك تطبیق حالده ، عینی مبعوثلرک  
درت سنه صیره ایله ایفای وظیفه ایتمی لازم کایدی .

بوکا مقابل بودجه قومیسینلرینک مدت خدمت و صلاحیتی یالکز بر-س-نهیه انحصار ایدوبده هر دورۀ اجتماعیهده یکی بر بودجه قومیسینو تشکیل ایدیلیرسهده بونلرده سنوی قومیسین Commission annuelle نامی ویریلیر .

هان بتون دولتلرک مجلس مبعوثاننده بودجه قومیسینلری موقدر . یالکز متحده امریقا ده دائمی قومیتلر موجوددر . بوراده اسپیکور ، مجلسک اجتماعنی متعاقب اعضایی دائمی بر طاقم قومیتلره آیریر . بناء علیه اولاً قومیتلر اعضایی مجلس طرفندن منتخب اولیوب رئیس طرفندن منصوبدر . ثانیاً اشبو قومیتلر بر سنه ایچون تشکیلی ایتیموب مجلس طاغیلنجهیه قدر ایضای وظیفه ایدرلر . بوقومیتلر داخلیه ، خارجه ، عدلیه ، حربیه قومیتلر سی والی نامنی آلیرکه هر بری بر نظارت عائد قوانین ایله اشتغال ایدر . ایشه بونلرک بری ده یوقاروده ( صحیفه ۲۰ ) کورولن تخصیصات قومیتلر سیدرکه بودجه نك احضاری بوقومیتیه راجعدر .

فرانسه دهده اختلال دورنده بویه دائمی بودجه قومیسینلری واردی . چونکه فرانسه نك ده ایلك قانون اساسیلرنده قوه تشریعیه ایله قوه اجراییه آره سنده مطلق برتفریق وظائف قاعده سی جاری ایدی . الیوم بیله فرانسه ده بودجه قومیسینلرینک مجلسک بوتون مدت دوامی ایچون تعیین اولمنسه آرزو کس مؤلفین موجوددر . بصورتده ، بو قومیسینلره تعیین اولنه حق مبعوثانک ، ابتدائی بودجه مسائلنده تماماً اختصاص صاحبی اولمسلر بیله ، بو اوزون مدت طرفنده بر آرزو تجربه اکتساب ایده جکلرینی ودرت سنه نك بودجه سی متوالیاً تدقیق ایتدکلری ایچون بو بودجه لک فرقرینی ده قولا یلغله کوره جکلرینی بناء



عليه‌دها ابي مقايسه ايديه بيله جكلاري درميان ايدسيورلر كه مطالعه لري تماماً وارد در. فقط فرانسزلر، بودجه قوميسونلرينك، دائمي اولديني دورلرده، صلاحيتلريني بك زياده تجاوز ايتدكلاريني وماليه ناظرينك صلاحيتني غصب ايلدكلاريني كوردكلاري جهته بوتاريخي سوءاستعمالك تكررندن قورقورلر، بزده ايسه مجلس مبعوثانده بويله برسوء استعمالدن قورقولمديني كي بودجه مسائنده صاحب اختصاص ذواتك بك آاز موجود اولديني مشهود اولديغندن، مبعوثانك بوتون مدت انتخابيه لري ايچون تعيين اولمسي برانده يي منتج اولمسي ملحوظدر.

۴. خصوصي و عمومي بودجه قوميسونلري --- ديكر بر تقسيمه آوره بودجه انجمنلري خصوصي commission fermée و عمومي commission ouverte اولوق اوزره ايكيه آريلير :

خصوصي قوميسونلره اشتراك ايديهك اولان مبعوثان انجق او بودجهك تدقيقنه مجلس طرفندن مأمور ايديان مبعوثلردر. خارجدن هيج بر مبعوث، ولو سامع صفتيله اولسون، بو انجمنلره داخل اولاماز (\*)

خصوصي قوميسونلرك صورت انتخابي تدقيق ايچون حكومت عثمانيه يي نظر دفته آله لم :

مجلس مبعوثان نظامنامه اداخليسي ( ماده : ۲ ) موجبجه مجلس اجتماع ايدر ايتمز باقرعه اعضا بش شعبه يه تفريق اولنور وبو شعبه لر برنجي، ايكنجي، اوچنجي، دردنجي، بشنجي شعبه ناملريله ياد اولنور .

(\*) بالكنز اوسترياده قوميسونلر خصوصي اولديني، يعني بوراده تدقيقاتده يولنه حق اعضا معين بولنديني، حالده سائر مبعوثلرده، بالكنز سامع صفتيله، اجتماعانده حاضر بولنه بيلير .

مجلسده تشکلی ایدیه‌جک اولان بتون قومیس-یونلر بو شعبه‌لردن انتخاب اولنان برر و عندالاحاجه ایکیشر ویا اوچر اعضادن ترکیب ایدر انجق بودجه قومیس-یونی بهمه‌حال هر شه-مه‌دن تعیین اولنان اوچر اعضادن مرکب اوله‌رق اونیش کشیلکدر: [هر سنه موازنه مالیه قانونی، لایحه‌سک تدقیقی ایچون اعضای شعبه‌لردن انتخاب اولنق اوزره اونیش اعضادن مرکب ایریجه بر انجمن تشکیل اولنور . موازنه قطعیه قانونی و واردات و مصارفات دولتک تزید و تنقیصی ایجاب ایدیه‌جک خصوصانه دائر قانون لایحه‌لرینک مجلسی موازنه انجمنه حواله ایدیور ] ماده: ۳۱

فرانسه‌ده یقین و قتلره قدر بودجه قومیس-یونی مجلس مبعوثانک اونبر شعبه-سنگ بهرندن انتخاب اولنان ۳۳ اعضادن مرکب دی . فقط ۱ تموز ۱۹۱۰ تاریخندن اعتباراً ، انتخاب نسبی المللرینک تأثیرله ، بو اصول دکشیدیرلدی و بوسه-ورتله مجلس کندی داخلده بر انتخاب نسبی نمونه‌سی کوسترک ایسته‌دی . بو تاریخندن اعتباراً فرانسه‌ده بودجه قومیس-یونی ۴۴ کشیدن عبارت اوله‌رق ، بر سنه ایچون ، سیاسی غروپلرک عرض ایدیه‌جکلری نامزدلر میانندن ، هر غروپلک مجلسده کی اعضاسی ایلهمتناسب اولنق اوزره ، مجلسجه ، انتخاب اولنمقده در .

عمومی بودجه قومیس-یونلرینه کلنجه : بورایه اشتراک ایدیه‌جک اوله‌جق اعضا نه منتخب نه ده معیندر . هر ایسته‌ین مبعوث بودجه قومیسونلرینه داخل اولوب مذاکراته اشتراک ایدیه‌بیلیر . بواصولده اشکاتره و متحده امریقاده جاری اولمقده بورالرده قومیسونلره قومیتله نامی ویرلمکده در .

انکلترده بودجه کانون ثانی و یاشا طده مجلسه کلدیکی زمان اسدیکور

بودجه نك و ردودى تفهيم و قوميتيه حالده مذاكره سى لزومى بيان ايدر . مبعوثلردن برى « اسپيكور قولتوغنى ترك ايتسون » يولنده بر تقرير ورمى و بواعضانك اكثريته اقتران ايتسى اوزرينه رئيس وقعدن چكيلير و قوميتيه حالده مذاكراتى اداره ايچون شهرمان chairmann ناميله بر رئيس موقت انتخاب ايدايير . مسائل ماليه به مبلى وقوفى ، استعدادى اولان هر مبعوث بوقوميتيه مذاكراتنه اشتراك ايلر . اختصاصى اوليانلر مجلسدن چكيلير ، مذاكرات غير رسمى بناء عليه دهآ آزشعه لى فقط دهآ پراتيك اولور . انكلترده بر مبعوث عيى مسئله حقنده اوچ كرده دن زياده سوز آله مدينى حالده بوراده بوكى قيوده رعايت اولتماز هر كس ديلديكى كى و ديلديكى قدر سوز سويلر .. بودجه قوميتيه سى اولاً مصرف قوميتيه سى بعده واردات قوميتيه سى شكلنده اجتماع ايدر و بودجه هيئت عموميه نك ييش تدقيقنه آرتق بك ساده برشكل آلمش اولدينى حالده وضع اولور . فى الحقيقه بودجه دن اكلايانلر ، اوكا اعتراض ايدجك اولانلر ، تدقيق و اعتراضلر ، مجلس قوميتيه حالده ايكن سرد و اتيان ايتمش اولدقلى ايچون آرتق تكرر ، اسپيكور ك رياستى تحتنده اجتماع ايدلديكى زمان ، يكي مناقشات ظهور ايتمز ؛ ذاتاً انكلترده مبعوثان حكومتك بودجه سنده قارشى اعتماد سزلقده كوسـ تر مزلر . بناء عليه هيئت عموميه ده ياپيله حق معامله عادتاً بر قيد رسمى معامله سيدر . شهرمان بوراده راپورتورلك وظيفه سنى كورور . قوميتيه نك انشائى مذاكره سنده آلمش اولدينى نوطلى شفاهاً مجلسه عرض ايدر . ديكر ممالكـ تلرده اولدينى كى قوميسيون نامه بودجه نك تكرر آ طبيعنه حاجت يوقدر . ايشته بوصورتله انكلترده تصديق سريعاً اجرا ايدايير .

جامعه متحده امر بقاءده بودجه‌نك تدقيق ايجون مجلس انكلتره ده اولدینی کبی عمومی قومیه حالنده طویلانیز. ذاتاً بواصول امر بقایه انكلتره دن ادخال ایدلمشدر. بالکز بوراده عمومی قومیتلرک اهمیتتی انكلتره ده کی قدر دکلدر؛ چونکه بودجه ایلك اولجک، اولجه کوردیکمز خصوصی، دائمی ومنصوب تخصیصات قومیتسی طرفندن تنظیم وتدقيق اولندینی ايجون، اصل تدقیقات عمیقہ اجرا ایدن بوراسیدر. اوندن صکره مجلس بودجه بی عمومی قومیه حالنده بردها تدقيق ونهایت هیئت عمومیہ حالنده قبول ایدر .

۳ قومیسونلرده تدقیقات :

ایشته صورت تشکلی کوردیکمز بودجه قومیسونلرینک، دائمی اولسون موقت اولسون، خصوصی اولسون عمومی اولسون، وظیفه لری مالیه ناظرینک کندیلرینه تودیع ایتدیکی بودجه بی تدقيق ایتدکدر. بو وظیفه لری قومیسون حالنده مجتمع اوله رق ایفاء ایتدکلری کی مشغولیتلرینی یئنلرنده تفریق ایدره رک دخی تدقیقات اجرا ایدرلر .

اعضانک بریسی رئیس انتخاب اولنور . بریخی مضبطه محرری و بریخی ده ضبط کاتبی یاپارلر. ( مبعوثان نظامنامه داخلی ماده ۲۲ ) ومختلف دوائر بودجه لرینک و واردات بودجه سنک آره لرنده تقسیم ایدرلر . صکره هراعضانک نتیجه تدقیقاتی قومیسوننده مذاکره اولنور نظارو؛ نظارک توکیل ایده جکی مأمورلر دیکله نیر. مالیه ناظرینک و یردیکی پروژه تبدیل واصلاح اتمام اولنور . یکیدن بر قانون میدانه کلیر . فقط بوقانون آرتق مالیه ناظرینک دکل انجمنک قانونیدر. یعنی انجمنک مذاکراتی اوزره تعین ایتمش یکی بر قانوندر . مالیه ناظرینک پروژه به قومیش اولدقتی مواد لغو ویا تبدیل اولنمشسه ناظر هیئت عمومیه ده ، قانونک مذاکره سی صیره سنده، بوماده لرک ردینی کندی ماده لرینک قبولی طلب ایده جکدر .

مالیه ناظرینك پروژه سی فصل که براسباب موجب لایحه سی محتوی ایسه انجمنك طبع ایتدیردیکی قانونك باشنده ده اوصورتله بر مضبطه موجوددر . بومضبطه مختلف قسملردن مرکبدر: بردفعه هیئت عمومیه سنه عاقد بر قسم واردر که بو، واردات و مصارفك هیئت عمومیه سنن، بودجه نك شکلندن و مقایسه سنن با حدر . مضبطه نك دیگر قسملری دواثر مصارفك هر برینی آیری آیری و کذا وارداتك هر برینی آیری آیری تدقیق ایدر، و هر راپوری عاقد اولدینی دائره نك بودجه سی تعقیب ایلر .

ایشته بوضورتله حاضر لائش اولان انجمن بودجه سی ده مالیه ناظرینك پروژه سی کبی طبع و توزیع و برای مداکره مجلسك هیئت عمومیه سنه سوق اولنور .

## ۱۳

## بودجه نك مجلس مبعوثانك هيئت عموميه سنده تصديقى

## ۱

انجمن مضبوطه سى طبع اولوب هيئت عموميه به كلكدن صكره يوم مذاكره تعيين اولوب مذاكرات عموميه به باشلانيلور . فقط بو بابه ، اول امرده خاطره برسوال وارد اولور .. عجباً هر مبعوث پروژده كي واردات و مصارفى ديلديكي كي تزييد ويا بعض منابع وارداتى بودجه دن لغو و تزييل صلاحيتى حائز اوله جقميدر؟ يعنى پارلمنتونك تشبثى ايله پروژده كي مصارف تزييد ويا واردات تنقيص اوله بيليرمى ؟

مبعوثونك تزييد مصارف ويا تنقيص واردات خصوصنده مطالبانده بولملىرى الك طبيعى بر-حق اولدينى ادعا ايديله بيلير؛ ملت و كيللرينك مراقبه صلاحيتى ، اولنره مملكتهك منافعى كوردكلارى مصارفك تزييدى ويا تكاليفك تنقيصى حقنى و بر مشدر دنييله بيلير؛ خصوصاً كه مجلس هر مبعوثونك طلبنى قبوله مجبور دكلدر . اكر اكثرثت بو بابه واقع اوله حق بر طلبك مملكتهك نفعنه خادم اولمديغنى كوررسه بونى رد ايدر ، مطالعه سى وارد اولور .

فقط ممالك متمدنده فعليات و تجارب ، حكومتك ارقامنى پارلمنتونك تشبثى ايله دكشديرهك كيفيتهك بك مضر ، مملكتهك سياست ماليه سى نقطه نظرندن بك ناخوش ، نتايج توليد ايتديكنى اثبات ايله مشدر .

بودجه قوميسيونلرى مساعيلرىنى ، على الاكثر ، بودجهده بر آز تصرف حصوله كىرتمكه ، مصارفك يىكوتى بر آز آزالتمغه صرف ايدرلر ؛ حالبوكه ايش مجلسك هيئت عموميه سنه كلنجه كيفيت بر آز دكيشير . ناطقه پرداز ، فقط غير مسئول ، برچوق مبعوثلر فلان دائره مأمورينك طلبى ، فلان صنف مكلفينك استرحاى وياخود كندى مشاهدات ذاتيه لرى اوزرىنه .. شويوا بوتخصيصاتك تزييدى . فنا صورتده طرح وتوزيع اولنان شو ويا بو وركونك الغاسنى طلب ايدرلر .

كرسيده بر مبعوث شو كوچك صنف مأمورينك پك زواللى ، بك مقدور اولديغى ، آلدقلى معاشك سكر اون كشيدين عبارت بولنان عالملىرينك تأمين معيشتة كفايت ايدمديكى . . بو بيجارلر پك سفيلى وسر كردان قالدقلىرى كمال طلاقته مدافعه ايدر . بو آتشرين نطقى ايله هيچانه كان رفقاسنكده او آندم موافقتلرى استحصال ايدمرك كوچك معاشلره يوزده شوقدر ضم اولور . . بودجه يوزبيك ليرادها يوكسه لير . ديك بر مبعوث فلان ولايته - اعلى احتمال كندى دائره انتخابه سيدر . . بر مكتب ، بر يول ، بر كوپرونك مطلق بابيلمسى اقتضا ايتديكى ايلرى سورر . قبول ايتدير مكه موفق اولورسه ، فلان فصل يكونى ۴۰ ، ۵۰ بيك ليرا ترفع ايدر .

نهايت اوچنچى بر مبعوثده شو غايت فنا صـورتده طرح وتحصيل اولنان ، اساساً واردات بيله دينه ميه جك جزئى حاصلات كتين وركونك ، عدالت تكليفيه نقطه نظرندن همان الغاسى ايجاب ايدم جكنه دائر رفقاسنى ارضا ايدر .

ناطقه پردازانك زبونى اولان مجلس چوق كره بودجهنك هيئت

عمومیه سنی دوشونمەدن، سریع الزوال بر آن تہیجك تحت تأثیرندن، بتون بو تکیفاتی قبول ایدر ؛ موازنه عمومیہی بوزہ حق قدر طاشقینلق کوستریر . مصارف آرتار دیگر طرفدن واردات تنزل ایدر .

مبعوثانك بو خصوصده کی سربستیلرینك مصارف عمومیہنك تزییدی خصوصنده تولیدایتدیکی نتایجی بر چوق مؤلفلر و بودجه راپورتورلری الله یقولر و وثیقہلر موجود اولدینی حالده اثبات ایتمشلمردر بعض مملکتلرده بو کیفیت نظر دقنی جلب ایتدیکندن بوبابده بعض قواعد تحدیدیہ وضع اولمشدر .

انکلتزده پارلمتو، هراستیدیکنی بایه بیلدیکی حالده، کندی صلاحیتی، کندی کندینه ، نظامنامه داخلہسندن قبول ایتدیکی مادهلرله ، تحدید ایتمشدر . بومملکتده « تکلیف حکومتك حق ، بخش واعطا پارلمتونك حقیدر » دستوری قبول ایدلمکده و ایکی عصردن بری موجود اولان بر قاعده موجبجه پارلمتو اعضاسی قطعاً هیچ بر مصرف تزییدی و یا هیچ بر منبع وارداتک بودجهدن طی و اخراجی، طلب ایدمه مکدهدر : قوه تشریعیہ تزیید مصارف و یا تنقیص واردات حقنی بالقوه حائزدر . فقط مملکت ایچون مضر نتایج تولید ایدمه بیلکم ماهیتنده اولدیغندن بوحقک بالفعل تطبیقی جهتہ کیدلمه مکدهدر .

شوراسنی ده سویلهلمکه : بو قواعد ایوم دخی رسماً موقع تطبیقده اولدینی حالده صوک زمانلرده ، انکلتزده دخی دولاماجلی طریقہلرله بونلری اخلال جهتہ کیدلمکدهدر . موسیو استورمک ظریفانه بر صورتده دیدیکی کی « کل یوم قمار مقده اولان مصارف جریانی بوسدلری بیقاهه یورسده اوزرندن آشهغه موفق اولیور » پارلمتو دوغروندن دوغرویہ مصارفک



تزييديني طلب ايتيورسده ، آريجه بر قرار ، بر رأی اعطا ايدييور و بوقرار بالاخره حڪومتی تزييد مصارف طلبنده بولمغه مجبور ايليور ، ياخود مبعوثانر ، دوغروندن دوغرويه مصارفك تزييديني طلب ايتيكرزين ، شخصاً قوه اجرائيه اعضاسنه مراجعتده بولنيور، حتى اونلري بمضاً تضيق ايدييور، وبصورته حڪومتی تزييد مصارفه دائر بر قانون تقديمه سوق ايليور .

انکلتريده بر چوق ماليه ناظرلري بوخالدن شكايه ايله مشلدر . ۱۸۸۷ ده موسيو غوشه مصارف ملكيهك ۲۱۶ مليون تزايدندن بحث ايتديكي صيرهده « بو تزايد ۲۰ سنه دنبري موقع حڪومه كان قوه اجرائيه لك اثری اولمقندن زياده پارلمتونك اثريدر ؛ خزينهك حالى فنا اولماغله برابر پارلمتو اعضاسی، تابلولر صاتون المقي، موزولر تشكيل ايتك، مكاتبلر، ايسلر تاسيسي، مستملكانك تقويه سی كي خصوصاً تده ناظرلرك معاونتي طلب ايلكدن منع نفس ايتمه ليدرلر » ديوردی كذا ۱۸۹۷ ده سهر هيچ بيچ Hick - Beach « تصرف خصوصنده وعدده بولمق ايتستم كچن سنه بونی تجربه ايتدم ، لكن كمال تأسفله سويله كه مجبورم كه مجلس مبعوثان بالجمله مصرف دواژندن دها فنا بر صورتده حركت ايدييور » مطالعه سنده بولمشد .

آكلاشيليور كه مجلس مبعوثانك نظامات داخله ايله تزييد مصارف حقني تحديد ايتمی بوباده بر تدبير كافي دكلدر . افكار عموميه تصرف طرفداري اولديني زمان بوقاعده بيوك خدمتلر ايده بيلير . فقط، صوك زمانلرده انكلتريده كورلديكي وجهله ، اسراف جرياني حكمفرما اولمغه باشلار مملكت چارمبلهك Chamberlain امپرياليسمنه ، ويا تزييد

تسلیمات اختراصانه قایلیر سه بوقاعدنك اشبواحواله مانع اوله جفتی ظن ایتمه‌میلیدر. مقدمه‌ده دخی ایضاح ایندیكمز وجهله بوقاعدنك وجودی انكلتره بودجه‌لرینك بوکون درت میلیری تجاوز ایتمه‌سنی منع ایده‌مه‌مشدر. خلاصه، مبعوثانك تزییدمه‌صارف و تنقیص واردات حق‌لرینی تحدید ایتیش اولمسی کیفیتدن انكلتره، انجق اسکیدن اولدینی کبی بر دورۀ تصرفه داخل اولدینی زمان استفاده ایده‌چکدر.

فرانسه‌ده، سوک زمانلرده، انكلتره قدر ایلری کیده‌مه‌مکله برابر اونی تقلید ایتک ایسته‌مشدر. مبعوثان نظامنامه داخلینه وضع ایدیان ایکی ماده موجبنجه اولا: اجرتلرک، معاشانک، تقاعدیلرک تزییدی ویا یکیدن احداثی، بودجه‌نک حین مذاکره‌سندۀ بر تقریر ایله طلب ایدیله‌میوب، قانون مخصوص ایله طلب ایدلمسی، وثائیا: انجمن راپورینک توزیعندن اوچ کون کچدکدن صکره هیسج بر مبعوثانک، بر مصرفی تزیید خصوصنده مجلسه تقریر ویره‌مه‌مسی، اساسلری قبول اولنمشدر.

بوماده‌لرک برنجیسی ایله، مبعوثانک مداخله‌سندن کزیزاده قورقولان بعضی مصارفک تزییدینک اوکی آلتق، ایکنجیسی ایله‌ده انجق حین مذاکره‌ده مبعوثلرک غلبانندن استفاده‌ایدۀرک تخصیصات قوبارلمسی منع ایدلمک ایسته‌نیلیمشدر. مع‌مافیۀ فرانسه بوقواعدن پک بیوک استفاده تأمین ایده‌مه‌مکده‌در.

بلجیقا و ایٹالیا و دیگر دول متمدنه‌نک برچوقلری ده مبعوثانک تشبثاتی یوزندن پک متضرر اولمقده‌در.

بویابده بالئیکجه سویلنه‌جک سوزشودر: مبعوثانک تزییدمه‌صارف ویا تنقیص واردات خصوصنده کندی کندیلرینی تحدید ایتیمی بعضی

سوءاستعمالانك اوكنى آله جنى جهتهله اساساً موافقهده، مملكت اسراف جريانه قابيلمش اولدينى زمان بوندن بيوك بر فائده استحصالى ممكن دكلدر. ايشته شومسهله متقدمه نك حلهدن صكره بودجه نك تصديق معامله سته دوام ايدهلم :

انجمن مضبطه سى ايله متن مجلسه كلنجه مجلسك ايشى بودجه نك مذاكره سته نه كون باشلان جهتنى تعيين ايتكلدر . معين اولان كون كلنجه بودجه نك هيئت عموميه سى مذاكره ايديلير يعنى دولتك سياست ماليه سى حقهده سوز سويله نير . بودجه نك موازتى ، دولتك اعتبارى، بودجه ده آچيق و ارايسه كله جك سنه لرده بونك نه مرتبه به بالغ اولاجنى، آچيقي قياتق خصوصنده توسل ايديله جك چاره لر و اخ... موضوع بحث ايديلير و مقاييسه لر ياپيلير. مذاكراته على الاكثر ماليه ناظرينك عمومى بر نطقى ايله باشلانير؛ بالاخره مضبطه محررى ده ايراد نطق ايله بودجه قويمه سيونك نقطه نظرى مدافعه ايدر .

بونى متعاقب هر نوع خطبا سوز آله رق مطالعه لرى سرد ايتكله باشلانلر . كيمي تنقيد ايدر ، كيمي حكومتك ويا انجمنك نقطه نظرى مدافعه ايلر . ماليه ناظرى ايله مضبطه محررى مذاكره نك هر آبنده بيان فكره مأذوندرلر . نهايت يا خطييلرك ارقه سى آلينير، ويا مناقشاتك الى نهايه اوزايله جنى حس ايديله رك هيئت عموميه حقهده مذاكرات كافى كورلديكنه دائر رايه مراجعت ايديلير و بعدالقبول ماده لر ك تصديقته كچيلير .

اولا برنجى ماده او قونور؛ خاطر لرده دركه برنجى ماده مصارفك هيئت عموميه سى جمع ايدن بر ماده اولوب بى مصارف تابلو سته

كوندر بيوردي ، بناء عليه مصارف يكونك تصديق ايچون مبعوثانك اولاً  
مصارف بودجه سنى تصديق ايتسى اقتضا ايدر .

بودجه نك مصارف قسمك تقسيمائى اولجه كورلمشدى : برنجى ماده  
يكونى بودجولده بر طاقم دوائر ، مصارفى قسملره ، قسملر فصللره ،  
وفصللرده مادهلره آريلير . ( فصلاك اقسام تاليه سى اولان بوماده ني بالذات  
قانونك ماده لرى ايله قاريشدير مامليدر )

عجبا مجلس مبعوثان بوتقسيماندن هانكيسنى تصديق ايدجكدر ؛ يعنى  
دوائر بودجه لرى يكوئى مى ، قسملر يكوئى مى ، فصللر يكوئى مى ، مادهلر  
يكوئى مى قبول ايدجكدر . فى الحقيقه هر هانكى قسمى قبول ايدرسه  
ايتسون اونك تقسيمات تاليه سنى بردفعه كوزدن كچيره جك ، محتوياتنه اطلاع  
حاصل ايدجك ورأئى اوكا كوره ويرجكدر ؛ بونكله برابر تصديقك  
هانكى يكون اوزرينه اقتران ايدجكك بوراده براهيت عظيمه سى واردر :  
چونكه مجلس ، بالفرض بردائرة مصرفى كوزدن كچيره رك صوكنده دائره نك  
يكوئى مجموعاً قبول ايتسه حين تطبيقده ناظر ، كندى نظارتى ايچون ،  
مجلسك قبول ايتديكى رقى تجاوز ائمه مكه اعتنا ايدجك ، فقط عند الاحتياج  
اوداره داخلمده كى اقسام ، فصول و موادك برندن ديكرينه كندى رأئى ايله  
مناقشات اجرا ايدجيله جكدر ؛ مجلسك رأئى دائره يكونى اوزرينه  
اقتران ايدوب اشبو ارقام تاليه اوزرينه اقتران ايتديكى جهتله نظار  
بوتقسيمات تاليه نك حدودلرينه رعايته مجبور قاله ماز . كذا رأى قسم  
ويا فصل يكونلرى اوزرينه اقتران ايدرسه اوقسم و يافصللارى تجاوز ائمه مك  
اوزره ، ناظرلر قبول اولنان يكونك تقسيمات تاليه سى آر سنده ديده كلى كى  
مناقشات اجرا ايدجك وبوخصوصده هيچ برقيدايله مقيد اولميه جقلردر .

نتکیم مناقله<sup>۱</sup> تخصیصات بحثنده بوباده دها فضله ایضاحات ویریه جکدر .  
ایشته ممالك متمدنه نك همان كافه سنده بوكون قبول ایدیلن اصول  
(فصل) یكونلری تصدیق ایتکدر .

عجبا فصلی نصل تعریف ایتلیدر ؟ فصل ( عینی ماهیته بولنان  
ویا یکدیگریله مناسبته دار اولان مصارفی احتوا ایدر . ) فقط بوجه  
فضله بر تعریف تام اوله ماز ؛ چونکه قسملرکده حتی دوارکده مصارفی  
یکدیگریله مناسبته داردر هله ماده لر بستان عینی ماهیته کی مصارفدر .  
بناءً علیه فصلی ( بودجه نك تقسیمات تالیه سندن بریدر که قسملرک  
تقسیم سندن ویا ماده لرک مجموعندن مرکب و عینی ماهیته بولنان  
ویا یکدیگریله مناسبته دار اولان مصارفی محتویدر ] دیه تعریف ایتکه  
مجبور قالورز . ماده نك ویا قسملرک نه اولسی لازم کلدیکی تماماً معین  
اولدینی ایچون بو تعریفده پک مبهم اولور . فقط فصلک دها صریح  
بر صورتله تعریف اولنمی امکان خارجنده در . چونکه فصل ، مبهم  
الاستیکی اولدینی کی حدودی قوه اجرائیه و تشریعیه نك حکم و آرزوسیه  
توسع ایدر ویا دارالیر و مجلسک قبول و تلقیسنه کوره دکیسه برشیدر .  
بناءً علیه فصلی ایکی حدودی ایله تعریفه مجبورز .

مثلاً بزده صوک بودجه ده ۳۲۰ قدر فصل وارددر ، یکونی بر قاج یوز  
لیرادن عبارت فصللردن طوتک زده تا ۴ میلیون ایرا مقدارنده فصللر  
موجوددر . نظار مصارفی اجرا ایتدیکی زمان بو فصللرک یگونه  
رعایت ایدر ، حتی بر فصل فضله کلوب دیگر فصل کندی احتیاجانه تقابل  
ایتمسه ، بر قانون مخصوص اولینجه ، بولرک برندن دیگرینه مناقله  
یایه ماز ؛ یالکز ، آتیده کوره جکمزوجهله ، فصللرک اقسام تالیه سی اولان

ماده لر بيننده ماليه ناظرينك موافقتيله مناقلات يابه بيلير. خلاصه هر فصل يکوني يوقاريدنه کورد يکمز وجهله برر تخصیصا ندرکه حدود لرینه رعایت مجبوريدر. ايسته بودجه بصورتله هر مملکتنده فصل فصل تصديق اولور يعني ناظرلر فصللرله تقيد ايدباير .

شيمدی بر مسئله بحث اولور: بودجه نيچون فصل فصل تصديق اوليوره ماده ماده تصديق اوليوره، يعني نظار نيچون ماده لره حدودينه رعایته مجبور طو تليور .

بعضلری بودجه نك ماده ماده ( فصل ماده سي ) قبول اولمسنی اينستورلر ناظرلرک مصرف خصوصنده اقتداري ماده لرله تحيد ايديليرسه دهها زياده اقتصاد تأمين ايدلمش اوله جغنی ، ناظرلرک حرکتی دهها زياده تفیش ايدلمش بولنه جغنی ادعا ايدیورلر .

بومطالعهمفرطدر : چونکه اولاً مجلس بودجه يي ماده ماده ندقيق ايدجهك اولورسه ، ماده يك چوق زمان صرف ايتمکه مجبور اوله جقدر .  
ثانياً : فضله انقسام فضله ، صرفی مؤديدر . ناظرلر بصورتله ماده لره حدود لرینه رعایت ايتمکه مجبور اولنجه ، بر ماده مصرفه کفايت ايتديکی تقديرده ، همان مجلس مبعوثانه کلهرک او ماده ايچون تخصیصات منضمه طلب ايديه جکلر ديگر ماده لرده قاله جق جزئی تصرفلری ، امر اعطالرده دائماً کوريلان آج کوزليلك ساقه سيله ، همان محو واستهلاك ايله جکلردر . بو حالك دولته دهها بهالی مال اوله جفی شه سزدر . فقط ناظرلر فصل حدودينه رعایته مجبور اولورلرسه بو محذور باش کوسترمن . چونکه بوتقديرده مجلس مبعوثانه کلوب يوز قيزارتمقدن و بلکه ده دوچار رد اولمی کوزه آلمقدنسه بر ماده يه يديکی حالده عني فصلك اوته کی ماده لر نده قالان جزئی متفرقاتی طو پلايه رق ايشك ايچندن چيقمه يي البته ترجيح ايدرلر .

ثاناً : لوائج ملحقہ آرہ سندہ بولنان فصل مصارف جدولندہ مصارف دہا زیادہ تفصیل ایدلمشدر . اگر مقصد قوۂ اجرائیہ بی بستون تقیدایسہ ، معاملہ تصدیقیہ بی یالکز مادہ لر قدر توسیع ایتکلہ اکتفا ایتجوب ، بونلری دہ تجاوزلہ ، دہامفصل تقسیمانہ قدر تشمیل ایلک اقتضا ایدرکہ بوتقدیردہ قوۂ تشریعیہ حدود و صلاحیتی کچمش ہبت اجرائیہ نک دائرۂ اجرا آنتہ خطوہ انداز اولمش اولور . انجق بو حالہ قوۂ اجرائیہ ایستہ نیلدیکی کی تقید ایدلمش اولور . فقط بوقیدبتون اقتداری قوۂ تشریعیہ نک الہ ویرہ رک قوۂ اجرائیہ نک الی آناعی باغلار بونک مضراتی ایسہ اشکار اولدیفندن قوۂ اجرائیہ بی یالکز فصللرایلہ تقید ایدوب اوندن آشاغیسی ایچون حکومتہ برسرستی بخش ایدلملیدر .

اساساً بوتون شو محاذیری منتج اولدینی حالہ تصدیق مادہ لر قدر تشمیل ایدلمسنی طلب ایدنلر ناظرلرک کیف مالتقق مادہ لر آرہ سندہ مناقلات اجرا ایتلمرینہ مانع اولق مقصدی تعقیب ایلورلر .

حالبوکہ مادہ لر بینندہ اجرای مناقلات آئندہ ناظرلرک مالیه ناظرینک موافقتی استحصال ایتلری مجبورینی وضع ایتدی کمز تقدیردہ شو محذوزی ، بر درجہ یہ قدر ، بر طرف ایتمش اولورز . فی الحقیقہ ہان ہر مملکتندہ ناظرلر بر فصلہ داخل مادہ لر آرہ سندہ مناقلات اجرا ایدہ جکلری زمان بر تقریر ایلہ مالیه ناظرینک موافقتی استحصال ایدرلر . بو صورتلہ بورادہ بر تفتیش اداری یابش اولور . حتی مناقلات اہمیتلی مادہ لر آرہ سندہ وقوع بولور ایسہ مجلس مبعوثانہ بیلہ عرض معلومات اولنور .

خلاصہ بو کون ہریردہ بودجہ نک مصارف فصل اعتباریلہ تصدیق ایدلمکدہ در ؛ فقط کیفیت ہر زمان بویلہ اولما مشدر . بودجہ حقی ایلک اوچکہ استحصال ایدن مملکتلردہ بو فصل فصل تصدیق اصولی زمان ایلہ قرآن مشدر . مثلاً ، فرانسدہ

اون دو قوزنجی عصر ایتداسنده بودجه یکنواخت en bloc تصدیق اولنوردی .  
 بالاخره - ۱۸۱۷ ده بو اصولون تبدیل ایدیله رک هر داتره نك  
 یکنون تخصیصاتی آری آری تصدیق ایتک « صورتی قبول اولندی .  
 نهایت - ۱۸۳۰ - ده بودجه نك شیمدی اولدینی کبی بودجه نك فصل ،  
 فصل ، تدقیقه باشلاندی . الیوم فرانسه بودجه سی بیک قدر فصلدن  
 مرکب اولدینی جهته بودجه نك تصدیق ایچون بیک کره رأی ویریلیر .  
 وصورکرده یکنون عمومی تصدیق اولنور .

بزده ده بودجه فصل فصل تصدیق ایدلمکده در [\*] فقط فصللر میاننده اوج  
 درت میلیون لیرالق تخصیصاتلره تصادف اولنمقده در . (حریبه و بحریه  
 بودجه لرده ) ناظرلره بو خصوصده بو قدر بیوک بر صلاحیت ویرمک  
 دوغرو اوله میه جفتدن بوکی بیوک فصللرک مستقل بر قاج فصل حاله قونمسی  
 وبال نتیجه بودجه ده فصللرک عددی تزیدایدلمسی شایان تمیدیر .

خلاصه برنجی ماده اوقوبدقن صکره دواتر بودجه لری مصارفی  
 فصل فصل تصدیق وبعده او داتره نك یکنونی تصدیق اولنور؛ بو صورتله  
 بتون فصللر و داتره لر یکنونی تصدیق اولندقدن صکره تکرار برنجی ماده

[\*] [ بودجه یعنی موازنه عمومی قانونی مجلس مبعوثانده ماده بماده  
 ( قانون ماده سی ) قبول اولنور . واردات و مصارفات مخمه نك مفرداتی جامع  
 اولقی اوزره اکا مربوط اولان جدوللر نظاماً تعیین اولنان نمونه سنه توفیقاً اقسام  
 وفصول و مواد متعددییه منقسم اوله رق بونلرک مذاکره سی دخی فصل فصل  
 اجرا اولنور ] قانون اساسی ماده : ۹۸

[ قانون لایحه لری حقنده ماده بماده اکثریته مراجعت اولنور مالییه قانوننه  
 مربوط جدوللر حقنده فصل بفصل استحصالی رأی اولنور . هر بر قانون لایحه سنک  
 ماده لری برر برر اکثریته قبول ویا رد اولندقدن صکره هیئت مجموعه سی حقنده  
 دخی اکثریته مراجعت ایدیلیر ] مبعوثان نظامنامه داخلی ماده : ۶۹



اوزرينە كلنەرك اومادەك هيئت مجموعەسى قبول اولتور .

بوندن صكرە وارداتى ميين اولان ايكنجى ماده اوقونور و واردات تابلوسى اوزرينە كلنەرك بونلردە فصل فصل تصديق اولتور . هر نوع وارداتدە مبعوثلرك نظر دقتە آلەجقلىرى جهت مالىه ناظرينك وانجمنك تخمينساتدە خطا ايدوب ايتديكىدر . يوقسە واردات ، تخصیصات كى ، بر حكم قطعى افادە ايتمز ؛ تصديقن مطلوب اولان ، بودجهك تطبیقی آنسە ، او وارداتك مطلقاً عيناً حصوله كلى دكلدر . آرانیلان جهت وارداتك اوارقامك دوندە قالماسى وشاید بعض اقسامدە تناقص وارسە ديكر اقسامدەكى ترايدايله بوتناقصك قانمىسى ، يعنى بودجهیه واردات يكونى ناميله قونان رقمك هيئت عمومیه سنك حصول بولسيدر .

ايشته بوصورتله بودجه ماده لرى برر برر مذاكره ايديلير وماده لرى بيتنجه بودجهك هيئت عمومیه سى ده تعيين اسامى صورتيله رأيه قونولقدن صكرە مجلس مبعوثانده تصديق معامله سى اكمل ايدلش اولور بعدە قانون مجلس اعيانه كوندريلير .

بودجهك تصديق مجلسك الكچوق زمانى اشغال ايدن الكمهم بروظيفه سيدر قوميسيونلردە تدقيق مدتيله برابر هريرده مجلس ، درت بش آى مدت بودجه اوزرنده توقف ايدەرك فعالانە چالشمغه مجبور اوليور . بودجهك تصديق بوصورتله مجلسك الك كوچ وظيفه سى . فقط الك قيمتلى برحق و قوه اجرائيه ي قونترول ايلك ، عضويت اداريه ي تدقيق ايدە بيلمك ايجون الك قوتلى بر سلاحيدير .

بودجهك مجلس اعيانده تصديق :

بودجهك مجلس اعيانده تصديق دخى مجلس مبعوثانده كى تصديقك عيئيدر . يعنى بودجه اولاً قوميسيونده بعدە هيئت عموميه مذاكره اولتور .

وقانون ماده ماده، جدولار فصل فصل قبول اولنور. شو قدر وار که بومذا کره مدتی اعیانده ده آاز سورر . اختلاف ظهور ایتدیکی تقدیرده قانون مجلس مبعوثانه اعاده اولنور. بوحالده مجلس مبعوثان انجق اعیانک اعتراض ایتدیکی قسملری تکرار مذا کره ایدر . وبوصورتله بودجه برقاچ دفعه اعیاندن مبعوثانه مبعوثانندن اعیانه کیدوب کله رک نتیجه ده مساعدات متقابله ایله برصورت حل بولنور. بودجه اعیانندن چیققدن صکره ذات حضرت پادشاهینک ده اراده سنه اقتران ایدرک برای تطبیق قوه اجرائیه یه کلیر.

برسنده زیاده دیا برسنده آز  
مدت ایچونه تصدیق ابریلین بودجه لر

## ۱

بودجه لری متعدد سنه لر ایچون تصدیق ایدن دولتلر

دولت عثمانیه ده، فرانسه، المانیا، انکلتره و ممالک سائر ملک اکثر یسنده  
بودجه برسنه ایچون تنظیم و تصدیق اولنور .

فقط بودجه نك تعریفنده سنه قیدینی قویمه رق برمدت موقته تعبیرندن  
دخی استعمال ایتمکله کمزدن دخی آ کلاسیله جنی اوزره عمومی بودجه لری  
متعدد سنه لر ایچون تنظیم و تصدیق ایدن دولتلرده واردر .

از جمله عمومی بودجه بی هس غران دوقه لنی اویچ سنه ایچون ساقس  
قوبورغ غونادرت ، ساقس وایمار ، ساقس آلمبورغ ، باویرا [ مقدا  
بوراده بش سنه ایدی ] وورتمبرغ ، باد ایکی سنه ایچون احضار  
و تصدیق ایدر لر . صورت تصدیق بر سنه لك بودجه لر دن فرقی یوقدر .

بیسمارق دخی ۱۸۸۰ تاریخنده آلمانیا بودجه سنی ایکی سنه لك یایمق ،  
و بو صورتله رایشتاغ ایله بوندسرات اعضاسنك تنقید و مراقبه سنه ممکن  
مرتبه اوزون فاصله لر ایله معروض قالمه بی تأمین ایتک ، ایسه ته دیسه ده  
Reichtag قاینه یه بو وسیله استراحتی ویرمکدن امتناع ایتشدی .

## ۲

## بودجه لړینک بعضی اقسامنی متعدد سنه لړ ایچون

## تصدیق ایدن دولترلر

بعض دولترلر ده عمومی بودجه نك هیئت عمومی ه سی دكلسه ده ، بعض اقسامنی متعدد سنه لړ ایچون تنظیم ایدرلر .

انكلتره ده بودجه نك فون قونسولیده ( واردات و مصارف محكمه )

fonds consolidé دینان بر قسمی واردركه ، ردفعه ایچون تنظیم اولنور .

بو قسم یكی بر قانونله تعدیل ایدله نجه هر سنه تكراراً تصدیق

ومذا كره یه تابع طو تسلیماز . فون قونسولیده بر قسم مصارف ايله بعض وارداتدن

مركبدر . فون قونسولیده داخل اولان مصارف شونلردر :

خاندان سلطنت تخصیصاتی ، دیون منظمه و غیر منظمه قانض

وآمورتیسمانلری ، ملكی و عسكری بویوك تقاعد معاشاتی ، مجلس عمومی

رئیسارینك ، سفرائك ، بعض بویوك حكامك معاشاتی .

فون قونسولیده داخل اولان واردات یسه مطرحلری ونسبتلری

بر قانون ايله معین اولوب دوجار اعتراض اولمایه جق اولان ویركولردن

عبارتدر . یالکیز اینقوم تاقس الشمس سنه دنبری جاری اولدینی حالده

الآن موقت بر ویركو ماهیتی حائز عد ایدیلش اولدیغندن ونسبتی هر سنه

بودجه لره تعیین ایدللكده بولندیغندن بو میانه داخل دكلدر . كذا

چای ویركوسی وسائر بعض كوچوك ویركولرده هر سنه مذا كره اولنوب

تعیین اولندیقلردن فون قونسولیده داخل دكلدرلر .

فون قونسولیده ایری بر بودجه اولدیغندن بوراده توازن شرطی بوقدر

بوراده كی مصارف ( ۷۵۰ ) ملیونی ، واردات ایسه بر ملیارفرانی

متجاوزدر . فون قونسولیده خصوصی بر بودجه دکلدر . انکلترده خصوصی بودجه اصولی تطبیق اولنمه مقده اولدینقی یوقاریده کورمشدک . بالکنز واردات و مصارفک بو قسمی بر قانون مخصوص ایله تبدیل ایدیلنجهیه قدر هر سنه عیناً عمومی بودجهیه کچر . و حین مذاکره ده او قونوب بالکنز کچیلرک آیریجه بر رأیه اقتران ایتمز .

بزده دخی بو کامشابه بعض تخصیصات وارددر . مثلاً تخصیصات شاهانه ، دیون عمومیه رأس المال و فائضلری . . . و الخ بر کره تعیین ایدیلیر و هر سنه دیکشمز ، کذا بر کره تعیین ایدیلش اولان - « مقطوع ویرکولر » ، رزینک سنوی اعطا ایتدیکی ( ۷۵۰,۰۰۰ ) ایرا تنباکی اداره سنک ویردیکی - ( ۴۰ ) بیک ایرا الخ بوقیلنددر . شو قدر وارکه کرک فرانسه ده و کرکسه بزده بودجه نک بوقسملری اوزون اوزادییه مذاکره اولنما مقله برابرینه او قونور . فصل فصل معامله تصدیقه ایفا اولنور ، هر برینه آیری رأی ویریلیر .

فون قونسولیده ده انکلترده بودخی بایلماساز و بایله ماز . بونک فاندوسی هیئت تشریعیه بودجه نک سائر اقسامنی تدقیق ایتک ایچون بر آز وقت قازاندریمق معامله تصدیقه نک سرعت آسمانی تسهیل ایتکدر . یوقسه فون قونسولیده ده باشقه بر اهمیت اساسیه موجود اولدینقی ظن ایدلمه ملیدر .

آلمانیا ، انکلتره ، فرانسه و سائر ممالکده انشاءات عظیمه نافع ، و حربیه و بحریه انشاءاتی کبی بالکنز بر سنه بودجه سنه صیقشدیریلهمه یین مصارف جسیمه ایچون بش آلتی و حتی اون سنه لک بودجه لری بایلمه قده در . آلمانیا ده بونک مثالرینه تصادف ایدیلور : بیسمارک ( ۱۸۶۶ ) ده

صادووا محاربه سی نتیجه سنده ، شیمیدی آلمانیا ایمپراطورلغتك اساسنی وضع ایتدیکی زمان حربیه بودجه سی ایچون شواصولی وضع ایتشدی: «قونقه ده راسیون» داخل هر دولت ، اهالیسك یوزده بری نسبتده عسکر ویردجك و كذلك ویردیکی هر عسکر باشنه سنوی (۸۴۳) فرانق اعطا ایده جکدر؛ بوصورتله الده ایدیلن یازده حربیه بودجه سی تشکیل ایدیوردی . بوصوله آلمانلر (پوچو آنتوم Pauschquantum) نامنی ویرمشلردی .

دائمی بر حربیه بودجه سی ماهیتی حائز اولان بو اصول (۱۸۷۴) ده ترك ایدلدی واوندن صكره یدی سنه لك حربیه بودجه لری بایلدی . صوك زمانلرده ده بحریه نظارتی ایچون ده الی سنه لك بودجه لر تنظیم اولتمقده در . بونكله برابر بو آلتی یدی سنه لك بودجه لك هر سنه یه اصابت ایدن مقداری ینه عمومی بودجه یه کیره . بو باییلان قانونلر یدی سنه لك برر بودجه دكل بلكه عمومی برر پروغراملرلر . انكلترده دخی فوق العاده مصارف بحریه ایچون بو طرز موجوددر . فرانسه یه كلنجه : بوراده ده حربیه ، بحریه وانشآت جسیمة نافع ایچون آلتی ، یدی سنه لك پروغراملر بایلمقده در . حتی فرسینهك انشاءات جسیمة نافع یه متعلق پروغرامی اون سنه دوام ایتشدر .

فقط ینه تکرار ایده رز بو پروغراملر هر سنه صرف ایدیلجك قسمی عمومی بودجه لره کیرمکده در .

## ۳

## موقت بودجه

بودجه برسنه دن زیاده برمدت ایچون قبول ایدلدیکی کبی بعض کرده ده

بر سندهن آز بر مدت ايچون تصديق ايديلير ؛ بونلره موقت بودجه  
Douzièmes Provisoires نامى ويريلير :

معلومدر كه عمومى بودجه سنه ابتداسنده قابل تطبيق اوله بيلمك  
ايچون، امر تصديقك سنه نك ايلك كونندن اول اكمل ايدلمش اولمى،  
پروژه نك سنه نك دخولندن مقدم كسب قانونيت ايلش بولمى اقتضا  
ايدر . حالوكه فعلياتده، همان هر دولته، بو خصوصده تأخرات واقع  
اولمقدهدر . بعضاً احوال فوق العاده دن، مثلاً بر حرب، بحران، اختلال  
وساره دن دولايى سنه آتیه بودجه سى وقتيله حاضر لانه من . فقط اكثر يا  
هيچ بر حال فوق العاده اولمدينى حالده، محض بودجه نك قوه اجرائيه طرفندن  
تنظيمى وبالخاصه قوه تشريعيه طرفندن تدقيقى اوزاماسندن دولايى يكي  
سنه يه كيرلديكى زمان الله مصدق بر قانون بولنه ماز . بودجه قانونى  
اولمىجه دولت نه بر ياره جبايت ونه ده برجه تأديه ايد بيلير . بو حالده  
ايسه حيات اداريه دولتك دوچار توقف اولمى اقتضا ايدر .

ايشته موقت بودجه لرك قبولى بوكا بناء در . سنه يه كيريلوبده الله  
مصدق بر بودجه بولنه ميه جنى حس ايدلديكى زمان هر مملكتده موقت  
بودجه تنظيم اولنقى تعامل حكمنه كير مشدر .

موقت بودجه نى [موقت بر توزيع و تقسيمه كوره، بر ويا بر قاچ آي ظرفنده،  
وارداتى جبايت و مصارفى تأديه به مساعد اعطايلىن بر قانوندر] ديه بيلير ز.  
موقت قيدى ، بو بودجه نك، عمومى بودجه قبول اولنجه يه قدر اداره امور  
ايتك اوزره، بر تدبير اولديغى كوسترر . فقط بوندن صكره تصديق اولنان عمومى  
بودجه نك آرتق سنه نك مدت متباقيه سى ايچون اقتضايدين مصارف و وارداتى  
احتوا ايدجى ذهابنه دوشمه ميلمدر . ايكي آيلىق موقت بر بودجه دن

سكره چيقان سنه بودجه سى اون آيلق چيقيقه جق دكلدر: عمومى بودجه ينه تمام يعنى اون ايكي آيلق اولمق اوزره تصديق اولنور؛ انجق موقه بودجه ايله على الحساب ويريلوب صرف ايداش اولان تخصيصاتك بوند محسوبي اجرا ايديلير .

بودجه سياستنده الكسالم اصول موقت بودجه لره مراجعت ايتيره سندنك ايلك كوني عمومى بودجه يي حاضر بولدير مقرر ؛ چونكه موقت بودجه نك محاذير عديده سى واردر :

اولا : موقت بودجه ، اكثر يرلرده ، بودجه نك فصل فصل تصديق قاعده سنه مخالفت عرض ايدر . موقت بودجه نك سنه استدا سنده على العجله قبول و تصديقه مجبوريت حاصل اولديني ايچون هر دائره ، فصل فصل دكل ، انجق يكونا بر تخصيصات en bloc ويريلير ؛ بونك فصول و مواد آره سنده تقسيمى قوؤ اجراييه بر اقبلير بوحالده ايسه مصارفك مجلس طرفندن فصل فصل تصديق قاعده سى موقه تعطيل ايداش ديكدر .

ثانياً : موقت بودجه اسكى بودجه نك تخصيصاتنه كوره حساب ايدلديكي قوؤ اجراييه طرفندن فصل و مواد حين تقسيمنده اسكى سنه بودجه سى نظر دفته آلدني ايچون حساباتده تشوشاتي و بعضاً اسرافاتي موجب اولور : يكي سنه بودجه سنده تصفياتك دكيشه جكي ويا بعض تخصيصاتك لغوى ويا تزبيد و تخفيق جهته كيديله جكي ، وركولردن برينك الفا اولنه جنى ويا نسبتك آتيريلوب اكسيلتيله جكي ، ( دولت لرك بعض اصلاحات اداريه و ماليه يي بودجه قانونلر سنه ماده لر علاوه ايدرك ياقدمده اولدق لريني بودجه نك شكلى بحثده ايصاح ايدلمشدي ) موقت بودجه نك حين اعطاسنده قطعياً نظر دفته آلماناز . بونلر آنجق يكي سنه بودجه نك انشاي مذاكره سنده تقرر ايدر . فقط تصفيات دكشديكي



حالده ، موقت بودجه حساباتندن بعضی فصللرک یکی اکرسیسه نصل کچیریلجکی اکلایشله ماز ، بودجه حسابی تشوش ایدر ؛ یکی بودجهده بر تخصیصات لغو اولنورسه ، موقت بودجه‌لرده موجود اولوب بودجه حسابی اتمام ایچون عینی سنه اکرزسیسنه علاوه ایدلمسی اقتضایدن ، بعضی تأدیاتک محل قیدی بولنه ماز . بوندن ماعدالغوی التزام اولنان بر مصرفک یکی سنه‌ک بر قاج آینده اجر ایدلمش اولمسی کبی بر اسراف تولد ایدر . بر ویرکونک لغونده ، نسبتک تزیید ویا تنزیلنده ایسه او ویرکونک سنه ابتدا سنده بر قاج آی باشقه درلو ، مدت متبایقه ظرفنده باشقه درلو جریان ایتمش اولمسی کبی غرابتله میدان ویرر .

بونکله برابر بعضی مملکتلر واردرکه اورالرده بودجه‌ک سنه ایچنده تصدیقی بر تعامل حکمنه یرمشر . یوقاریده کوریکمز و جهله باجیقا وانکلتزه بو میانده در . بو حکومتلرک معامله تصدیقی سنه ایچنده ایفا ایلمکدن الله ایتدکاری استفاده ده ، بودجه‌یه وضع اولنه جق ارقامی دها یقیندن کورمک و بالتیجه تخمینی دها صحیح بر اساسه استناد ایتدیرمک اولدیغنی ده ایضاح ایله مشدک ؛ بناء علیه بوقانده یه مقابل بو حکومتلرده موقت بودجه‌ک قبولی ضروریدر . فقط ، هیچ اولمازسه ، بو حکومتلر موقت بودجه‌ک بر آز اول ذکر ایتدیکمز محذورلر تی تخفیف ایچون بعض تداییر اتخاذا یتمشر لر ... بوندن دولای موقت بودجه‌ی هر دولته عینی درجه ده بر قطعیتله محکوم ایله میز ...

از جمله بلیچقاده اوزون مدتدن بری موقت بودجه‌لر طبیعی بر شکل اکتساب ایتمشر در . باجیقا مجلس مبعوثانی یکی سنه‌یه کیرمزدن اول

بودجه‌نك واردات قسمنى تصديق ايدر . بناءً عليه وارداتك ، تماماً برسنه ايچون؛ قطعى اوله رق جبايتنه باشلامسند هيج برمحذور قالماش ديمكدر ؛ مصارف ايچون دخى سنه ايچنه كيرلدكدن صكره هر نظارت ايچون، فصل فصل، برقاج آياق تخصيصات طلب ايدن بر موقت بودجه تقديم ايديلير . بوموقت بودجه قطعياً استغراب و حيرتى واعتراضاتى جلب ايتمز با حيقاً پارلمنتوسى بوكا آيشـمـشدر ؛ بونى كمال دفته تدقيق ايدر و تخصيصاتى فصل فصل قبول ايلر . بو حال درت بش و حتى آلتى آى دوام ايدر .

موقت بودجه‌نك مصارفى عمومى بودجه‌نك مصارفه تطبيق ايتك خصوصـنـده دخى بلجيقا ايلر موفق اوليورلر ؛ حكومتك تنظيم ايتديكى بودجه‌نى چوقاق تحولاته تابع قيلميورلر بناءً عليه بوراده بو محذورده بر درجه بر طرف اوليور . يالكنز واردات بودجه‌سى ايله مصارف بودجه‌سى توازن ايتك مجبوريتنده بولندقلرندن يكديكيرنى متعاقباً وعينى زمانده تصديق اولملرى ايجاب ايدر كن بوصورتله بودجه‌نك ايكي قسمك آيرى آيرى تصديق ايدلمسى بر محذوردر . كرجه بلجيقا ايلر ناظر ك پروژه سنده كللى تعديلات يامامقوله ايكي قسمك توازننى محافظه به مقتدر اوليورلر سنده هر حالده بودجه‌نك بويله ايكي قسمه انقساسى دوغرو برشى دكلدر .

بالخاصه انكلتزده موقت بودجه سيستمى غايت معقول و طبيعى بر شكلده جريان ايتكده در . معلومدر كه انكلتزده مجلسك هيئت عموميه سنده بودجه‌نك مذاكره سنه، سنه كيرلدكدن صكره، نيسانده باشلانير . و معامله تصديقه ايكي مجلسده - برقاج آى دوام ايدر . بودجه، سنه به

کیر مزدن اول، بودجه قومیسو نده مذاکره اولمقدده در، سنه باشی کلدیمی مصرف قومیسو، یونی بحریه و حربیه نظارتلرینه یکوناً ایکی قسم علی الحساب تخصیصات تقریق ایدر، و دیگر نظارتلر ایچونده، فصل فصل اولمق اوزرده، تخصیصات اعطا ایدیلر؛ صکره مجلسک هیئت عمومی سی بو تخصیصاتی قبول ایدر؛ نهایت واردات قومیت سی بو مصارفه متقابل علی الحساب صورتیه جبات اولنه جق وارداتی تعیین ایدره آریجه تصدیق ایتدیرر حکومت بوعلی الحساب صورتیه اعطا اولنان واردات و تخصیصات Vote on account ایله بر قاق آی اداره اولنور .

اغستوسده موازنه عمومی قانونی act of appropriation جیق دینی زمان هر فصلده علی الحساب صورتیه ویرلش اولان تخصیصاتلر ایله اوندن صکره صرف اولنه بیله جک اولان تخصیصاتلر آری آری جمع ایدیلرک کوستریلیر . . ایشته بو صورتله انکلیرلر موقت بودجه یی دائمی و طیبی بر شکله افراغ ایتدکلی کی تخمینلر یی ده سنه ایچنده اجرا ایدره رک ده دوغرو اساسلره استناد ایتدیررلر . . بوراده موقت بودجه اصولنک یوقاریده ذکر ایتدی کمز محدودلری باش کوسترمنز . . چونکه هیئت نظارک مجلسک حضورنده فوق العاده بی-وک بر حیثی واردر . مجلس اعضای صرف کندی قریجه لرندن بودجه یه مصارف علاوه ایتمکدن و یا مصارفی تنزیدن و یا خود وارداتی دکشدیرمه دن اجتناب ایدرلر؛ هر سنه بودجه نکل شکل و تقسیماتی التاوست ایتزلر؛ ایشته بوسیدن انکلارده موقت بودجه لر دیگر مملکتلرده کی محدودلری حصوله کتیرمه مکده در .

ممالك متمدنه نکل دیگرلرنده موقت بودجه لر موجوددر؛ فقط

بونلرك عددی هېسندە عینی درجه‌ده دكلدر؛ مثلاً صوك زمانلرده پروسیه و آلمانیا‌ده موقت بودجه‌لرك عددی آلامشدر. فقط بالخاصه فرانسه‌ده هان هر سنه برایکی و حتی ده‌ها زیاده موقت بودجه کورلمکده و مجلس طرفندن استغراب و نفرتله قارشیلانمقده‌در. فرانسه‌ده بو بودجه‌لر سنه به برقاچ کون قاله تدقیق ایدلدیکی ایچون يك قابادر؛ حتی فرانسه‌ده موقت بودجه‌لرله ویریان تخصیصات، بالیقا وانکلترده اولدینی کبی، فصل فصل ویرلر داتره اعتباریله اعطا اولور، صکره رئیس جمهورك برده قره‌سی ایله نظارتلره یکوناً ویریان بو تخصیصات فصللره آریلیر. بوندن فرانسه مالیونی يك شکایت ایدیور، موقت بودجه‌لرك هیچ اولمازسه دیگر مملکتلرده اولدینی کبی طبعی برؤسسە حائزه قونمسی و تخصیصاتك فصل فصل اوله رق ویرلمسی طاب ایله یورلر.

حکومت عثمانیه‌ده ۳۲۵ سنه‌سندن بری هر سنه متعدد موقت بودجه موجود اولمشدر. موقت بودجه‌لر بزده‌ده فرانسه سیستمه مشابه‌در. تخصیصات داتره اعتباریله ویریلیر. ۳۲۵ سنه‌سندە درت و ۳۲۶، ۳۲۷ سنه‌لرنده اوچر موقت بودجه ویرلمشدر. ۱۳۲۷ سنه‌سندە تخصیصاتك فصللارینتده تقسیمی بر نظام‌نامه ایله اجرا اولنه‌جنی اولنه‌جنی قرار کیر اولمشده‌ده مذکور نظام‌نامه‌کی فصللار اوندن اولکی بودجه تصنیفك عیندر.

## تخصیصات مؤخره

### Credits additionnels

مصارفك مقدارینی ، بودجه‌نك اثنای تصدیقده ، وقبل الاجرا ، تعیین ایلک حاکمیت ملیه ایجاباتندندر . فقط بوصورتله تصدیق ایدیش اولان بودجه‌نك، اثنای تطبیقده ، بعض فصللرک یکونی، مصارفی تأدییه کفایت ایدمه‌جکی ثابت اوله‌بیایر؛ یاخود سنه‌ظرفنده برزلزله ، بر فیضان بر حرب کی آفات ظهور ایدرو بوندن دولایی بودجه‌یه، اولجه موجود اولمان بر طاقم فصللر علاوه‌سی اقتضا ایدر . ایشته بو کی احوالده بودجه‌یه بر طاقم تخصیصات جدیده علاوه‌سی لازم کلیرکه بونلره تخصیصات مؤخره نامی ویریلیر . احوالده تخصیصات مؤخره‌یی ( موازنه مالبه سنویه‌نك تقرندن صکره اعطا ایدیلن تخصیصاتدر ) دیه تعریف ایدمه بیلیرز . [۱] تعریفده « اعطا ایدیان » تعیری استعمال ایدیله‌رک « مجلسك اعطا ایتدیکی تخصیصاتدر » دیمه‌مسنك سببی واردر : فی الحقیقه بودجه‌یه علاوه ایدیله‌جک اولان یکی تخصیصاتك تصدیقده ملت وکیلرینه راجع اولماسی اقتضا ایدر ؛ چونکه عکسی تقدیرده بودجه‌یی تصدیق حق تمام

---

[۱] تخصیصات مؤخره تعیرینی تخصیصات فوق‌العاده، تخصیصات منضمه وایلریده کوریله‌جک اولان تخصیصات متممه‌یه شامل و فرانسجه Credits additionnels مقابلی اولقی اوزره استعمال ایدیورز .

اولساز و بر معنای قطعی و حقیقی بی احتوا ایتمز ؛ مجلس ملیتک یابدینی بودجه بی قوه اجرائیه کندی قرار لریله بوزء حق ، تخصیصات ابتدائیه به حکومتک قرار ذاتیسیله بر طاقم تخصیصات مؤخره علاوه ابدیله جک اولدوقدن صکره مجلسه بودجه حق و یرمک نهیه یارار ؟ .. بناءً علیه تخصیصات ابتدائیه بی اعطا ایتمک یعنی بودجه بی یایق نصل ملیتک حق ایسه تخصیصات مؤخره اعطاسی ده اویله جه ، اساس اعتباریله ، ملیتک حقیدر . شو قدر وارکه مجلسک منعقد بولمیدینی زمانلرده ده بعضاً ابتدائی تخصیصاتک ترزیندینه احتیاج حس اوله بیله جکندن بوتقدیرده قیود و شروط تحتنده ، وبالخاصه ، عقیب اجتماعنده ، مجلسک تصدیقه عرض اولتیق اوزره ، حکومتک مجلس وکلا قرار یله تخصیصات مؤخر آلمس نه هرملکتنده مساعده ایدلمشدر .

تخصیصات مؤخره بی بسبتون متع و رفع ایتمک امکان خارچنده در . چونکه بودجه نه قدر دقت و اعتنا ایله یاپیلیرسه یاییلسون ، بعض احوال فوق العاده موازنه عمومیه به یکی بر طاقم تخصیصات وضعی ایجاب ایتدیر بیلیر ؛ تخصیصات مؤخره نك بو نوعه تخصیصات فوق العاده - Credits extra odinaires اطلاق اولنور که اصول محاسبه عمومیه قانوننده شو وجهله تعریف اولمشدر : [ بودجه نك تنظیم و تصدیق زماننده متصور و مجزوم اولمیان بعض احتیاجات جدیده و مبرمه نك تسویه سی ایچون بر دوره حسابیه نك انشای جریاننده و یریلن تخصیصاتدر . ماده : ۱۰ ]

دیمک اولبور که تخصیصات فوق العاده ، فوق العاده ، اولدن تخمین غیر قابل و نادر احوالده مراجعت اولنیور . بر فضاء ، بر بیوک یاغین بر حرب واخل کبی . . بو نوع تخصیصات مؤخره بی معذور کوسترین ایشته بوضرورتله ندرتدر . بوکی احوال نادر الوقوع اولیه حق اولسه یدی

بودجهیه هر سینه [ احوال فوق العاده مصارفی ] نامیده بر فصل علاوه اولنور و لزومی تقدیر ندهد . بو فصلدن صرفیاتده بولونیلهرق تخصیصات فوق العادهیه مراجعتیه احتیاج مس ایتمزدی ؛ احوالده ، تکرار ایدلم ، تخصیصات فوق العادهیه احتیاج حس اندیرن وبونی مشروع کوسترن ، ضرورت و ندرتدر .

فقط تخصیصات مؤخره دائماً تخصیصات فوق العاده شکلنده اولماز . بعضاً فوق العاده هیچ بر حال موجود اولمدینی حالده ، احوال عادیه داخلندهده . تخصیصات ابتدائیه نك تربیدینه احتیاج حس ایدیلیر ؛ بو احوالده آلان تخصیصاتده ، تخصیصات منضمه - *Crédits supplém-entaires* اطلاق اولنور . محاسبه عمومیه قانونی تخصیصات منضمه بی شو صورتله تعریف ایدیور [ موازنه عمومیهده موجود اولوب ماهیتی دکشمکسزین کفایتزلیکی ثابت اولان امور دن برینه اکل نقصانی ایچون علاوه ویریلن تخصیصاتده تخصیصات منضمه تسمیه اولنور . ماده : ۱۰ ]

تخصیصات منضمهیه ، بعضاً تخصیصات متحولله نوعندن اولان مصارفك قبل الاجرا حقیقه تقدیر ایدلمسك بك مشكل اولمسندن دولایي مراجعت اولنور . نه قدر دقت و مهارتله تقدیر اولنور سه اولنسون بعض تخصیصات متحولله نك سنه ایچنده تربیدی لزومی تحقق ایده بیلیلر . مثلاً فعالیت اقتصادییه بناء ، بر سینه ، مملکتیه ادخال اولان اموال تزايد ایده جك ویا پوسته منافقاتی آرته جق اولور سه طبیعتیه رسومات ویا پوسته فصلالرندن بعضیلرینی تربید ایتك لازم کلیر ؛ فقط چوق کره تخصیصات منضمه ، بودجه ناظمالرنك تفوذ نظر صاحبی اولمالرندن ویا سوء نیتلرندن

دولایی باش کوستریر . ناظرلر نفوذ نظر صاحبی بولماز . بودجه نك انهای تنظیمنده مصارفی حقیقه تقدیره مقتدر اوله مازلر ؛ باخود حسن صورتله تقدیره مقتدر اولورلر ده بودجه یی توازن ایتسدر مرک ایچون ، سوء نیتله ، بعضی مصارفی نقصان کوسترلرلر . ایشته بو کبی احوالده تخصیصات منضمه لر ، تکرر وتوالی ایدر ، و آتیده کوره جکمز وجهله بودجه ده بیوک تخریبات حصوله کنیریر . .

خلاصه تخصیصات مؤخره یی ، تخصیصات فوق العاده و تخصیصات منضمه اولوق اوزره ایکی قسمه آییره بیلیرز : بویکی نوع تخصیصاتک مدار تقریبی اول امرده احوال فوق العاده و یا احوال عادیه داخلنده آلمش اولمیریدر . بوندن ماعدا دیگر برفرقلری ده واردر : تعریفدن دخی اکلاشیله جنی وجهله تخصیصات فوق العاده احتیاجات جدیده حالنده بودجه یه علاوه اولنه جق یکی بر تخصیصات ، یکی برفصلدر . حالبوکه تخصیصات منضمه بودجه ده اساساً موجود اولان برفصله علاوه ویریه جک اولان تخصیصاتدر . [۱]

تخصیصات مؤخره نك محاذیری :

بالجمله مصارف و وارداتک بر بودجه یه ادخال اولنمی ، یعنی عمومیت قاعده سه رعایت ایدلمه سی لزومی ، بودجه نك احضاری بحثنده اوزون اوزادییه تدقیق ایتشدک .

تخصیصات مؤخره ده ایسه بواصوله تطبیق حرکت ایتمه امکان قالماقده در . چونکه تخصیصات مؤخره ، عمومی بودجه نك تصدیقندن

[۱] بویکینجی فرق بزم محاسبه عمومیه قانونه کوره در . ایلریده ایضاح ایدیله جی وجهله فرانسه ده اساساً موجود برفصل ایچونده ، علاوه ، تخصیصات فوق العاده ویریه بیلیر .



صوكره ، سنه ایچنده ، آیری آیری قانونلرله آلیر شو حالده بودجه متعدد اقسامه ایرلش اولور ، وعمومیت و وحدت قاعده سنه عدم رعایتدن متولد محذورلرک یکیدن تخذت ایدر :

(۱) تخصیصات مؤخره دولتك حال مالینسی صریح اوله رق کوسترمز. تخصیصات مؤخره نی سوء استعمال ایدن مملکتلرده بودجه ده مصرف یکونی اوله رق کورولان رقم دولتك مقدار حقیقی مصارفی دکلدر ، مصارفك مقدار حقیقیسی آ کلامق ایچون مختلف زمانده اصدار ایدلش متعدد تخصیصات منضمه و فوق العاده قانونلری ده آریوب بولمق و بونلری بودجه نك فصول متناظر سنه علاوه ایتك لازمدر .

(۲) تخصیصات مؤخره اسرافاتی منتیجدر . فی الحقیقت ، بودجه نی تنظیم و تصدیق ایدنلر ، سنه ابتدا سنده ، معامله تنظیمیه و تصدیقیه نی ایفا ایدرلرکن ، مصارفات آره سنده عادتاً بر مسابقه اجرا ایدرلر . بونلردن هانکیسی ده حاضروری ایسه بودجه یه اولنلری ادخال ایدرلر ، و دائماً انظرلری بودجه نك توازنی تأمین ایتك غایه سنه معطوف اولدینی جهته ، موازنی اخلال ایده جك اولان اهمیتسز و لزومسز مصارفی قییارلر ، کسوب حذف ایدرلر . حالبوکه تخصیصات منضمه ده بونك امکانی یوقدر :

« شوفصلده کی تخصیصات کفایت ایتدی ، تخصیصات جدیده ویرکز » دنیلدیکی زمان ارتق توازن جهتی دوشولمز ، مسابقه اجرا ایدلر و طبیعتیه موازنه مالیه بوزولیر .

ایشته تخصیصات مؤخره نك امکان اعطاسنه کووه ن آچیق کوز ناظرلر بودجه نك حین تنظیمنده طلب ایتدکلری تخصیصات جسیمه نی قوباره بیلک مقصدیه ، اکثر یا بودجه لرینک بعضی فصللرنده کی مبالغی بیله بیله تقلیل ایدرلر . یو حالده ابتدا کی بودجه نه مرتبه توازن بولنورسه بولنسون صکره دن او موازنه

بوزولور : شهبسزكه بو ، برسوه استعمال و براسبرافدر .  
(۳) تخصیصات مؤخره ، عمومی بودجه نك احضاری آنسده مبعوثلر ك  
تقداتی تخفیف ایتمه وسیله اولمق حسیله ده اوچنچی بر محدودری  
اقتوا ایدر .

فی حقیقه تخصیصات منضمه نك سوء استعمال ایدلدیكى مملكتلرده ،  
مبعوثلر بودجه نی صوك درجه دقت و اهتمام ایله تدقیق ایلمه یی ، امکان  
داره سندم موازتی تأمین ایتمه یی ، آرزو ایتسه لر دخی ابتدا حسن صورتله  
ترتیب اولونان بو بودجه ده کی موازنه نك بالاخره تخصیصات مؤخره لرله اخلال  
اولمه جفتی بیلیرلر . بناءً عابه پهوده زحمت اختیارینی آرزو ایتزلر .  
بالنتیجه بودجه یه ویریه جك اهمیت اساسیه ضایع اولور ، بودجه نك  
تصدیقی ، عادی بر فور مالیته مسئله سی حالته انقلاب ایدر .

شواوچ بو بوك محدودر هر مملكتده كندی كوستردیكى جهته دولتیر  
تخصیصات مؤخره نك اعطایی خصوصنده بر طاقم تحدیدات قانونیه  
وضع ایتشلر در . فقط تخصیصات فوق العاده نك حدودی ضروری اولدیغندن  
ممالك متمدنه ده بوباید وضع اولنان تحدیدات الك زیاده تخصیصات منضمه یه  
معطوف بولمقده در .

بونكه بر ابراشبو تخصیصات مؤخره ، آنحق قوه اجراییه و قانونیه نك  
بونوع تخصیصاتی منع ایتمه كندی كندینه ارزو كیش اولدیغی زمان تحدید  
ایدیله بیلیر

بر مملكتده كه ناظرلر تخصیصات منضمه خصوصنده حسن نیته  
حرکت ایتزلر ، بر مملكتده كه مبعوثلر دائما بونوع تخصیصاتك اعطاسنه  
مساعده كار بولنورلر ، او مملكتده ، نه قدر قواعد مكتوبه تقیدیه موجود  
اولورسه اولسون ینه تخصیصات منضمه اظهار وجود ایدر ، محاذیری

كوستر . فرانسه بوباده اك كوزل بر مثال عرض ايدر : بوملكتده ، موجود برچوق تقيداته رغماً ، هر سنه ۳۰۰مليون فرانغه بالغ تخصیصات منضمه كوريلسكده در .

خلاصه تخصیصات منضمه نك آز وياچوق اولماسنك سيني برملككتك اخلاق سياسي سنده آرامق لازمدر .

بويله اولمقله برابر ، هرملككتده ، تخصیصات مؤخره نك تكثيرني منع وضرراتي تحيددايچون خصوصنده بعض تدابير تقيديه وضع اولمشدر : تخصیصات مؤخره نك تحيددي امرنده اك زياده موفقيت كوترن ملكت انكلتره در .

اولا : معلومدر كه انكلتره ده بودجه سنه ماليه كيردكن صكره تصديق اولنور . بويله بودجه لرده ايسه : اصابت تخمينك همان قطعت درجه سنه واره جني شهم سزدر . بوسايه انكلتره ده بعض مصارفك حسن تخمين ايديله مسمندن دولايي تخصیصات منضمه به مراجعت احتياجي مهمامكن برطرف ايديلش اولور .

نايآ : انكلتره ده ناظرلر جدی ، متين وصاحب مسلكدرلر . اونلر تخمينلرينك بالاخره وقوعات طرفندن زيروزر ايديله سني آرزو ايتزلر و بودجه لريني او صورتده تنظيم ايدرلر ، بوندن كنديلريني ماده و معناً مسئول عد ايلرلر يعني حيله كارانه بر صورتده بعض مصارف طي ايتك كي كوچوكلكلرده بولمازلر .

اساساً ناظرلر حقنده اعتماد بسله ين مبعوثرلر ، اونرك و يردكاري ارقامي بك تبديل جهته كيتمازلر . سنه ابتدا سنده ايسته ديكي درجه ده تخصیصات آلان قوه اجرائيه بالاخره تخصیصات منضمه طلبني عزت نفسه محل

عد ایدر .

بونكه برابر انكلترده دخی تخبیصات منضمه موجوددر .  
فقط مقداری هر سنه ، ۳۰ - ۴۰ ، ملیون فرائقی تجاوز ایتز  
بونك ایسه درت ملیاره بالغ اولان بر بودجه ایچون همان هیج مقامنده  
اولدینی آشکاردر .

انكلترده تخبیصات منضمه اعطاسی شو صورتلهدر :

احوال فوق العادهده بعض تخبیصات فوف العادیه احتیاج حس  
ایدلیدی تقدیرده قوه اجراییه درعهده مسئولیت ایدرک بوتخبیصات  
آلیر و صکره دن مجلسه اخبار کیفیت ایدر .

احوال عادیده تخبیصات منضمه به احتیاج حس اولدینی زمانده ایسه بو  
تخبیصات آیری آیری قانونلرله طلب ایدیلهمز . مجلسك قیانه جنی زمانده - که  
اغستوس آیدر - و یا مجلسك آچیلدینی زمانده - که کانون ثانی و شباط آیلر ایدر -  
تخبیصات منضمه جدوللریله برر کره تخبیصات منضمه طلب اولنور ؛  
یعنی طلب اولنه حق تخبیصات منضمه سنه نك معین زمانلرنده حساب  
ایدیلهمز هپ بردن آرانیر ؛ برنجی دفعه سنده آرانیلان تخبیصات  
منضمه دوائر ملیکه ، ایکنجی سنده حریبه و بحریه نظارتلری ایچوندر .  
دوائر ملیکه ایچون تقدیم ایدیلن تخبیصات منضمه قانوننه  
Supplementary estimate دینور که بوراده طلب اولنان تخبیصات  
هر فصل ایچون آیری آیری کوسته ریلیر بوسایهده هم بونلرک لزوم  
و عدم لزومی ده قولا یجه تقیش ایدلش اولور ، همده تخبیصات  
منضمه لر دیگر مملکتلرده اولدینی کبی آیری آیری آرانمدینی ایچون ،

ابتدا کی بودجه نك موازنه خلل طاری اولوب اولیه جنی عمومی بر نظرله  
کوروله بیلیر .

حربییه و بحریه نظر-ارتلری ایچونده احوال عادیده تخصیصات  
منضمه یه احتیاج مس ایدیلورسه - سوبله مانته ری نهستیاتلرله فصل  
فصل تخصیصات طلب ایدیلور . فقط شاید اشبو . مصارفك حرب  
وساره کی بعض احوال دن دولایی فصل فصل تقریقی قابل اولامیورسه  
Vote of crédits ناهیلده یکونآده بر تخصیصات منضمه آرانه بیلیر .  
بو تقریقه انکلتزه ده بیوک بر اهمیت ویرلمکده حربیه و بحریه یه ویرله جك  
تخصیصات منضمه نك وسوبله مانته ری نهستیاتلرله تقریقی ممکن اولدینی تقدیرده  
Votes of crédits جهته کیدله مکده در .

ایشته انکلتزه بوکی تداییر سایه سنده تخصیصات منضمه نك توسعنه  
مانع اولمقده ، بودجه سنك موازنتی محافظه ایدرهك مصارفك تزیدینه  
میدان ویرمه مکده و موازنه قانونلری اکثریا فضلّه وارداتله قیامقده در .  
ایتالیاده دیگر بعض وسائط ایله ، تخصیصات منضمه نك ، بودجه سنی  
تخریب ایتمه سنه مانع اولمقده در :

بر کره ایتالیاده - آئیده کوره جکمز وجهله - صحیح بودجه نامی ویربان  
بر اصول موجود در که بوسایه ده سنه اورتیه سنده ، ابتدا کی بودجه یی بردها  
تصحیح ایدرهك ، مصارفاتی کور بلان احتیاجاته کوره تعدیل ایتمک ممکن  
اولمقده در ؛ بواسول طبیعتیه تخصیصات منضمه یه میدان ویرمه مک محسناتی  
حاضر در .

بوندن ماعدا ایتالیا بودجه لرنده بری « مصارف غیر ملحوظه  
احتیاط ایچمسی » Fonds de réserves pour les dépenses

fonds de Imprévues و دیگرى « مصارف ضرورىه احتياط اچمهسى reserves pour les depenses obligatoires et d'ordre ناميله ايکي فصل موجوددر . تخصیصات فوق العاده به احتياج کورلدیكى زمانده بو فصللرک برنجیسیدن و تخصیصات منضمه به احتياج کورلدیكى زمان بو فصللرک ایکنجیسندن بر مقدار آله رق اشبو مصارف قبالمقدمه ، بودجه نك ابتدا کی موازنتی اخلال ایده جک اولان تخصیصات فوق العاده و منضمه به پک آرمراجعت اولمقدمه در . فی الحقیقه بو صورتله بودجه به ایکی فصل علاوه سی ایله تخصیصات مؤخره بی منع اتمک این بر سیسته مدر . فقط بو ایکی فصل بودجه ایچنده کیزلی بر قاصه ، بر منبع مصارف ، تشکیل ایدرک سوء استعمال ایدمک محذوریده حائزدر ؛ ناظرلرک اولور اولماز سیلرله بو ایکی فصله مراجعت اتمسی تهلمک سی واردر . قوه اجرائیه سندن امین اولمیان مملکتلر بو اصولدن توحش اتمکده پک حقلیدرلر .

فرانسه : فرانسه ده تخصیصات مؤخره credits additionnelles اوج نوعه آریلیر .

(۱) credits extraordinaires — تخصیصات فوق العاده

(۲) credits supplémentaires — تخصیصات منضمه

(۳) credits complémentaires — تخصیصات متممه

تخصیصات فوق العاده :

« غیر ملحوظ و عاجل اسبابدن دولانی سنه ایچنده بودجه به علاوه اولونان یکی بر تخصیصات و یا خود اساساً بودجه ده موجود پر فصله علاوه اولونان فضلّه تخصیصات » در

کوریلورکه فرانسلر تخصیصات فوق العاده بی ، زده اولدینی کبی ،

يكي بر فصل احداثيله تقييد ايتمه يورلر ؛ احوال فوق العاده حسبيله بر  
بر فصلك تزييدي جهتنه كيديليرسه بونوده تخصیصات فوق العاده دن  
عدايد يورلر .

(۲) تخصیصات منضمه ، بزده كينك عيدير . يعنى موازنه عموميه ده  
موجود اولوب ماهيتي دكيشمه كسزين كفایتسزلكي ثابت اولان اموردن  
ربنه اكمال نقصانی ايچون ويريلن تخصیصاتدر .

(۳) تخصیصات متممه دخي تخصیصات منضمه نك برنوع ديكريدر:  
تخصیصات منضمه بر قانون مخصوصه مصارفك تمهد واجراسندن  
اول ، آلمق لازم ايكن بعضاً قوه اجرائيه بوكا رعایت ايتمه نك تخصیصاتی  
موجود اولمق سزين بعضى مصارفي اجرا وتأديه ايلر .

بالظريه بو صورتله تخصیصاتك تجاوازي ممنوعدر و وقوعي  
تقديرنده مسئوليت نظارك موضوع بحث اولسي اقتضا ايدر . فقط بو  
قانونسزلك ده تصحيحى لازم كلير ؛ حساب قطعى قانوننده آجبق  
كورونمه مى ايچون ، بو قانون مجلسه كلديكي زمان ، بلامأذونيت صرف  
ايدلمش اولان بو تخصیصاتك تصديق طلب ايديلير . ايشته بلا تخصیصات  
تأديه ايدلمش اولان فضلّه مصارفي تحت تصديقه آلمق ايچون محاسبه  
قطعيه قانونيله آجيان تخصیصاته ده تخصیصات متممه اطلاق اولنور .

فرانسه ده تخصیصات مؤخره نك اوکی آلمق ايچون واضع قانون  
برچوق تقييدات وضع ايله مشدر :

۱ : مجلس ملی حال انعقادده بولنديغي زمان ، كرك تخصیصات  
فوق العاده و كرك تخصیصات منضمه آله بيلمك ايچون بر قانون ايله مجلسه  
مراجعت ايتك لازمدر .

۲ : مجلس حال انعقادده دكلسه قوه اجرائیه ، كندى كندینه ، تخصیصات فوق العاده نك برنجی قسمی ، یعنی بودجهیه دوغروندن دوغرویه برفصل جدید علاوه سنی ایجاب ایدن تخصیصات فوق العاده یی ، قطعاً آلاماز. بوبله براحتیاج ظهورنده قوه اجرائیه نك همان مجلسی انعقادہ دعوت ایلمی اقضا ایدر . ۱۸۷۹ قانون اساسیسنك ماده مخصوصه سی بومألدہ ایسه ده ، فوق العاده احوالده حكومتك مسئولیتی اوزرینه آلهرق فوق القانون حرکت ایتدیكى كورلمشدر. نكیم ۱۸۹۸ فاشودا ، ۱۹۰۶ فاس حادثه سنده حكومت رئیس جمهورك برده قره سی ایله تخصیصات فوق العاده جدیدہ آلمشدر .

تخصیصات فوق العاده نك ایكنجی قسمی ( اساساً وجود برفصله علاوه تخصیصات ) ایله تخصیصات منضمه یه كننجه :

بوبابده مجلسك عدم انعقادى حالنده تخصیصات آلوب آله میه جغنی كسدیرمك ایچون اولامجاسك نیچون منعقد بولمدیغنه نظر اولنور : اكر مجلس فسخ ایدلمش ویا فرانسز قانون اساسیسنك ماده مخصوصه سنه توفیقاً رئیس جمهور طرفندن موقه تعطیل ایدلمشه اوزمان قوه اجرائیه مجلس وكلا قراريله قطعاً برفصل تخصیصاتی تزید ایده مز. اكر مجلس طبیعتیه تعطیل ایدلمش ایسه اوزمان قوه اجرائیه بونوع تخصیصات مؤخره یی آله بیلیر فقط بونك ایچون ده آتیده کی شرائطه رعایت ایدلملیدر : [۱]

[۱] فرانسزلرك ۱۸۷۹ قانون اساسیسیله ، مجلسك عدم انعقادى حالنده ، تخصیصات مؤخره نك حكومت طرفندن آلمی خصوصنده بوقدر مشكلات كوسترملری یالكن مسئله مالیه دن ، تخصیصات منضمه نك مضامتی تحدید ایتك ارزوسندن ، ایلری کلیور : قوه اجرائیه یی باره خصوصنده قضیق ایده رك مجلسی اجتماعه دعوت ایتك مجبور ایلک بونعیداتك اسباب وضعیه سنك اك مهملرندن بریدر .



۱ تزییدی طلب ایدیلان تخصیصات ، تخصیصات متحولہ قسمندن اوله جقدر . تخصیصات غیر متحولہ نك مقداری ، مجلس منعقد اولمدینی زمانده ، تزیید ایدیله مز .

۲ کیفیت شورای دولته بعدالتذکر مجلس وکلادن کچه جک و برده قره ایله رئیس جمهورك اراده سنه اقترا ن ایده جکدر .

۳ اشبو فضله ، مصرفك نه کچی بر واردات ایله قبانه جفی ده قرده کوستریله جکدر ؛ مع مافیہ علی اکثر بو فضله نك عمومی بودجه وارداتی ایله تقابل ایتدیر یله جکنک ذ کریله اکتفا ایدلمکده در .

۴ پارلمتو انعقاد ایدر ایتمز ، ۱۵ کون ظرفنده کیفیت مجلسك تصدیقنه عرض اولنه جقدر .

ایشته فرانسرلر تخصیصات ، مؤخره اعطاسنی بودجه تقیید ایله مشرلدر . بو تقییدانه رغماً ، تخصیصات منظمه نك تحدید ضررته انکلتره درجه سنده موفق اوله میهرق همان هر سنه بودجه لرینک یکونی ۲۵۰ — ۳۰۰ میلیون فرائق راده سنده قبارمقدمه بولنمشدر . بو حال تخصیصات منظمه یی منع ایتک ، قواعد تقییدیه دن زیاده ، مملکتک اخلاق سیاسته تابع ، برکیفیت اولدیغنی اثباته کفایت ایلر .

بزده تخصیصات فوق العاده ومنظمه حقنده موجود اولان اصول فرانسه نظریاتندن اقتباس ایدلمش فقط مسئله او قدر تقییدانه تابع طوتیلمامشدر .

[ موازنه عمومی ده موجود اولوب ماهیتی دکشمکمزین کفایتسزلیکی ثابت اولان اموردن برینه اکیال نقصانی ایچون علاوه ویریلان تخصیصاته

تخصیصات منظمه تسمیه اولور . بودجه نك تنظيم و تصدیقی زماننده متصور و مجزوم اولیان بعض احتیاجات جدیده و مبرمه نك تسویه سی ایچون بر دوره حسابیه نك اثنای جریاننده ویریان تخصیصاته دخی تخصیصات فوق العاده نامی وریلیر [ ( محاسبه عمومی قانونی موقتی ۱۰ ) دیمك اولوركه بزده تخصیصات فوق العاده ایله تخصیصات منظمه بیننده کی فرق دهابسیطدیر . بودجه ده اساساً وجود اوایان یکی بر تخصیصات آنورسه بو تخصیصات فوق العاده ، اساساً موجود اولان بر تخصیصات تزئید ایدیلیرسه ، بوده تخصیصات منظمه در .

بو ایکی تخصیصات صورت اعطاسنه کلاجه :

مجلس منعقد اولدینی زمان کرک تخصیصات منظمه و کرک تخصیصات فوق العاده آنحق مجاسک تصدیقی ایله آله بیلیر .

مجلس ، هر نه سبيله اولورسه اولسون ، مسدود بولندیمی قوه اجراییه برقرار مخصوص ایله تخصیصات منظمه و فوق العاده آله بیلیر . فقط آتیده کی شرائطه رعایت ایتک لازمدر :

۱ کیفیت هیئت وکلاده تذکر ایدیلهرک بو خصوصده بر قانون مخصوص بایلمق و اراده یه اقتران ایتک

۲ تزئیدی طلب اولنان فصل ، موازنه عمومی قانوننده مندرج بولنان تخصیصات غیر متحوله جدولنه داخل فصللردن اولمق ؛ دیمك اولوركه تخصیصات غیر متحوله داخل فصللردن هیچ بر صورتله ، مجلس وکلا قرار یله ، تخصیصات منظمه آله ماز ؛ تخصیصات فوق العاده یکی بر فصل اولدینی جهتله بوقیدک طبیعتیله اوکا شمولی یوقدر ؛ یعنی تخصیصات فوق العاده خصوصنده یالکزد دیکر ایکی شرطه رعایت کافیدر .

۳ مجلسك عقیب اجتماعنده اشبو قانون موقت مجلسك تصدیقه عرض اولنق

نتكیم آئیده کی ماده لر بوجهتی ایضاح ایدر :

[ مجلس عمومینك منعقد بولنمدینی ائنده اسباب مجبره فوق العاده دن دولانی موازنه خارجنده مصرف اختیارینه لزوم قوی تحققی ایدر سه مسئولیتی هیئت وکلایه عائد اولنق و مجلس عمومینك کشادی عقبنده اكا دائر قانون لایحه سی مجلس عمومی ویرلك اوزره اومصرفك تسویه سی ایچون اقتضا ایدن مبالغك طرف حضرت پادشاهی به عرض و استیذان ایله صادر اوله جق اراده سینه اوزرینه تدارك و صرفی جائز اولور ] ( قانون اساسی ماده ۱۰۱ )

[ كرك تخصیصات منضمه و كرك تخصیصات فوق العاده بهمه حال بر قانونه مستند اولمیدر . مع مافیہ تخصیصات متحولیهی متضمن اولوب بودجده تصدیق ایدلمش اولان خدماتك ایجاب ایله جکی مصارفك تسویه سی ایچون تخصیصاتك مجلس وكلا قراريله و اراده سینه پادشاهی ایله تزییدی جائزدر . تخصیصات متحولیهی متضمن خدماتك جدولی هر سنه موازنه مالیه قانونه ربط ایدله جكدر ] ( موازنه مالیه قانونی موقتی ماده : ۱۱ )

## ۲

### ابطال تخصیصات

ابطال تخصیصات annulation de crédits کیفیتی تماماً تخصیصات منضمه نك معكوسی اولوب « قهاً و یا تماماً استعمال اولنمیهان تخصیصاتی موازنه عمومیہ قانونندن ترقین ایتك » دیمكدر .

ابطال تخصیصات ایکی سبیله واقع اولور :

اولا : اصول محاسبه نك انتظامی تأمین ایچون واقع اولان ابطال تخصیصات :

مثلا : بودجه ده ایفاسی امر اولونان برطاقم خدمات ایفا اولمش فقط تأدیه ایدلمه دن نهایت دورء حسابیه قیامش بولنور .

بوتقدیرده اوسنه یه عائد سه پارشلرك بودجه ده هنوز تأدیه اولمایان مقابللری ، حساباتك قیادلمی حسابیه ، طی و ابطال اوله رق ایرتسی سنه بودجه سنه نقل اولنور .

بوحالده صرف اصول محاسبه نك انتظامی تأمین ایتك ایچون واقع اولان اشبو ترقین تخصیصات کیفیتی خزینه ایچون برکار عد اوله ماز .  
ثانیاً : حقیقی برتصرفی مؤدی اولان ابطاللار :

بونلر خزینه ایچون حقیقی برقازانجدر . مثلاً حربیه بودجه سنه موجود بعض فصللر تماماً و یا قسماً استهلاک ایدلمه مش ، تعبیر دیگرله معاملاتده تصرف ایدلمش اولور که سنه صوکنده حربیه بودجه سنه کوریان بوفضله قسملرك ترقین و ابطالی لازم کایر .

شونی ده سویله لم که بو طرزده ابطال تخصیصات بک اندر واقع اولمقدردر . چونکه ، برکره ناظرلرك طبیعت اسراف پرورانه لری بوکا مانع اولور .

بوندن ماعدا شاید برسنه بودجه سنه بعض ابطال معاملاتنه میدان ویرلدیله بک اولورسه ایرتسی سنه مبعوثر ، برسنه اول فضله تخصیصات ویرلدیکی خالده صرف اولنمادیقنی کوره رك ، فصللاری طارالتغه تمایل ایتدکری بالتجربه نابتدر . ناظرلرده بالطبع بوجهته هیچ باناشمق ایسته مدکارندن مبعوثانه ممکن اولدینی قدر ابطال حقیقی بی آزاو له رق کوستره که چالیشیرلر .

بناءً عليه مبعوثا لك بر سنه كى تصرفى نظر دفته آله رق ايرتسى سنه مصرفى  
تزييله ايدى للىرى، بوصولته ناظر لرى اسرافه تشويق ايتديكى ايچون، اى  
برشى دكدر .

ابطال تخصیصات سنه صو كنده وقوع بولور و حساب قطعى  
قانونلى ايله تصديق ايدى لير. ابطال تخصیصاتك بوراده مطالعه ايدى لى بعض  
مملكه تدرده، اشبو تصرفاتك تخصیصات منضمه ايله قارشىلاشدير لى سنه بناء در:  
مثلا فرانسه ده بمضاً ناظر لى تخصیصات منضمه طلبى ايچون مجلس مبعوثان  
حضر ورنده عرض وجود ايتدكلى زمان بر الده تخصیصات منضمه  
جدولنى ديكر الدده ابطال تخصیصات لى سنه سنى طوتار لى و مبعوثا لره  
دير لركه :

« ايشته شو وشو فصل لردن شو مقدار مبالغ تصرف ايتدك بونلرى  
ابطال ايدى كز. بوكا مقابل فلان وفلان فصلارده كفايت سزلك موجوددر  
بونلر ايچون ده تخصیصات منضمه ويرى كز؛ تخصیصات منضمه دن توحشه معنا  
يوقدر چونكه طلب ايتديكمز تخصیصات منضمه نك مقدار صافى سى بك آذر» .  
كوريلور كى، قوه اجراسيه نك سنه ايچرى سنده مجلسه مراجعت ايدوب  
ابطال تخصیصاتى تصديق تكلفنده بولماسى مجلسه قارشى تخصیصات منضمه  
قوبار مقصديله يايى لىش بر نمايشدن باشقه برشى دكدر . بودجه ده كى  
تصرف لرى قطعياً بوصولته اسراف ايتمه ملى وتصرف اجرا ايدى لكده  
اولدينى نظر دفته آله رق تخصیصات منضمه ايله ديكر مصرف لرى تزييد  
جهته كى تمه مليندر . تخصیصات منضمه ، مادام كه بر ضرورت صيره سنه  
كچمشدر ، هيچ بر آلايشه قابى لى مده دن دفته تدقيق ايديله رك اعطا اولملى  
وا بطلالرده محاسبه قطعيه قانونيله قبول اولمليدر .

بزه محاسبه عمومی قانونك دردنجی ماده سی [ دوره حسابیه  
ظرفنده تماماً و یا قسمأ استعمال ایدیلین تخصیصات اغستوس غایه سنده  
ابطال ایدیلور ] دیمکله ابطاللرك دوره حسابیه نهایتنده اداره واقع  
اوله جفتی و محاسبه قطعیه قانونیه تصدیق ایدلمسی لازم کله جکنی کوستریور.

## مناقله تخصیصات

بودجه‌نك بر فصله عايد تخصیصاتدن بر قسمك دیگر بر فصله کچیرلمسنه فصاادن فصله مناقله و بر فصاك بر ماده‌سندنه کی یكونك بر قسمك ینه او فصاك دیگر بر ماده‌یه کچیرلمسندنه ماده‌دن ماده‌یه مناقله اطلاق اولنور .

فصاادن فصله مناقله virements décrédités - که مناقله تخصیصاتدن مقصود اولان بودر - مجلس مبعوثانك مساعده‌سی استحصال اولتمسزین یعنی برقانونه اسناد ایدلمکسزین یاییله من . چونکه عکس تقدیرده مات وکیلرینك ویردکاری رأی تصدیقه تجاوز و تعرض ایدیلش اولور .

ماده لر آره‌سندنه کی مناقله ایسه - مجلسك رأیی فصل یكونی اوزرینه اقتران ایتیش اولدییی ایچون - ناظرلرك حدود و صلاحیتتری داخلنده بولتمله برابر ینه بوخصوصده مالیه ناظرینك مساعده‌سی آلق اقتضا ایلر .

فی الحقیقه بودجه‌نك اجرایی بمختصده کوریلجهکی اوزره حوالات ماده ماده یاییلیر و مالیه ناظری بر ماده‌نك حواله‌سنی مراقبه ایدرکن بودجه‌نك اوماده‌نك تجاوز ایدلمه‌سنه دقت ایدر . [\*] بو قونترولك حسن صورتله ایقاسی ایچون ایسه بر فصلك بر ماده‌سندن اونه کی ماده‌سنه مناقله حالنده ، مالیه ناظرینك رأی و موافقتی آلموی ضروریدر .

[\*] بودجه‌نك اجرایی قسمنده حوالات و حوالات وامر اعطالرك قونترول

بجمله مراجعت

بعض مؤلفر فصلدن فصله مناقله تخصیصاتك ده قوه اجراییه طرفندن  
 یاییلمه سنه مساعده اولماسنی ترویج و فکر لرینی شو صورتله مدافعه ایدر لر :  
 اکر فصلدن فصله مناقله قوه اجراییه نك یدنده اوله جق اولور سه ،  
 بواصول قبول اولور سه ، تخصیصات منضمه نك اوکی آلمش اولور .  
 چونکه ؛ بو تقدیرده تخصیصات منضمه به لزوم کوریلنجه مجلسه مراجعت  
 ایده جك یرده ناظر لر بر فصلدن تصرف اجرا ایدره ك بر قسم تخصیصات  
 آلیر ، کفایت سزلیکی کوریلن فصله علاوه ایدر لر . بوضورتله بودجه نك  
 یکنونی تجاوز ایدلیه ك موازنه عمومی مالبه نك محافظه می ممکن اولور .  
 از جمله مشهور مالیه ناظری آشیل فو Atchille Fould « بوفکری در میان  
 ایتشدر ( ۱۸۶۰ )

فقط ، بوفکر قبول اولور سه بر طاقم نتایج سقیمه تولد ایدر :  
 اولاً : بودجه ده هیچ بر زمان تصرف ممکن اولاماز . چونکه :  
 ناظر لر اسرافانه تمایلدر . کندیلرینه ویریلن تخصیصات - لزوم برم اولسه  
 بیله - صرف واکمال ایتمهک و بوضورتله دهاسه ولتله اداره امور طرفدار  
 اولدقلری تجربه ایله ثابتدر . بناء علیه بعض فصللرده بر مقدار تصرف  
 امکانی موجود اولسه بیله ، مناقله نك سهولتی حسیله ، بواکان سبب ایدلمش ،  
 ابطال تخصیصاتك اوکی آلمش اولور .

ثانیاً : ناظر لك بوفصلار آره سنده مناقله ایتهلرینه جواز ویریلیر  
 ایسه مجلس ملینك بودجه بی فصل فصل تصدیق و تعیین ایتمه نك حکمت  
 و ماهیتی زائل اولمش اولور .

شواله ، فصلدن فصله مناقله بی تحدید ایله ناظر لر بواقتداری



بخش ایتمه مك اقتضا ایدر . بوندن ماعدا مناقله اکر ماده لر آرمه سنده وقوع بولورسه بوبابده دخی مالیه ناظرینك موافقتی آلتق لازم کلیر . مناقله\* تخصیصات، بروقتلر فرانسه ده قوه اجرائیه طرفندن بایله بیلمکده ایکن بالآخره بواصول دیکشدرلشدرد. چونکه: بواصول نتیجه سی اوله رق بودجه ده اصلا تصرف شهود اولموردی؛ بر فصلده تخصیصاتك بر آرفضله قاله جنی حس ایله یلنجه، ابطاله امکان بر اتمامق ایچون، قوه اجرائیه نك همان اونی باشقه بر فصله نقل ایتدیکی کوریلوردی

( ۱۸۷۱ ) تاریخندن سوکره فرانسه ده مناقله\* تخصیصات کیفیتی بالکلیه لغو اولمش حتی قانون مخصوص ایله مناقله طاب ایتك اصولی بیله منع ایدلشدرد. چونکه ؛ فرانسزلر مناقله کیفیتك ماهیت حقیقه سنی نظراعتباره آلهجه بوکا هیچده لزوم بولمادیغنه قناعت کتیر مشلردر . فی الحقیقه مناقله ایکی معامله\* متخالفه دن، بر ابطال تخصیصاتدن، و بوکا مقابلده باشقه بر فصله عین مقداره بر تخصیصات منضمه اعطاسندن عبارتدر. مثلا ، بر فصلده موجود بشیوز بیک لیرادن یوز بیک لیراسنی ابطال ایدر ك نقصان اولان دیگر بر فصله عینی مقداره تخصیصات منضمه علاوه ایدیلور و بوکا مناقله اطلاق اولنور .

ایشته بونی نظر دفته آلان فرانسزلر اکر بر فصلده تخصیصات یتشمزسه ناظر بوبابده تخصیصات منضمه ایسته یه بیلیر؛ یوقسه ، دیگر بر فصلدن ابطال صورتیله دیگر بر قسم تخصیصات آلوب دیگر فصله علاوه صورتیله مناقله پایه ماز، دیمشلردر .

انکلتزده بحریه و حربیه نظارتلری بودجه لرینك یکونی ثابت قلمتی اوزره ، مجلسدن مساعدء استحصال ایتمکسزین بیله، اجرای مناقلاته

ماذوندر لر . یالکیز ایلاک فرصته کیفیتی مجلسک تصدیق و قبوله عرض ایتمک لازم کلیر ... انکلتزده ناظر لر سوءاستعمالنده بولمیه تنزل ایتمه دکاری کبی مجلس عونان دخی قوؤ اجرائییه اظهار امنیت واعتماد ایدر . بناءً علیه بوملکتهده مناقله کیفیتندن دولانی اختلاف ظهور ایتمز .

بزده ، مجلس منعقدایسه بهمه حال مجلسک تصدیق ، واکر دکلسه بر قانون موقت اصداری ایله مناقله اجرایی قابلدر .

معدل اصول محاسبه عمومیه قانون موقتک « ۲۱ » نجی ماده‌سنده شویله دنیلیمکدهدر .

[ بر فصلدن دیگر فصله تخصیصات قانون مخصوص ایله اولایلیر ... ]  
آنحقی بومادک فقرات متبایه‌سنده شایان دقت برشی واردر :  
بر فرقه حریبه ویا بوکا معادل قوای بحریه‌ک حال سفر برییه وضعنده ، یاخود عمومی سفر برلک اعلاننده ویاخود حرب وقوعنده حریبه و بحریه نظارتلری - بر قانون مخصوص موجود اولمندن - بودجه‌لری یکوتی تجاوز ایتمه مک اوزره بوتون تخصیصاتلری (سفر برلک فصلی) نامیله یکی آچه جقلری بر فصله نقل ایده بیلیلر . مصارفات سفر بریه و حریبه هپ بوفصلدن تأدیه اولنور . و بوکا مقابل بالمله تخصیصاتک فصله‌سی - هپ بوفصله کتیریلیر .  
طرابلس غرب مسئله‌سندن بری حربک وجودی حسیله ملکتمزده حریبه وقسماً بحریه نظارتلری بواصولی تعقیب ایتیمکدهدر لر .

[ ... بر فرقه‌ک ویا اوکا معادل قوانک وکذلک عین درجهیه معادل قوای بحریه‌ک بااراده‌ سینه سفر بر حالنه وضعنده تخصیصات فوق‌العاده ویا منضمه آلتنجهیه قدر حریبه ویا بحریه بودجه‌لرنده سفر برلک وضع نامیله بر فصل مخصوص کشاد اولنورق سفر برلکی اجرا اولونان قطعاتک

هردرلو مصارفی نظارت عانده سی بودجه سنک یگون مخصوصاتی دائره سنده قالمق اوزره مذکور فصل مخصوصدن تسویه اولنور . عموم سفر برلک ویا اعلان حرب وقوعی حالنده بالعموم مصارف عسکریه حقنده بواسول تطبیق اولنه جقدر . بوخصوصده مانوره سفر برلکدن معدود کلدر . ]  
ماده: ۲۱

مجلسک رخصتی اولقمیزین فصلدن فصله نقل تخصیصانده بولنان برناظرک مسئولیتی عین زمانده هم سیاسی همده حقوقیدر . یعنی مجلسک رضایی خلافتده حرکت ایتدیکندن دولایي ناظر مجلس حضورنده سیاست مسئول طوتیه جنی کی اجراسنه صلاحیتدار اولمدینی بر مصرفی اوده تدیکنندن دولایي آمر اعطا حقنده مسئولیت حقوقیه ده موضوع بحث اوله بیایر؛ بالقوه قبول ایدیلان بومسئولیت حقوقیه نك بالفعل استعمالی نه قدر بیوک مشکلاته معروض قاله جنی بودجه نك اجرایی بخشنده کوروله جکدر .

لکن ماده دن ماده یه مناقله وقوعنده نظارک یا ککش حرکتدن دولایي مسئولیت سیاسیه موضوع بحث اوله بیلیر سده، ناظر لر بوراده قانوناً صلاحیتدار اولدقلری بر معامله یی ایفا ایتدکاری جهتله مسئولیت حقوقیه موضوع بحث اولاماز .

## مصصح بودجه

مصصح بودجه budget rectificatif (بر سنه بودجه سنده کی تخمینا تندن بعضی فی دوره حسابه ایچنده تعدیل ایلین ایکنجی بر بودجه در ) بو تعریفدن ایکی خاصه مستبان اولور :

اولا : موقت بودجه طبق عمومی بودجه کی بر بودجه در. بناء علیه بو بودجه ده کی مصارف و وارداتک تخمین و تعیینی خصوصنده طبق عادی بودجه قواعدینه اتباع حرکت ایتک لازمدر .

ثانیاً : موقت بودجه ایکنجی بر بودجه در . بناء علیه بو بودجه سنه اورتیه سنده ، سنه ابتداسنده موقع تطبیقه وضع اولنان، موازنه عمومی نی تعدیل ایدر واونک مقامنه قائم اولور .

آکلاشیلیبورکه موقت بودجه اصولنده ، سنه یه کیردکدن صکره ، ایکنجی بر بودجه یاییلور ، احوال و وقوعات کوز اوکنده بولندیی ایچون، وقوع بوله حق واردات و مصارف دها ای بر صورتده کوریلور، بواحواله کوره برنجی بودجه تعدیل و تصحیح ایدیلیر و سنه صوکنه قدر آرتق بو مصصح بودجه تطبیق اولنور

مصصح بودجه اصولنی فرانسزلر ۱۸۶۲ — ۱۸۷۰ تاریخلرنده استعمال ایتشلر واوندن صکره فعلاً بسبتون ترك ایتشلردر .

مصصح بودجه يي زمانمژده تطبيق ايدن يكانه حكومت ايتاليادر .  
ايتالياده تموز آينده ابتدائى بودجه تطبيق اولمغه باشلانير ، كانون اوله قدر  
بوصورتله كيديلير ، كانون اولده اوسنه ايچنده ايجاب ايده جك مصارف  
و آله جق واردات دها قطعى بر صورتده اكلاشيلمغه باشلانديغندن ،  
ماليه نظارتى مجلسه مصصح يكي بر بودجه تقديم ايدر ؛ بو بودجهده  
كوريلان لزومه كوره واردات و مصارف ارقامى دكشديريلير ، و بعدالتصديق  
سنه نك صوكنه قدر آرتق بو ايكنجي بودجه تطبيق اولور . ايتالياده  
مصصح بودجه مجلسه كانون اول آينده كالير ، عيني زمانده اسكى سنه نك  
حساب قطعى قانونى و كله جك سنه نك ابتدائى بودجه سى ده مجلسه تقديم  
اولنديغندن اوچ ، وحتى ايچنده بولونيالان سنه نك ابتدائى بودجه سى ده  
داخل اولمق اوزره ، درت بودجه نك فرقلرينك قولايقله و كمال وضوح  
ايله تدقيق ايدلمسنة امكان حاصل اولور .

مصصح بودجه نك فائده سى سنه ايچنده تخصيصات منضمه لرك  
حدوتنه مانع اولمسيدير ؛ چونكه بوصورتله هانكى فصللار ايجون تخصيصات  
منضمه يه احتياج مس ايده جكي ؛ هانكى فصللرده ابطالار واقع اوله جنى  
تام زماننده تدقيق ايدلمش و بودجه اوكا كوره تصحيح ايدلمش اولور .  
بناء عليه واردات و مصارف يكي باشدن توزين ايديلير آرتق تخصيصات  
منضمه يه بك اندر احوالده مراجعت اولور . تخصيصات منضمه نك  
محدورلرى ايسه حال مالى يي صريح اوله رق كورمه مك وشو و بوزمانده  
مصارفى آرتيره رق وارداتله توزيى جهتنى دوشونمه مك ايدى ؛ ايشته  
بو اصولده بو محدودرلر مندفع اولور ؛ وقوع بوله جق ضميات و تنزيلات  
مصصح بودجهده هپ بردن ياييله رق حال مالى صريح اوله رق كوريلور ؛

وقوع بوله جق ضمايم و تزیلات و علاوه ایدیه جك واردات عینی زماده دوشونیه جكندن اسرافانه میدان ویرلز .

ایتالیا حکومتی ایشه مصصح بودجه دن بو استفاده لری تأمین ایش و بو اصولی تطبیق ایتیمکه باش-الادیبی ۱۸۸۳ ده بودجه سی دایما آچیه قبانیدی خالده یواش یواش توازن حاصل اوله رق والیوم هر سنه ایتالیان بودجه لری بر فضله وارداتله قبانتمده بولمشد .

فقط مصصح بودجه اصولك محذوری ده یوق دكلدر :  
 بو محذوره بر سنه ایچنده ایکی بودجه یایلمقدن تولد ایدیور .  
 بو صورتله ایکی بودجه آره سنده بر رقابت تولد ایدیور . بریسی دیگرینك ضررینه حاکم اولیور . ضرر کورن بودجه ده دایما ابتدا کی بودجه اولیور؛ چونکه مصصح بودجه ده کنجدر، ده اصرار قامی احتوا ایدر . سانی بولنان ابتدائی بودجه ده کی ارقام ایسه ده مه مدهر بناء علیه بمعونانك اصل اهمیت ویردکاری بودجه مصصح بودجه در، ایتالیا ده معمولر بوایکنجی بودجه ارقامی اوزرنده صولك درجه دقتله تدقیقات اجرا ایدیورلر؛ ابتدا کی بودجه بی مذاکره ایدرکن سنه ایچنده دیکشه جکی بیلدکاری ایچون اوقدر بی-ولك بر اهمیت ویرمبورلر . یعنی برکله ایله دیه بی-ایر زک بوراده غره-شام قانوننك تام عکسی حکم فرما اولیور .  
 ای بودجه فنا بودجه بی قوغیور .

ایشته بر زمان فرانسه ده والیوم ایتالیا ده بو سیدن دولایی اصل نظر دقتی جلب ایدن مصصح بودجه در .

فقط تخصیصات منضمه نك توالیسی سنك ده بر درجه یه قدر بو محذوری تولید ایتدیکی یوقاریده کورمشك، مثلاً فرانسه ده متوازن یایلمش بر بودجه بی بیه تخصیصات منضمه نك آلت اوست ایده جکی حساب ایدلکی ایچون سنه

ابتداءً سنده کی بودجه نك اهمیتی بر آرز تنزل ایدیور . ایشته بو سبیدن دولاییدر بعضی فرانسزمؤلفلری، مصحح بودجه اصولك محذورینه رغماً، بواصولك فرانسه ده یکیدن تطبیقتی ارزو ایدیورلر ویدیورلر که «هرایکی تقدیرده ده یعنی مصحح بودجه ایله ده تخصیصات منضمه ایله ده بودجهلر حین تنظیمنده اهمیتی غائب ایدیور بناءً علیه مصحح بودجه اصولی قبول اولنلی و هیچ اولمازسه فوآئندن استفاده ایدلملیدر »

انکله ده ده تخصیصات منضمه قانونلری ده سنه ایچنده منتظماً ایکی دفعه آغستوس ومارت آیلرنده مجلسه کلدیکی ایچون بوراده تخصیصات منضمه سیستمه نك، من وجه ، مصحح بودجه اصوله مشابه اولدیغی اونوتماق ایجاب ایدر ..

## بودجه نك ردی

بودجه حق طبیعتیه بودجه نك مجلس طرفندن ردینی ده انتاج ایدر . چونكه بودجه بی تصدیق حق مجلسه عائد اولنجه ، قوه قانونیه نك او بودجه بی دیلر قبول ایتمی دیلرسه تماماً رد ایتك صلاحیتی حائز اولنسی غایت طبیعی بر کیفیتدر ؛ بوصلاحیت ردی قبول ایتمه دیکمز تقدیرده مملکت وکیللرینك حق تصدیقی نا تمام ونتیجه سز براقش اولورز .

بونکله برابر ، بالنظریه قبوله مجبور اولدیغمز شو حق رد دائرة فعلیاتده پك چوق محاذیری داعی ، عظیم ضررلری مؤدی اولور .

بودجه ردایدلایکی تقدیرده ، سنه مالییه کیرلایکی زمان ، الده مابه التطبیق بر قانون موجود اوله میه جفندن مصارف تأدیه اولنه ماز ؛ احتساب تحویلات فاضلرینی آله مازلر ؛ مأمورینه معاش ویریله مز ؛ کذا عسکر معاشاتی وارزاق بدلاتی تأدیه اولنه ماز ؛ متعهدلر بهوده یره دولت وزنلرینه قوشوشورلر . بناءً علیه بو حالد دولتك حیات اداریه سی دوچار تعطیل اولور .

واردات جهته کلنجه : وبر کولرک جبایتی ده - اولجه کورلایکی وجهله - بودجه ده مساعده اعطاسیه جائزدر . حالبوکه الده بودجه موجود بولنمدینی ایچون بالطبع وارداتك جبایتمده تثبیت ممکن اوله میه حق واکر تحصیل ایتك ویا ایستیرمك جرأتند بولنانلر اولورسه بونلر



دوچار مجازات اوله‌جقدر در . تحصیلدارلر ، قوهٔ اجراییه‌نك تشویقیله ، مجازاتدن قورقمیوب مکلفینه مراجعت ایدمه‌جك اولسه‌لر بیله اولردن ویرکویرینه شو جوابی آله‌جقلر : مادامکه بودجه یوقدر او حالده هانکی قانونه مستند آوویرکوی جبات ایدمه‌بیایورسکیز؛ بوندن ماعداشبه‌سز کومروک رسمی ده استیفا اولنمه‌یه‌جفی جهتله مملکتده خارجدن، سربست اوله‌رق ، اجنبی ماللری هجوم ایدمه‌جك، استهلاکات داخلیه رسومی جبات ایديله‌یه‌جکی جهتله هرکس بلا رسوم کنول توتون ، طوز الخ اعمال ایله‌جکدر . بالاخره بودجه قبول اولنسه‌بیله کومروک تأدیه ایتمکسزین مملکتی استیلا ایدن، رسومی اوده‌نمکسزین استحصال اولنان بوماللری دیکرلرندن تفریق ایله حدود خارجه چیقارمق ویاویرکولری آلق اصلاً ممکن اوله‌یه‌جقدر . بو ایسه عظیم ، بک عظیم بر ضرر خزینه‌در .

ایشته شومطالعاندن اکلاش-یلدینی اوزره بودجه‌نك ردی حیات اداریه و مالیه‌نك توقفه و بالنتیجهٔ احتمال که مملکتده براختلال ظهورینه سبب اوله‌جقدر .

بو سببله‌درکه بعض مؤلفلر ، مبعوثلره بودجه‌ی تصدیق حقنک اعطاسی مملکتک حیات اداریه‌سنی تنظیم ایتملری ایچون اولدیغندن بوغایه‌نك تماماً معکوس برنتیجه حصوله کترین برحق ردک شایان قبول وحق اولماسی ادعاسنده‌درلر . اسکی فرانسه‌سیاسیونندن Bonald « بر آدمک کندی کندیسنی اولدیرمه‌ک حق اولدینی کبی بر مجلس‌کده بونجه‌ی رد ایدمه‌رک مملکتک حیات اداریه‌سنی محکوم مات ایتمک حقی یوقدر » دیمشدی .

فقط بچك ابتدا سنده سویدیکمز وجهله بودجه نك ردی مجلسك برحق طبعیسیدر . بوا اعتراضات بو حك احتیاطله استعمالی امر ایدر . یعنی حق رد مجلسك النده بر سلاحدر ؛ اوپله بر سلاح كه كوستریلور ، استعمال اولونماز ؛ یا خود آنحق بك اهمیتلی زمانلرده استعمال اولنه بیایر . بودجه نك ردینك تولید ایده جكنی تعداد ایتدیكمز نتایج نظریدر . فعلیائده مجلس بودجه بی رد ایتش اولسه بیله ، قوهٔ اجرائیه ویركولری قوتنه استناداً تحصیل ایدر ، بعضی مصارفی تأدیه ایلر و حیات اداریهٔ مملكتی بوضویرتله دائرةٔ انتظامه ادخاله چالیشور ؛ فقط ایش بودجه به كلدیمی آرتق مملكتده مشروطیت قالمامشدر ؛ آچیق بر تعبیر ایله بو حال ضربهٔ حكومت coup d'Etat در .

شونی ده سویلك ایجاب ایدر كه بودجه نك ردی حقوق اشخاصی اخلال اید ، میه جکی كبی بعض نقطهٔ نظر دن حقوق دولتی ده خللدار ایتز . مثلاً دولتك بعض آله جقلری واردركه بونلر ، بودجه قبول ایدلسون ایدلسون ، هر زمان تحقق ایدر و غائب اولماز ؛ دولتك ایجار ایتدیكی املا كدن آله جفی اولان مبالغ كبی ؛ بوكا مقابل بعض دیون واردركه بونلر بودجه موجود اولسون اولسون ، كذلك تحقق ایدر ؛ اسهام تحویلات فائضلری كبی ؛ یالكرز بودجه موجود اولمیدنی زمانده حكومت بونلری تأدیه ویا جبایات ایده مز ؛ بودجه تصدیق اولنور اونماز ایلک ایش بو آله جقلری آلتق و بورجلری تأدیه ایتك ، واکر قوده تا حالنده ایكن بورج اودنش ویا واردات جبایات اولنمشه ، بومعاملاتی تصدیق ایلیه رك ، اولنره برشكل مشروعت ویرمكدر .

بودجه نك ردی حقه ده شمده یه قدر بك آز تشبث واقع اولمشدر

بو تشبثات ده بودجه نك ماهیهٔ عدم قبولنه معطوف اولیوب علی الاكثر مجلسك « بودجه يي شو ویا بوناظر ك عهدهٔ تطبیق و اداره سـنه تودیع ایدهم » یولنده کی ادعاسندن انبعث ایتـمـشـدر . یعنی اشبو رد حالنده موضوع بحث اولان مسئله مالی و حقوقی دكل سیاسیدر .

وکلانك مجلس مبعوثان حضورنده مسئولیت اساسنی قبول ایدن « پارلمانتر حكومات - gouvernement parlementaire » ده بودجه نك ردی بربحران سیاسی تواید ایدر وقاینه استعفايه مجبورت كورر ؛ بو مملكتلرده رئیس حكومت دوشونور ، وقت و حاله مناسب اولان طریق ترجیح ایدر ؛ یعنی ایجاب ایدرسه هیئت وکلایی اسقاط واکر بونی موافق بولیور ، ملتن بوضع مخالفتکاری ظهورینه امکان ویرمبورسه . و قانوناً ممکنسه، مجلسی فسخ ایدر؛ بوصورتله یکی کلن مجلسك قرارینه اتباع لازم کلیر .

آلمانیا ، اوستریا کی پارلمانتر اولمیان حكومات مشروطه ده بودجه نك ردی ، قاینه نك طوغریدن طوغریه استعفايی انتـسـاج ایتـمـیـوب ، حكمداره ، هیئت وکلایی عزل ایتمی حقنده توجیه ایدلش بر خطاب ضمنیدر . حكمدار یا موافقت ایدر ویا اقتدار و نفوذینه كوه نیورسه ، ۱۸۶۲ ده پروسیه ده اولدینی کی ، برقاج سـنـه تصدیق اولنماش بودجه ایله حرکت ایدر .

پارلمانتر حكومتلردن انكلتريده مبعوثلرك حق استسكافی بالنظریه هیچ برزمان رد اولنمه مقله برابر ، موازنهٔ عمومیه ، شـمـدیـه قدر فعلاً یا لكـز بر دفعه رد اولونمشدر : ۱۷۸۳ ده قرال اوچنجی زورز رأس كاردده بولنان پورتلاند Portland قاینه سـنـی دوشوره رك رینه ویلیام پیت

William Pitt ی چیردی . کندی اعتمادینه مظهر بولونان پورتالاند قاینه سنك اسـ قاطندن منفعل اولان مجلس مبعوثان پیت ایله اختلاف چیقاردی و کندیسی اسـ تعفایه مجبور ایتك ایچون بالظریه دائماً النده بولوندرینی حق ردینی اسـ استعمال ایله بودجهی قبولدن اسـ تسکاف ایتدی ؛ قرال پیتی عزل ایتدی ، مجلسی طاغیتدی ؛ سنه ایچنه کیرلدیکی حالده الله بودجه اولینجه پیت هر سنه آیرنجه مجلسك تصدیقه عرض اولنمیان ( fonds consolidé ) یه داخل واردات ایله بر مدت اداره امور ایتدی . یکی کان مجلسیته ظهیر اولمغله مسئله سیاسیه مندفع اولدینی جهتله بودجه تصدیق ایدلدی .

فرانسه به کلنجه : بوراده دخی بودجه بردفعه رد اولونمشدر . ۱۸۷۷ سنه سنده رئیس جمهور ماق ماهون مجلسك مظهر اعتمادی اولان « ژول سیمون - Jules Simon » قاینه سنی عزل ایله یرینه « Broglie Foutrou » قاینه سنی کتیردی ؛ یکی قاینه نك طرفدارلری مجلسده حائز اکثریت دکلدی ؛ بناء علیه عدم اعتماد بیان اولوندی ؛ فقط « بروغلی » چکیلمه دی . بونك اوزرینه مجلس بودجه دن اول تصدیق ایدلمسی لازم کان دوغریدن دوغری یه وبالخاصه توزیع اصولیه جبات اولنان تکالیفی تصدیقندن اسـ تسکاف ایتدی . [ ولایت مجلس عمومیلری بوویر کولری آرون دیما نلرییننده توزیع ایده جکندن اولنره وقت براقق ایچون طوغریدن طوغری یه جاری ویر کولر ، فرانسه ده سنه یه کیرمه دن و بودجه کسب قانونیت ایتمه دن اول تصدیق ایدیلره ك چیقاریلر ] و ایشته اختلاف حکومتك بو رد اولنان تکالیفی ( مجلس تصدیق ایتدیکی حالده ) جبات ایدوب ایده میه جکی مسئله سی ایله ابتدار ایتدی ؛ یعنی ایش بودجه نك

بتمامها ردینه قدر ایلرله مدی ، یالکز بونوع ویرکولری مجلس تصدیق ایتدیکی جهتله اختلاف ظهوره کادی ؛ رئیس جمهور مجلسی فسـخ جهتی اختیار ایتدی . فقط یکی هیئت مبعوثان دخی بروغلی به اعتماد ایتدیکندن قایینه چکیلدی . فرقه حاکمه به پک اعتماد ایده میان ماق ماهون ینه مجلسک داخلندن اولمیان بر قایینه « ministère d'affaire » تشکیل ایتدی - « Rochbouet قایینه سی » - اوزمان مجلس قایینه‌نك جائز اکثریت اولان فرقه اعضاسندن تشکیلی در میان ایدرك بودجه‌ی آجیقندن آجیغه رد ایتدی ؛ نهایت هیئت وکلا استعفا ایله رینه جمهوریت پرور بر قایینه کادی ، و بونی متعاقب مجلس ده بر قاج جلسه ده بودجه‌ی تصدیق ایتدی . ایشته کوریلدور که بودجه‌نك ردی کیفیتی بوراده ده بر مقصد مالی به استناد ایتمه‌یور بلکه بر مسئله سیاسی مدن متحدث بولونیور .

۱۸۹۶ ده له‌نون بورژوا « Leon Bèurgeois » قایینه‌سی مجلس اعیانك عدم اعتمادینه معروض قالدی . اوزمان مانا غسقار سفری ایچون طلب اولنان تخصیصاتی — مجلس مبعوثان قبول ایتمکه برابر — هیئت اعیان رد ایتدی . مقصدی تخصیصاتی رد دکل حکومتی اسقاط ایدی . بناء علیه قایینه‌نك اسقاطی موضوع بحث اولدی ؛ و مجلس اعیانك قایینه‌ی دوشوروب دوشورمه‌یه چکی حقنده اوزون اوزادی به مباحثات جریان ایتدی ؛ نهایت قایینه اعیانك کندیسینی اسقاطه اصلا صلاحیتدار اولدقلرینی ادعا ایتمکه برابر وقایعک نزاکت و وخامت‌ی حسیده موقع اقتداردن چکیلدیکینی سویلدی ، و استعفا ایتدی ؛ بو مسئله طوغربدن طوغری به بودجه‌نك دکل بر تخصیصاتك ردی مسئله‌سی اولمغه برابر کیفیت رد بوراده ده سیاسی بر مقصدله استعمال اولندیغندن موضوع بحثمزه علاقه‌سی درکاردر .

پروسیه ده دخی ۱۸۶۲ دز ۱۸۶۶ یه قدر درت سنه متعاقباً مجلس مبعوثان بیسمارک بودجه یه قویدنی مصارف عسکریه نی تنقیص ایتک ایسته دی. اوزمان بیسمارک متادیا مصارفانی تزید ایدیور، ومقصدینک آوستریایه قارشى بر حرب اجراسی اولدینغی بالطبع سویله میوردی . بونک اوزرینه بیسمارک لانتاغک تصدیقنه لزوم کورمیه رك بودجه یی درت سنه اعیانه « Chambre des Seigneurs » . تودیع ایتدی . واونک تصدیقنه اکتفا ایلدی ؛ فقط مبعوثلرک آواز اعتراضی یوکسلدی ، بیسمارک ضربه حکومت یایمقسه الهام اولندی ؛ صکره صادووا محاربه سی وقوعه کلدی . حربدن مظفرأ عودت ایدن هیئت حکومت تزید مصارفدن مقصدی نه اولدینغی کمال غرور ايله مجلس مبعوثانه ایضاح ایدرک تکرر ایتیه جکنه دائر . بیاناتدن صکره مسـئله یه نهایت ویردی .

## بودجه نك اجراسى

۱۹

بودجه مجلسدن چيقوب حكمدارك تصديقنه اقتران ايتدكن صكره آرتق واجب الاجرادر . قوه اجرائيه كرك واردات كرك مصارف خصوصنده موازنه قانوننك چيزديكى طريق حركتى تعقيه وبونك خارجه چيقماغه مجبوردر .

بودجه نك اجراسى آتى الذكر درت معاملهنك ايفاسندن عبارتدر :

۱ وارداتك جبايى

۲ وارداتك خزينه دولته جمى وخزينه معاملاتك ايفاسى

۳ بودجه ده موجود تخصيصات دائره سنده مصارفك تأديهى

۴ بودجه حسابنك قباله مى وكچمش سنه لره عايد ديونك صورت

تسويه مى

زده اشبو ترتيب اوزره بودجه نك اجراسى معاملاتى مطالعه ايله جكز ؛ بناء عليه اول امرده تكاليفك صورت جبايتدن بحث ايده جكز : منتظم بر اصول طرح وجبايت كوره بيلمك ايچون اولاً فرانسه ده كى طرز تكاليفك طرح وجبايتدن بحث ايديله جك واىكنجى بر فصلده ده تكاليف عثمانيه نك طرح وجبايت معاملاتى كوروله جكدر .

## ۱

## فرانسه‌ده بلا واسطه تکالیفک صوک طرح وجبایتی

هر نوع تکالیفده، معاملات تحقیقه ویا معاملات طرحیه (assiette) معاملات جبایتدن باشقه در معاملات تحقیقه دولتک هر فرددن آلهجی ویرکو مقدارینی تعیین ایلک معاملات جبایت ایسه بوسورتله تحقیق ایدن ویرکو مقدارینی تحصیل ایله مکردر. دوغرودن دوغرویه جاری تکالیفده معاملات تحقیقه معاملات جبایتدن آیری اوله رق اجرا ایدیلیر؛ بالعکس آتیده کوروله جکی وجهله تکالیف بالواسطه نك اکثریسه نده معاملات طرحیه و معاملات جبایت عینی زمانده اجرا اولور.

فرانسه‌ده تکالیف بلا واسطه نك معاملات تحقیقه سی معاملات جبایتدن آیری اولقله قالیوب بوایکی نوع معاملیه یی یکدی کیرندن باشقه ایکی سلسله مأمورین طرفندن ایضا ایدلمکده در؛ بناء علیه اول امرده بلا واسطه تکالیفک معاملات تحقیقه سی بعده معاملات طرحیه سی مطالعه ایده لم :

معاملات تحقیقه :

فرانسز بودجه سنده موجود بلا واسطه تکالیف : اراضی، مسقفات، قیو و پنجره، اجاره لره نسبة آلان موبیلیه ویرکوسیه شخصی ویرکو، و برده پانت (تمتع) ویرکوسندن عبارتسه ده تکالیف متشابه Taxes assimilés نامی ویریلان معادن، جمعیات، قلوبلر، آتلیر، آرابلر، بیلاردولر و الح کبی ویرکولرده دوغرودن دوغرویه جاری تکالیف صنفه تفریع ایدلمشدر. ۱۹۰۹ سنه سنده بوزمره تکالیفدن دولت نامنه ۵۷۰ میلیون ونواحی و ولایات نامنده، کسورات منضمه شکلنده اولوق اوزره، ۱۶۵



ميليون فرانق جبايت ايډلمشدر . بوضورتله اشو صنف تکاليف ايچون برميليار فرانقي متجاوز بر يکون تحققي ايتديرمک لازم کليور .

فرانسه ده دوغروډن دوغرويه جارى تکاليفي تحققي ايتديرمک وظيفه يي مالیه نظارتنه مربوط فقط بزده کی رسومات مديريت کي نیم مستقل بر داتره اولان بالاواسطه جارى تکاليف مديريت عموميه سینه Direction générale des contributions directes راجعدر .

بو مديريتک هر ده پارتمانده بر مديري وېوکا مربوط اولمق اوزره هر آرونديسمانده ، آرونديسمانک وسعته کوره ، بر قاچ تحققي مأموري contrôleur واردر . هر تحققي مأمورينک دائرة مأموريتنه تقريباً ۴۰-۵۰ ناحيه اصابت ايدر . بوندن ماعدا تحققي مأمورلريني قونترول وظيفه سيله مکلف مفتشدر موجوددر .

معاملات تحقيقي يي بالفعل اجرا ايلک وظيفه يي تحققي مأمورلرينه راجعدر دوغروډن دوغري يه جاري تکاليفک هر بر يي ايچون ، هر ناحيه ده ، بر اساس يا خود آنا دفتري matrice موجوددر که بو دفترلر تحرير لر ، قاداسترولر نتيجه سنده وجوده کتيرلمش بر طاقم سيجلاندر . بوسيجلانده بتون مکلفينک اساميسي وهر مکلفه عائد عناصر تکليفه موجود اولمغه برابر هر سینه بونلرک تعديل ويا تصحيحی ايجاب ايدر . مثلاً اراضی وېرکوسنده ، مسقفانده مالک دکيشير ، تارالاری صو باصار ، اولر يانار ييقيليز ، ملحقاتی آرتار ، اکسيلير ، ايرادی تزايد ويا تناقص ايدر الخ . . . ايشته بتون بو تبدلانی تعقيب ايله اوکرنمک وانا دفتري يي بو اساسه کوره تعديل و تصحيح ايلک لازم کليور . .

تحققي مأمورلرينک ايلک وظيفه لری انا دفتري لرنده وقوعاته کوره

لازم کلن تعديلات وتبدلاتی اجرا ایتکدر . بووظائفی اجرا ایچون تحقیق مأمورلری سنده اون آی دائرة مأموریتلری داخلنده دور وتفتیش ایدر وهر ناحیه به سنده برقاج کره اوغرارلر؛ ناحیه لرده کندي کندیلرینه تفتیشات اجرا ایتکله برابر مکلفینک شکایاتی دخی دیکلر وایجابی اجرا ایدرلر .

بوصورتله تعديل وتصحيح ایدلش اولان آنا دفتری برموده لدر . بوموده لدن هر سینه ، هر ویرکو وهر ناحیه Commune ایچون بر تکلیف جدولی Rôle چیقاریلیر وبوجودلده هر مکلفک کرک دولت کرک ولایات ونواحی نامه نه اوده به چکی کوستریلیر . بو جدوللری وجوده کتیردکن صکره تحقیق مأموری بونلری ده پارتمانده کی مدیریته کوندریر .

ده پارتمان تکلیف مدیری ، ده پارتمانده کی تحقیقاتک رئیسیدر ، بتون معاملاتنی اداره ایدر ، بتون مأمورلره اوامر لازمه نی ویریر ، تفتیشاتک صورت اجراسنه نظارت ومدریت عمومیه ایله مخبره ایلر ، نهایت تحقیق مأمورلرندن کلن جدوللری تفتیش وهر مکلف ایچون ویرکو تذکره سی املا ایتدیره رک جمله سنی تحصیل مأمورلرینه تودیع ایلر .

ایشته بو صورتله تکلیف جدوللری ویرکو تذکره لری حصوله کلدکن صکره معاملات تحقیقه ختام بولمشر .

### معاملات جبات :

ده پارتمانک تکلیف مدیری تکلیف جدوللرینی والیه Prefet تصدیق ایتدیردکن صکره ، بونلری، وهر مکلفه یداً بید توزیع اولنق . اوزره تنظیم ایتدیردیکی ویرکو تذکره لرینی، جبات مأمورلرینه تودیع ایله مشدی .

مأمورین تحصیلیه مأمورین جیاتدن باشقه اولوب مالیه نظارتی محاسبات عمومیہ مدیریتیه مربوطدر. هرده پارتمانده بزده کی محاسبه جی مقابلی اولمق اوزره Trésorier Payeur général و بونک معینده، هر آرون دیسمانده بزده کی مال مدیرلری مقابلی اولمق اوزره ، Receveur Particulier des finances و نهایت بونک معینده ده، وسطی اوله رق، هر سکز اون ناحیه ایچون بر تحصیلدار موجوددر .

تګالیف جدوللری محاسبه جی به کلنجه، محاسبه جی بونلری معینده کی مال مدیرلری ییتنده تقسیم ایدر . مال مدیری ده بونلری عائد اولدینی تحصیلدارلره توزیع ایلر : اصل معاملات تحصیلیه بی اجرا ایده جګ اولان تحصیلدارلردر .

تحصیلدارک ایلک وظیفه سی هر ویر کو ایچون آیری اوله رق تنظیم ایدلش اولان جدوللری، مکلفینک اسامیسنک حروف و هجاسی ترتیبیه یاییلمش اولان برتک جدول حالده طویلا مقدر؛ اصل جدوللرک قوییه سندن عبارت اولان بوجدول بلدیهریسی واساطتیه ناحیه نګ اعلانات رسمیه محلنه تعلیق ایدیلیر؛ هر مکلف بوضورتله کرک کندیسنک لرک قومشولرینک درجه مکلفیتی کلامغه و اعلان تاریخندن اعتباراً اوچ آی ظرفنده اعتراض ایتمکه موفق اولور . بوندن صکره تحصیلدار مدیریتدن کلن تذکرلری تګالیف جدولنک اعلانی تاریخی ایله کندیسنک هر ناحیه ده، دائرة بلدییه کی بوروسنده، هانکی کون هانکی ساعتده بولنه جفتی قید و علاوه ایستدکن صکره توزیع ایتدیریر؛ بیوک مرا کزده بو توزیع معامله سی پوسته لر واساطتیه ایفایدیلیر . بومعاملات متقدمه نګ ایفاسندن صکره بالفعل معاملات جباتیه باشلانیلور . ایام وساعات معینه ده مکلفین کلوب تقسیم طریقی تأدییه و مقابلنده قوچانی بردفتردن قویارلش برعام و خبر آیلرلر .

ویر کونك عدم تأدیه سی حالنده فرانسه ده سریع برطاقم تدایر اجرائییه  
توسل اولنور : ویر کوسنی وقت وزمانیه تأدیه ایتمیلره اولا : بلاجرت  
بر اخباریه ، ثانیاً : جزئی مجازات نقدیه بی محتوی اجرتلی بر اخباریه  
ثالثاً تعقیبات عدلیه به باشلانیدیغی مشعر اولان برورقه عدلیه Commandement  
کونده ریلیر. ورورقه عدلیه دن اعتباراً اوج کون ظرفنده بورجنی تأدیه ایتمیلرک قانون  
مدنی واجرا قانونه توفیقاً ضبطی مجاز اولان اموالی اجرا مأموری معرفتیه ،  
حجز و مزایده ایله فروخت اولنور. انحق مکلفینی تحصیلدارک حکم وارزوی  
مجردیله تعقیباته دوچار اولمقدن صیانت ایچون اجرتلی اخباریه واوراق  
عدلیه سو بره Sous Préfet نك رأی و انضاسی آلمانن کوندریله مز .  
ایشته اهالی نك ثروت ورفاهی ، تربیه مدنیه سی و عینی زمانده  
بو تعقیبات مؤثره سایه سنده فرانسه ز تکالیف جدوللرینک همانده یکونی  
سنه ایچنده تحصیل ایدلمکده و یوزده براده سنده بیله بقایا قالماقده در ؛  
بوندن ماعدا تعقیباتک مؤثر بر صورتده ایفاسنه تأثیر ایدن اساسلی بر سبب  
دها واردرکه اوده جبات مأمورلرینک تکالیف جدوللری یکونسندن  
بالذات و نقداً مسئول اولملریدر :

فی الحقیقه تحصیلدار سنه صوکنده کندیسنه ویریلن تکالیف جدوللرنده  
خطا و حقیق اوله رق ویر کویه تابع طو تیلیمش اولان کیمسه لک اسامی و مقدار  
تکلیفلرینی مبین بر جدولله فقر و ضرورت ، هجرت ، وفات کبی اسبابدن  
دولایی ویر کوسی متمتع انحصیل بر حاله کلش اولان مکلفینک اسامیسینی  
مبین دیگر بر جدول تنظیم ووالی به تقدیم ایدر . بو جسدوللر مجلس  
قرارینه اقترا ایتسدکن صکره تحصیلداره اعاده ویکونلری تکالیف  
جدولندن تنزیل اولنور . تکالیف جدوللرینک یکون متبایسینی

تخصیلات لر بهمه حال تحصیل ایتمه که و تحصیل ایتدکاری تقدیرده کیسه لرندن اوده مه که مجبوردرلر .

ا کزرسیمی تعقیب ایدن سنه نك تشرین نایسنندن اعتباراً مال مدیرلری تحصیل لرندن مسئول اولدقلری جداولک بقایاسی، اکر تحصیل ایتدیره مه مشلر سه، کدی کیسه لرندن اوده لرلر و بونك ایچون بالاخره تحصیلداره مراجعت ایدرلر؛ تحصیلدارلرده ا کزرسیمک آچیلدنی تاریخندن اعتباراً اوج سنه نهایتده کندیله رینه عائد جدوللرک تحصیل اولنه میان قسمنی مال مدیرینه، کندی پاره لرندن، تأدیه ایتمه که مجبوردرلر . فقط بونلرده یینه مکلفه رجوع ایده بیلیر و بورجلولره قارشى خزینه نك حاضراولدنی حقوق و امتیازه مالک اوله رق اجرا مأموری واسطه سیله مکلفنی تعقیب ایتدیره بیلیرلر : بویه بر اصول مکمل سایه سنده، تحصیلدارلری و مال مدیرلری تعقیب تحصیلاته مجبور ایتک ایچون مفتشلر تعییننه شهه سزکه بیوک بر احتیاج مس ایتیه رک، مالاً مسئول اولان هیئت تحصیلیه تعقیب تحصیلات ایچون بتون وسیله چالیشمغه مجبور اولور .

شو قدر واره که فرانسه نك ثروت و رفاهی بودرجه متوسع بولنماش اولسه یدی ، یاخود مملکتک تربیه مدنیه سی بودرجه یوکسک اولموبده مکلفین ویرکو بورحنی دیون سائره کی مقدس بر بورج اوله رق طانیامش اولسه یدی، شهه سز تحصیلدارلر بویه بر دین آلتنه کیرمکدن اجتناب ایده جکلر و یا هیج اولمازسه در عهده ایتدکاری مسئولیت مقابلی اولمق اوزره ده ا یوکسک بر اجرت و تضمینات طلب ایده جکلردی؛ بناءً علیه مأمورین تحصیلیه یی، بر تقییش تصدیق آلتنده اولمق سزین . مالاً مسئول ایده بیلیمک کیفیتی انجق فرانسه سویه سنده بولنان مملکتلرده قابل تطبیق بر اصولدر .

بالتیجه فرانسه ده دوغروندن دوغرویه جاری تکالیفده نظر دقتی جلب ایدن کیفیت معاملات تحقیقه نك معاملات جباتیدن آیری اولماسی و مامورین تحصیلیه نك مسئولیت مالییه سی اولدینی ا کلاشیلور. تحصیلدارلر بو صورتله تحصیلاتی مال مدیرلرینه تسلیم ایدرلر ، وبتون بو قسم حاصلات مال مدیری وزنه سند طویلانش اولور .

## ۲

## فرانسه ده قیدیه و پول ویرکولرینک طرح وجباتی

فرانسه ده ادارهً بالواسطه تکالیف میاننده عد اولنان ویرکولری جباتیله موظف اوج دائرة واردر: ۱ قیدیه اداره سی ۲ نه استهلاکات داخلیه رسومی اداره سی ۳ کمرک اداره سی . بونلری آیری آیری مطالعه ایلک ایجاب ایدر :

معلومدرکه قیدیه ویرکولری اموال غیر منقوله نك بیع ، هبه ، اجاره ، رهن کبی معاملاتدن اموال منقوله وغیرمنقوله نك انتقالندن ، تولدات ، وفیات ، مناسکات کی نفوس وقوعاتندن النان خرجلردن جزائی و حقوقی محاکم خرجلردن وسائریدن مرکبدر . بوندن ماعدا هر نوع پول رسمیه فرانسه ده اسهام و تحویلات فائضی اوزرندن آلفقه اون یوزده درت رسمک جباتی ده قیدیه اداره سنه محولدر . ۱۹۰۹ بودجه سننده بو ویرکونک مقداری بر میلیار فرانکی متجاوز اوله رق کوسترلشدر .

فرانسه ده قیدیه و پول ویرکوسنک هم معاملات تحقیقه همده معاملات جباتی دوغروندن دوغرویه جاری تکالیف مدیریت عمومیه سی

کبی مالیه نظارتنه مربوط نیم مستقل بر دائره اولان قیدیه و پول مدیریت عمومیه سنه، Direction générale de l'Enregistrement et du timbre راجعدر . بوا دارة نك ده هرده پارتمانده بر مدیری وهر قانتونده [ ۸ ] بر قیدیه مأموری Receveur de l'enregistrement واردر . بوندن ماعدا اجرای تفتیشات ایله مکلف برنجی وایکنجی صنف مفتش-لر موجوددر .

قیدیه و پول ویرکولری بلا واسطه ویرکولره نظراً بشقه ماهیتی حائزدرلر : بلا واسطه ویرکولرک تحقیق آیری جیاتی آیری اولدینی حالده اش-بو ویرکولرک کرک تحقیق وکرک جیاتی عینی زمانده ، یعنی معاملات ایفا اولندینی آنده، عین مأمور طرفدن ، اجرا اولونور . قانتونک قیدیه مأمورینک الده اوقانتونده ساکن اولان ویا اورایه مناسبتی بولونان اشخاصک حروف هجا صیره سی ایله اسملرینی محتوی بردفتر موجوددر . معاملات قیدیه بودفتر اوزرنده یورودیلیر . بودفترده هر فردک اسمی حذا سنده - اوقانطون داخلنده کی - املاکی واجرا ایده جکی هر درلو عقود و معاملات و نفوس وقوعاتی ایچون برر خانه تعیین و تفریق ایدلمشدر .

کوریلورکه بودفتر شخص اوزرینه یوردیلکده در . اوینی صانه جق ویا رهن ویا خود هبه ایده جک کیسه وکذلک ازدواج ایدن ، چوجنی دنیا به کلان ویا خود بوجه قانون بر کاغدی ، بر سندی توثیق ایتمک

[ ۱ ] قانتون فرانسه نك تقسیمات عدلیه سندندر؛ آرون دیسمانلر متعدد قانتونلره آیریلیر ؛ هر قانتون اوج بش ناحیه دن متشکلدر . قانتونده بر صلح حاکی بوموضوع بجهت اولان قیدیه مأموری واردر .

ایسته بن شخص قیدیہ تحصیل مأمورینه مراجعتله کنیدیسی ایشدن خبردار ایدر . مأمور بوتون معاملات ووقوعاتی دفترده اوشخصک اسمی صیره سنده کی خانه مخصوصه قید وعینی زمانده خرجنی یعنی استیفا ایلر . کذا بر ملک بیع ابدلک ایسته نیلنجه بایع ایله مشتری قیدیہ مأمورینه مراجعتله ، رسم معینی بعد التادیه اوملکی بایعک اسمی صیره سندن مشترینک اسمی حذا سنده کی خانه مخصوصه نقل ایتدیرر . بوتون بومعاملاتک اجرایی انساننده تحصیل مأموری اصلا حیلہ کارلغہ میدان ویرمه مک ایچون تدقیقاتده بولونور ؛ مثلاً دفتره رهن ایدیلش صورنده قید ایتدیرمک ایسته نیلن برملکک حقیقه رهنمی ایدلدیکنی یوقسه رهن نامیله استیجاری اولندیغنی و فیثات بیعیه نک تمامی تمامنه بیان اولوب اولندیغنی تدقیق ایدر ؛ ایجاب ایدرسه دیگر رفیقلمی ایله مخبره ایلر . وشاید اکسیک فیأئله صاتیلدیغنی اکلارسه معامله بیعیه دن آله جق خرجک ، قانونده تصریح اولندیغنی اوزره بعدالحکم ، ایکی ویاخود اوچ مثالی آلمق کبی تداییر مانعه وجزایه اجرا ایدر .

بو صورتله کافه عقوداتک معتبر اولسی ایچون همه حال عاقدینک بالذات کلوب قیدیہ تحصیل مأمورینه اخبار کیفیت ورسم معینی تأدیہ ایتلمی اقتضا ایدر ؛ تحصیل مأموری بونک ایچون دولاشمغه مکافی آراشدیرمغه مجبور دکادر ؛ مکلف کندی آباغنه کلوب ویرکوسنی اوده مه مش ایسه ، مثلاً سند عادی ایله اولاک آلتوب صاتیللمشه ، کیفیت نظر قانونده غیر معتبردر .



قیدیه مأمورلرینک معاملاتنی تفتیش ایتک ایچون ایریجه مفتشله  
موجوددر؛ اولاً مفتش معاونلری کلوب دفترلری یکیدن صحیفه صحیفه معاینه  
ایدر، تکمیل حساباتی اوراقی یکیدن تدقیق ایلر و صکره هانکی صحیفه ده قالد یعنی  
رسماً اشارت ایتدیکندن کندیسندن صکره کان معاون ده تدقیقه نره دن دوام  
ایدلک لازم کلدیکنی آکلار . بونلرک فوقنده اولان مفتشله ایسه هم  
مأمورلری هم ده مفتش معاونلرینی تفتیش ایدر .

مفتشله راپورلرینی ده پارتمانده کی قیدیه مدیرینه کونده ریر ، کذا  
قیدیه مأمورلری مدیره هر آی بوردرولر تقدیم ایدرلر؛ مدیر بونلری تدقیق  
و اداره مرکزیه عرض ایدر؛ خلاصه قیدیه مدیری ده پارتمانک بتون قیدیه  
معاملاتی اداره و تفتیش و مرکزله اخبار ایدره مرکز و دواثر سارّه ایله  
مخبره ایتک صلاحیتی حائزدر .

اصل جبایت تکلیف ایله مکلف اولان قیدیه مأموری تحصیلاتی  
معین بر مقداره بالغ اولدینی حالده، و یا معین زمانلرده، مال مدیرینه تسلیم  
ایدوب آمرینه انجیق مقبوضلرینک برنسخه سنی کوندر دیکي جهته بوقسم  
واردات ده بلا واسطه تکالیف کبی مال مدیرلرنده جمع ایدلش اولیور .

## ۳

## فرانسه ده استهلاکات داخلیه رسومک جبایتی

استهلاکات داخلیه رسومی ، مسکرات . شکر ، طوز ، موم ، زیت ،  
سیرکه ، سیم و زر اوانی ، اویون کاغدی و اخ کبی مواددن و توتون ،  
کبریت باروت انحصارلرندن آلنان ویرکولر اولدینی معلومدر؛ بوویرکولرک  
جبایته مأمور اولان دائر ده ینه اولکیلر کبی مالیه نظارتنه مربوط

فقط بنیمستقل بالواسطه جاری تکالیف ( استهلاکات داخلیه ویرکولری )  
 مدیریت عمومی سی - Direction générale des Contributions indirectes  
 در ۱۹۰۹ بودجه سنده بو تکالیف بر میلیار ایکی یوز  
 الی میلیون فرانکی متجاوز اوله رق کوسترلشد .

بومو اددن آلتان ویرکولرک هپی عینی بر اصول ایله جبات ایدمک  
 ممکن اوله میه جغندن هر ری ایچون اصول طرح و جبات باشقه در مع مافیه  
 جمله سی حقنده جاری اولان اصولری بش نوعه ارجاع ایده بیلیرز :  
 ۱ : اشیایی اعمال ایدن فابریقه و مؤسساتی حکومت طرفندن تحت  
 تفتیش و مراقبه آله رق اعمال ایدیلن مواد مکلفه نك مقدارنی اکلماقندن  
 عبارت اولان Exercice des fabricants اصولی

۲ فابریقه نك حجمی ماکنه و آلاتی اساس تخمین اتخاذا تیک اوزره سنوی  
 بر مقدار معین ویرکو تعیینندن عبارت اولان آبونمان Abonnement اصولی .  
 ۳ توتون، کبریت و باروت حقنده جاری اولان دولت انحصاری  
 اصولی .

۴ ویرکویه تابع طوتیلان مواد ک حین نقلنده آلتان مروریه رسمی :  
 Droit de circulation

۵ بعض نوع مستهلکاتی صاتان واز جمله کئول بیع ایدن محالردن  
 آلتان رخصتیه Licenes رسمی [۱]

مع مافیه بعض نوع اشیانک عینی زمانده ایکی صورتله ویرکویه تابع  
 طوتیلدینی ده واردر . مثلاً عادی شراب بالکوز مروریه رسمنه تابع طوتیلدینی  
 [۱] بواسوللرک ایضاحی تکالیف درسلیرنه راجع اولدیغندن تفصیلندن  
 صرف نظر ایدلشد .

حالده مسکرات سائره حین اعمالده ویرکویه تابع اولدینی کبی حین نقلدهده برمروریه رسمی تأدیه ایله مکلفدر .

بویش نوع اصول جباتیک بمضیلرنده ، ماهیتلری ایجابی اوله‌رق، تحقق وجبات کیفیتی عینی زمانده یاییلمق ایجاب ایدر؛ یعنی مروریه رسمنده اشیایی نقل اتمک ایچون واقع اولان مراجعت آننده ویرکویی تحقق وجبات اتمک لازم کلیر؛ کذا دولت انحصارلرنده انحصار تحتنه النان موادک مبیاعه‌سی ایچون مراجعت ایدن اصنافک حین طلبلرنده ویرکو، هم تحقق هم جبات ایدلش اولور؛ بناء علیه بوصفه « بشینا جبات ایدیلن رسوم Droits au comptant » نامی ویریلیر .

بالعکس اکزرسیس، آبونمان ورخصنه شکللرنده استهلاکات داخلیه رسومی، برآزدن کوريله‌جکی وجهله، اکثربا عینی مأمورین طرفدن تحقق وجبات ایتدیریلیرسه‌ده، ینه ماهیتلری ایجابی اوله‌رق، تحقق معامله‌سی جبات معامله‌سندن آیری اوله‌رق جریان ایتدیکی ایچون بونلرده « بعد التحقق آلتان رسوم Droits constatés اطلاق اولور .

بشینا جبات ایدیلن رسومک الک مهملری دولت انحصارلریدر . بونلردن توتون وکبریت مالیه نظارتنه تابع فابریقه‌لرده، باروت ایسه حربیه نظارتنه تابع اعمالآتخانه‌لرده اعمال اولمقدهدر . بونلرک بیع وفروختی ینه بالواسطه جاری تکالیف اداره‌سنه عائد اولوب بوداثره‌نک هرآروندیسمانده ده‌پومأموری Entrepouseur نامی ویریلن مأمورلری واردرکه توتون وباروتی دوغروندن دوغرویه فابریقه‌لرندن آلوب ده‌پولرده حفظ ایدر وپراکنده‌جیلره صاتارلر. کبریتی تجارانه تسلیم ایلین فی الحقیقه فابریقه‌ایسه‌ده سپارش آلوب بدلارینی تحصیل ایدن ینه ده‌پومأموریدر.

پشیناً جبات ایدیلن رسومك ك مهمی اشبو انحصار رسومی اولوب ۵۰۰ میلیونی متجاوز واردات كتر مكدده .

مروریه رسومك قسم اعظمی، بالخاصه کویلده ، عائدات تحصیلیه آلان دکانجیلر ، عطار ، بقالار وسائر طرفدن جبات ایدیلر؛ بونلره Receveur Buraliste نامی ویرلمکده ایسه ده بوصف تحصیلداران معنای صحیحیه مأمور عد ایدیله مزلر. بو وظیفه ایله مکلف اولان دکانجیلر، دکانلرینک برکوشه سنه بردؤتر رسمی وضع ایدرو ویرکویه تابع طوتیه حق اشبانی نقل ایتدیره جك اولان کیمسه لرک حین مراجعتنده، طلب ایتدیکی مروریه تذکره سنی ووروب، ویرکوسنی جبات ایلرلر. کذا برایشه باشلادینی ویا ترک صنعت ایتدیکی ویا اصول عملیه سنی، آلات وادواتی دکشدریدیکی وقت کلوب اخبار کیفیت ایتمکله مکلف اولان بعض مکلفینک اخباراتی استماع ایلر وقید رسمینسی ایفا ایله ویرکوسنی جبات ایدرلر. مروریه رسومك بر قسم جزئیسی ده بعض شهرلرک قابوسنده بر طاقم مواددن ( اوقترا رسندن باشقه اوله رق ) آلان دخولیه رسمیدر .

بعد الحق آلان رسومه کلنجه: بو ویرکولری طرح وجبات ایدن مأمورین بسبتون باشقه در: بو وظیفه کویلده وکوک مراکزده Receveur ambulant ( سیار قابض ) ودها بیوک مراکزده Contrôleur ویا Chef de Poste نامی ویریان مأمورینه راجعدر؛ بونلرک معیتنده Cmmis نامیه بر طاقم مأمورین دها واردر . بیوک مراکزده قونترولورو قومی، لری ویرکویه تابع طوتیه حق استهلاکاتی یالکیز تحق ایتدیرمک وظیفه سیله مکلف اولوب ویرکومك جباتی ینه غنی مدیریته منسوب ( Receveur Particulier sédentaire استهلاکات

ویرکولری تحصیلداری) نه راجعدر. دیمک اولیورکه استهلاکات مدیریت بیولک محملرده تحقیق آیری جباتی ده آیری مأمورینه یایدیر مرقده در .

کویلرده کی سیار قابضلره کلنجه بونلر هم تحقیق همده تحصیل معامله سنی ایضا ایتدکن ماعدا آیرجه قولجلیق وظیفه سنی ده کوردرلر :

اولا برای تحقیق اعمالا تخانه لره کیدرکن یولارده تصادف ایتدکلری، مروریه رسمنه تابع، اشیا نقلیاتی معاینه ایدر بوباید لازم کان معاملاتک ایضا ایدیلوب ایدلمدیکنه تذکره آلتوب آلمدیغنه قناعت حصوله کتیررلر. عکس حالده برضبط ورقه سی تنظیم و تحقیقات لازمه سی ایضا ایدلمک اوزره مواد مکلفه یی ضبط ایدرلر . بوتقیثاتک یولبله اجرا ایدیلوب ایدلمدیکی آکلا شیلیمق اوزره سیار قابضلر دائره لرندن چیقارکن کیده جکاری یرلری بر دوزه قید ایتمکه، کیتدکاری هرناحیه دن مدیر عمومی به برقارت کوندرمکه، ادارمک کویلرک توتونجی دکانلری نزدنده بر اقدینی دفترلری امضا ایتکه مجبوردرلر . بو صورتله سیار قابضلری تفتیشات متمادیه تابع طوته رق ایضای وظیفه یه مجبور ایتمک ممکن اولیور .

سیار قابض معاملات تحقیقه یی بالفعل مکلفینک اعمالا تخانه لرنده تحریات و تدقیقات اجرا ایدرک ایضا ایدر . بالفرض نه قدر کئول استحصال اولندیغنی و کئولک درجه سنی دائما برابرنده طاشیدینی الات ایله معاینه ایدر؛ فوچیلری، قابلری، وسارینی اولچهرک اکلار و اوکا کوره دفترینه قیدایلر؛ بالخاصه اعمالا تخانه دن قاجلیق صورتیه یعنی ویرکو مأمورلرینه کوسترلرله دن مواد مکلفه چیقاریلوب چیقارلمدیغنی تحقیقه غیرت ایدر .

تحقیق معامله سندن صکرده جبات وظیفه سی باشلار؛ سیار قابض معین

زمانلرده مكلفينه مراجعت ايدهره ویرکو مقدارینی تحصیل ایلر و بر مقدار معینه بالغ اولدقدن صکره بونلری مال مدیرینه تودیع ایدر . اساساً شهرلرده صرف تحصیلات وظیفه‌سی ایله مكلف اولان استهلاکات رسومی تحصیلداریه ده بتون وارداتی مال مدیرینه تسلیم ایتدیکندن بالجمله استهلاکات داخلیه رسومی بوصورتله ینه تماماً آرونديسمان قاصه‌لرینه کیرمش اولیور . استهلاکات رسومی مأمورلرینی تفتیش ایتک اولنره خط حرکت تعیین و اصول تدقیق اوکرتک، عندالایجاب بعضی مهم تحقیقاتی کنیدیسی یا یامق وظیفه‌سیله مكلف اولان استهلاکات رسومی مفتش‌لری موجوددر .

بوندن ماعدا هر آرونديسمانده بر مدیر و هر ده پارتمانده دوغروندن دوغرویه بالواسطه تکالیف مدیرینه مربوط بر باش ده و اوردکه بتون ده پارتمانک استهلاکات رسومی اداره ایله مک وظیفه‌سی بو باش مدیره مودوعدر .

## ۴

## كمرک رسومی

فرانسه‌ده ۱۹۰۹ بودجه‌سینده ۵۳۵ میلیون فرانق مقدارنده تخمین ایدلمش اولان كمرک رسومی‌ده مالیه نظارتنه مربوط نیم مستقل كمرک مدیریت عمومی‌سی *Dir. générale des Douanes* طرفندن اداره اولنور : بو اداره‌نك مملكتك هر طرفنده حدود و ساحل اعتباریله تقسیم اولنمش باش مدیریتلری، بونلرك معیتنده مدیریتلر ونهایت درجه‌ئالته‌ده مأمور لقلر موجوددر .

معلومدرکه فرانسه‌ده كمرک رسمی هانده ادخالات رسومندن *Droits à l'Importation* مرکبدر خارج مملکته نه قدر مواد

كوندريله جكي اكلاشيلمق ايجون الثان كوچك براستانتستيق رسميله مراكب  
بحريه دن آلان سیرسفاښ رسومی بك حائز اهميت دكلدر . كمرک رسومی  
تعرفه اصولی Droit spécifique اوزره جبايت اولتور .

فرانسه يه خارچدن بر مال ادخال اولنديني زمان اك يقين كمرک  
اداره سنه كتيريلير . بوراده اوچ معامله واردر . اولا اموال معاينه  
ايديلير ، بعده تعرفه يه تطبيق ايديلهرك رسومك مقداری تحققيق ايتديريلير .  
اوندن صكره كمرک قاصه سنه تأديت اجرا ايديلهرك مال كمرک كدن  
چيقاريلير .

مالك معاينه سى Vérificateurs دينلين معاينه مأمورلری طرفندن  
ايفا ايديلير . مال صاحبي بر بياننامه ويرهرك اشياك مخرجنی مقداری  
جنسنی وسائرهنی بيلدير مشدر ؛ فقط معاينه مأموری بوكا اينانغه مجبور  
دكلدر ، همان ايجاب ايدن صندوقلری چواللری وسائرهنی آچار تحققيق  
ايدر ، واوكا كوره نتيجه مطالعه سنی اوراق مخصوصه سنه بازار .  
اوندن صكره بو اوراق تحققيق مأمورينه Contrôleur كلير اوده  
معاينه مأمورينك ايضاحاتنه مستنداً او مالك تعرفه ده يرني بولور . ومقدارينه  
كوره وبركوسنی حساب ايدر .

بوندن صكره ياييله جق معامله كوتوروب صندوقه پاره يي تسليم ايتك  
ومالی چيقارمقدر .

كوريليوركه بوراده تحققيق وجبايت معامله سنی همان بربری آرقه سنی  
صيره ياييليور ؛ حتی كوچك اداره لرده بو معامله نك اوچنی بردن عینی  
مأمورين ايفا ايلر .

كمرک جبايت مأموری بالاخره حاصلاتی دده پارتمان مال مديرينه  
كوتوروب تسليم ايليه جكدرك ،

كوريلوركه كرك وركوسنك جبايى بالنسبه دهاسهيدر . فقط بوراده اك زياته مشكلاتى داعى اولان بر كيفيت وارسه اوده قچاقچياني منع ايله مك مسئله سيدر . . . بوكا مانع اولقى ايچون فرانسه سيار ايكي قولجى دائره سى ، حتى بعضاً اوچ دائره ، ايله تحت نظارته آلدني كي بعضى اشيا نك معين بر طاقم كرك دائره لرينه چيقارلاماسى وحدود محال رنده بعض اشيا نك صايلاماسى كي تحديدا تده واردر .

تفتيشانى على العموم اجرا ايدن قولجيدر . . . بونلرك باشنده اونباشيلر ، چاوشلر ، ملازملر ، يوزباشيلر ، وساير ضابطان واردر كه بونلر يك مهم بر قولجى اردوسى تشكيل ايدوب عسكار اولدقلى حالده عسكرى برديسپلينه تابعدرلر . قولجيلر هيئتي قچاقچياني منع ايتك ايچون مملكتى ايكي چنبر ايچنه آلمشدر . متهايداً ضابطارى طرفندن تفتيش اونورلر وتفتيش قارنلره امضا ايديلهرك اجرا ايديلير ، حتى قولجيلر يكديكرى ده تفتيش ايدرلر ، تهلكهلى نقطه لره نوبتجيلر قونور ؛ فقط ايكي قولجى كلبه سى آرسيندده متهايداً اونباشيلر معيتمده بولنان مفرزلر دولاشير . معين زمانلرده ايكي كلبه دده بر نقطه يه دوغرو مفرزلر چيقارلدني ايچون بونلر يولده برلشير متقابلاً يكديكرينك دفترلرى امضا ايدرلر ديكر ضابط ومفتشلرده بودفترلره باقهرق حدودلرك تماماً تفتيش ايديلوب ايدلميكنه مطلع اولورلر . فرانسزلر بوسايه ده قچاقچياغك ممكن مرتبه اوكنى آلمغه موفق اولمشلردر .



## دولت عثمانیه ده طرح وجبایت تکالیف

## بالواسطه تکالیفك طرح وجبایتي

عثمانی بودجه سنده دوغروندن دوغرویه جاری تکالیف بوجه آیدر:  
 ۱. مسققات و اراضی ویرکوسی، ۲. تمتع ویرکوسی، ۳. طریق بدل  
 نقدیسی، ۴. اعشار، ۵. اغنام، ۶. بدل نقدی عسکری، ۷. خصوصی  
 اورمان حاصلاتندن آلتان رسوم، ۸. معادن رسومی، ۹. ویرکو تذکره لری  
 بونلردن املاک و اراضی، تمتع و طریق بدل نقدیسنك طرح وجبایتي  
 عینی اصوله تابع طوتیلدینی جهته اول امرده بوقسمی مطالعه ایدلم:  
 اشهبو اوچ ویرکونك وارداتی ۱۳۲۷ بودجه سنده بوجه آتی تخمین  
 اولمشدر:

۲۶۶ ۷۹۸ ۰۰۰

مسققات و اراضی

۳۱ ۹۹۵ ۶۰۰

تمتع

۵۵ ۲۹۳ ۸۰۰

طریق بدل نقدیسی

بوویرکولرك تحقیق جبایتندن آیری اولوب باشقه باشقه مأمورین

طرفندن ایضا ایدیلیر :

اولا معاملات تحقیقه :

وظیفه تحقیق، ولایتلرده، دفتردارك [ که معاملات تحقیقه اعتباریله

مالیه نظارتی واردات مدیریت عمومیه سنه مربوطدر [تحت امرنده بولنان ویرکو میزی ایله بونک معیتده کی قامک وظیفه سیدر. مذکور قلم املاک اراضی، اعشار، اغنام، تمتع، طریق بدل نقدیسی کاتبیری عنوانی حائز مأموریندن و بونلرک رقاسندن مرکبدر. بوقلم یالکز مرکز ولایت قضالرنده کی تکلیفک تحقی ایله مشغولدر. فقط عینی زمانده ویرکولرک تحقنه عائد خصوصاتده لوا و قضالریله مخبراتی ایفا ایدن اشبو قلمدر. سنجلقلرده كذلك ویرکو مأمورلری و بونلرک معیتلرنده برر قلم وارددر. بوقلم دخی املاک، اراضی کاتبی، تمتعات مأموری و طریق کاتبندن متشکلدر. بونلرده یالکز لوا قضاسنک تحققاتی اجرا و دیگر قضالریله اولان مخبراتی ایفا ایدرلر.

قضالره کلاجه: بورالرده مال مدیری معاونی واردرکه تحققات بونک وظیفه سیدر. معیتده بر ویرکو کاتبی، لزومی حالنده بر رفیق و قری کاتبیری واعشار و اغنام کاتبی بولنور.

ایشته بوصورتله موضوع بحمزمز اولان املاک و اراضی، تمتع ویرکولرینک و طریق بدل نقدیسنک تحقی ولایت، لوا و قضا ویرکو مأمورلرینه عائد اولدینی آکلاشیلور. بو مأمورین فرانسده اولدینی کی سیار دکلدرکه بو حال بزم اصول طرح و تحققمزک اک بیوک نقصانی تشکیل ایتمکده در؛ یالکز صوک زمانلرده ویرکو اداره لرینه دور و تفتیش ایله مکلف برطاقم مأمورین علاوه اولمشدر.

قضا، لوا و ولایت ویرکو قلملرنده کندی دائرة وظیفه لرینه عائد تحقیقاته اساس اوله جق آناد فترلری وارددر؛ بود فترلرک تعدیل و تصحیحی هپ بومأمورینک عهده سنه مودوعدر؛ فقط ویرکو آنا دفتری قیوداتی غایت اسکی اولدینی ایچون بیوک بر قیمتی حائز دکلدر.

آنا دفترلرینک تعدیل وتصحیحی متعاقب مکلفینک اسامی ومقدار تکلیفی مبین اولمق اوزره هر قریه ویا محله اعتباریله تکالیف جدولاری بابیلور بوندن ماعدا هر فرد ایچون آیری برر ویر کو تذکره سی تنظیم ایدیلور . بوندن صکره آراتق وظیفه تحقیقه ختام بولمشدر . یالکیز اعتراضات قوانین مخصوصه سنه توفیقاً مجلس بلدی ویا مجالس اداره ده تدقیق اولونور .

ثانیاً معاملات جبایت : بزده مأمورین جبایت شونلردن عبارتدر :  
قضالرده : مال مدیرلرینه مربوط تحصیل مأموری ایله بونک معینده سواری وپیاده تحصیلدارلری

لوالرده : محاسبه جینک امرنده تحصیل مأموری ایله بونک معینده سواری وپیاده تحصیلدارلری : لوا تحصیل مأمورینک وظیفه سی صرف کندی قضاسی داخلمده کی تحصیلاتی اجرا ایتک ، لوابه مربوط قضالرده کی تحصیلاته نظارت ایتک وسنده برکره دولاشوبی تفتیشات ایلک مرکز ولایتده ایسه : دفترداره مربوط اولمق اوزره برتحصیلات مدیری واردرکه بونکده وظیفه سی مرکز قضاسی تحصیلاتی اجرا ایتک وبوندن ماعدا لوا ، تحصیل مأموری کی ، یالکیز مرکز ولایت لوانسده کی تحصیلاته نظارت ایتک وبونک ایچون دور اجرا ایتکدر .

هیئت تحصیلده نیک ایلک وظیفه سی ویرکو جدولارینی نشر و اعلان ایتکدر . تحصیلدارلر بوندن صکره مکلفینه ویرکو تذکره لرینی توزیع ایلرلر : جبایت ایچونده مکلفین مأمورک دکل بالعکس تحصیلدار مکلفینک زردینه کیتک مجبوریتده در .

ویرکو وقت و زمانیه تأدیه ایدلمدیکی تقدیرده وسائط اجرائییه مراجعت ایدیلیر :

بورجی اوده مهین مکلفینه ایکنجی بر تذکره کوندرمک اصولی ۱۳۲۵ تحصیل اموال قانونی ایله ماغادر . الیوم تعقیب ایدیان اصول شودر: ویرکوسنی ویرمینلرک برجدولی تنظیم اولنهرق بجه نك مناسب برمحانه تعایق اولونور ؛ بو جدولده اساسی مذکور مکلفین سکنر کون ظرفنده ویرکولرینی ینه ویرمز لر بیه ماللری حجز اولونور ؛ معامله حجزیه فرانسه ده اولدینی کبی اجرا مأموری طرفدن دکل ، مال مدیری ( ویا محاسبه جی ویا خود دفتر دار ) ایله تحصیل مأمورندن ویر بلدییه اعضاسندن مرکب بر « تحصیل قومیسونی » واسطه سیله ( نواحی وقراده اختیار ویا ناحیه مجلسلری معرفتیه ) باپیلیر .

قومیسون حجزه قرار ویرنجه مکلفک اقامتگاهنه کیدیلور . وقومیسون اعضاسندن برینک حضورنده مکلفک اموالی صاتیله رق ویرکوجبایت اولونور . کوریلور که بزدهده امالک ، اراضی ، تمتع و طریق بدلی ویرکولرینک تحقیق و تحصیل مأمورلری آیری آیری کیمسه لر در . یالکزر دفتر دار کرک مأمورین طرحیه نك کرک مأمورین تحصیلیه نك آمری اولدینی جهته بویکی معامله ینه دفتر دارک تحت امرنده بولنور دیمکدر .

مشروطیتک تأسیسندن صکره بالاده کی اصول و تشکیلاتک بک چوق نقصانلری اولدینی نظر دفته آلنهرق اصلاحی جهتی ده دوشونلدی ؛ اسکی سیستمی بردن بره دیکشدرمک ممکن اوله میه جنی کبی چوق مصرفی دخی ایجاب ایده جکی دوشونیه لرک تدریجاً توسیع ایدمک اوزره اولاستانبول ولایتنده یکی برصورت طرح وجبایت احداث اولندی . شویله که : معاملات طرحیه نی ایفا ایده جک استانبول ولایتنده دفتر دار لغه مربوط اولان واردات مدیریتی در . بونک معیتده اراضی ، مسقفات ، طریق بدلی

وتمتع ویرکولرینک تحققة مأمور تحققی شعبه‌لری موجوددر . بوشعبه‌لر بر آزدن بحث ایدمه جکمز تحصیل شعبه‌لری یاننده اخذ موقع ایدرلر، استانبول منطقه آریله‌رق هر بر منطقه‌نک ویرکولرینک تحققی بر تحققی شعبه‌سنه تودیع ایدلمشدر .

تحقیق شعبه‌سنک وظیفه‌سی یالکیز معاملات طرحیه‌بی اجرادن عبارتدر واولکی اصوله مخالف اولق اوزره بو شعبه‌لرده‌کی مأمورین سیار اولوب متدایاً دائره مأموریتلری داخلنده دور و اجرای تفتیش ایدرلر ؛ بوسایه ده املاک و اراضی و تمتع ویرکوسنده وقوعه کله جک تحولاتی تدقیق ایله آنادفترلری تصحیح ایلرلر . بوندن ماعدا او کله یه قدرده وقوع مأموریتلرنده بولنه‌رق مراجعت ایدن مکلفینک شکایاتی استماع ایدرلر . انا دفترلری اصلاح و تعدیل اولندقدن صکره اشبومأمورین بر ویرکو جدولی تنظیم و ویرکو تذکره‌لری تنظیم ایتدیروب آمرلری اولان ولایت واردات مدیریته کوندرلر واردات مدیری ده بولنلری تعدیل و تصدیق ایدر ؛ بوصورتله تحقیق کیفیتی ختام بولور ؛ تحقیق مأمورلرینک آرقه‌سنده دائماً تحقیق مفتشلیری دولاشوب بروجبه مطلوب ایفای خدمت ایتلرینه نظارت ایدرلر .

جبات ایچونده مقیم هیأت تحصیله موجوددر . بولنلر تحصیل شعبه‌لری حالنده اولوب تحقیق شعبه‌لری یاننده اخذ موقع ایدرلر . بوراده بر تحصیل مأموری بر معاونی و رفیق‌لری و معقب‌لر وارددر . تحصیل شعبه‌لری دفتردارک ( واردات مدیرینک دکل ) تحت امرنده در . شعبه‌لر کمدیلرینه ویریلان تکالیف جدوللری نشر و اعلان ایدرلر . عینی زمانده مقبیلر واسطه‌سیله مکلفینه یدبید ویرملک اوزره ویرکو تذکره‌لری ارسال ایله تقاسیط معینه‌سندن تحصیل شعبه‌سنه کله‌رک

ادای دیون ایتمنی مکلفه تنبیه ایدرلر. سیار تحصیلات اجرایی ممنوعدر. مکلف کندیمی کلوب شعبه یه ویرکوسنی تأدیه ایتمزسه اموالی حقنده برآز اول کوردیکمز وجهله حجز معامله سی تطبیق اولونور.

ایشته بزده املاک ، اراضی ، مسقفات ، تمتع ویرکولری و طریق بدل نقدیمی بواضوله توفیقاً طرح و تحصیل ایدیلکده و مال صندیغنه تسلیم اولمقدهدر. دیگر نوع ویرکولرک طرز تحقق و جبایتنه کلنجه:

اغنام: ( ۱۹۵۷۱۲۲۰۰ غروش ) بونک طرز تحقق و جبایتي ایوم غایت یولمز اولمغله برابرینه آیری آیری اجرا اولونور. تحقق ایچون اولا مختاران وائمه قریه ده موجود اغنامک بردفتری تنظیم ایدرلر بعده هر قریه ده تعداد مأمورلری اعزام اولونور، هر مأمور کندی دائرة وظیفه سی داخلنده کی حیواناتی تعداد ایتدکدن صکره دیگر قریه ده کیدرک اوراده اولجه بایلمش اولان تعدادی قونترول ایدر؛ بوسورته تعداد مأمورلری متقابلاً یکدیگری تفتیش ایتش اولورلرکه بوکا ( یوقلا معامله سی ) دینور، بعض یرلرده ده تحقق، تعداد مأمورلری طرفندن دکل، تحصیلدارلر طرفندن یاپیلور. تعداد مأمورلری طرفندن امر اولنان معامله طریحه ختام بولدقن صکره تحصیلدارلر نقاسیط معینه سنده ویرکویی جبایت و مال صندیغنه تسلیم ایدرلر. ایشه بوراده ده تحقق و جبایتک آیری آیری اجرا اولندیگی کوریلور. یالکمز تحقق تحصیلدارلر طرفندن یاپیلورسه جبایتنه آنلر طرفندن اجرا ایدلدیگی جهته هرایکی معامله عینی آدملر عهده سنده برلشمش اولور.

تعدادک مأمورین موقته طرفندن یالیمی سوءاستعمالی مؤدی اولدیگی جهته قانونک دیکشدرلمسنه ثبوت ایدلمشدر. بعض یرلرک اغنام حاصلاتی

ديون عموميه مودوع اولدينى جهته ویرکونك بوقسمى اصول و نظامنه توفیقاً اشبو اداره طرفندن تعداد و جبايى اولونور .

اعشار : ( ۶۸۸ ۵۹۰ ۰۰۰ ) غروش ) اعشار اکثر يرلرده مجلس اداره قرارى ايله التزامه ویریلور . التزام واقع اولنجه ملتزمه تقاسیط معینهده آلمق اوزره سندلر امضا ایتدیریلور .

جبايتمه ايسه وعده لر حلول ایتدیکجه ملتزمه پاره ي کتیروب مال صندیغنه تسلیم ایتمکه مجبوردر . واکر ایتز ايسه هم فاضی ایشلر وهمده اجرا مأموری واسطه سیله ( تحصیلات قومیسونی دکل ) کندیسنك و کفیلنك اموالی حجز اولونور .

امانة اداره اولونان اعشارده ايسه معشرلر اصول مخصوصه سنه توفیقاً دفترلر طوته رق عینا آلتان محصولاتی میری انبارینه ییغارلر . و مال مدیری ده پاره سی پشین اولمق ویا معتبر کفیل کوسترمک شرطيله ویره سیله اولمق اوزره مالی صاتار و بدلی مال صندوقه کیرر ،

اعشاری دیون عموميه مودوع اولان يرلرده احواله نی بنه مجلس اداره اجرا ایدرسه ده سندات دیون عموميه امرینه تنظیم اولونور .

بدل نقدی عسکری : ( ۱۰۲۰۰۰۰۰۰ ) خدمت عسکرینه دن معاف اولمق ایستین کیمسه لرك مال و یاردیف صندوقینه تسلیم ایلدکری بدلدیر .

معادن رسومی ( ۷۴۳۳۲۰۰ ) ده معدن قانوننه توفیقاً معدن مأمورلری واسطه سیله جبايى و بالاخره مال صندوقه تسلیم اولونور . خصوصی اورمانلردن ( ۵۷۹۸۳۰۰ ) آلتان اودون ، کومور رسمی ايله کراسته عسری اورمان مأمورلری طرفندن آلتوب کذلک مال صندوقه ارسال اولونور .

خلاصه : دوغریدن دوغریه تکالیف جملة بزدهده مال صندوقلرنده جمع اولنور .

## ۲

## تمغا رسمی ، خرچلر ، قیدیله

بزده معاملات ویرکولری : تمغا رسمی ، خرچلر ، قیدیله ناميله . اوج قسمه آریلشدور :

(۱) تمغا رسمی ( ۱۰۰ ۲۱۸ ۴۸ ) قانونک تعیین ایتدیکی بعض اوراقه پول الصاقی صورتيله آلنان ویرکودور . پولک عدم الصاقی حالنده اشبو اوراق معتبر اولمیه ونقصان پول الصاق ایدلمش اولان اوراق آغیر جزای نقدییه تابع طوتوله جقدور

بزده پول وارداتی دیون عمومیهیه محول اولدینی جهتله حاصلاتی دیون عمومیه واردات محضه اداره سنه راجعدر . پوللری بوا اداره طبع ایدهرک بایعلره صاتار .

(۲) ایکنجی درجهده خرچلر کلیر . بونلرده محاکم ، بساپورط نفوس ، قانچلاریا خرچلری اوله رق درت نوعدر .

محاکم خرچلری ( ۷۹۳ ۰۰۶ ۴۲ ) . - پول رس-مندن بشقه اولمق اوزره - محاکم شرعیه ، جزائییه ، حقوقیه وتجاریه دن آلنان خرچلردن عبارت اولوب بالاخره حاصلاتی مال مدیرینه دورایده جک اولان محکمه صندیغه تأدیه اولنور .

بساپورط وتفوس خرچلریده نفوس اداره لرینه ویریلور ؛ کذلک قانچلاریا حاصلاتی شهسندرلره تسلیم اولنور ؛ بومأمورین مدت معینه ظرفنده حاصلاتی مال مدیرلرینه تسلیم ایتدکاری جهتله بونوع رسومده دیکرلری کبی مال صندوقلرنده طوپلانمش اولور



(۳) قیدییه لره کلنجه : ( ۴۰۰۰ ۷۷۸ ۳۶ ) بونلر دفتر خاقانی اداره سی طرفندن و اموال غیر منقوله نك بیع و فراخی ، هبه سی ، انتقالی ، وفاء بیعی ، قیوداتنك اخراج و تصحیحی کبی معاملاتدن آلتان ویرکولر اولوب اوبش ، اون آلتی نوعه بالغ اولمقده در . [۱] ولایتلرده دفتر خاقانی اداره لر ی موجوددرکه صورت تشکلی شو وجهله در : مراکز ولایتده بر دفتر خاقانی مدیری لوا و قضا لرده طابو مأمورلری موجود اولوب بونلر سلسله مراتب اعتباریه ، مالیه یه مربوط ، نیم مستقل بر اداره اولان دفتر خاقانی اماشته تابعدر لر .

قیدییه ویرکولرنده تحقیقات ایله جیایت عینی زمانده واقع اولور . مثلاً بر او صاتیله جنی زمان دفتر خاقانی مأموریه مراجعت اولنور ، مومی ایله طرفندن خرج مخصوص بالحساب تعیین و بعدمه مقدار تکلیف صاحب استدعا طرفندن مال سند یقنه تودیع اولونور ، خرج اوده نیلمدکجه معامله قیدییه ایفا ایدلار . خصوصی سندات اوزرینه تصرف معاملاتی محاکم و دوائر رسمیه نزدنده مقبول و معتبر عد اولونماز .

بزده سوء استعمالانه مانع اولماق اوزره درجه کافیه تفتیشات بایبیله ماقده در . لواد دفتر خاقانی مأمورلرینک قضا مأمورلری اوزرنده بر حق تفتیش موجود اولوب سند خصوصی ایله اموال غیر منقوله تصرفاتی

[۱] ۱ ورقه ها و کاتبیه ، ۲ بیع و فراغ ، ۳ مجاناً فراغ و هبه ، ۴ مبادله بیع و فراغ ، ۵ انتقالات ، ۶ ترهین ، وفاء ، استغلال ، ۷ سند سر تصرفات ، ۸ حق قرار ایله تفویض اراضی ، ۹ توسیع حد انتقال ، ۱۰ مساحه ، ۱۱ رسم تحصیل و دلایله ، ۱۲ تقسیم و افراز ، ۱۳ احاله محلولات قیدییه سی ، ۱۴ قید تصحیحی ، ۱۵ قید اخراجی ، ۱۶ خصوص خرج لری .

وقوع بولماق ایچون ائمه و مختارانک دخی دفتر خاقانی اداره سنه اخبار کیفیت ایتمه لری قانوناً مجبوری ایسه ده بوتدایر کافی کلمه مکده و بک چوق کتمیات واقع اولمقده در .

بو حالدن هم خزینه ضرر ایدیور هم ده اموال غیر منقوله قبودانی تأسس ایده میور . دولت برمدت نبروانتقالات ویرکوسنی عفو ایتیش و بوصولته اصحاب انتقالی ، بالکز قبودانک تنظیمی ایچون ، بالاتکلیف ، ابواب حکومته مراجعته تشویق ایتمه یی ارزو ایلش ایسه ده بونده ده موفقیت کورلماش ایوم بر چوق املاک ، آباء واجداد اوزرنده مقید بولونمشدر . [۱]

خلاصه : دیون عمومیه و زنه سنه عائد بولنان پول رسمندن ماعدا محاکم ، پسابورط ، قانچالاریا ، نفوس خرج لری و دفتر خاقانی مأمورلرینک جبات ایتدیکی قیدییه وارداتی هپ « مال صندوقلرنده » طوبالانیر .

## ۳

## بالواسطه جاری تکالیفک جباتی

دولت عثمانیه ده بالواسطه جاری ویرکولر ، باشده کمرک رسمی اولمق اوزره ، ۱۳۲۸ سنه سی بودجه سنده بروجه آتی تخمین ایدلمشدر . فقط بالواسطه جاری تکالیف میاننده کوسترلیوب انحصار لر نامی تحتنده ایری بر قسم داخلنده کوسترلیان طوز ، توتون ، تنباکی و باروت انحصار وارداتی ده بومیانه ادخال ایله مک لازمدر .

[۱] اخیراً نشر اولنوب ۱۳۳۰ سنه سی مارتندن اعتباراً تطبیق اولنه جق یرقانون موجبجه بیع و فراغ خرج لری سویاً  $\frac{5}{100}$  و انتقال خرج لری ده درجه قراسته کوزه تفاوت ایتک اوزره  $\frac{10}{100}$  -  $\frac{15}{100}$  اولمق اوزره تعیین ایدلمشدر . اموال غیر منقوله نک انتقال ویرکوسی ، قبودانک تصحیصی تسهیل ایتک اوزره ، ینه برسنه ایچون عفو اولمشدر .

غروش	
۵۰۰ ۰۰۰ ۰۰۰	کمرک رسومی
۳۱ ۸۳۰ ۰۰۰	مسکرات رسمی
۱۹۸ ۴۰۰	تنبا کی بیعیه سی
۱۴ ۸۱۲ ۰۰۰	رسوم بحریه (لیمان، سیر سفان و فنار لر رسومی)
۲ ۴۷۹ ۴۰۰	رسوم صحیة حیوانیه
۱۹ ۹۵۳ ۰۰۰	صید بری و بحری
۱۲۱ ۴۰۰ ۰۰۰	طوز انحصاری
۱۱۰ ۲۳۳ ۳۰۰	توتون انحصاری
۴ ۱۰۴ ۰۰۰	تنبا کی انحصاری
۹ ۰۰۰ ۰۰۰	باروت انحصاری
۸۱۴ ۰۱۰ ۱۰۰	یکون

کوردیلور که تکالیف بالواسطه عثمانیه نك کمرک رسمندن ماعداسنك مجموع وارداتی تقریباً اوچ میلیون لیرادن زیاده دکلدر . بوتکالیفدن : مسکرات رسمی، برلی تنبا کی بیعیه سی صید بری و بحری رسومی، طوز، توتون اجنبی تنبا کیسی انحصار لری وارداتی، یعنی تقریباً ۲۸۰ بیك لیراسی، استقراضات خارجیه مزك فائض ورأس المال تأدیاتی قارشولنی اولق اورزه دیون عمومیه واردات مخصوصه اداره سنه ترك ایدلمش اولدینی کی ۱۱۰ بیك لیرا قدر طوتان فنار لر حاصلاتی ده فنار لر اداره مختاره سی طرفندن جبات ایدلدیکندن بوقسم تکالیفدن، مالیه نظارتنك دوغروندن دوغرویه جبات ایدلدیکی مقدار ۲۰۰ بیك لیرایی تجاوز ایله مکده در، بوصول قسم ایسه لیمان، سیر سفان، رسوم صحیة حیوانیه و برده باروت انحصاری وارداتندن عبارتدر .

دیون عمومیه اداره سنک جیات ایتدیکی وارداتدن مسکرات رسمی قدح و قیه ایله مسکرات صانانلردن مغازه و دکانلری ایجارلرینک ۱۰۰ ۲۵ ی نسبتده ویردکاری بیعیه رسمی ایله مسکراتک بهر قیه سنک مجلس اداره طرفندن قطع اولنان فیائی اوزرندن آلنان ۱۰۰ ۱۵ رسم میری و خارجدن کتول کتیرلیدی تقدیرده کمرک رسمندن ماعدا بهر قیه ده آلنان ۴۸ پاره ایله کذلک عثمانلی اسپرتولرینک بهر قیه سنندن آلنان ۴۸ پاردن عبارتدر .

بورسی استحصال ایچون دیون عمومیه مأمورلری مسکرات اعمال ایدن و صانان محللری دور و تفتیش ایدر و مقدار کتولی قید ایدرک تقاسیط معینه سنده ویرکوسنی جیات ایلرلر .

ی لی تنباکی بیعیه سی دیون عمومیه طرفندن بوماده بی صانان کیمسه لرندن دکانلرینک اجاره سنه کوره و یا مقطوعاً آلنان تذکره رسمیدر .

صید بری رسمی آوجیاق ایده جکلردن آلنان تذکره رسمیدر صید بحری ویرکوسی ایسه بالی صیادلرندن آلنان تذکره رسمی ایله بالقلرک و محصولات سائره نک صایتش فیئتندن آلنان ۱۰۰ ۲۰ رسمدرکه دیون عمومیه مأمورلری طرفندن و قسماً اداره مذکوره طرفندن التزامه ویرک صورتیه جیات اولنمقده در .

طوز استحصالی منحصر آ دیون عمومیه اداره سننه راجع اولوب فیئات مقررده سی داخلنده بایعلم صایلمق و قاجا قیلق و قوعه کیمه سی ایچون طوز منافقاتی تذکره لرله ایفا ایتدیرک اوزره جیات اولنمقده در .

توتون انحصار وارداتی ، مشترک المفعه رژی اداره سنک ویرمکده اولدینی بدل مقطوع ایله تمتعاتندن آلنان خزینه و دیون عمومیه حصه لرندن ویرلی تنباکیدن آلنان استهلاک رسمندن عبارتدرکه خزینه حصه سی ده داخل

اولق اوزره جلهسی استقراضآتمزه قارشولق طوتیلمش و دیون عمومیه وزنه سنه کیرمکده بولمشددر .

اجنبی تنباکو انحصاری دخی اجنبی تنباکورژیسنک ویرمکده اولدینی مقطوع ۴۰ بیک ایرادن عبارت اولوب ینه استقراضلر منقارشولانی اولق اوزره دیون عمومیه اتارهنه عانددر .

فنارلر رسومی ده سواحل عثمانیه ده سیاحت ایله یین سفایندن فنارلر اداره سنک آلمقده اولدینی رسمدرکه بونک خزینه حصه سی ینه فنارلر شرکتندن عقد ایدیلن استقراضه قارشولق طوتیلمشدر .

لیمان، سیرسفان رسومنک جیاتی ممالک سائرده کمرک اداره لرینه راجع اولدینی حالدیه بزده بو وظیفه لیمان اداره لری طرفندن اجرا ایدلمکده و تحصیلات واقعه مال صندوقلرینه تسلیم اولمقده در .

رسوم صحیه حیوانیه ممالک عثمانیه ده ادخال و یا مملکت مزدن اخراج اولنان حیوانات پوستلری و سائر مواد حیوانیه ایله جانلی حیوانلرک معاینه سندن آلتان رسمدرکه بیطرلر و سائر مأمورین صحیه حیوانیه طرفندن جیایت اولمقده و مال صندوقلرینه یا تپلمقده در .

باروتک هم استحصالی هم بیعی تحت انحصارده اولوب طونخانه اداره لری طرفندن اعمال و ادخال اولنه رق یا دوغرودن دوغرویه بو اداره لر طرفندن و یا متقاعد ضابطان ترجیح ایدلمک اوزره دیگر امین باعبلر طرفندن صاندرلمقده و حاصلات مال صندوقلرینه تسلیم ایدلمکده در .

دولت عثمانیه ده کمرک ویرکولرینک جبایتنه کلنجه : بزده کمرک ویرکوسی ۱۱٪ ادخالات ، ۱٪ اخراجات و کذا ۱٪ ترانسیت

رسمندن عبارتدر؛ بونلرک جملہسی تعرفہ اصولی اوزره دکل رایج اصولنه  
Ad valorem توفیقاً جبات اولنمقددر . کمرک ویرکولرینک جباتی  
مالیه نظارتنه مربوط نیم مستقل برسدیریت اولان رسومات امانتہ راجعدر .  
بوداثره نك حدودو سوا حلدہ باش مدیریتی و بونلره مربوط مدیریتیله  
مأمور لقلری موجوددر .

صورت جبات شو وجهلهدر : کرک بحرآ ، کرک برآ اشیا ادخال  
ایدن کیمسه - صوک زمانلرده تطبیق ایدیلان اصول موجبنجه - اشبو  
اشیانک مقدار قیمت ومنشائی محتوی بر بیاننامه تنظیم ایدر . اگر  
بوراده اشیانک مقدارنی نقصان کوسترمش ایسه کندیسندن فضلہسی  
ایچون ایکی مثل کمرک رسمی استبقا اولونور . بیاننامه نك اعطاسنی  
متعاقب «کومروک مبصرلی» بواشیانک مقدارنی تدقیق ایله بروردرویه  
قیدایدرلر؛ مختلرده اشیانک قیمتی تقدیر ایدرک بوردرونی امضایلرلر . مختلر،  
تجارک کوستره جکی قونشمیتولر ایله مانیفستولره وسار اوراقه اعناد ایتک  
مجبوریتنه اولیوب بالذات کندیلری اشیانک فیثائی تخمین ایله موظفدرلر؛  
مختلردن صکره ایش حساب مأمورلرینه کلیر؛ بونلر رسمک مقدارنی  
حساب ایدرلر . مال صاحبی تأدیهیه مجبور اولدینی مقدار رسمی کمرک  
وزنهسنه بعد التودیع مالی آلوب کوتورر . نشتیانور ایله مال صاحبی  
آرہسنده تقدیر قیمت خصوصنده اختلاف چیقارسه کمرک رسمی عیناً  
آلہرق اشیا عینہ آنبارلرینه سوق ایدیلور واوراده صاتیلور؛ اشبو عیناً  
آلنق معاملہسی کرک تجارک وکرک دولتک ضررینی مؤدی بر اصولدر .  
کمرک رسمی کمرک وزنهسنه تسلیم اولندقدن صکره فرانسهده اولدینی  
کی مال مدیریته دور اولتماز . بوراده مأمورلر حاصلاتی مدیریتک، مدیریت

دخی باش مدیریتک ، باش مدیریتلر ایسه مدیریت عمومیه نك امرینه تابع طوتارلر . بناءً علیه مالیه نظارتی بویاره نك كمرک اداره لر ی طرفدن تأدییه ایدیله جك اولان مصارفدن فضله قالان قسمنه انجق مدیریت عمومیه واسطه سیله وضع ید ایده بیلور ، بوصورتله کومروك ویرکولری بزده شمیدی به قدر کورمدیکمز بر خصوصیتی حائر اولبور . حاصلات بش میلیون لیرادر ، بزده قچاقجیلنی منع ایچون قولجی هیئتلری وساحل محافظه مأمورلقلری وارسهده ینه عظیم مقدارده قچاقجیلق واقع اولمقدهدر .

بوصورتله تکالیفک صورت جباتی مطالعه ایدلمکله هر مملکتده منابع واردات دولتک الک مهم قسمتک نه صورتله خزینیه جلب وجمع اولدینی کورلمش اولبور . حکومت عثمانیهده یالکز تکالیف وارداتی عموم بودجه وارداتک یوزده ۸۵ نی متجاوز بولمقدهدر . ممالک سائر نك اکثریسنده بونسبت ده یوکسکدر . یالکز پروسیه وسائر بعضی آلمان حکومانتک بودجه لرنده املاک وارداتی ، بودجهیه وضع اولان ارقام اعتباریله ، تکالیف وارداتی قدر یوکسک بریکون تشکیل ایتمکدهدر .

تکالیفده ماعدا اولان واردات دولتک صورت تحقیق وجباتک ایصاحی ، برچوق تفرعات اداریه نك بیلنمسنه محتاج اولدینی جهتله ، بوراده ممکن دکلدر . بناءً علیه بو وارداتک جمله سنک مال صندوق لرنده طویلاقمقده اولدیغنک ذکر یله اکتفا ایدیله جکدر . یالکز پوسته وتلغراف وارداتی حقنده بوقاچ سوز سویله مک اقتضا ایدر : فرانسهده پوسته وتلغراف حاصلاتی ده پوسته اداره لر ی کیشیه لرنده جمع اولنور وبعده واردات سائر کبی آروندیسمان مال صندوقنه تسام ایدیلیر . بزده ایسه ،

کمرک وارداتنده اولدینی وجهه ، پوسته وارداتی ده مال صندوقلرینه تسلیم اولنموب کیشهر ، حاصلاتی مدیریتهلرک ، مدیریتهلرده باش مدیریتهلرک و باش مدیریتهلرده دوغرودن دوغرویه پوسته و تلغراف نظارتنک امرینه تابع طومقدهدرلر ؛ مالیه نظارتی پوسته و تلغراف فضله حاصلاتنه انجق اشبو نظارت واسطهسیله دسترس اولمقدهدر .

خلاصه فرانسده بتون واردات مال صندوقلرنده جمع ایدلمکده اولدینی کبی بزدهده بالجه واردات قضا ، لوا و ولایات مال صندوقلریله ینه خزینهنک شعباتی عد اولنه بیلن رسومات و پوسته باش مدیرلرنده و برده دیون عمومیه واردات مخصوصه اداره سنده طوپلامش اولیوز . بوسورتله واردات دولت مملکتک هر طرفنه داغیلیمش اولان آلتی ، یدی یوز قاصیه کیرمکدهدر . شیجیدی ده وارداتک صورت تمرکزینی و خزینه معاملاتنک نه صورتله ایفا اولندیغنی مطالعه ایلک اقتضا ایدر .



## خزینہ معاملاتنک صورت ایفاسی

وارداتنک طوبالانہ جنی مرکز خزینہ دولت trésor public در .  
خزینہ دولت بر شخصیت و معنویہ بروحدت مرکبہ در : مملکتنک بوتون  
اقسامندہ موجود قاضلرک ہیئت مجموعہ سندن وجودہ کلیدی حالہ  
بونلردن آیری بر شخصیت معنویہ کی تلقی اولنور .

بوشخصیت معنویہ بودجهنک بانکریدر وارداتی جلب ایدہ جنک  
وتأدیاتہ مأمور قاضلر واسطہ سیلہ اشبو وارداتی مملکتنک اقسام مختلفہ سنہ  
توزیع ایلہ جکدر . وارداتی جبایت ایدن قاضلرک اکثریسی عینی زمانہ  
خزینہ نامنہ تأدیاتدہ بولنق صلاحیتی حائر در ؛ او حالہ بو پارہ لرک  
ہیسنی مرکزہ جلب ایلہ تکرار توزیعاندہ بولنمہ احتیاج یوقدر ؛  
واردات مرکزہ انجق بالحساب جمع اولنور . یالکز مختلف قاضلر  
وارداتی ، مصارفہ نظراً فضلہ ویا نقصان کلنجه محاسبہ جینک ، دفتر دارک  
ونہایت نظارت مرکزینک امریلہ قضالر لوالر ویا ولایتلر آرہ سندنہ  
مناقلہ نقود معاملہ سی اجرا ایدیلر ونہایت ولایت فضلہ لری دہ مرکزہ  
جلب اولنور کہ مالیہ ناظرینک عہدہ سنہ محول بروظیفہ در . ایشتہ بو  
معاملہ یہ « خزینہ معاملہ سی Opération dela trésorerie » دینور .

قضادن لواہ ، لواندن ولایتہ وولایتدن مرکزہ نقل نقود معاملہ سی  
ایچون اوچ اصول متصوردر :

۱ بارہنی طور بہ لرلہ وپوستہ ایلہ نقل ایلک : بو اصول مدنیتدہ  
کری قالمش اولان ممالکدہ جاری اولوب ہم مصرفی ہم صعببتیلدر

۲ بوسیدله علی الاکثر بوخصوصده قامیو معاملہ سی باییلور . مثلاً : دیار بکردن استانبوله پاره کوندریله جکی زمان اوراده استانبولده مطلوباتی بولونان تجاره مراجعت اولوندرق کندیلرینه استانبول پیاسه سنده کی آله جقلری ویریلور ، وبوکا مقابل اولردن بور جلیلرینه خطاباً چکباش بر پوایچه آلیر . دفتر دار بوپولیچه لری مرکزہ کوندریر مرکزده بونلری تحصیل ایدر ، بویله جه حواله طریقی ایله پاره خزینہ دولته نقل ایدلمش اولور ؛ بوتقدیرده مصارف نقلیه دن دخی اقتصاد واقع اوله بیلیر ؛ لکن بعضاً قامیبال ، ندرتدن طولانی ، فضله پریم یاپار یعنی یوز غروشانخی یوزدن فضله به صائیلغه باشلار . بو پریم بر حددن یوقاری چیقارسه پاره پی پوسته ایله کوندرمک دها کارلی اولور ؛ بو حواله پوسته ایله کوندریلور .

۳ حقیقت حالده پاره نقلیاتندہ قبول اولونان اصول نه طور به ایله کوندرمک ونه ده قامیبالدر ؛ نقل نقود معاملہ سی الکیزیده بانقہ لړ واسطه سیله وقوع بولور . هر مملکتده بر طاقم بیوک بانقہ لړ واردر . مثلاً انکلترده Banque d Angleterre بلجیقادہ Banque nationale de Belgique آلمانیده Reichs bank بزده عثمانلی بانقہ سی کبی ؛ حکومتک مناقلات نقدیه سی اجرا ایایان بوبانقہ لردر ؛ مال مدیری فضله وارداتی بونلړك شعبه لرینه تودیع ایدر ، بوشعبه لردہ بانقہ نك نواده کی شعبه سنه اخبار کیفیت ایدر ك پاره پی محاسبه جی به تسلیم ایتدیرلر . کذا بوصورتله محاسبه جی فضله وارداتی دفتر داره ودفتر دارده مرکزہ ارسال ایدر ؛ خلاصه پاره لړ زمان حاضرده فعلاً آنجق بانقہ حساب جاریلری واسطه سیله نقل موقع ایدرلر .

اکلاشیلور که بوتون وارداتک خزینہ ده جمعی بالکدر حساب جاریلر ایله

وقوع بولمقده فعلاً بوتون پاره لر تبدیل موقع ایتمه مکده در محاسبلر، مقدار حاصلاتی مرکزہ بیلدیرلر؛ فقط عینی زمانده تأدیاندہ بولنه جقلری مبالغت مقداری تعیین اولمشدر؛ واکر بوتادیادن صکره فضلہ واردات قالیبرسه انجق بوفضلہ مرکزہ جلب اولنه جق مخلنده تأدیہ اولزان قسم ایسه آنجق بالحساب مرکزہ بیلدیریلہ جکدر.

مالیه نظارتی مناقلات نقدیه یی چوق کره محاسبلرک واردات حسابلریه مالک اولمدن دخی اجرا ایدہ بیلور؛ چونکه نظارت هر طرفده تقدیر واردات حاصل اوله جغنی بالتجربه بیلیر. بناءً علیه بر صندوق وارداتی نهیه بالغ اوله جغنی حساب جاریلر ایله تعیین ایتسنی بکله مہدن نقل نقود معاملہ سی یایار؛ «بیم حسابمه شورایه شونی کوندرکر» دیہ دفترداره امر ایدر؛ برآز اول عرض اولندینی وجهله، بوتون بوخزینہ معاملاتی ایله اشتغال ایدن مالیه ناظری دهها دوغروسی مالیه نظارتی معیتده کی مدیریتلردر.

بومعاملاتله اشتغال ایتک اوزره مالیه ناظرینک معیتده ایکی بویوک مدیریت موجوددر:

(۱) محاسبه عمومی مدیریتلری Direction générale de la Comptabilité publique

(۲) معاملات نقدیه مدیریتلری Direction générale de mouvement des fonds

ایشته محاسبلر ایله خزینہ نک متقابل حساب جاریسنی طوتان بوبرنجی مدیریت نقل نقود معاملہ سی اجرا ایدن ایکنجی مدیریتلر.  
کوریلورکه مالیه ناظرینک بو وظیفه سی یک آغیردر. مملکتک واردات عمومی سی بر مرکزہ جمع احتیاجات محلیه یه کوره تنظیم وتوزیع

ایده جک و اوندن صکره تأدیاته بوله جقدر ؛ بوندن ماعدا اکر موقه کفایتسزک کوریلورسه ینه معاملات نقدیه مدیرتی واسطه سیله خزینه تحویلاتی ( bons du trésor ) اخراج ایده رک تأمین توازنه غیرت ایده جکدر. ایسته مالیه ناظری بو آغیر وظائفک بر قسمندن قورنارمق ایچون بعض مملکتلرده بو وظیفه بشقه بر ناظره ویرلمش یعنی معاملات مالیه ایکی ناظرک عهده سنه حواله اولونمشدر. بونلردن برنجیسی : بودجه قانونلری بایمق، اعتبار عمومی دولتی محافظه ، سیاست دولتی مدافعه ایتمک و دوغریدن دوغری به جاری تکالیفی طرح ایتمک وظیفه سیله مکلف اولان مالیه ناظری ministre des finances دیکری ده وارداتی بر مرکز ه طویلامق و احتیاجاته کوره مملکتک هر طرفنه توزیع و تقسیم و مصارفی تأدیه ایتمک یعنی معاملات نقدیه اجرایی ایله مکلف اولان « خزینه ناظری - ministre du trésore » در .

۱۸۸۷دن بری ایستالیاده مالیه ناظرندن ماعدا بویه مستقل بر خزینه ناظری موجوددر . مع مافی به بعض قایینه لرده مالیه ناظرینک، عهده سنده خزینه ناظری وظیفه سنی ده جمع ایستدیکی کورلمکده در .

فرانسه ده دخی قونسیتو آنت و قونوانسیون دورنده مجلسده ( Comité de la trésorerie ) نامنده برانجمن موجود اولوب معاملات نقدیه و تأدیات کیفیتلری بونک طرفندن اداره اولونمقدی ایدی، بالا خره اونجی سنه (an dix) ده - یعنی ۱۸۰۳ ده - مالیه نظارتی الیوم ایستالیاده اولدینی کبی ایکی به تفریق اولندی ؛ بونکه برابر بوایکی مستقل نظارت ایمراطورک شخصنده ینه برلشیوردی. چونکه ناظرلرک فوقنده بوتون امور و معاملات مالیه یی اداره ایدن بالذات ایمراطور ایدی. ( ۱۸۱۵ ) ده ناپولیونک سقوطندن

صکره بوتفریق الغا ایدلمش ومالیه نظارتی ینه بر ناظرک زیر ادارهسنه تودیع اولمشدی .

بونکله برابر ۱۸۷۰ سنه لرنده مجلسده مالیه نظارتنک تفریق وتقسیمی حقنדה یکیدن مطالعات یورودلمش ویاخودیالکیز خزینه ایشلری (tréorerie) ایله اشتغال ایتک اوزره بر مستشار *Chaire d'Etat* sous تعیینی طلندنه بوللمش ایسه ده بوطلم مقبول کورلمه مشدر .

مالیه ناظرینه دیگر وظائفی ایله اشتغاله وقت وامکان براقان بوتفریق قاعده سی عجباً حد ذاتنده موافق بر اصولیدر :

اکثری مؤلفلر بونک ای بر اصول اولدینی قناعتی درمیان ایددرک اولردیرلرکه : «مالیه ناظری وارداتی طرح وجبایت ایدمچک خزینه ناظری ایسه توزیع ایله چک . فقط واردات ایله مصارفات آره سنده کی مناسبت قویه یی انکار ایتک ممکنیدر ؟ طرح ایدن تأدییه مصارفاتدن مسئول وعلاقه دارطوتیلمز ایسه وبوکا مقابل توزیع وتأدییه مأموراولان خزینه ناظری وارداته قاریشه منزه امورمالیه ده رحمت ضایع اولورو معاملاتنده دقت واعتنای تام وجودینه امکان قالماز ؟»

نابولیونک خزینه ناظری اولان قونت « مولیه ن comte Mollien » بونی پک کوزل ایضاح ایتمشدر . مشارالیه شویله دییور : « عینی زمانده خزینه ناظری اولمیان برمالیه ناظری ایشمز بر تخمین ناظریدر . عینی زمانده مالیه ناظری اولمیان بر خزینه ناظری ده تخمینسز در عهده اورایدن بر ایش ناظریدر »

ثانیاً یکدیگرینه صولک درجه مربوط اولدینی غیرقابل ردبولونان واردات ایله مصارفاتی بر برندن آیرنجه ناظرلرک مسئولیتی ده تجزی ایدر ، ضایع

اولور ويا هيچ اولمازسه قوتى تخفف ايتش بولونور . بوندن ماعدا بعض احوالده برايشك مسؤوليتى هرايكيسى يكديكيرينه عطف ايدروبو جهتهه معاملاتده تعويقات وقوعه كلور .

خلاصه هرطرفه ماليه ناظرى - ايتالياده ايسه خزينه ناظرى - وارداتى بالحساب مركزه جمع وبالاخره هرطرفه توزيع ايدر .

بزده وارداتك صورت جمع وتوزيعي شويله در : بيلورسكزكه جبايت اولونان مبالغك ( برايكى استنادن ماعداسى ) مال صندقلرنده طوپلانير . مال مديرلرى بوياره لرى محاسبه جينك امرينه اماده طوتارلر . امر ايتديكى تاديائى بعد الاجرا متباقيسنى بانقملر ويا پوليجه ايله ياخود نقداً محاسبه جيهي كوندرلر . محاسبه جيهي لوانك تاديائى بعد الاجرا مبالغ متباقيهي دفترداره ارسال ايدر ، بوتون ولايت وارداتى بوصورته دفتردارده تراكم ايدر ، دفترداردخى كندى تاديائى اجرا ايلر ، ونهايت اكر بر قسم فضله واردات قاليرسه بوده بانقملر واسطه سيله مركزه ويا معاملات نقديه مديرينك امر ايده چكى محله كوندرر . وارداتدن ، صرف اولندينى ايچون ، مركزه كليان قسم دخى بالاخره حساب جاريلى واسطه سيله محاسبه عموميه بيلديريله جكندن محاسبه عموميه ده دولك مقدار وارداتى تعين ايدر . يالكيز اولجه كورديكمز وجهله بزده پوسته وتلغراف وكومروك اداره لرى مبالغ متراكمه ينى على الدرجات مافوقلرينك امرلرينه آماده بولنديرلر و نهايت ماليه ناظرى مركزده پوسته وتلغراف ناظرى ورسومات مدير عموميسى واسطه سيله فضله وارداته وعموم وارداتك حسابنه وضع بد ايدر . فرانسه ده على العموم وارداتك جبايت ايدل كدن صكره آرونديسمانده كي Receveur particulier des Finances نزدنده قالدغيني كورمشدك بو پارلرلك مركزه صورت جلب وجمعنه كلنجه : اشبو R.P.des Finances

تأديه مأموري دکدر لر. اونلر بوتون مبالئي Trésorier Payeur général نك امرينه تابع طوتار لر . نقل نقود كيفيتي بوراده ده اكثريا بانقه لر واسطه سيله ياييلور . T.P.général دخي بومبالئي بانقه لر واسطه سيله كنديسنيه جمع ايدر . ده پارتمانك مصارفي بعد التأديه فضله سني يامركزه ويا معاملات نقديه مدير يتك امر ايده جي محله كوندري ر .

نقل نقود امرنده بانقه لك ايضا ايتدكاري خدمت بك عظيمدر . ازجه فرانسه ده Banque de France بك مهم خدمت لر ايضا ايتدكدر . سنوي ۹ ميليار فرانق نقلات بو صورتله واقع اولمقده در . مع مافيه فرانسه ده دخي بانقه لردن انكلتريه و بلچيقا ده اولديني قدر استفاده ايديله مامكده در . چونكه بوراده مبالغ متراكمه اولامال مأمور لر ينده طوبالانوب بعده بانقه لر واسطه سيله مركزه كيدر . حالبوكه انكلتريه ده اصول بويله دكدر : اوراده تحصيلدار لر جبايت ايتدكاري مبالئي دوغرو دن دوغرويه انكلتريه بانقه سي شعبه لرينه تسليم ايدر لر ؛ بانقه ده بوني مركزه بيلدير . مركز بانقه سي ده بو مقداري ماليه ناظرينه عائد - compte de l' Echequier - نامنده كي حساب جاريه قيد ايدر . بو صورتله وارداتي بر مركزه ، فقط حساباً ، جمع ايدن بانقه اوليور .

صوكره تأديات واقع اوله جي زمان بانقه تأديه ايديله جك باره لر ماليه ناظر يتك حسابنه مصرف قيد ايدر ؛ بو صورتله مصارف ده بر مركزه جمع ايدلمش اوليور ؛ فقط همان تأديه ايتز . ايلريده كوره جكمز وجهله انكلتريه ده « Paymaster general » مصرف ناظري « نامنده بر محاسب عمومي موجود اولوب خزينه دن چيقه جق باره لر اولابونك حسابنه ايراد قيد اولور ؛ آندن صكره بانقه آتيده كوره جكمز وجهله تأدياته بولنديميه

یہ ماستہ رک حسابنہ مصرف قید اولنور. انکلاترہ بانقہ سی بوتون بو معاملاتی بلا اجرت ایفا ایدر. بوندن ماعدادیون عمومیہ تأدیاتی دوغروندن دوغرویہ بانقہ یہ محول بروظیفہ در.

باجیقاده دخی Banque nationale de Belgique موجود در کہ بو بانقہ درہ بر حکومت بانقہ سیدر؛ حکومتک ایستہ دیکی هر یرده برر شعبہ آچمه مجبور در. بانقہ درہ عمومی کیشہ لرک یانندہ برده حکومت کیشہ سی موجود در. بو کیشہ لردہ برر حکومت مأموری وارد در کہ معاشلری بانقہ طرفندن تأدیہ اولونور؛ وارداتک اخذی وظیفہ سیلہ مکلف اولان بو مأمور لر در. بو مأمور لرہ واقع اولان تسلیات حساب جاریلر واسطہ سیلہ مرکزدہ خزینہ حساب جاریسنہ ایراد قید اولونور.

صکرہ عینی مأمور، آتیدہ کورہ جکمز وجہلہ، تأدیاتک اجراسیلہ مکلف در؛ تأدیاتدہ یئہ خزینہ حسابنہ قید اولونور؛ مرکزدہ خزینہ نک حساب جاریسنی طوہ جق دیگر مأمور لر درہ وارد در کہ بونلرکدہ معاشاتی کافہ بانقہ ویرر.

باجیقاً ملی بانقہ سی هم بو معاملاتی بلا اجرت ایفا ایدر، هم بو مأمور لرک معاشاتی ویرر، هم دہ تمتعاتندن دولتہ بر حصہ ویرر بوکا مقابل حکومت دہ بوتون معاملاتی بو بانقہ ایلہ کوریر. بوندن ماعداد بانقہ قوط اخراجی صلاحیتی بو بانقہ یہ بخش ایشدر.

آلمانیا دہ دخی بوکا مشابہ اولہ رق رایخ شباق موجود در. بالکنز بورادہ خارجیہ، حربیہ، بحریہ، پوستہ نظارتلرینک آریخجہ تأدیات قاصہ لری وارد در.

بو بانقہ لردن شو خدمت لر تأمین ایدلمکدہ در: اولاً بوسایہ دہ فضلہ



مأمور استخدام اولونماز ؛ ثانیاً معاملات کسب بساطت ایدر . مال مدیرندن محاسبه جیه، اوندن دفتر داره و دفتر داردن مرکزہ نقل حسابہ احتیاج کورلمز . بتون معاملات حسابیہ بانکہ نزدندہ کی مأمورین ایفا ایلر ؛ خلاصہ بواصول ایله معین بر بانکہ خزینہ بانکرکی یا بلش اولور ؛ ثالثاً نقل نقود کیفیتنی دها آز مصرفله واقع اولور . دولت بانکرکی اولمقدن بانکہده معناً و مادۃ استفاده ایدر ؛ بوندن ماعدا دولت بویله بانکہلره دائماً بانقو ط اخرجی صلاحیتی و حتی اکثریا انحصاری بخش ایلر ؛ بوسایهده ترقی ایدن بانکہده دولته تمتعاتندن بر حصہ ویرر و یا هیچ اولماز سه بلا فائض باره اقراض ایدر .

باق عثمانیک دخی بو صورتله خزینہ بانکرلکینی ایفا ایدہ بیلہ جکی امتیاز نامه سنده مصرح ایسهده بو کیفیت هیچ بر زمان تطبیق ایدلمه مشدر . بعدالمشروطیه حکومت وارداتک مرکزی و تأدیاتک اجرایی بانکہ طرفندن یاییله جغنه دائر بر قانون پروژہ سی وجوده کیتیرلش ایسهده بعض اسباب سیاسیہ طولا بیدسیله بالاخره بو پروژہدن صرف نظر ایدلمشدر .

## مصرف بودجه سنك تطبيقى

### آمر اعطا معاوضى

واردات دولتك صورت جبايى ايله خزينه معاملاتك صورت  
ايفاسى ايضاح اولندقدن صكره مصارف بودجه سنك تطبيقندن وبالتيحه  
تأديت معاملاتك صورت ايفاسندن بحث ايدلك ايجاب ايدر .  
بودجه نك تمامى تطبيقى تأمين ايتك ايچون فصل فصل وريبلان  
مصارف دائره سنى تجاوز ايتماك، يا كلش فصللردن تأديتده بولنماق ،  
اجرا ايدلماش بر خدمت ايچون پاره ورميه رك دولتك آله جليليرى كيم  
ايسه تأديتده اونلره واقع اولمق والى... كى شرائطه رعايت ايدلك اقتضا  
ايدر... بوشرائطك صورت ايفاسنى ومصارفك اجرا وتأديه سنده انتظامك  
نه صورتله تحافظه ايدلديكنى اكلامق ايچون ايسه مصارف معاملاتى برطاقم  
صفحاته آييرمق وهر صفحه حقنده كى احكامى آيرى آيرى كوزدن كچيرمك  
لازمدر. فى الحقيقه مصارف معاملاتى آتى الذ كرىش معامله ده جمع اولتور :

Engagement	(۱) تعهد
Delegations	(۲) حوالات
Liquidation	(۳) تحقق
Ordonnancement	(۴) امر اعطايه اقتران
Payenient	(۵) تأديه

اول امرده شوراسنی سوئلك اقتضا ایدرکه مالیه ناظری تأدیه مصارفده ، کیفیت جبايیده اولدینی کی ، مستقل دکلدر . چونکه بومعامله لرك درت اولکینسی ایفا ایدن مأمورین باشقه ، بشنجیسی اولان بالفعل تأدیه وظیفه سنی ایفا ایدن مأمورینده بستیون باشقه در : اولکی درت معاملیه مالیه ناظری ، تقشیش ایتک حقه مالک اولمله برابر ، دوغریدن دوغری به اجرا ایتوب بونلرك اجراسی Ordonnateur آمر اعطالره یعنی دیگر نظاره عاؤدر ؛ بالکز مالیه ناظری ده خزینه ناظری صقیله آمر اعطادر .

تأدیه معامله سنی پایان محاسب مسئولر (Comptables) ایسه دوغریدن دوغری به مالیه ناظرینک امری آلتنده اولدقلرندن تأدیه کیفیتی تمام مالیه ناظرینک وظائفی میاننده در .

آمر اعطالر اولاهر نظارتک ناظری وایکچی درجه ده طشره لرده نظارتلرك بوبوك مأمورلری در : مثلاً داخلیه نظارتک والی متصرفلری نافعہ نظارتک نافعہ مدیری ویا لواده باش مهندس ، معارف نظارتک معارف مدیری . . . کی .

بر آز اول سو بایکمز وجهله تأدیه معامله سنی ایله درت اولکی معامله یکدیگرندن آیری بشقه اولوب بشقه بشقه مأمورلر طرفندن ایفا اولنقی لازمدر . نته کیم مرکزده بزده ده بویله در ؛ یعنی آمر اعطا ناظرلر ویا وکیلاری تأدیه مأموری ایسه - آتیده کوره جکمز وجهله - وزنه عمومی مدیریدر . فقط طشره ده کیفیت بویله دکلدر : طشره ده دفتر دارلر محاسبه جیلر عینی زمانده هم آمر اعطا وهمده محاسب یعنی تأدیه مأمورلریدر . یعنی بو مأمورلر ( آلدقلری حواله لر اوزرینه ) بر مصرفی تمهد ایدرلر .

صکریه تحقق ایتدیره رک امر اعطا ویرلر ونهایت ینه بالذات کندیلری تأدیه ایدرلر. بواصولده کی مناسبتسزک یک نظرده کوزه چار بمقده در. فی الحقیقه بوبر مأمورک عینی زمانده حاکم واجرا مأموری اولمسی قیلندندر: آمر اعطالرایله محاسبلری آیرمقدن مقصد قونترولی تزیدوتأمیندر. فی الحقیقه بالفعل تأدیه بمخنده کوره جکمز وجهله محاسبلر تحقق ایدن مصرفک حواله نک حدودی داخلنده اولوب اولمدیغی، پاره نک حقیقه آکا مستحق اولان آله جقلی کیمسیه ویریلوب ویرلمدیکنی نهایت لازم التأدیه اولان فصل داخلنده تحقق ایتدیریلوب ایتدیرلمدیکنی تدقیق وظیفه سیله مکلف اولوب آمر اعطالر اوزرنده اجرای تفتیشات ایدرلر. حالبوکه طشرده آمر ومأمور محاسبه جی اولونجه بالذات کندی کندیسنی تفتیش ایتیش دیمکدر. بناءً علیه بزده طشرده آمر اعطا ومحاسب وظیفه سنک تماماً آیرلمسی و آمر اعطا وظیفه لرینک هیچ اولمازسه والی ومتصرفلره ویرلمسی اقتضا ایدر.

امر اعطا معاملاتنی آیری آیری ایضاح ایدلم:

آ تعهد معامله سی. — تعهدی شوصورتله تعریف ایتک قابلدرد. «تعهد، حالاً واستقبلاً بر مصرفک احداث و تزیدینی موجب اوله جق برایشک اجراسنی تحت قراره آلمقدرد.» ایضاح ایدلم:

آتیده اجرا اولنه جق بر مصرفک، مثلاً انشا ایدیله جک بر بنانک، بر شوسه نک، استخدام اولنه جق بر مأمورک، یاپیله جق بر سفینه نک هنوز انشا واستخدام کیفیتلری واقع اولمه دن نه مقدار مصارفی ایجاب ایده جکی تخمین ایدیلره قونطورا تورله و اوامره ربط اولنور. بوصورتله هنوز بر معامله یاپیلمه دن، بودجه ده کی بر قسم پاره نک، برایشه حصر وتخصیص

ایدیله‌جکی تعهد ایدیلور . بعضی تعهدات دائمی‌در یعنی مثلاً مأمورین استخدامی کی... بوباید اجرا ایدیلن تعهد معامله‌سی هر سنه تکرار ایتیموب یکی بر قرار ایله الغا ایدیلدکجه الی الابد دوام ایدر . بالعکس بعضیلری موقت اولوب ایجاب ایتدکجه مأمورین عانده سنک مقرراتی ، قومیسون قرارلری اوزرینه اتخاذ ایدیلور؛ تعهد دائماً امر اعطالک تصدیقه اقتران ایدر . مثلاً بر مکتب بنا اولونه‌جق: بر هیئت تخمینیه تشکیل اولنور ، واونک ویره‌جکی قرار اوزرینه ناظر تعهدانده بولنور؛ یعنی بودجه‌نک فصل ماده معینه‌سنده اومقدار تخصیصاتی موقوف‌طوتار ..

آمر اعطالک تعهدانده هیچ بر زمان نظر دقندن قاجیر ماملری لار ممکن بر نقطه وارسه اوده مجموع تعهداتک بودجه‌ده ویا حوالانده - که محلی بودجه‌سی مقامنده‌در - کی یکون تخصیصاتی تجاوز ایتما‌سیدر . یعنی بودجه‌نک فصل‌سنده ( ۵۰۰۰ ) لیرا تخصیصات موجود اولدینی حالده ناظر تعهداتک مجموعنی ( ۵۰۰۱ ) لیرایه ابلاغ ایتما‌میلدر؛ تعهد تخمینیه مستند اولدینی ایچون مهم‌در . چوق دفعه بر بنا انشاسی ایچون بر مقدار مصرف تعهد اولونور . فقط انشا آتیه باشلانلیدی اوده نیمی ایجاب ایدن مبلغک تعهد اولنان مقداری تجاوز ایتدیکی کوریلور؛ بوکا سبب تعهدک حقیقته عدم مطابقی‌در؛ اولجه‌واجوز بر صورتده اوبنانک انشاسی ممکن اوله‌جق ظن اولنمش ایدی . فقط نتیجه‌نک تخمینیه عدم توافقی کوریلنجه غیرک حقوق خلل و ضرردن مصون بولندیرماق لازمکلیدی جهتله بالطبع بوفضله مصارف تأدیه ایدلک اقتضا ایدر و بوسورتله بودجه‌ده‌کی تخصیصاتک مقداری تجاوز ایدلمسی تخصیصات منضمیه مراجعت اولنمش لازمکایر ؛ چوق کرده ناظرلر تعهداتی قصداً نقصان کوسه‌ترلر :

بر بنا بایله جق ، بودجه‌ده عاٰند اولدینی فصلده کافی درجه‌ده پاره اولمیشجه ناظر بیله بیله تمهدی آز کوستر ، وتادیه آنسده مالیه ناظرینی بر امر واقع قارشوسنده بولندیرر . بوضورتله‌ده بالتیجه بودجه حدودینی تجاوزه وتخصیصات منضمه اخذینه مجبوریت حاصل اولور .

بودجه تجاوز ایدلیدیکی تقدیرده ایسه مجالس تشریعه‌نک تصدیق همان بوتون اهمیتنی غائب ایتش اولور ، بناءً علیه بوسوء استعمالات وتشوشاته مانع‌اولق ، مصرف متعهدلری اولان ناظرلری یعنی تمهداتك اجراسنی مالیه ناظرینك مراقبه‌سی تحتنه وضع ایتك اقتضا ایدر :

از جمله بوخصوصده فرانسه‌ده شوتدایر اتخاذاولونمشدر : اولاهر نظارت ، قانوناً بر مصارف متعمده حسابی طوتهرق بونك یكوتنی هر آی مالیه ناظرینه بیلدیرمك ناظر مشار الیه‌ده اشبو تمهداتك بودجه فصللرنده‌کی تخصیصات مقدارینی تجاوز ایدوب ایتدیکیکی تدقیق ایدرك محاسبه عمومیه‌ده بر حساب قید ایتك وظیفه سیله مكلفدر .

نائیاً : هر نظارتده مالیه ناظرلی ايله ناظر عاٰندی طرفندن مشترکاً منصوب

برر و مصارف متعمده قوتورلور - Contrôleurs des dépenses engagées لری واردر . بونلر اکثراً مالیه مفتشلری میانندن آلیر وتعهداتك لزومی اولوب اولدینغی دكل ، یالکز تخصیصاتنی تجاوز ایدوب ایتیه‌جکی تدقیق ایدرلر ؛ یعنی اشبو تعهد ایدیلان مبلغك بودجه‌نك فصل مخصوصنی تجاوز ایدوب ایتدیکنه باقارلر ؛ اگر بوراده تجاوز وقوع بولدیغنی ویا بوله‌جغنی کوررلرسه در حال ناظر عاٰدینه اخبار ایدرلر . ناظر عاٰندی اهمیت ویرمزه مسئله‌نی مالیه ناظرینه بیلدیررلر . وبوضورتله فضایه مصارفك وجودینه - هنوز اومصرفك تعلق ایتدیکی ایشی بایلمزدن

مقدم - مانع اولمش اونورلر . مصارف متعهده مفتشلى مالىه ناظرى طرفندن ناظر عاىدينك موافقتيله منصوب اولدقلى جهته ناظرلرك نفوذينه تابع دكلدرلر . عندالايحاج مالىه نظارتنه التجا ايدم بيله جكلرندن كمال استقلال ايله ايفاي وظيفه ايتلىرى ممكندر .

انكلترده دخى هر نظارتده ، ناظر عاىدى طرفندن انتخاب ايدلمش وعينى زمانده خزينه مجلسنك تصويب وقبوله مظهر اولمش آقوتىغ اوفيسور . Accounting officer اسمنده مأمورين واردر . بونلرك وظيفه سي فرانسه ده كي مصارف متعهده مفتشلى كي بودجه نك دائره سي خارجنده فضله تعهداتك اجراسنه مانع اولمقدرد ؛ اكر بويله بر تعهد وجودنى كورلرسه ناظر عاىدينه بيلديرلر . ناظر ديكه مزسه « بورو دوتره زوى » يه اخبار كيفيت ايدرلر .

آقوتىغ اوفيسورلر اكلترها هر نظارتك سياسى مأمورلرندن صكره اك بويوك مأموريدرلر .

بزدهده بو وجه ايله هر نظارتده تعهداتى تفتيش ايدم جك مأمورين واردر ؛ اصول محاسبه عموميه قانوننده بو بابده برقاچ ماده موجوددر :  
[ هر نظارتده مالىه ناظرينه مربوط واونك طرفندن منصوب بر مأمور محاسبه امورى ايفا و صرفياتى مستلزم تعهداتى بودجه يه مطابقتى نقطه نظرندن مراقبه ايله مكلفدر . شايد بر ناظر اشبو مأمورك مطالعات وافاداتى نظر دقه آلميه جق اولورسه مأمور موسى اليه كيفيتى مالىه ناظرينه اخباره مجبور اولوب عكس حالحه مسؤل طوتيلور . اشبو اخبار اوزرينه مالىه ناظرى ده ديوان محاسباتى خبردار ايلر . ديوان محاسبات دخى نهايت

سکیز کون ظرفنده بوباده کی مطالعه سنی بیان ایدر . [ محاسبه عمومی  
قانونی ماده : ۲۲

[ دیوان محاسبات صرفیات تعهداتنده مطلع اوله جنی یولسز لفلردن  
هراوچ آی نهایتنده صورت مخصوصه ده تنظیم ایلده جکی راپور ایله  
مجلس عمومی عریض معلومات ایلر ] محاسبه عمومی قانونی ماده : ۲۳  
شوماده قانونیه دن ده آکلاشدیغی وجهله هر نظارتک محاسبه مدیرلری  
مالیه ناظری طرفندن منصوب در . یالکیز استثناء حربیه و بحریه نظارتلری  
محاسبه مدیرلری حربیه و بحریه ناظرلری طرفندن نصب اولونور .

بومامورلرک وظائفی متعدد اولوب بوراده موضوع بحث اولان بر  
وظیفه سی ده تعهداتی مراقبه ایتکدر . اکر ایلر بده فضله مصرف اختیارینی  
موجب اوله جق تعهدات کوررلر سه اولان ناظر عائدینه ، اونظر اعتباره  
آلمدینی تقدیرده مالیه ناظرینه بیان مطالعات ایدرلر . مالیه ناظری دخی  
کیفیتی دیوان محاسباته بیلدیرر . دیوان محاسبات سکیز کون ظرفنده بر مطالعه  
درمیان ایدر . ناظره مسئول بومطالعه موجبنه عمل ایدر سه فها ، اکر  
ایتمزه دیوان محاسبات هراوچ آیده بر ویرمهک مجبور اولدینی تقریرلر ایله  
مجلس مبعوثانی کیفیتدن خبردار ایلر ؛ دیوانک اوچ ایلاق تقریرلرینک  
بعضیلرنده اعتراف ایلدیککی وجهله محاسبه مدیرلرینک یولسز تعهداتندن دولانی  
اعتراضلری هنوز مسبق دکلدر . ۲۲نجی ده ده طشره لرده تعهداتک مراقبه سی  
ایچون بر نظامنامه مخصوصه قلمه آلنه جنی سویلمکده ایسه ده هنوز بر نظامنامه  
وجوده کتیرلمه مشدر .

کذلک ( ۲۴ ) نجی ماده ده شو قید واردر :

[ بودجه ده صراحة معین اولمیان ویوز بیک غروشدن فضله بر



مصرف اجراسنی ایجاب ایدن هر نوع مقررات اول بأول مالیه ناظرینه بیلدیرلمک لازمدر . تخصیصات مقدارینک سنه نهایته قدر تجاوز ایدلیه جکنه مالیه ناظرینجه قناعت حاصل اولدقجه بوقیل مقررات موقع اجرایه قونیه ماز . ]

بوندن ده آکلاش-لدینی اوزره مثلاً حربیه نظارتنده اوتوموبیل مصرفی بودجده صراحة معین اولسه و بونک ایچون یوز بیک غروشی متجاوز بر مصرف اختیاری لازم کسه یا لکنر محاسبه مدیرینک دکل دوغربدن دوغری به مالیه ناظرینک ده موافقتی استحصال ایدلمک لازمدر .

دیگر بر ماده دخی شویله دنیلیمکده در :

[ بش میلیون عروش و دهها زیاده صرفیاته محتاج اولان هر درلو انشآت و اعمالاته عائد تعهداتک اجراسی بر قانون مخصوصه و یا بودجده صراحة معین بولنسنه متوققدر . بر سنه بودجه سننده داخل اولان تخصیصانه استناداً نهایت بش سنه ایچون تعهدات اجرا اولنه بیلور . فقط مجموع تعهد قدر بر مبلغک اوسنه بودجه سننده کی تخصیصاتندن بر تفریق بشقه حصوله استعمال اولنمه سی مشروطدر . استلزام ایده جکی مصارفک مجموعی سنه جاریه بودجه سنندن تفریق اولنماق و قسماً سنین آتییه بودجه لرندن محسوب اولنلق اوزره تعهدات اجراسی بر قانون مخصوص ایله تصدیق اولنغه و یا بودجده مصرح بولنغه متوققدر بویولده کی مصارفک بر جدولی بودجیه ربط اولنجه قدر ] (محاسبه عمومیه قانونی ماده ۱۳) شو ماده قانونیه ده مصرح اولدینی وجه اوزره ناظر بر قسمی سنه جاریه بودجه سننده کی تخصیصات ایله اودنمک و قسم متباقیسی ایسه سنین سنه متقبله بودجه لرنده کی تخصیصات ایله تأدیه ایدلمک اوزره تعهداتده

بولننه بودجده صراحت اولمدقجه ویاخود برقانون مخصوص بولنفسزین  
مأذون دکلدر . چونکه اشبو تخصیصاتک ایرتنی سنه مجلس مبعوثان  
طرفدن عدم قبولی احتمالی واردر .

بالکیز ناظر شونی یابه بیلور : سنه حاضره بودجده سننده کی بعض  
تخصیصاتی بودجدهن بالاافراز بونی تجاوزایتمه مک اوزره بش سنه ایچون  
تمهداتده بولنوب وبوصورتله ابطال تخصیصاته مانع اولور .

ایشته بزده آمر اعطالر معامله تمهدده شو قبود و شروط رعایت  
مجبوریتده درلر .

تمهداتی قوتتزل خصوصنده اک ای قواعد وضع ایدن حکومت  
ایتالیادر . بوراده دوغریبدن دوغری به کافه تمهدات دیوان محاسباتک مراقبه سنه  
تابعدر . برینا، بریول باییله جفی بر مأمور استخدام اولنه جفی ویا بر تقاعد معاشی  
تخصیص ایدیله جکی تقدیرده تمهداتی مستلزم اوراق دیوان محاسباتک ویزه سنه  
عرض اولمق لازمدر . دیوان محاسبات بولنری تدقیق ایدر، اگر بر محدودری  
داعی کورمزه ویزه ایدر، عکسی تقدیرده رد ایلر؛ فقط رد ایتدیکی  
حالده ناظرینه اصرار ایدر سه دیوان محاسبات بو اوراقه احتیاطی بر  
ویزه Visa avec reserve وضعنه مجبوردر؛ فقط عینی زمانده کیفیتدن  
مجلس مبعوثانی خبردار ایدر .

بزده ۲۳ نجی ماده دن آکلاشلدینی وجهله بعض تمهدات دیوانه  
عرض اولونور . فقط ایتالیاده بوتون تمهدات اوراقی دیوان محاسباتک  
مراقبه سنه تابع اولدینی حالده بزده آنجق هدف اعتراض اولنر کوندر بیلور .  
(۲) حوالات : بودجده نک فصول و موادندن ، نه مقدار صرف  
ایده بیله حکمری اکلاشیلیمق اوزره، امر اعطای اول و ثانیلرک، دها

دوغروسی مرکز، ولایات و مؤسساتك هر برینه تخصیص اولنان مقدار تخصیصاتی محتوی اوراقه حواله و تعبیر قانونیسیله تخصیصات حواله‌سی اطلاق اولنور؛ یعنی حوالات ناظرلك بر آی صرف عندالحاجه كرك كندیلری كرك امر اعطای ثانیلر امرینه تعیین ایتدکاری مقدار تخصیصاتدن عبارتدر.

بودجه‌نك صرف مرکزده و یا خود - ولایات مأمورین معاشاتی کی - صرف ولایتلرده صرف اولنان فصللری اولدینی کی عینی زمانده هم مرکزده وهم طشرده صرف اولنان فصلولی موجوددر. بونلرك نه مقداری مرکزده و تقدیری ولایتده صرف اولنه جنی و کذا هر ولایتك بودجه‌نك فصلول و وادندن نه مقداری صرف ایده بیله جکی حوالات ایله تعیین ایدر؛ هر نظارتك ناظری معین بر ماده‌دن بالمله آمر اعطالره حصهلر (حوالهلر) کوندریر. مثلاً وان ولایتیه برنجی فصلك برنجی ماده‌سندن شو مقدار مبلغ تخصیصات حواله اوله رق کوندریلیر و بر جدوله قید ایدیلیر. ناظرلر عینی زمانده آمر اعطای اولدقلری جهته بودجه‌نك او فصل او ماده‌سندن مرکز ایچونده حواله آلیرلر؛ [\*] و بوحوالات مرکز بودجه‌سی اولمش اولور. یعنی مرکز دخی کندی نامنه آلدینی حوالات ایله مقید بولنور. حواله احتیاجه کوره ویریلوروا کر کفایت ایتمزه کفایت ایتمهین فصللر ایچون اصل بودجه‌دن - فقط ینه عینی فصل و ماده‌دن - تکرار تخصیصات ویریلور. یعنی حوالات سنه ابتداسنده تخصیصاتك مه تودیک بر تقسیمی نتیجه‌سی اولیوب احتیاجه تابعدر. حوالهلر

[\*] فرانسه‌ده مرکز مصارفی ایچون حواله آلتیوب دوغروندن دوغرویه امر اعطای اصدار ایدیلیر طشره ایچون ویریلن حواله‌لرده «حواله امر اعطای ordonnancement par délégation نامی آلیر.

طشرہ امر اعطی الرینک بودجه سی مقامندہ در . بورادہ دوشونیلہ جک نقطہ مجموع حوالانک بودجه نک فصولی تجاوز ایتمہ مسیدر .

ہر تخصیصات حوالہ سندہ ناظرک تصدیق اولق لازم کلہ جکی کی محاسبہ عمومیہ قانونسک یکرمی سکزنجی مادہ سی موجبہ تعلق ایتمہ کی بودجه وسنہ سی وفصل ومادہ سی مذکور اولق ومحاسبہ مدیرلری طرفدن امضا ایتمک لازمدر .

۳) تحقق : « دولتک دایتمک ابراز ایدہ جکی اوراق منبتہ یی ہر نظارتک اقلام عائدہ سندہ بالتدقیق مقدار دین تعیین ایتمکدر . » [\*]  
یعنی بر مصرف تعہد ایدیلوب حوالہ سی دہ ویرلدکن صکرہ طیبی اومصرف فعلاً اجرا اولنور؛ مثلاً بنا انشا و اتمام اولنور؛ بونی متعاقب بنانک یاپیلوب یایلمدینی مبالغ مطلوبہ نک حقیقہ واجب التادیہ اولوب اولمدینی ومقداری تعیین ایدیلیر . آله جقلی استحقاقندن فضلہ طلب ایتمیورمی دیہ اوراق منبتہ اوزرنده تدقیقات اجرا ایدیلور؛ بومعاملہ « تحقق » liquidation دن عبارتدر . تحقق ہر نظارتدہ دائرہ عائدہ سی یاپار . مثلاً مالہ نظارتندہ تادیہ اولنہ جق اعشار مصرفک تحققنہ واردات قلمی مأمورددر . کذلک انشا اولنان بر بنا وسیلہ سیلہ طلب ایدیلان مبالغک تحققنہ دہ املانک ازمیریہ قلمی مأمورددر . صوکرہ بوتتمعات ناظرہ ویا طشرہ لردہ اولیورسہ آمر اعطای ثانیلرہ امضا ایتمدیورلور . نتہ کیم اصول محاسبہ عمومیہ قانونندہ

[\*] اصل تحقق Constataion معاملہ سی دولتک بورجی اولوب اولمدیغنک تعیین کیفیتنہ دینیلوب مقدار دینک تعییننہ ايسہ تصفیہ liquidation اطلاق اولنورسہ دہ عثمانی واضع قانونی طبعیتلہ یکدیگریہ مقارن اولان بواکی معاملہ یی تحقق نامی التندہ جمع ایتمشدر .

بوجهت تصریح ایدلشدرد . [ خزینة دولت حسابنه بر مصرفك تحقیق مطلقا بر ناظر و یادرجة ثانیه آمر اعطالریك و یاخود توکیل ایده جککری مأمورلرك تصدیقیه واقع اولور ] ( ماده : ۲۵ ) تحقیق مطلقا اوراق مثبتیه استناد ایتمی شرطدر . [ هر معامله تحقیقیه اوراق مثبتیه مستند اولق لازمدر . اشبو اوراقن شکل واجناسی نظامات و تعلیمات ایله تمین اولونور . ] محاسبه قانونی : ۲۶

۴ ) امر اعطا : داین لهنه تحقیق ایدن مبلغك تأدیه سی ایچون برسند تنظیمی ایله بونك آمر اعطائك تصدیقه اقتران ایتدیریله سیدر . تحقیق معامله سی بیتدکدن ، ومثلا انشا اولنان بر بنسادن دولای متعهدك طلب ایتدیكى مبلغه استحقاقی تمین ایتدکدن ، صکره برسند ، بر امر تأدیه تنظیم و بو آمر اعطالره تصدیق ایتدیربلهرك وزنیه کوندریله جك ومتعهدك آله جنی تأدیه ایتدیریله جکدر . اصول محاسبه عمومیه قانوننك ( ۲۷ ) نجی ماده سنده کی صراحته نظراً [ بر ناظر و یا درجه ثانیهده آمر اعطا اولانلردن بری و یاخود وکیلری طرفدن امر اعطا لاحق اولمدقیجه هیچ بر مصرف تأدیه اولنه ماز . ] کذا ۲۸ نجی ماده موجبجه مرکزده امر اعطالر ، عینی زمانده دواثر محاسبه مدیرلری طرفدن امضا اولنلق وفصل و ماده سی کوسترلك لازمدر .

امر اعطا ورقه سی تأدیه یی امر ایدن برسنددر . علی الاکثر هر داین ایچون آیری آیری تنظیم اولنور فقط معاشاده اولدینی کبی مشترکاً تنظیم اولندیقتی ده واقعدر .

بزرده حواله و امر اعطا معامله لريت صورت وقوعني بر آز دها  
ايضاح ايدلم : ديمشك كه هر ناظر بودجه نك فصولي دائره سنده امر  
اعطاي تائيلره و مركزه حوالات و برر. و صوكره كرك مركز و كركسه  
ولايات تعهدات، تحقيقات، امر اعطا و تاديه معاملاتني اشبو حوالانه كوره  
يا پار .

شوتفديرده مركززده ايكي دفتر بولونور. بري بودجه دفتري ديكرى ده  
دائرة مركزيه بودجه سي مقامنده كي حوالات دفتري بودجه دفتري ده  
بودجه سنك هر فصلي و هر ماده سي همچون بر صخيفه آچيلمشدر . و هر صخيفه  
افقي اوله رق ايكيه آيرلمشدر . [۱]

[۱] درج ايديلن اشبو نمونه لر نظارتلرده طوتيلان دفتري آنديررسه ده  
مقصد حساباتك نه صورتله طوتيلديغني ايضاح ايتك اولميرب امر اعطا معاملاتني  
سهولتله قابل تفهم برحاله وضع ايتك اولديغندن كيفيت بسيط و نظري برحاله كتيرلش  
و دفتارده كي تفرعاندن صرف نظر ايدلمشدر .

( . . . دأثره سی بودجه دفتری نمونه )

صحیفه فصل ۱ ماده ۱

۱

بارہ	غروش	تخصیصات
۰۰	۰۰۰۰	بودجه سنده محرر
۰۰	۶۰۰۰	تخصیصات منضمه ل سہ
	۶۰۰۰	یکون
بارہ	غروش	حوالات
۰۰	۸۰۰۰	مرکزہ ل سہ
۰۰	۳۰۰۰	استانبول ولایتہ ل سہ
۰۰	۵۰۰۰	آطہ دفتر دارلغنه ل سہ
۰۰	۱۳۰۰۰	مرکزہ ل سہ
		الح ...
بارہ	غروش	حوالہ نومروسی
۰۰	۸۰۰۰	۵۱
۰۰	۳۰۰۰	۷۵
۰۰	۵۰۰۰	۸۷
۰۰	۱۳۰۰۰	۹۲

کوریلورکہ ہر صحیفہ نك اوست طرفہ بودجه ویا تخصیصات منضمہ  
ایله ویریلان تخصیصات و آلت طرفہ حوالات قید اولنور . وبوصورتله  
حوالاتك تخصیصاتی تجاوز ایتما سنہ اعتنا اولونور .

مرکزك طو تدینی حوالات دفتری شو شكلده در :  
( نمونه ۲ . . . داتره سی مرکز حوالات دفتری )

حواله	فهرستی	۵۱	۱۲۲	حواله	فهرستی	۵۱	۱۲۲
۱۱ مارت سنه تاریخی حواله	۸۰۰۰	۱۳۰۰۰	۳۳۰۰۰	۱۱ مارت سنه تاریخی حواله	۸۰۰۰	۱۳۰۰۰	۳۳۰۰۰
۷ نیشان د	۱۳۰۰۰	۳۳۰۰۰	۳۳۰۰۰	۷ نیشان د	۱۳۰۰۰	۳۳۰۰۰	۳۳۰۰۰
یکوا	۳۳۰۰۰	۳۳۰۰۰	۳۳۰۰۰	یکوا	۳۳۰۰۰	۳۳۰۰۰	۳۳۰۰۰
تعدد	تاریخ	غروش	بازره	تعدد	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش	بازره	ایضاحات	تاریخ	غروش	بازره
ایضاحات	تاریخ	غروش					

صفحه ۱ فصل ۱ ماده ۱



اکلاشیلپور که بوایکنجی دفتر دخی مرکز ایچون عینی فصل و ماده دن  
 آلن ان حوالانک مقدرینی محتوی برخانه ایله بونک آلتنده اشبو  
 تخصیصاته مقابل اجرا ایدیلان تعهدات و تحقیقات و كذلك امراءطالرك  
 قیدینه مخصوص خانه لری محتویدر . تأدیاتك درجنه مخصوص دردنجی  
 ستون بالاخره تأدییه مأموری طرفندن اخبار ایدیله جك تأدیات حقیقیه یی  
 قیده مخصوصدر . بوایکنجی دفتر ك بوتون خانه لری یکدیگری قونترول  
 ایدر . تعهداتك حوالاتی تجاوز ایتامسی لازم کلدیکی کی [\*] هر تحقیق ده  
 تعهدینی کچمه سی ودها ایلر وده هر تحقیق قید ایدیلان مصرفه مقابل  
 وضع ایدیلان امراءطا یکوننك، مقابل تحقیق یکوننی کچمه سی و نهایت  
 بالاخره تأدییه مأموری طرفندن بیلدیرله جك اولان تأدیاتك امراءطالری  
 تجاوز ایتامسی اقتضایدر . ولایاتده ده کیفیت عینی در . دفتر دار مرکز دن  
 آلدینی حوالاتی برنجی نمونه مشابه طوندینی بر حساب ایله سنجاقلر  
 بینده تقسیم ایلر . وهر سنجاقل محاسبه جیبی ایکنجی دفتر مشابه طوندینی  
 بر مصرف دفتری ایله تعهدات و تحقیقات و امراءطالرینك و بالاخره  
 تأدیاتك کنديسنه کلن حوالاتی تجاوز ایتامسنه اعتنا ایدر .

[\*] و اکثریاده حوالات تعهداتنه بناءً اسطار اولندیغندن حوالانك تعهدات  
 یکوننی کچمه مسنه اعتنا اولنور .

## امر اعطالرك قبل التأديه قونترولى

تعهد معامله سندن بحث ايدرکن بونک هر مملکتده قبل التقرر برقونتروله تابع اولدینی ایضاح ایدلمشدی؛ بوندن مقصوده تعهدک تخصیصات مقدارینی تجاوز ایتیه جکنى تأمین ایدی . ایشته عینی حکمت تحقق ، امر اعطا و تأدیه ده دخی موجوددر ؛ اگر بونلرده یکدیگری نجرسه مجلسک تصدیق ایتدیکی بودجهیه رعایت ایدلمه مش دیمکدر ؛ او حالده بودجهنک حدودی داخلنده قالمسی ایچون حوالات و امراء اعطالرك ده تعهدات کبی قبل التأديه برقونتروله تابع طوتیللمسی اقتضا ايدر :

اول امرده آمر اعطالرك مسؤلیت حقوقیه سنک بوکی تجاوزاته مانع اوله جفی ظن اولنه بیلیر :

فی الحقیقه ناظر بودجهنک بر فصلنک یکوئی تجاوز ایدنجه کندیسنی حقوقاً مسئول ایتک ممکندر ، دینله بیلور ؛ لکن بزم قانون اساسیمزده بوباده صراحت یوقدر ؛ یالکز یوزنجی ماده ده شویله دنیلمکده در . « بر قانون مخصوص ایله معین اولدقجه اموال دولندن موازنه خارچنده صرفیاتده بولنیه ماز . » بونکله برابر موضوعات عمومیّه قانونیه مزدن ، بودجهنک حدودینی تجاوز ایدن آمر اعطالرك حقنقه مسؤلیت حقوقیه ترتب ایتدیکنی قبول ایتسهک بیلله مسئله حل اولنه ماز ؛ بومسؤولیتی کیم حکم ایده جکدر ؟ مجلس ، معوثان انجق ناظر لرك مسؤلیت سیاسیه یه سنی موضوع بحث ایده بیلوب

بر حکم حقوق ویره من؛ دیوان عالی ایسه مسئولیت جزائییهی حل و فصله مأه و درر؛ شو حالده مسئولیت حقوقیه به حکم ایده جک مرجع یوقدر. بویه بر مرجع بولسحق بیه ناظرک تخصیصاتی تجاوزدن طولانی حقوفاً مسئول اولسی هر وقت طوغری اولیه بیلور. ناظرلر دایما بر دیگرینک یرینه کلش درلر، سلفلری طرفندن تعیین اولونمش نیجه مأمورلر قارشوسنده درلر؛ بومأمورلرک اجرا آتی و خطالریله ناظرلر چوق دفعه تجاوز تخصیصاته مجبور قالیرلر؛ مملکتک بر طرفنده بریسی خطا ایتدی می همان و خطا ناظرک دوش مسئولیتته یوکلهمکده اولدیغندن بوحال قارشوسنده ناظری حقوفاً مسئول طوتمق جهته پک او قدر تمایل اولنه ماز؛ حتی ناظره مسئول ایدیلوب محکوم اولدیغنی فرض اولنسه بیه مسئله حل ایدلمش دکدر: یوز بیکلرجه ایرا تجاوازی ثروتمن بر ناظر نصل تأدیه ایده بیلور؟ خلاصه مسئولیت نظارک موجودیتی تجاوز تخصیصاته مانع اوله ماز. معلوم و مشهود اولان برشی وارسه مسئولیت نظارک بر قورق لئدن، انسانی یالکز خیالاً تدهیش ایدن بر دیودن بشقه برشی اولمه سی در. نته کیم ( ۱۸۵۰ ) قانونندن بری فرانسه ده تخصیصاتی تجاوز ایدن ناظرلرک حقوفاً مسئول اوله جقلری اساسی موضوع اولقله برابر فعلاً شیمدی به قدر تخصیصاتی تجاوز ایتمش بولنان بونجه نظارهیچ بر تعقیبات حقوقیه به تابع طو توله ماهش یالکز بعضی احوالده مسئولیت جزائییه مسئله سی موضوع بحث اولمشدر. بوجهته بودجه نك حدودینی محافظه ایچون اك سالم طریق، مصارفی قبل التأدیه قونتروله تابع طوتمقدر.

بعض مملکتلرده تعهدات کی حوالات و امراءعطارده مالیه ناظرینک قونترولی البته وضع اولونمشدر. از جمله فرانسه ده مالیه ناظری ایکی نقطه نظر دن قونترول اجرا ایدر:

( ۱ ) خزينه نك امكن ماديسى

( ۲ ) قوه تشريعيه نك تحديد ايتديكى تخصيصاتك حدودينه رعایت

ايدلمى

بر كره هر آى ناظرلر ماليه ناظرينه بر تقرير تقديم ايدرك بوراده كله چك آى ظرفنده نه قدر حوالات و امر اعطا اصدار ايد. چكلىرى نرولرده تأديه اجرا ايتديرمك ايتديكرى بيلديرلر . فى الحقيقه ماليه ناظرى تأدياى مملكتك هر طرفنده تأمين مكاف اولديغندن اولجه بونى بيلمليدركه معاملات نقديه مديريت واسطه سيله خزينه ، يعنى نقل نقود معادله سى ، بابه بياسون ؛ ماليه ناظرى رفقاسنك بوتقررلرينى يا قبول ويا قسماً ويا تماماً تأخير ايدر ، بعده بر « توزيعات شهریه جدولی distribution mensuelle des fonds » تنظيم و بو جدولی برای تصدیق رئیس جمهوره عرض ايدر ؛ مملكتك هر طرفنده تأدياى بوجدوللر موجبجه اجرا ايديلير .

فقط اصل آرانيلان قونترول تخصيصاتك حدودينه رعایتی تأمين ايجون اولان قونتروللر ؛ بونى ده فرانسه ده ماليه ناظرى ايضا ايدر : محاسبات عموميه دائره سنده بودجه فصللری ايله فتناظراً بر دفتر طو تلمشدر ؛ هر ناظر دوغرىدن دوغرى ويا حواله بر امر اعطا ( يعنى حواله ) اصدار ايتديكى زمان بونى ماليه ناظرينه كوندير ، ماليه ناظرى ده اشبو عمومى بودجه دفتري واسطه سيله ناظرلك طلبنك بقیه تخصيصاتو توافق ايدوب ايتديكى اكلار ، موافقه ، وعينى زمانده توزيع شهریه جدولنده داخل ايسه ، او امر اعطالری تصدیق ايتدكدن صكره بر جدولی محاسبه كوندرك تأديه اعطای مساعده ايدر . بوصورتله

ماليه ناظرى طرفدن باييلان قونترولنك بويوك فائدهسى اولمشدر؛ مع مافيه فرانسزلر بونى كافى كورمه مكده درلر. دييورلر كه « مالمه ناظرى حكومتك برعضويدر. چوق دفعه رفيقلىرىنك ابرام واصرارلىرىنه دايه ناماز وياخود ايجاب سياستله ، حتى حوالات و تخصيصاتدن، فضله وياخود عائد اولمدينى فصللردن ياكلش اوله رق، اصدار ايديلان امر اعطالرى بيله تصديق ايدر. بنام عليه وظيفه تفيشيه نى مالمه ناظرىنه دكل مستقل برهئته ويرهك ده ا زياده موجب امنيتدر » بو مستقل هيئت كيم اوله بيلير ؟

بعضلرى بونك مجلس مبعوثان اعضاسندن مركب برهئت اولمىنى ايسه-ته بورلر ، فقط بو قوه اجرائيه-يه عائد اموره قوه تشريعيه نك مداخله سى ديمكدر كه نتيجه سى هيئت اجرائيه ايچون مضردر . چونكه بو هيئت قوتنه استناداً دائماً دائره صلاحيتى تجاوززه تمايل ايدمكدر. بعض طرفداران ده هر نظارت ايچون بويوك مأمورلردن مركب ، برر هيئت تفيشيه اداره وجوده كتيرلمىنى و تعهد قونترولورلى -contrôle leurs des dépenses engagées قبل التعهد فصل تفيشات اجرا ايدييورلر سه امراءطا مفتشلى ده ايله جه امراءطالرى مراقبه ايلمىنى تكليف ايدييورلر ؛ فقط بوده محذورى مؤيدير ؛ چونكه نه اولور سه اولسون بو هيئتلر محقق صورتده قوه اجرائيه نك نفوذىنه تابعدر وبالخاصه ناظر عائدى ايله مالمه ناظرىنك اتفاق ايتدكارى برشيته بونلر ك مخالفت ايتمى هان هان امكن خارجنده در . حتى تعهدات قونترولورلىنك قونترولنى تماماً و مكملأ ايضا ايتدكارى بيله متفق عليه دكلدر ؛ عثمانلى ديون محاسباتى ، تعهداتى قونترول ايله مكلف اولان محاسبه مديرلىنك تعهداته اعتراض ايتدكارىنك شيمدى يه قدر مسبق اولمدينى راپورلر نده كراهه ايله بيان ايتمشدر .

بر اوچنچی رایہ کورده بو مستقل هیئت انجق دیوان محاسبات اوله بیلیر ؛ بو فکره طرفدار اولانلر شویله دیرلر : « بو حق دیوان محاسباته ویرلم ، چونکه او بر قوؤ حاکمه در . یا کلس ویاخود مقدار تخصیصاندن فضله امر اعطالری استقلال تام ایله رد ایده بیلور » اک دوغرو فکرده بودر .

بونکه برابر فرانسه ده بوفیکرک علیہ دارائی چوق اولدینی کی دیوان محاسبات ده اصلاً بو وظیفه بی در عهده ایتمک ایسته مبور و وظیفه سنک بعدالتادیه محاسبیری بعدالتادیه قونترول ایتمک نقطه سنه منحصر اولمی ده فائده لی اولدینی ادعا ایدیور ؛ بونک ایچون اوچ سبب در میان اولنور :

(۱) دیوان قبل التادیه ویزه معاملہ سی علی العجله ایفا ایده جکندن بوندن کافی درجه ده استفاده ایدیله مز .

(۲) قبل التادیه مصارفی ویزه ایده جک اولان دیوان محاسبات اعضای ده نفوذ و اختراصانه تابع اوله بیلیر و بو اختراصات تأثیرله طلب اولمان مبالغی بعضاً بالزلوم تصدیق و یارد ایدرلر ؛ نتیجه ده قونترول تلوث ایدر ، و ایجاب ایدن مسئولیت تعین ایتمز .

(۳) دیوان محاسباتک قبل الصرف یابه جنی قونترول بعد الصرف یابه جنی قونترولی افساد ایتمش اولور .

فقط شو اوچ اعتراض تماماً شایان قبول و مدافعه دکدر ؛ چونکه اولاً ؛ قبل التادیه یا بیلان ویزه نک سطحی اولدینی فعلیات اثبات ایتمکده در . اساساً اشبو تدقیقات تخصیصات موجوده اولوب اولدینی ویاخود اشبو مصرفده faussé imputation بشقه فصلدن اوده نیلمسی اقتضاییدن

ياكلش امراءالتر بولوب بولمديني وقانونه تطبيق حرک ايديلوب ايدلمديکي کي برايکي نقطه به انحصار ايتديکندن اودرجه ده مشکل الايفا دکلدرد .

ثانياً : ديوان محاسباتك اختراصاته تابع اوله رق ويزه ايتمى ممکن اولمقله برابر بو احتمال بالخاصه ماليه ناظرى حقننده دها زياده وارددر ؛ و ذاتاً نفوذدن مصون اوله ييله جك بر مقام وارسه اوده اولسه اولسه ديوان محاسبات کي رحكمه عاليه مستقلدر .

ثالثاً : مقدم ومؤخر قوتورللك يکديکري نفى وابطال ايتديکي ادعاسي ده وارد اوله ماز چونکه ديوان محاسباتك بعدالتديه يابه جني قوتورولى محاسبك وظيفه سني حسن ايفا ايدوب ايتمه ديکي تدقيقه منحصردر . بونکده ديوان محاسباتك صکره دن يابه جني بوقوتورللك اولکني اصلا ناقص اوله ميه جني بک کورل آکلاشيلور .

خلاصه ديوان محاسباتك امراءعطا و تخصیصات حوالاتي قبل التأديه ويزه ايتمى موافق وشانك تعقيب وتطبيق بر اصولدر .

ديوان محاسباتك قوتورولى تطبيق اولونان مملکتلر انکلترده ، بلجيقا ، ايتاليا ودولت عثمانيه وسائر بعض ممالکدر .

انکلترده - بورده بوتون ديوان محاسباتك وظيفه سني - contrôleur leur auditeur général دينلان برآمورايله معاوني ايفا ايدرلر . بومأمور حکمدار طرفدن منصوب ومحاسب مبعوثان ايله اعيانك قراري اولمقله غير قابل عزردر ؛ بناء عليه قوه اجرائيه نك نفوذندن مستقلدر . اصل وظيفه سني آتيده کورم جکمز وجهله محاسبلرک حساباتي تفتيش اولمقله برابر عيني زمانده قبل التأديه امر اعطالري ده قوتورول ايدر .

اولجه ده ايضاح ؛ انديمي وجهله انکلترده بوتون واردات انکلترده بانقه سندمه

compte de l'Echiquier دینان حسابده طوپالانیر. ( بورو دوتره. زوردری ) ایجاب ایتدیکی زمان یکون حالنده بر تخصیصات طلب ایدر؛ قونترولور اودیتور زنه رال اشبو تخصیصاتک بودجه حدودی داخلنده اولوب اولمدیغنی تدقیق ایدر؛ برنجی تقدیرده ویزه ایدر و انکلتره بانکه سی ده طوبدن تخصیصاتی بورونک امرینه آماده بولندیرر. صوکره ناظر لر عندالاحتیاج بورادن امر اعطالر ایله صرفیاتده بولنه بیلیرلر. مع مافیه بورودن حقیقته قابل تادیه اولان بو امر اعطالر در حال تادیه اولونمز. اولا peymaster général نامنده مجلس وکلایه داخل اولان مصارف ناظرینک حسابنه ایراد قید اولنور؛ وبعده تادیه اولنهرق مشارالیه حسابنه مصرف اولهرق یکیریلیر.

باجبقا — بوراده امر اعطالر دیوان محاسباتک ویزه سنه عرض اولنور. دیوان مذکور فصل وماده مخصوصه ده تخصیصات بولوب بولمدیغنی و حقیقه امر اعطایه مربوط اوراق تحقیقه ده کی تخصیصاتک اوفصلدلمی آلمسی ایجاب ایتدیکنی و او مصرفک تادیه سنه قانونک تعیین ایتدیکی دائره ده واقع قانوناً مساعده اولوب اولمدیغنی تدقیق ایدر؛ و فقط اشبو مصرفک لزوم و یا عدم لزومی اصلاً موضوع بحث ایدمیز. چونکه بو حق تقدیر بر مسئله اداره اولوب دیوانه ویرله مشدر. دیوان تدقیقاتی نتیجه سنده امر اعطای قابل تادیه بولورسه ویزه و بولمازسه رد ایدر؛ رد ایتدیکی تقدیرده اگر ناظر فکرنده اصرار ایدرسه کیفیت مجلس وکلایه عرض اولنور؛ مجلس ده عینی فکری درمیان ایدرسه اوزمان دیوان محاسبات امر اعطایي avec reserve «قید احتیاطی ایله» ویزه ایدر وهان مجلس بمعونانه ایشی بیلدیرر. بلجیقادہ تمهیدات اوراقی ایتالیاده اولدینی کی دیوان محاسباته عرض اولونماز.



هولاندا، پورتیکز، شیلی، ژاپونیا بلچیکا سیستمی قبول ایتشلدر .  
ایتالیا — بوراده دخی دیوان محاسبات امر اعطائی تدقیق ایله  
تجاوز وجودینی ویا طلب اولمان تخصیصاتک یا کلش بر فصلدن آلمش اولدینی  
کوررسه در حال ردایدیر. حتی ایتالیا ده بلچیکاده اولدینی کی، مجلس وکلا  
قراری ایله امر اعطالره احتیاطی ویزه وضع ایتک مجبوری ده یوقدر اما دیوان  
بورای قطعی ولایتگیری یا لکزی ایکی خصوصده استعمال ایده بیلور .

۱ تجاوز تخصیصات وقوعی .

۲ یا کلش فصلدن امر اعطا ویرلمسی؛ تمهداتک انشای مراقبه سنده  
دیوان هیئت وکلانک اصراری اوزرینه احتیاطاً ویزه ایتک مجبور اولدینی  
جهتله امر اعطالر خصوصنده ایکنجی بر احتیاطی ویزه وضعی مجبوری  
قونولماشدر .

یزه اصول محاسبه عمومیه قانوننک ( ۲۹ ، ۳۰ ) نجی ماده لری  
مفادنجیه (\*) دیوان محاسبات اعطا امر لری و تخصیصات حوالاتی ویزه

(\*) [ دیوان محاسباتک ویزه سنی حاوی اولدقجه هیچ بر اعطا امری  
مقرون تأدیه اولمه جفی کی دیوانک ویزه سنی و خزینه معاملات نقدیه مدیرینک  
قید اشارتنی حاوی اولمان تخصیصات حواله نامه لری دخی معتبر اولماز. بو ویزه  
معاملاتی اکا عائد اورا ق دیوان محاسبانه ورودی تاربخندن اعتبار آ نهایت  
اوج کون و معاملات نقدیه مدیرینجه قید معامله سی بر کون ظرفنده ا کمال  
اولانور ] ماده ۲۹

[ دیوان محاسبات اعطا امرارینک ویا تخصیصات حواله لری نک بودجه ده کی  
فصول و مواد مخصوصه سنه مطابق اولدینی ویا تخصیصاتک عدم کفایتی کوردیکی  
تقدیرده ویزه دن امتناع ایدرک مذکور امر حواله لری اسباب موجبیه مبین  
بر تقریر ایله عائد اولدق لری نظارته اعاده و مالیه نظارته ده تقریرک بر صورتی  
ارسال ایدر. دیوان محاسبانجه تخصیصاتک عدم کفایتدن طولانی اعاده ایدیلان

ایدر . دیوان محاسبات بو ویزه سنی اوچ کون ظرفنده اجرا ایلمکے ویاخود رد ایتمکے مجبوردر . عدم قبول تقدیرنده اسباب رده باقیلور :  
( ۱ ) اگر دیوان محاسباتک عدم قبولی تخصیصاتک موجود بولنه مسندن ایلری کیش ایسه مجلس وکلا نقدر اصرار ایدرسه ایستون اشبو اعطا امرلری و تخصیصات حواله لری اصلاً قابل تادیبه دکلدر . تخصیصات بیتمش اولدییی تقدیرده ناظریک تخصیصات منضمه آلمسی وبعده حواله ویا امر اعطاسی دیوانک ویزه سنی عرض ایلمسی لازمدر .

( ۲ ) اگر کیفیت رد فصول و مواده عدم توافقدن نشئت ایتمش ایسه . مثلاً قرطاسیه ماده سنی عائد مصرف مفروشات ماده سی تخصیصاتیه تادیبه ایلمک ایسته نیلیرسه دیوان محاسبات هیئت وکلاک اصراری ایله ویزه ایتمکے مجبوردر ؛ فقط مجلس مبعوثانی مسئله دن خبردار ایدر

( ۳ ) قوانین و نظامات و مقرانه عدم مطابقدن دولایی دیوان محاسباتک رد سنی معروض قالان اعطا امرلریک ویزه سی آنجق ناظر عائدینک تحراً درعهده مسئولیت ایتمه یله قابلدر . مثلاً بر مأموره قانوناً معین اولان مقدار دن زیاده معاش اعطاسیچون کان اعطا امرینه دیوان محاسبات بوقانونه مخالف اولدییی ادعاسیله رد ایدر ؛ بو تقدیرده ناظر تحریراً درعهده مسئولیتی اوزمان ویزه ایدلور .

اعطا امرلری و تخصیصات حواله لری قابل تادیبه دکلدر . فصول و موادینه عدم مطابقدن طولایی رد ایدلانلر مالیه ناظریک رای و موافقتی اوزرینه اتخاذ اولنه جق مجلس وکلا قرار یله تادیبه اولانه بیلور وقرار واقع دیوانه تبلیغ اولنور . دیوان محاسباتجه قوانین و نظامات مقرانه موافق کورلمیان مصادره عائد اعطا امرلری حقدده اسباب و ادله سیله درمیان اولنه جق مطالعه اوزرینه امر اعطا طرفدن تحریراً درعهده مسئولیت ایديلیرسه ویزه معاملہ سی اجرا اولنور [ ماده ۳۰

حکومت عثمانیه ده مشروطیتدن صکره امر اعطا معاملاتنك صورت ایفاسی حقمده قبول ایدنلش اولان اصولی ، امر اعطا وحوالاتنك اصدار و مرافقه سی ر لکنده اولمق اوزره ، بوراده بر کره ده اجمال ایلک فائده در خالی دکادر :

ول امرده هر نظارت طرفدن کرک طشره کرک مرکز ایچون حوالات اصدار ایدیلر :

مطبوع و متسلسل نومرو تحتده قوچانلر شککنده اولان بوحوالاتدن طشره عائد اولانلری ایلک اولکجه دیوان محاسباتنك ویزه سنه عرض ایدیلر طشره امر اعطالرینك قبل التادییه دیوان ویزه سنه تابع طوتیلیمسی امکار خار جنده اولدیغندن طشره حوالاتنك اشبو ویزه سی طشره امر اعطالرینك ویزه سی مقامنه قائم اولور . دیوان اشبو حوالاتی نهایت اوج کونده وره ایتدکن صکره مالیه نظارتی معاملات نقدیه مدیریته ارسال ایدر ، اوراده بر کونده معاملات قیدیه ایفا اولنور . بوندن صکره یکدیگرینك عبی ایکی نسخه اولان اشبو حواله نك بر نسخه سی ، برای تادییه طشره ارسال اولمق اوزره نظارت عائده سنه و دیگر نسخه سی تخصیصاتنك فصل و ماده دائره سننده اولدیغنه محاسبه عمومیه جهده قناعت حصه و له کتیر له یامک اوزره محاسبه عمومیه مدیریته تودیع اولنور و مدیریت مذکورده بوحوالهی بودجه نك فصول و موادینه ، تناظراً طوتمده بودجه دفترینه قید و تطبیق ایلر .

طشره کونده ریلان بوحوالات طشره بودجه سی مقامنده اولوب تمهیدات ، تحقیقات و امر اعطا معاملاتنی هپ بوکا استناداً بابایر . [۰]

[۰] فرانسه ده امر اعطای ثانیرک اصدار ایتکنده اولدقلری امر اعطالره مرکز ده کی Ordonnance دینیوب mandat «و کالتنامه» دینکنده در .

مرکز حوالاته کلمجه : نظارتلر طرفندن تعهداته توفيقاً حوالات عینی صورتله اصدار ایدیلیر سنده ، مرکزك امر اعطالری دیوانك ویزه سنه عرض ایدلار . یالکیز محاسبه عمومیه مدیریته تدیق و معاملات نقدیه مدیریته قید و اشارت ایدلدکن صکره بر نسخه سی برای حفظ محاسبه عمومیه مدیریته دیگر نسخه سی ده و زنه عمومی به برای ارسال دائره عانده سنه ایصال ایدیلیر :

حوالاندن صکره مرکز مصارفی ، تحقق و امر اعطایه اقتران ایتدیریلیر فقط امر اعطال و زنه یه کوندرلزدن اول دیوانك ویزه سنه عرض ایدلک مشروطدر .

## محاسبہ لک وظائفی : تأدیات

امر اعطال رکھن فصلہ عرض اولدینی وجہلہ حاضر لاندقدن صکرہ صیرہ تأدیہ یه کایر. تأدیات کرک مرکزده و کرک سه طشرده ده محاسبہ Comptables طرفندن اجرا ایدیلور. بالمناسبه یوقاریده دخی سوبلندیکی وجہلہ تأدیہ معاملاتی امر. اعطا معاملاتندن کلیاً افتراق ایدوب تأدیات محاسبہ لری طرفندن ایفا ایدیلر؛ ذاتاً بعضی واردانده بیله تحققاتک تأدیاتدن باشقه اولدینی کورلمش و یوقاتراقدن مقصده صرف قونترولی تزیید ایتک اولدینی اکلاشیلمشدی تأدیاتده ایسه بالفعل تأدیہ نک امر اعطا معاملاتندن آیری اولسی بر امر محققدر. بوصورتله مالیه ناظرینک اوچنجی وظیفه سنه ابستدار ایلش اولبورز: مالیه ناظرینک برنجی وظیفه سی جبات واردات ایکنجیسی خزینه معاملاتی اولدینی کبی اوچنجیسی ده کندی معیتده کی مأمورین واسطه سبیلہ ( محاسبہ لری ) اجرا ایتدیردیکی تأدیاتدر .

محاسبہ لری کیملردر ؟ اعلان مشروطیتدن مقدم مرکزدن هر نظرارتک وزنه سی و بنساء علیه بر محاسبی موجود اولوب تأدیات بونلر طرفندن آیری آیری اجرا ایدیلکده اولدینی حالده مشروطیتدن صکره بواصول الفا ایدلمشدر. الیوم بالجله مصارف مرکزیه تأدیاتی اجرا ایدن مالیه نظارتنده وزنه عمومی مدیردر. طشره لرده تأدیہ مأموری دفتردار و محاسبه جیلدر. بوندن بشقه استثناء پوسته و تلفراف باش مدیر و رسومات مدیر لریله اصول محاسبه عمومیہ قانوننک ( ۳۲ ) نجی ماده سنده کی

صراحتاً نظراً ردیف مفتش‌کلری ایله قول اردو ومستقل فرقه‌لره حربیه نظارتی طرفندن تعیین اوله‌جق محاسب‌لر دائرة مأموریت‌لرینک تأدیه مأموریدرلر . [\*]

وزنه عمومی مدیری عینی زمانده واردات محاسبی‌در، یعنی هرطرفندن کلن فضلۀ وارداتی طویلار ؛ بعده بالجمله دوائر و نظاراتلرک تأدیاتی اجرا ایلر . طشرده دخی دفتردارلر برکزه واردات محاسبی صفتیله کندی قضالرینی تحصیل و بوتون ولایت وارداتی تمرکز ایتدیرلر ؛ ثانیاً کنديسنه کلن حوالاتی لوالر یئنده بعد التقسیم کندی لوالرینک تأدیاتی اجرا ایدرلر ؛ اولجده کورلمش اولدینی وجهله عینی زمانده اوزلرنده آمر اعطا وظیفه‌سی واردلر .

محاسبه‌جیلرده اولا کندی قضالری وارداتی جبات و لوالری وارداتی سائرا لیزه ایدرلر ؛ بعده دفتردارلقدن آلدق‌لری حواله‌ناظره‌سندده بولوايه داخل بوتون قضالرک تأدیاتی ایله مکلفدرلر ؛ برکله ایله وظیفه‌لری دفتردارلرککنینک عیندر .

مال مدیرلرینه‌کلنجه: بونلر یالکیز واردات محاسبی اولوب کنديلرینه تأديات محاسبی نامی ویريله‌مز ؛ فی الحقیقه مال مدیرلریده محاسبه‌جینک امریله بعض احوالده تأديات اجرا ایدرلر . فقط بو تأدياتک بالآخره سندلرینی نقد مقامنده اوله‌رق لوايه ارسال ایدوب تأدیاتی دفترلرینه

[\*] [ مایه‌ناظری طرفندن منصوب و دوغوردن دوغوریه‌آنتک تحت‌اسرنده بولان برمحاسب مسئول طرفندن کوریلوب ( تأدیه‌سی لازم کلیر ) عباره‌سی وضع و امضا ایدلکجه هیچ برمصرف تأدیه اولنه‌ماز . ردیف مفتش‌کلریله قول اردو ومستقل فرقه‌لرده حربیه نظارتجه محاسب صفتیله تعیین اولنه‌جق ذوات اشبو وظیفه ایله مکلف اوله‌جقلردر . . . ] ماده ۳۲

لوايه ارسالات صورتنده قيد ايدرلر ؛ برآزدن كوره جكمز و حمله شو  
تأديانك فصل وحوالاته موافق اولوب اولديني و اويكوفي تجاوز ايتديكي  
تدقيق ايتك تأديه محاسبك آمر اعطا حقنده اجرا اينديكي اك اساسلي  
برقونترول اولديني حالده مال مديرلري تأديه مأموري اولمقلرندن بو  
وظيفه ايلهده مكلف دكللدر ؛ اساساً بو قونترولي مال مديرلرينك بايمسنة  
امكان دخي يوقدر ؛ چونكه لواحوالهسي قضا قضا تقسيم اولمديني كي  
مال مديرلري بودجهيه متوازن بر تأديه حسابي دخي طومتازلر ؛ بناءً  
فصللره مطابقت وحوالاتي عدم تجاوز قونترولي يابه مازلر ؛ خلاصه  
محاسبه جي مال مديرينه حوالاتي دائره سنده بعض كره تأديات امري و برر ؛  
او دخي بو امر موجبنجيه تأديه ايدر ؛ صكره سسندلريني كويا پاره  
كوندرييورمش كي محاسبه جيسنه كوندرو . و مركزه ارسالات ديه  
قيدايدر محاسبه جي ده تدقيقاتي بعدالاجرا مأخوذات ديه يازدقندن صكره  
حوالات دفترينك تأدياتي ستوننه بونلري طبق كنديني قاصه سندن تأديه  
ايتش كي يازار . [\*]

مصارفك صورت تأديهي — تسهيل مطالعه ايچون مركز تأدياتي  
نظر دفته آلهلم : حوالات و امر معامله سسنگ صورت اجراسي بحثنده  
كورلديكي اوزره مركز حوالاتي بالنهايه وزنۀ عمومي مديريتته كوندريلرك  
اوراده قيد اولمقده ايدى .

بوندن صكره هر هانكي بر مصرف تحقق و امر اعطايه اقتران ايدر ،  
و نهايت بو امر اعطالر وزنۀ عمومي به كوندريلرك ايش تأديه معامله سسنة

(\*) دارالفنون ، مكتب سلطاني ، طيه ، مسكوكات اداره سي و الخ كي  
مؤسسائك وارداتى جبايت و مصارفي تأديه وظيفه سيله مكلف اولان محاسبلرده  
ماليه نظارتي طرفندن تعيين اولنوب نوا محاسبلرته مقيسدر .

كلير . داینلرك یدینه ده امر اعطانك خلاصه‌سندن عبارت‌سندلر [صورت]  
ویریلور . مع مافیة صوك زمانده صورت یرینه اصحاب استحقاق یدینه  
مطبوع مكتوبلر ویرلمكده و بونلرده ده داینلرك تطبیق مهر و امضالری  
موجود اولمقده در . معاشات ایچون بویله بر مكتوب ویا صورت ویرلمز ؛  
هر نظارتك معتمدلری واردر ، اولنل مراجعتله نظارته عائد معاشانی  
امر اعطالره مربوط بوریدرولر ایله آلیر و صكره توزیع ایدرلر .

محاسبلر امر اعطالری تدقیق و تفتیش ایتمكده موظف اولدقلری جهتله  
امر اعطا كلنججه وزنه مدیری تدقیقات اجرا ایتدیرر . محاسبلرك وظیفه  
تفتیشیه‌سی اصول محاسبه‌عمومیه قانوننك ( ۲۹ ، ۳۳ ) نجی ماده لرنده‌کی  
(\*) صراحتله نظرأ درت نقطه‌یه تعلق ایدر :

اولا : محاسب امر اعطانك قانونده كوسه‌تریلان طرزله موافق  
بولوب بولمادیغنه یعنی دیوان محاسبانك ویزه‌سنه عرض اولوب  
اولمادیغنه معاملات نقدیه مدیریتك ویزه‌سی موجود اولوب اولمادیغنه  
باقار اكر بوشرطلردن بری موجود دكل ایسه امر اعطایی رد ایدر .  
معامله اكمال اولمادیغجه پاره‌تأدیه اولنه‌ماز .

ثانیاً : محاسب مسئول ، امر اعطا و تفرع‌اننده بر خطای مادی بولوب بولمادیغنه

(\*) ماده : ۲۹ [ دیوان محاسبانك ویزه‌سنی حاوی اولمادیغجه هیئج بر اعطا  
امری مقرون تأدیه اولمه‌یجی کبی دیوانك ویزه‌سنی وخرینه معاملات نقدیه  
مدیریتك قید و اشارتی حاوی اولمیان حواله نامه‌لری دخی معیر اولماز . ]  
ماده : ۳۳ [ وزنه‌یه حواله اولنان بر امر اعطانك خطای مادی‌یی شامل  
اولدیغنی ویا كندیسنه تبلیغ اولنان حواله نامه‌لره كوره تخصیصانك عدم كفایه‌سنی  
ویا خود معطوف اولدیغنی فصول ویا مواد اعتباریله بر سهو موجود بولوندیغنی  
كورن بر محاسب امر تأدیه‌یی تأخیر ایدر . مصرف معطوف اولدیغنی فصوله  
مطابقتی کیفیتنده دیوان اصرار ایدرسه و بوندن طولانی تأخیر اولونان تأدیات  
حقنده دیوانك قرارینه توفیق معامله ایدر . ]



دقت ایدر. مثلاً بر امر اعطا خزینه معاملات نقدیه مدیریتك امضاسنی و دیوانك تصدیقی حائز اولدینی حالده مصرفك تحقیقاتنده بر یا كلشلق واقع اوله بیلیر؛ امر اعطاد دیوان محاسبانه و بالاخره وزنہ عمومی به کوندر بیلیرکن دائماً اوراق تحقیقیه بوکا مربوط بولندیقندن محاسب بر خطای مادی موجود اولوب اولمادیغنی یکی باشند تدقیق ایدر و بو بولارك نقصان اولوب اولمادیغنه باقار؛ اگر خطا موجود ایسه قطعاً اعاده ایدر.

ثالثاً: محاسب بر ماده دن واقع اوله حق تأدیاتك مقدم اید اولنان حواله یکوئی تجاوز ایدوب ایتمه چکنی تدقیق ایلر؛ تجاوز ایدیورسه رد ایدر ك یکی بر حواله کلینجه تأدیه ایتمز.

رابعاً: محاسب مصرفك معطوف اولدینی فصول و یا مواد اعتبار یله قصداً و یا خطاءً یا پاش بر یا كلشلق موجود اولوب اولمادیغنه یعنی مثلاً قرطاسیه ماده سنه عائد بر مصرفك تخصیصاتك عدم موجودیتی حسابه بالا التزام و یا خود یا كلشلقه مفروشات فصلندن اوده نمسی کی بر خطانك بولوب بولمادیغنه دقت ایدر و اگر وارسه امر ایب تأخیر ایلر. فقط بو حالده ناظر عائدی مطلق او تأدیه نی اجرا ایتمك ایسه ترسه کیفیت دیوانه عرض ایتمكه مجبوردر؛ اگر دیوان محاسبات مصرفك لزوم تأدیه سنه قرار ویرسه محاسب تأدیه نی اجرا ایدر، فقط مسئولیتندن قور تولمش اولور.

وزنه عمومی بر تفتیشاتی اكمال ایتد کدن صکره دایندن اصولی دائرة سنده بر مقبوض سندی آلیر. بو کیفیت بعضاً امر اعطاسندی نه پول الصاقی و اوزرینه امضا ایدلك صورت یله باییلور بو معاملاتك ایفا سندن صکره اشبو اعطا امرینه

وزنه عمومی مدیری طرفندن « تأدیه سی لازم کلور » ( فرانسه جه سی vu bon à Payer ) عبار سنک وضعی ایله امضا اولنور و داین وزنه به مراجه تله پاره سنی اخذ ایدر . [ مالیه ناظری طرفندن منصوب و یاد و غریدن دوغری یه تحت امرنده بولونان برحاسب طرفندن کوریلوب ( تأدیه سی لازم کلور ) عباره سی وضع ایدلمدکجه هیچ بره صرف تأدیه اولنه ماز.. ]  
ماده ۳۲

طشره محاسب برینکده وظیفه می بوندن فرقسزدر . یالکیز اولجه سویلدیکمز وجهله اولنر عینی زمانده آمر اعطا اولدقلری جه تله کندی کندیلرینی تفتیش ایتیش اولورلر . بالجه محاسبلر یا کلش تأدیه لرندن مالاً مسئولدرلر .

خلاصه بر ایکی استنادن صرف نظر بالجه تأدیات بو صورته ایفا اولنمقدردر . استنالر شونلردر :

اولا : هر نظارتده آمر اعطا طرفندن تعیین اولنسان معمدله معاملات لازمه سی ، یعنی تحقق ، امر اعطا معاملاتنی و دیوانک ویزه سی ، بعده ایفا ایتدیرلک و مصارف متفرقه و مستعجله به صرف اولنلق اوزره ۲۰۰۰۰ غروشه قدر آوانس ویریله بیلیر بر معمده ویریله جک اوانسک بوندن فضله اوله بیلیمسی مجلس وکلا قرارینه وابسته در [۱]

[۱] ( ... ) شوقدرکه خزینه و شعباتجه دوغروندن دوغریه اصحاب استحقاقه تسویه سی ممکن اولمیان متفرق ویا مستعجل مصارفک تأدیه سی ایچون بعدالصرف اوراق مثبته سنه استناداً تنظیم و دیواندن ویزه اولنه جق اعطا اصلری مدت معینه ظرفنده محاسب مسئله تودیع ایدلک شرطیه بر مقدار معینه قدر اینجاب ایدن مبالغ آمر اعطا طرفندن تعیین اولنه جق معمدله اوانس اوله رق اعطا اولنه بیلور و دائرة عانده سی تخصیصات محوله سی یکونندن آوانس مقداری

ثانیاً : بعضی امور مهمه و مستعجله نك تسهیل اجراسی ایچون، اشبو امورك تمشیتیه مكلف اولان مأمورین مخصوصیه یكونی یوز بیک غروشی تجاوز ایتمه مك شرطیه بر مقدار اوانس اعطا اولنه بیلیر، مع مافیه احوال استثنائیة الجا آتیله و مالیه ناظری طرفندن ممضی برقرار نامه صادر اولمق شرطیه اشبو آوانسك تزییدی جائزدر . [۱]

تخصیصات موقوف طوتولور . هر نظارت و دائرة معتمدینه ویرله جك آوانس مقدرینك حد الغایه سی یكرمی بیک غروشه قدر مالیه ناظری طرفندن و بوندن فضله سی مجلس و كلا قراریه تعیین و ایجاب حاله كوره عینی صورته تزیید و یا تنقیص اولنور . معتمدلك محاسب مسئوله حساب و اوراق مثبتیه سنی نه قدر مدنده ویزه جكاری نظام ایله تعیین اولنه جقدر . هر حالده سنه غایه سننده آوانسلردن غیر از صرف معتمدلر بدنده قالان مبالغ در حال محاسب مسئوله اعاده اولنه جقدر . مدت معینه سی ظرفنده حساب و اوراق مثبتیه سنی و یروب محاسب مسئولدن ابرانامه آله میان وسنه نهایتنده موجودینی دور و تسلیم ایتمه ن معتمدلر ذممدار عد ایدیلر ك عزل اولنه جقدر و حسابلرینی تسویه ایتمدجكه تكرار خدمت دولتمده استخدام اولنه میه جقدردر . . [ محاسبات عمومیة قانونی ماده : ۳۲ ]

[ ۱ ] بعضی امور مهمه و مستعجله نك تسهیل اجراسی ایچون اشبو امورك تمشیتیه مكلف مأمورین مخصوصیه یكونی یوز بیک غروشی تجاوز ایتمه مك وایکی آی ظرفنده اوراق مثبتیه سنی محاسب مسئولنه ابراز ایلك شرطیه تخصیصات معینه سنه محسوباً علی الحساب اقچه اولنه بیلیر . بو صورته ویرله جك آوانس مقدارنده تخصیصات مصرفك تعلق ایتمدیکی فصل و ماده یكوندن موقوف طوتولور . اشبو مأمورینه بر كره علی الحساب اقچه ویرلدكن صوكره ایكنجی دفعه علی الحساب اقچه ویرلمسی اولکی اقچه دن هنوز حسابی ویرله مش قسم ایله یکی ویرله جك علی الحساب مجموعتك یوز بیک غروشی تجاوز ایتمه سنه متوقفدر . مع مافیه احوال استثنائیة الجا آتیله و مالیه ناظری طرفندن ممضی ایری برقرار نامه صادر اولمق شرطیه مذکور علی الحساب اقچه نك حد اعظمیسی یوز بیک غروشدن فضله اولارق تعیین ایدیه بیلور . اوتوز ایكنجی ماده ده ك معتمدلر حقسنده كی احكام اشبو مأمورین حقنده ده عیناً جاری اولاجقدر . [ محاسبیه عمومیة قانونی ماده : ۳۴ ]

ثالثاً : مجلس اعیان و مبعوثانك معاش و مصارفاتی مجالس مذكوره هیئت اداره سندن تحقیق آرائیلمقسزین تخصیصات دائره سنده تأدیة اوله بیلیر ؛ معافیة دوره حسابیه صوکنده هیئت اداره لر، صرفیاتك حساب قطعیه سی تنظیم و مجلسك هیئت عمومیه سنه تصدیق ایتدیردکن صکره حساب قطعیه به علاوه ایدلك اوزره مالیه نظارتنه کوندرمکه مجبوردرلر. [۸]

فرانسه ده مرکزده تادیات بزده کی وزنه عمومی مدیریتنه مقابل اولان و caissier Payeur central دینلان محاسب مسئول طرفدن بابیلمقدمه در طشره لرده دخی Tresoriers Payeurs généraux لر، واردات محاسبی اولقله برابر ، عینی زمانده تادیات محاسبکی وظیفه سی ایضا ایدرلر . فقط اونو تماملیدرکه بومأمورلر بزده کی دفتردارلر کی آمر اعطا وظیفه سی ده حائر دکادرلر . اوراده آمر اعطالر هر نظارتك اک بوبوک مأموریدر . فرانسه ده Receveurs Particuliers des Finances لر مصارف محاسبی صفتیه طبق بزده کی مال مدیرلری کیدرلر .

محاسب، بزده اولدینی وجه اوزره کان امر اعطالرك خطای مادیدن سالم اولوب اولمدینی و تادیاتك تخصیصات ویا حوالات مقدارینی تجاوز ایدوب ایتدیکنی تدقیق ایدر واکر ساخته ویا یا کاش بر امر اعطالره mandat fetif کوررسه رد ایدر . فقط بوکا قارشى آمر اعطالره

[ ۸ ] ... اعیان و مبعوثان مجلسلرینك معاش و مصارفی خزینهدن مذکور مجلسلر اداره هیئتلرینه تحقیق آرائیلمقسزین تخصیصات اعتباریه تأدیة اوله بیلیر ایسه ده دوره حسابیه سی نهایتده اداره هیأتی صرفیاتك خزینه جه متخذ نمونه به توفیقاً حساب قطعیه سی تنظیم و مجلسك هیئت عمومیه سنه تصدیق ایتدیروب عمومی حساب قطعیه به علاوه ایدلك اوزره خزینه به ارسال ایلیمه جکدر ] محاسبه عمومیه قانونی ماده ۳۲

ویرمیش یک غریب برحق واردر. آمر اعطا او امر اعطائک هر حالده تأدیه اولنمی  
 خصوصنده اصرار ایدرسه مسئولیتی اوزرینه آلمش دیمکدر؛ اوزمان محاسب  
 تأدیه به مجبور اولور؛ آمر اعطائک بو حقنه droit de réquisition  
 دیرلر. یالکیز زیرده کی اوچ حالده محاسب اصرار واقع اولسه بیهله انجق  
 مالیه ناظرینک قرارینی آلدقدن صکره تأدیه ایده بیلور.

( ۱ ) حواله نك نقصانی

( ۲ ) خدمتک ایفاسی اثبات ایدیه مه مک

( ۳ ) ویریلاں مقبوضک شایان احتیاج اولماق

ایشته بواوچ سبیدن برینک وجودی حالده آمر اعطا حق اصرارندن  
 در حال استفاده ایده مز؛ بلکه محاسب ایشی مالیه ناظرینه بیلدیرر؛ اوده آمر  
 اعطا ایله بعد المذاکره اگر ایجاب ایدرسه محاسبه تأدیه امرینی ویرر.  
 مسئولیتی یک مبهم وغیر واضح آمر اعطالره بویه برحق ویرمک یک  
 تهلیکه لیدر؛ برکت ویرسون که فرانسه ده امر اعطالر فعلاً بو حق سوء استعمال  
 ایتمه مکده درلر.

انگلتره — انگلتره ده تادیات غریب، فقط غریب اولدینی قدر مکمل  
 بر اصول دائره سنده ایضا ایدیلور. بوراده بوتون تأدیاتی یابان  
 Paymester général نامنده کی مصرف ناظریدر. امر اعطایی ویرن  
 آمر اعطا صاحب مطلوبه پاره سنی داینک طلبنه کوره، انگلتره بانک هانکی  
 شعبه سندن آله بیهله جکنی بیلدیرر و عینی زمانده به مه ستورژه نه رالده ده  
 اخبار کیفیت ایدر و بوم باغ بانک ده مالیه ناظری نامه مصرف و مصرف  
 ناظری نامه ذمت قید اولنور. داین کلوب پاره یی آلدینی زمان مصرف  
 ناظری حسابنک مطلوب قسمنه یازیلهرق قارشو اشدیریلیر.

ایشته بو صـورتله لوندزده مقیم بر مصرف ناظری مملکتک هر طرفنده کی بانقه شعبه لری واسطه سیله انکلتزده نک بالمله تادیاتی اجرا ایدیور ؛ بوزه بک غریب کورونیور . فقط انکلیزلرک بانقه لرله اولان مناسبتلرینک نقدر واسع اولدینی دوشونیلورسه مسئله قولایقله حل ولنور ؛ هر انکلیزک مطلقا بر بانقه ایله مناسبتی واردر . صاحب مطلوب آله جفندن خبردار اولدیمی کندیسنه کان کاغدی بانقه سنه ویزر ؛ بانقه سی بده هان انکلتزده بانقه سنه مراجعت ایدرک بوباره نی آلیر ؛ انکلتزده بانقه سی شعبه سنه اوراق کلیمی تدقیق اولنور و په ماستور ژنه رال حسابته مصرف اوله رق قید اولنور و بومعامله ، انکلتزده بانقه سیله دیگر بانقه لر آره سنده کی حساب جاریلر ایله جریان ایتدیکی ایچون غایت سهیل و سریع اولور .

بعض کویلرده کی کوچک داینلر ایچون دخی مساعده مخصوصه لر ایله اک یقن تحصیلدارلر ویا سائر مؤسسات طرفندن استثناء تادیات اجرا اولنور .

## بودجه حسابنك قباديلسى

بودجهنك اجراسنه داتر معاملاتك هيئت عموميه سنى كوردكدن  
صكره خاطره برصوك سـؤال وارد اولور . بر سنه بودجه سـنه عاند  
وارداتك جبايى ومصارفك تاديه سى هانكى تاريخه قدر دوام ايده جك  
حساب هانكى تاريخده كسيله جكدرك ؟

يوقاريده زه ستيون واكزرسييس ديه آچديغمز بحثده بعض  
حكومتلرده بودجه حسابى سنه ماليه مدتيجه دوام ايتديريلوب سنه ماليه نك  
صوك كوني gestion كده قبانديغنى ( انكلتره ، ايتاليا ) ودېكر  
بعضيلرنده سنه ماليه نك ختامندن اعتباراً مدت متممه اطلاق اولان  
ير قاج آي ظرفنده ده حساب آچيق براقيلوب بعده اكزرسييسك  
قبانديغنى كورمشديكز . بومدت متممه periode complementaire  
هرمملكته كوره دكيشير . بعض يرده اولدقجه اوزون ديكر بعضيلرنده  
ايسه قيصه در . بو نقطه حقنده ده زياده اصرار ايتيهرك ديه حكزكه  
اشبو مدتك ممكن اولدينى قدر قيصه اولمى [ حساب قطي قانونلرينك  
ساعت تنظيمى انتاج ايتك واكزه سـسييس بحثده كورديكمز سـاثر  
محدورلره بدرجهيه قدر مانع اولمق حسييله ] موافق ومستلزمدر .  
شمعدى موضوعانه كچهرك اولابزه مثال تشكيل ايتش اولان  
فرانسه يي كوردلم .

فرانسه ده اکرزسیس ۱۸۴۲ ده موسیو دو ویلله طرفندن  
ایدلمشدی . بوتاریخده دورء متممه سنه مالیه نک ختامندن اعتباراً ده  
دوقوز آی دوام ایدیوردی . فقط بالاخره بومدت یاواش یاواش تنقیص  
اولندی . البوم شوخالده در :

۱ انشا آنک ختامی : ۳۱ کانون ثانی

۲ امر اعطا : ۳۱ مارت

۳ تأدیہ : ۳۰ نیسان

۴ جبایت : ۳۰ نیسان

۵ تخصیصات متممه : ۳۰ خزیران

۶ تصحیح حساب : ۳۱ تموز

ایضاح ایدلم : اولاً بودجه سنه اثناسنده اجرا و اتمام اولمق  
اساسدر ؛ فقط بعض معاملات وارد کرک سنه سوکنده بیتربله من ؛ مثلاً  
تشرین ثانیده بعض انشا آته باشالانش انشا آت کانون ثانیکن یعنی  
یکی سنه مالیه نک حلولده هنوز اتمام ایدلمه مش اولور ، لکن بر آیه قدر  
اکمال ایدلمی ممکن بولور ؛ ایشته بو حالده بو کی معاملات ایچون  
آرتق بقیه انشا آتی اسکی سنه بودجه سندن چیقاروب یکی سنه بودجه سنه  
قومق کافتلیدر . بناءً علیه اسکی سنه ده باشالایوب هنوز ختامه ایرمیان  
انشا آنک ۳۱ کانون ثانیبه ( یعنی سنه سابقه دن ده بر آی صکره به )  
قدرینه اسکی سنه بودجه سنه عائد اولمق اوزره دوامنه مساع ویرلمشدر . مع مافیه  
۱ کانون ثانیدن اعتباراً ، ولواسکی سنه بودجه سنه تخصیصات قالمش اولسه  
بیله ، مصارفی اسکی سنه به عائد اولمق اوزره یکی انشا آته باشالایله من .  
کذا ۳۱ کانون ثانیدن صکره به قدر دخی دوام ایدن انشا آنک بوتاریخدن  
صکره سی ایچون اولاً مصارفی یکی سنه بودجه سندن تأدیہ اولور .



ثانیاً : امر اعطا معامله سی ۳۱ مارتہ قدر دوام ایدر . یعنی بودجه نك بعض اقسامی اوسنه ایچنده ، و انشا آتہ متعلق اولدینی تقدیرده سنه نك ختامندن بر آی صکریه قدر ، ختامه ایرمش فقط لسبب امر اعطا اصدار ایدیلہ ممشیسه ۳۱ مارتہ قدراسکی سنه تخصیصاتندن امر اعطا اصدار اولہ بیلور .

ثالثاً : بعض معاملات واردرکه ایفا ایدیلہ رک امر اعطالریده ویرلمش ، فقط هنوز تأدیہ اولنماشدرد . ایشته بوده سنه سابقه دن اعتباراً درت آیه [ یعنی ۳۰ نیسانه ] قدراسکی سنه بودجه سنه عائد اولمق اوزره تأدیہ ایدیلور .

رابعاً : کذا اسکی سنه یه عائد اولان بعض واردات سنه سی ایچنده تحقق وجبات استدیریله ممشیسه ایرته سی سنه نك نیسانه قدر اسکی سنه بودجه سنه عائد اولمق اوزره تحقق وجبات استدیریلور .

خامساً : بیلورسکیزکه تخصیصات متممه بودجه حدودینی تجاوزله یاپیلان بعض مصارفانه بر نك مشروعیت ویرمک ایچون اعطا اولنور . (۳۰) نیسانده تأدیات معامله سی ختام بولنجه تدقیقات نتیجه سنده بعض فصلالرده تخصیصاتنك تجاوز ایدلمش اولدینی آ کلاشیلیرسه ۳۱ حزیرانه قدرده ایجاب ایدن تخصیصات متممه آلہ رق خطا تصحیح ایدیلیر .

تصحیح حسابہ کلنجه : بودجه قیاندقن صکره یاییله حق حساب قطعی قانونی برهئت حاکمه حضورینه چیقه جقندن بوراده خطا موجود اولوب اولمدیغی هیئت اجراییه تدقیق ایتلیدر ؛ ایشته ۳۱ تموزه قدرده اشبو خطالر تصحیح اولنور ، ایجاب ایدن محسوبات ، ضامم و یاتنزیلات اجرا ایدیلیر و بوتاریخده بودجه حسابی قطعاً قاپانیر .

## حسابی قبادلمش سنه لره عائد دیون

بودجه قبادقدن صکره دولتک سنه سی ایچنده جبات اولنه میان وارداتی وینه مدت قانونیه سی ظرفنده تأدیه اولنماش بولنان مصارفی حقنده نه معامله یاییله جنی وارد خاطر اولور :

اسکی حساب قبادیلدینی جهتله بونلر بالطبع یکی سنه بودجه سنه داخل اوله جقدر. واردات ایچون مشکلات یوقدر. ۳۰ نیشان مرور ایتدیکی حالده هنوز تحصیل اولنماش وارداتک جباتنه دوام اولنهرق حاصلات یکی سنه یه ایراد قید اولنور. فقط اسکی سنه نامه تأدیه ایدلمسی لازم کلن دیون نه اوله جق ؟ بیایر سکزی که هیج بر مصرف تخصیصاتسز اوده نه مز ؛ او حالده اسکی سنه بودجه سی قایانجه اسکی سنه بورجه لرینی اوده مک ایچون یکی سنه بودجه سنه تخصیصات علاوه اولنقی اقتضا ایده جقدر . مثلاً حربیه بودجه سنه ( ۲۵ ) نجی فصلده طوب تخصیصاتی وار. طوب صاتون لشمش فقط ۳۰ نیشان مرور ایتدیکی حالده هنوز تأدیه اولنماش... بوتأدیانک یکی سنه ده اجرا ایدیله بیلمسی ایچون یکی سنه بودجه سنه بر تخصیصات علاوه سی ضرور یدر. اول امرده، اسکی سنه بودجه سی ۲۵ نجی فصلنده اوده نه مش قسملری ابطال ایدوب یکی سنه بودجه سنک متناظر فصلنه او مقدار تخصیصات علاوه ایتک کیفیتی خاطره کلر ؛ فقط چوق دفعه یکی سنه یه نه قدر دیون دور ایتدی کمز یکی بودجه بایلو ککن ییلمز ؛ بوندن ماعدا بو حال سوء استعمالی ده مؤیدر. اسکی سنه بودجه سنک بقایاسی یکی سنه بودجه سنک متناظر فصلندن اوده نیرسه اسکی سنه لره ظرفنده واقع اولان تجاوز لر دخی کزلیجه بویکی سنه فصلندن اوده نه بیلور. اونک ایچون متناظر فصللره نقل ممکن و دوغری دکدر . بوسیله فرانسلر شواصولی تعقیب ایتکده درلر .

هرسنة هر نظارت بودجه سنك صوكنه «dépenses des exercices clos سنين سابقه ديونى» ديه بر فصل علاوه اولنور . بونك ياننده كى رقم خانه سنه هيچ بر شى قومنش اولمبوب (Pour mémoire) كله سى يازيلشدر . اسكى سنه ده اجرا اولنوب وقت وزمانده تحقق ويا امر اعطايه اقتران ايده مەين ، يا خود تأديه اولنميان ديون يكي سنه ده بو فصل نامنه تحقق و تأديه ايتديريلور ، يالكيز امر اعطا و تأديه معاملاتك حين اجرا سنه ده اسكى سنه بودجه سنه ده ، عائد اولدني فصلده ، تخصيصات قالب قالماش اولديغه باقيلير ؛ انجقيقه تخصيصات قالمشسه انجقيق اشبو تخصيصات راده سنه ده تحقق ايتديريلوب فصله سى رد اولنور . و ايشته بوسايه ده اسكى سنه ك تجاوز لر ينك كيزليجه يكي سنه ده دور ايده مە سى مراقبه ايدلمش اولور .

عرض ايتديكمز وجهله ديون سابقه فصللرينك يگونى بودجه ده تعيين ايده مشدر . بويكون بالاخره حساب قطعى قانونلريله تعيين ايده جك و تصديق اولنه جقدر ، خلاصه اسكى سنه لرك باجله بورجلرى ديون عتقه فصلندن تأديه اولنور . يالكيز اسكى سنه بودجه سنك عائد اولدني فصلده تخصيصات قالمش اولمى شرطدر .

مرور زمان : فقط بتون اسكى سنه لرك بورجلرى بويله جه ديون سابقه فصللندن تأديه اولنه جقميدر ؟ خير... هر يرده دولت ديونى ايچون خصوصى بر مرور زمان مدتى قبول اولونمشدر . فرانسه ده بومدت بش سنه در ؛ بش سنه ظرفنده مراجعت ايتيان اصحاب ديونك مطلوبى دولت لهنه اوله رق مرور زمانه او غرار و طبيعى تأديه اولونماز . شونى ده سويليه لم كه دولتك آله جتلىرى بو خصوصى مرور زمانه تابع اولبوب قواعد عموميه به تابعدر .

بالکز ۱۱ کر عدم تأدیه اود اثره نڤ قصور بیه اولدینی ثابت اولورسه  
 ۲ مرور زمان مدتی منقضی اولدینی حالده بیه الآن کیفیت شورای  
 دولته مذاکره ایدلمکده ایسه ۳ داین آورو پاخار چنده بریده بولمسنه  
 بنه وقت و زمانیه مطالبه ده بولنه مامشسه (بوصوک حالده یالکز مرور زمان  
 مدتی برسنه تمید اولور) بش سنه نڤ مرور بیه دخی اودین ساقط اولماز .  
 او حالده مرور زمانه مدیه کچدیکی اسباب آنه حسیده ساقط اولمان  
 بو بورجلر نه دن اوده نه کچدر؟ (dépenses des exoerices clos)  
 دن اوده نه من؛ چونکه بر سنه نڤ حسابی بش سنه ختامیه آراقی مخزن اوراقه  
 کتیمش حفظ اولونمشدر .

ایشته بو تأدیات ایچونده دیون عمومیه بودجه سنده  
 des exercices périmés non frappés de déchéance  
 ( مرور زمان مدتی کچدیکی حالده دیونی ساقط اولمان اکره رسیسلر  
 دیونی مصارفی ) نامنده بوراده ده رقم خانه سننده هیچ ریکون اولوب  
 pour mémoire یازیلیدر . ایشته مرور زمان مدتی کچدیکی حالده  
 ساقط اولمان دیون بورادن تأدیه اولور . فقط هر هانکی دفعه بویه بر  
 بورج تأدیه اولنق اقتضا ایدر سه محقق اولجه تخصیصات فوق العاده آلنیر .

\*

حکومت عثمانیه ده بودجه حسابنڤ قیادلسی :

بزده مشروطیتدن اول نه بودجه نه اکره رسیس دینیلان اصول حسابیه  
 موجوددی ؛ یعنی دوره حسابیه لر قطعاً یکدی کیرندن تفریق ایدلمه مشدی .  
 برسنیه عائد حقوق ده براقچ سنه لر ائناسنده تمادی ایدوب کیدردی .  
 موسیو لوران دیورکه : « ترکیه ده مشروطیتدن اول دوره حسابیه لرک

تفریق اصولی جاری دکلدی . ویریلان برحواله تا بیتتجهیه قدر غیر معین و متعدد بر چوق سنه لر ظرفنده قابل صرف ایدی «موسیولور انک معاوندیه یاییلان ایلاک محاسبه عمومیه قانونی اکی سنه بورجلرینک تخصیصات منضمه ایله اوده نه بیلیمسی قبول ایدیوردی . بالاخره معدل اصول محاسبه قانوننده اسکی اعتباریه فرانسه اصولی تبرل اولندی :

[ سنه سی ظرفنده ایفا ایدیلان امور وخدمات وا کتساب اولنان حقوقدن دولایي اصحاب استحقاقه دین اولان مبالغک تحقق وامر اعطا وتادیه معاملاتی ووارداتک تحصیلاتی نیسان نهایتیه قدر اودوره حسابیه به عائد اولمق اوزره دوام ایدر . آنجق نیسان نهایتیه قدر وقوع اولان تأدیاتدن تاریخ مذکوره دکین بودجه دن محسوبی اجرا ایدیله مامش اولنلرک محسوبنه متعلق وبوکا مقتضی معاملات آغستوس غایه سنه قدر اجرا ایدیله بیلور . ] ( ماده : ۳ )

بوماده دن آکلاشدینی اوزره . مصارفک تأدییه ایدلمسی ایچون اشبو . مصارفک محقق صورتده . . . . . رفته ایفا واکمال ایدلمسی اقتضا ایدر . بوصورتله ایفا ایدیان معاملاتک تحقق وامر اعطاسی وکذلک تأدییه سی اوسنه به عائد اولمق اوزره ایرتسی سنه نك نیسان نه یعنی سنه سابقه دن ایکی آی صوکره به قدر دوام ایدر . وارداتک جیبائی ده کذلک بویه در . یالکیز برطاقم خطیئاتک تصحیحی وبعضی محسوباتک اجرایی اقتضا ایدیورسه بونک ایچون ده دوره حسابیه آغستوس غایه سنه دکین تمید اولنور وایلولک برنجی کونی حساب صورت قطعییه ده قبادیلور .

فقط حسابانک قباله سندن صوکره دخی بقیاده قالان وارداتک جیبائی ، اوده نیلیمین مصارفک تأدییه سی لازمدر : وارداتک جیبائی

حقنډه كي معامله قولايډر: جبايت ايډيلور يكي سنه بودجه سنه قيد اولنور؛ فقط تاديانك اجراسي بر آز كسب مغلقيت ايډر؛ اسكي سنه لرديونك تادييه سي اصول محاسبه عموميه قانون موقتك (۵ ، ۳۵ ، ۳۶ ، ۳۷) نجبي ماده لري احكامنه توفيقاً بوجه آني اجرا ايډيلير: [۰]  
اولا دينك امراء عطايه اقتران ايتمش فقط تادييه اولونماش بولنديغني فرض ايده لم:

[۰] ماده: ۵ [دوائر مختلفه مصرف بودجه لرينه (سنين سابقه ديوني) ناميله بر فصل آجيلوب بوفصله رقم وضع ايډليه جكدر. بودجه نك تعلق اينديكي سنه ني تعقيب ايدن سنه نك نيساني نهايته قدر اعطا اسرينه اقتران ايتمه مش اولان ديون خدمت ك وقوع بولديغي سنه بودجه سنه نك صرف اولونميان تخصيصاتي مقداري تجاوز ايتامك شرطيله بش سنه ظرفنده تادييه اولنوب، تادييه اولونديغي سنه نك بودجه سنه مذكور (سنين سابقه ديوني) فصلنه مصرف قيد اولنه جقدر. ]  
ماده: ۳۵ [ برسنه ماليه متعلق اولوب سنه آتیه نيسانك غايه سنه قدر امر اعطايه اقتران ايډوب ده مدت مذكوره نهايته قدر اصحاب مطلوبه تادييه اولنه ميان مصارف مخصوصاً آجيله جق بر امانت حسابنه نقل ايډيلور و اصحاب حقوق ك سراجمتي اوزرينه ماده آتیه ده معين وعده نك انقضاسنه قدر هر نه وقت سراجمت ايډر لسه مطلوبلري مجبوري التادييه در. ]

ماده: ۳۶ [ متعلق اولدق لري بودجه نك كشادي سنه سني تعقيب ايدن سنه نك مارتى ابتدا سندن اعتباراً بلامعذرت بش سنه ظرفنده اصحاب مطلوب طرفندن با استدا نامه طلب اولونميان كافه ديون مرور زمانه اوغرار و دوات منقعه ت اوله رق صورت قطعيه ده حكمن ساقط اولور. آنجق قوپونلرك و قرعه اصابت ايدن سندنك تادييه سنه مرور زمان مدتي هر بر استقراضك عقدينه ماذونيتي حاوي قوانين و مقاولاته تابعدر. ]

ماده: ۳۷ [ ۳۵ نجبي ماده موجبنه امانت حسابنه نقل ايدلش اولان ديونن ماده سابقه وجهه مرور زمانه اوغرايانلر حاصلات متفرقيه ايراد قيد اولنور. ]

نیسان نهایتنه قدر امر اعطایه اقتران ایدوبده تأدیه اولنه میان دیون « امانت حسابی » اسمیله مخصوصاً آچیله جق بر حسابیه ایراد قید اولنور . وتادیات حسابنده بویاره لر تأدیه اولنمش صورتنده کوستریلیر ؛ وبش سنهیه قدر مراجعت ایدن اصحاب مطلوبك استحقاقی اشبو حساب خصوصیدن تأدیه اولنوب بش سنه دن صکره امانت حسابنده قالان بقایا حاصلات متفرقیه ایراد قید ایدیلور .

ثانیاً دینك امر اعطایه دخی اقتران ایتمدیكنی فرض ایدلم:

مصارف نیسان صوكنه قدر امر اعطایه اقتران ایدمه مش ایسه واحالده شواصول تطبیق اولنور : هر نظارتك مصرف بودجه سی نهایتنه (سین سنه سابقه دیونی ) نامیله بر فصل موجوددر . فقط بوفصلك رقم خانه سنهده هیچ بر تخصیصات موجود دكلدر . اسکی بش سنه دن واجب التادیه بر دین كلدیمی اولای عاوند اولدینی سنه بودجه سنهده فصل عائدینه مراجعت اولنور ق اوفصلده تخصیصات قالب اولدینی تحقیق ایدیلور ؛ اسکی سنه فصلنده بقیه تخصیصات وارسه اوزمان ایچنده بولنیلان سنه بودجه سی وعائد اولدینی نظارت ، سین سنه سابقه فصلی نامه تحقیق وتادیه ایدیلور . بوجه معروض اشبو فصلده ارقام موجود اولیوب بورقم حساب قطعی قانونیه تعیین ایدم جكلدر . قانونك اوتوز آلتنجی ماده سنهده کی صراحته نظراً دولت علیه اولان مطلوبات بش سنه ظرفنده مرور زمانه اوغرار . مرور زمانك مبدای متعلق اولدینی بودجه نك سنه سی تعقیب ایدن سنه نك مارتیدر شونی ده سویله لم كه دولتك آله جقلری بش سنهده دكل قواعد عمومیه مزه توفیقاً مرور زمانه اوغرار

فقط مرور زمانه مانع اوچ حال موجوددر .

(۱) داینک مرور زمان مدتی ظرفده معذور اولسی  
(۲) بانستدا آله جغنی ایستدیکي حالده لسبب اداره طرفندن تأدیه  
اولوناماسی

(۳) مقاولانه مستند و بش سینه یی متجاوز دیگر مرور زمانلرک  
موجودتی. استقرضاتده فائض ورأس المال قوپونلرینک نه وقت مرور  
زمانه تابع و بناء علیه دولت لهنه حکمدن ساقط اوله جغنی ذکر ایدلدیکندن  
خصوصی مرور زمانلر موجوددر .

ایشته شو اسباب دولایسیله ، بش سینه مرور ایستدیکي حالده بیله  
ساقط اولیان دیون وارسه بولرده دیون عمومیه بودجه سنده « سنین  
عقیقه دیونی » نامیه رقسز اوله رق آچیلان بر فصلدن تأدیه اولنور .  
فقط هر نه وقت بوبله بر دین اوده نیرسه بهمه حال بر تخصیصات منضمه  
طلب اولنور .

کرچه ایوم بودجه لرده نه دیون سابقه نده دیون عقیقه فصلی  
کورلمه مکده در . بونک سبی اشو فصللری ۳۲۷ تاریخی محاسبه قانونی  
امر ایستدیکي جهته آنجق ۳۲۸ سنده قابل تطبیق اوله بیلمسیدر ؛  
حالبوک ۳۲۸ سنده یکی بودجه یاییوب ۳۲۷ بودجه سنده دوام  
اولوندیغی جهته بوفصللرک علاوه سی اونودلمشدر ؛ حقیقت حالده بوفصللر  
وارش کبی معامله اولنور .

انکلتړه — بوراده بیلورسکیز که gestion اصولی تطبیق ایدلمکده در .  
انکلتړه نده نیسان وکونده بودجه قیانی و بوتون حساباته نهایت ویریلور .  
یکی دیون ایسه کله جک سنه بودجه سنک متناظر فصللرندن اوده نیر .



انکلتړه ده نظاره کوسترېلان امنیت واونلرک استقامتی اسکی سنه تجاوزلرینی یکی سنه په دور ایتکه مانع اولدینی کبی حساباتک بویه بردن بره کسېلمه سنک داعی بولندینی محاذیره سدچکمک ایچون بعض تدایرده اتخاذا اولونمشدر : ژه سیتون واکزرسیس بختنده (صحیفه ۵۰) کوردیکی وجهه انکلتړه ده سنه نهایتنده بورودو تره زوروری وقونترولور اودیتو ژه نه رالک موافقتی ایله واجب الة اذیه بعض مصارف متحققه په مستور ژه نه رالک حسابنه ایراد قید ایدیلیر، ژه سیتون قباندینی حالده بیه لازم کلن تادیات بالاخره اشبو حسابدن تسویه ایدیلیر، هر سنه بصورتله مصرف ناظری حسابنه پکیریلن مبالغ تقریباً الی الی بش میلیون فرانق قدردر. بزده کی امانت حسابیه بواصولک بویوک برمشاهتی واردر .

ایتالیاده دخی ۳۰ حزران ده ژه سیتونه ختام ویریلور، یالکزر سنه صوکنده متحقق بولنان بعض وازدات و مصارفات تادیه اولندینی حالده بودجه په تادیه اولونمش کبی پکیریلرک عینی زمانده بومبالغ خصوصی برحسابه نقل اولنور، بالفعل تادیه معامله سی بالاخره اشبو حساب اوزرندن اجرا ایدیلیر اشبو حسابده *Compte des reliquats* بقیات حسانی نامی ویرلکده در .

## بودجه‌نك تفتيشى

۲۶

تفتيشك لزومى وانواعى — آمر اعطال و محاسب مسئولار

حقنده جارى قونتروللارك تفریق

### تفتيش ادارى

بودجه اجرا آتسك بر تفتيشه تابع طو تيلمسى او قدر بدیهى بر کیفیتدرکه  
بونى اثبات ایچون اوزون اوزادییه تشریحاته گیرلمکه احتیاج بیهل حس  
ایدلار. معاملات عادیه تجاریهده وحتی مسئله نقدیه موضوع بحث اولان  
هر یرده سوء استعمالاتی منع ایتمک ایچون قونترول بر شریطه اساسیه  
اولدینی کبی غایت قاریش-یق مشوش و معضل اولان امور مالیه دولتك  
حسن اجرا ایدلمسنى تأمین ایتمکده ، اولی بالطریق ، انجق تفتیش مالی  
قاعدسینه توسل ایتمکله ممکن اوله بیلیر ؛ بناءً علیه بودجه‌نك تفتیشی الك  
مهم و نازك مسائلدن برینی تشکیل ایدر. حتی بر مملکتده بودجه عضویتك  
درجه مکملیت و متانتی بالکیز قواعد تفتیشیه دن اکلامق ممکندر دینیه  
بیلیر ؛ چونکه قونترولك مکملیتی بودجه‌نك حدودلرینه رعایتی تأمین  
ایده‌جك الك مهم بر واسطه در .

بودجه‌نك تفتیشی اوچ صورتله اوله بیلیر .

۱ تفتیش ادارى Contrôle administratif

## ۲ دیوان محاسبات طرفدن اجرا ایدیلن تفتیش عدلی Contrôle Judiciaire [۱\*]

### ۳ تفتیش تشریعی Contrôle législatif

اداری تفتیش ایله دیوان محاسبات طرفدن اجرا اولنان تفتیشك هر بری امر اعطالار و محاسب مسئوللار عائد اولدیفنه کوره ایکیشر قسمه ایریله بیلیر؛ تشریعی تفتیشات ایسه بالخله قونتروللارک نتیجه سی اولوب دوغرو دون دوغرویه انجق مجلس ملی اوکنده مسئول اولان آمراعطالار حقنده تطبیق اولنور .

آمراعطالار ایله محاسب مسئوللارک تفتیشنده موجود اولان بوتفريق بوایکی صنف مأمورینک وظیفه لرینک باشقه باشقه اولمسندن نشأت ایدر؛ یعنی امر اعطا ایله محاسب مسئوللارک وظیفه اعتباریله اولان فرقری قونترول خصوصنده برتفریقی ایجاب ایله مکده در .

بوندن ماعدا امر اعطالار ایله محاسب مسئوللار آره سنده صورت اعطای حساب وجهت تأمینات و کفالت اعتباریله موجود اولان فرقلرده قونترولک تفریقی ایجاب ایله مکده در .

اولا: امر اعطالارک طوندقلمری حساب کندی حسابلری اولیوب بودجه دینیلن شخصیت معنویه نك حسابیدر. بناءً علیه بو حسابك آدینه

[۲\*] دیوان محاسبات محاسب مسئوللارک حساباتی حقنده بر حکم یعنی بر رأی قضائی و یردیکی جهته بو خصوصده کی تفتیشی تماماً بر تفتیش عدلی ایسه ، آمر ناظر حسابلرینک ایلریده کوریله جکی وجهله ، دیوان طرفدن تدقیق بر رأی قضائی انتاج ایله میه جکندن بو قسمه تفتیش عدلی دینه من . بونکله برابر هر مملکتده دیوان محاسباتك مقصد تأسسی واک اساسلی وظیفه سی محاسب حسابلرینک تفتیشی اولدینی جهته بودیوانك معامله تفتیشیه سنه تفتیش عدلی نامی ویرلشدور .

• بودجه حسابی ، دینوركه اكزرسيس اصوليله طوتیلور، و دورۀ حسابیهنك بتون معاملاتى بو حسابیه كچر؛ آسرا اعطانك سنه اورته سنده دكشمه سنك بو حسابیه هیچ بر تأثیرى اولیوب خلف و سلفك حسابی یكدیكرینه قاریشیر . خلاصه نظر حساباتنده هیچ بر شخصیت یوقدر . بوندن ماعدا اكزرسيس حسابنك ایضاحی صدندده ذكر اولندینی وجهله بو حساب ایسته نیلدیكى آنده قطع ایدیلوب قبادیله مز؛ طوپالانمى ایجاب بر چوق متفرق معاملات ، مثلاً اصـدار ایدلیكى حالدۀ صرف اولندینی جهتله تنقیص اولنمى ایجاب ایدن بر چوق حوالات . . امضا ایدلیكى حالدۀ تأدییه اولنه میوب كلهكك سنه یه دورى ویا امانت حسابنه نقلی لازم كان بر چوق اسرا اعطالر والـج ... واردركه بونلرك معاملات محسوبیه سنى اجرا ایتك ایچون بر مدت بلكه مك و بودجه حسابی معین زمانلرده قطع ایله مك ایجاب ایدر .

حالبوكه محاسب حسابی بسبتون شخصی بر حسابدر . محاسبلرك قاصه حسابی كونی كونه تاریخ صیره سیله طوتیلدینی ایچون ضم، محسوب و سائرۀ كبی معاملاتۀ احتیاج مس ایتككسزین هر آن قطع ایدیله بیلیر و او آنه قدر واقع اولان قاصه معاملاتى در حال اكلاشیلیر . محاسبلرك طوتدقلری حسابده، قاصه لرینك معاملاتنده اولدینی كبی، هر آن مسئولیتلری موضوع بحث اولور؛ محاسبلر اكر مدت مأموریتلرنده تام بر سنه قالمشلا ايسه حساب سنۀ مالیۀ ختامنده قطع اولنور؛ بوكا *gestion annuelle* دیزیلور . اكر محاسب سنه اورته سنده وظیفه سندن چكیلورسه حسابی همان قطع ایدر و بقیه لری سافنه دورایلر، بر سنده دن دون طوتیلاں بو حسابده *gestion personnelle* دیرلر . بزده بو ژه سـتیونلرك

ھرايکيسنه عام اولمق اوزره ( ذات وزمان حسابى ) ويايىكى تعبير قانونى وجهله ( اداره حسابى ) دىنمکده در [\*].

ثانياً : محاسب مسئوللار کفيللى مأموريندندر : ممالك متمدنه نك اکثرينسده وازجمله فرانسه ده محاسب مسئول موقعنه کچن هر شخصك بالجمله املاكى حذاسنه ، هجز ، دها دوغروسی رهن قانونى hypothèque légale اشارتى وضع اولنوب محاسب موقعنده قالدقچه او املاکک بيع وفروخت ، هبه وانتقال کي تصرفاتى منع ايديلير . محاسبک بتون اموال واملاکى اوزرنده خزينه نك بر امتياز مخصوصى واردر . يعنى افلاس وقوعنده اول امرده اواموال واملاکدن خزينه نك آله جنى تسويه اولنور . بوندن ماعدا محاسبيلر تروتلير نك بر قسه منى كفالت اقچهسى اوله رق خزينه توديعه مجبوردرلر . اوحالده اشبو كفالت ومجبوريتلردن قورتولمق ايچون معين زمانلرده محاسبيلر حساباننك بر حکمه اقتران ايتى و ابرانامه مقامنده اولان براعلام آلمسى اقتضا ايدر .

حالبوکه آمر اعطالر حقنده بوکي مجبوريتلر يوقدر ؛ اونلرک نه کفيلى ، نه خزينه ده كفالت اقچهسى ، نه ده اموال واملاکى اوزرنده بر رهن قانونى موجود دکادر ؛ امر اعطا مأموريتى ترك ايدوبده حيات خصوصيه داخل اولدينى زمان ، دولت نامنه ميليونلرجه غروش صرفى ايچون امر ويرمش اولمسنه رغماً ، هيچ بر معامله يه تابع ، هيچ بر حاکمک حکمنه مجبور اولمقسيزين اموال واملاکنده کمال استقلال

[\*] [ ... اداره حسابى برمحاسبک اگر وظيفه مأموريندندر بتون برسنه قالش ايسه مارت ابتداسندن شباط نهايته دکين ايفا ايله ديکي معاملاتک کافه سنى اگر برسنه دن نقصان قالش ايسه مدت مأموريندندر ايفا ايلديکي معاملاتى ايفا ايلديکي معاملاتى احتوا ايلر ... ] محاسبه عموميه قانونى ماده : ۴۹

ایله تصرف ایدر ؛ دها دوغروسی آمر اعطالر حقنده مسئولیت حقوقیه انجق مستثنا زمانلرده موضوع بحث اولدینی جهته اموال و املاکنه تصرف خصوصینده مدت مأموریتی ایله مأموریتک غیری زمانلرده قطعاً بر فرق بوقدر . هر ایکی تقدیرده کمال استقلال ایله تصرفانده بولنور و حیات مأموریتی ترك ایتدیکی زمان اوزرندن مسئولیتی رفع ایده جک بر ابرانامه آماق مجبوریتنده قالماز .

وهله اولاده امر اعطانک آلت تأدیه سی مقامنده اولان محاسب مسئولک کفالتیه تابع طو تیلدینی حالده ، بر قلم ، برامضا ایله دولتی میلونلرجه بورجه صوقان بر آمر اعطانک کفالتیه مربوط اولماسی غرب و غیر منطقی کورونه بیلیر ؛ فقط بونک اسباب متعدده سی واردر :

اولا : محاسبلر ناموس و استقامت مسئله سندن صرف نظر ماده پاره غائب ایتک ، چالدرتمق و یاسهوا فضله تأدیاتنده بولتمق کی خطیئاته معروض بولندقلری جهته دولته تأمینات ویرمک مجبوریتده درلر . بوندن ماعدا کوزا وکنده ، آل آلتنده بولنان پاره غایت جاذبدر ؛ سجهیه سی ضعیف اولانلری قولایجه اغفال ایده بیلیر... ایشه محاسبلردن آلمان تأمینات دولتی بوکی عدم صداقت و استقامت احتمالاتندن صیانت ایتک ایچوندور .

حالبوکه آمر اعطالر نقده واضع الید اولمدقلری جهته پاره غائب ایتک و چالدرتمق کی احتمالاتدن مصون و خطاء مادیلری ده قبل التأدیه قونتروله تابع طو تیلدینی جهته قابل اصلاح اولدقدن باشقه کوزلری اوکنده آلتون کولچلری بولمدینی جهته اونک اغفالانندن ممکن مرتبه اوزاق قالمقده درلر .

ثانياً : آمر اعطالرى تأمينات عرضنه مجبور ايتك ايسته منك سببي كنديلرينك ماليات دولتى ، خزينه عموميه يي ، بر طاقم تمهدات آلتنه صوقلرى اولمى ايسه ، بوسبب كافه مأمورين دولت حقنده قابل تطبيقدر؛ فقط بوحالده تأمينات مجبوريتنى يالكىز امر اعطالره دكل بتون مأمورينه تشميل ايله مك اقتضا ايدر. فى الحقيقه حيات دولته بالجمله مأمورين، دولتى تمهد آلتنه قويه بيلير : يوكسك موقعده بولان ناظر حسن صورتله صرفى كنديسنه توديع اولان ميليارلر حقنده تأمينات ويرمكه مجبور اولنجه دها كوچك مقياسده اموال و حقوق دولتك حسن صورتله اداره سى كندى. يدلرينه توديع اولان ديكر مأمورين نه دن بوندن معاف طوتيلسون؟ .. او حالده تأمينات اعطالسى بتون مأمورينه تشميل ايتك اقتضا ايدر كه بونك ده امكانلسز اولد ينى بديهيدر . بوندن ماعدا ميليارلرجه فرايق صرفنه تقابل ايدمك بر تأمينات عرضى هانكى ناظر ك يد اقتدارنده در ! .. ايشته بواسبابه بناء ممالك متمدنه ده تأمينات وكفيل ارانه سى يالكىز محاسبلره عائد بر مجبوريت اولمق اوزره قبول ايدلمش آمر اعطالره تشميل ايدلمه مشدر .

خلاصه امر اعطالره محاسب مسئولار آره سنده وظائف صورت اعطاي حساب ، وجهت تأمينات وكفالت اعتباريله موجود اولان فرقلىر بو ايكي صنف مأمورينك صورت تفتيشى خصوصنده دخى بر تفريقى ايجاب ايله مشدر .

آمر اعطالرك اداره قونترولى . — آمر اعطالر بالذات ناظرلر ايله بونلره تابع اولان آمر اعطاي تانيلردر. ناظرلرك، نظارتلرينه عائد بوتون معاملاتك الك بيوك آمرى اولدقلىر جهته، اداره بر قونترولره

تبعیتلری بالطبع ممکن دکلدر . بونکله برابر، بودجه‌نك اجرایی مطالعه اولندینی ائنده، ناظرلرلکه مالیه ناظرلی ویا محاسبه مدیرلری طرفندن ونهایت محاسبلر طرفندن تفتیش و مراقبه ایدلمکده اولدقلری کورولمشدی. بونلر بودجه‌نك انشای اجراسنده واقع بر اداری قوتورلندن بشقه بر شی دکلدر . آمر اعطای ثانیلرله کلنجه بونلر ناظر طرفندن اداره قوتورل ایدیلرلر . بر آزدن، محاسبه‌ك اداره قوتورلندن بحث ایدلدیکی ائنده کوریله جکی وجهله ، محاسبلر مالیه نظارتنه هر آی شهریه جدوللاری ارسال ایدرلر . بوکوندردکاری جدوللرک ملفوفاتی میاننده هر نظارتدن او آی ایچنده آلدقلری امر اعطالر ایله اونظارت بودجه‌سی نامنه یایدقلری تأدیاتی کویستن جداولده واردر؛ ایکی نسخه اولان بوجداولرک برر نسخه‌سی مالیه نظارتی طرفندن عائد اولدقلری محاسبه مدیریتلرینه کوندریلور . بوجداولر سایه‌سنده امر اعطای اول آمر اعطای ثانیلری تفتیش و عندالایجاب مسئول ایده‌بیلر .

محاسبه‌ك اداره قوتورلی. — محاسبلر بودجه‌نك هم انشای اجراسنده همده معاملاتک اکلندن صکره قوتورل ایدیلرلر . تفتیش ایکی صورته واقع اولور :

۱) اولاً محاسبه‌ك هر آی مالیه نظارتنه کوندرمکه مجبور اولدقلری شهریه جدوللرینک تدقیق تمامیه اداری بر قوتورلدر . بوجداولری ایلك اوکجه واردات محاسبی اولق اوزره ، مال مدیرلری تنظیم ایدوب محاسبه‌جییه کوندیرلر ؛ محاسبه‌جیلر بونلری تدقیق ایدر و صکره کندی مرکز قضالرینک شهریه جدولنی ده بوکا علاوه‌ایلر و جمله‌سنی بر جدول حالنده برلشدیره‌ك اجمالاً بر ( لوا شهریه جدولی ) وجوده کتیررلر ؛ لوا



شهریه جدولاری دخی دفتردارلر طرفندن معاینه اولنور و وجوده کتیریلان  
 بر اجمال ایله برلکده بتون لوارلرک جدولاری محاسبه عمومیه مدیرینه تقدیم  
 اولنور. وزنه عمومی مالیه، پوسته و تلفراف و رسومات ده داترله رینه  
 آیریلجه شهریه جدولاری کوندر لرلر. شهریه جدولارینک بو صورتله  
 تشککلدن سوکرده برده سنه سوکنده برسنه لک حساباتک خلاصه سنی  
 محتوی اولان حساب جدولاری کلیر. مالیه نظارتینک وضع ایتدیکی قواعد  
 حسابیه تطبیق ایدیلوب ایدلدیکنی تماماً شهریه جدولارندن آکلامق  
 قابلدر. محاسبه عمومیه نك بو جدولارندن تدقیق ایتمکدن مقصدی وحدت  
 حساباته *uniformité* یعنی مالیه نظارتی طرفندن موضوع قواعد حسابیه نك  
 یکنسقیته رعایت ایدیلوب ایدلدیکنی و معاملات و حساباتک منتظم اولوب  
 اولدیقی تفتیشدن عبارتدر. محاسبه عمومیه مصادف نظری اولان  
 یولسز قلر حقدده مخبر ائده بولنور. ایجابی تقدیرنده محاسبک اداره تجزیه سی  
 جهته کیدیلور. شونی ده سویله لم که بزده شهریه جدولارینک تدقیقاتی  
 محاسبه عمومیه جه الیوم بر اصول انتظامه ربط ایدیلهمه شددر. حالبوکه  
 فرانسه ده محاسبلرک مالیه نظارتیه جداون مطرده تقدیم ایله ملری و بونلرک  
 صورت تدقیق تماماً تحت انتظامه الندینی ایچون بونلردن بر چوق  
 احکام نافع و نتایج اصلاحیه حصوله کلکده در.

(۲) اداری تفتیشک ایکنجیسی دوغروندن دوغرویه مافوق مأمورین  
 و مفتش لر طرفندن محلنده اجرا ایدیلن تفتیشاتدر. مافوق مأمورین طرفندن  
 واقع اولان تفتیشات تحصیلدارلری مال و تحصیل مدیرلرینک، مال مدیرلرینی  
 محاسبه جیلرک، و محاسبه جیلری دفتردارلرک، و دفتردارلری ده محاسبه  
 و واردات مدیر عمومی لرینک قونترول ایله مسیدرکه بو تفتیش اکثریاتحریراً  
 وقوع بولور.

مفتشای طرفین اجرا ایدیان تفتیشات دهامهمدر. تحصیل مفتشای،  
تحقق مفتشای و ممالک متمدن ده موجود اولان بالواسطه تکالیف و یا  
کمرک مفتشای کی بر امر معینی تفتیش ایلین مفتشایردن ماعدا برده  
دائرة تفتیشی بتون امور مالیه دولت اوزرینه عام وشامل اولان مالیه  
مفتشای Inspecteurs des Finances موجوددر ؛ موقع  
ووظیفه لرینک اهمیتنه بناء بوراده مالیه مفتشای حقنده برنبذه معلومات  
ویرمک ایجاب ایدر :

هیئت تفتیشیه مالیه . — مالیه مفتشای فرانسه ده ناپولیونک  
قونسولا دورنده احداث ایتش اولدینی خزینه مفتشایکنک ، رستوراء  
سیون دورنده تحویلندن حصوله کلش برهیتدر . رستوراسیون دورنده  
فرانسه ، امور مالیه سنک اصلاحنه صرف همت ایتمکده ایکن « بالجمله  
دولت قاصدرینی قونترول، محاسبای امور حسابیه لرنده اداره، وارداتک  
جباتی تعجیل ، اسباب ترایدینی تدقیق و مطالعه ، نقصانلری ، سوء  
استعمالاتی کشف ، بونلری منع ایدمک تداییری اتخاذ و اشعار و نهایت  
هرعرض احتیاج ایدن نقطه یه مالیه نظارتک و کندی تجربه شخصیه سنک  
همت و معاونتی ایصال ایتک وظیفه سنی ، منور و معلوماتی مأموریندن  
مرکب بر هیئت تفتیشیه ، تودیع ایتنه نک مملکت ایچون غایت مهم  
فوائد حصوله کتیره چکنی چارچابوق ادراک ایتشدی .

مالیه مفتشایرینک اجرا ایتمکده اولدقلری ضماط یک مهمدر .  
بوخدمتلری ایکیه ارجاع ایده بیلیرز : ۱- کرک مالیه نظارتی کرک نظار  
سائر طرفین تعیین اولنسون مالیات دولت ایله اشتغال ایدن بالجمله  
مأمورینی محالرنده تفتیش ایتک . . ۲- دولته مناسبات مالیه ده بولوب

مقاولات وقوانين موجبجه دولتك قونترولنه تابع بولنان بالجه مؤسسات حقنده تدقيقات مخصوصده بولمق ... بوكا بناء فرانسهده هيئت تفتيشيه يالكز ماليه نظارتى مأمورين ومحاسبلى دكل، پوسته وتلغراف، خسته خانلر، دارالفنونلر، تصرف صندوقلى، خارالر، مختلف مؤسسات زراعيه محاسبلى ده قونترول ايدر؛ بوندن ماعدادولته مقاولات ايله مربوط اولوب اونك مراقبه سنه تابع بولنان شمندوفر اداره لرينك ومنافع عموميه ايله علاقه دار سار مؤسساتك حسابات ومعاملاتى تفتيش ايلر .

فرانسهده ماليه مفتشلى ماليه نظارتى مأمورى ايله كافه محاسبلك امور ومعاملاتى تفتيش ايتك ايجون سنه نك قسم اعظمنده دور سياحت ايدرلر . بتون فرانسه التى دائرة تفتيشيه به منقسم اولوب هر دائرهده بر منطقه مفتش عموميسى ومعيتهده متعدد مفتشلى موجوددر . مفتش عمومى اوج سنه مدته عيني دائرة تفتيشيهده قالب بو مدت ظرفنده كندى دائرهسى داخلنده تفتيش ايدلمسى لازم كلن بتون خدماتى كوزدن كچيرمسى لازمدر .

بومناطقدن هر برنده هر سنه لاعلى التعيين برچوق محاسبلى على الغفله ماليه مفتشلىرينك تفتيشاتنه معروض قاليرلر . . هر تحقيق معامله سسندن صكره ماليه مفتشى نتايج تفتيشاتى ميين بر راپور تنظيم ايدر . بوراپور تفتيش ايديان مأموره بيلديريلير؛ اوده خانه مخصوصه حقنده درميان ايديان شكاياتك جوابلى يازار . بوندن صكره او مأمورك ويا محاسبك آمرى دخى ديكر برخانه مخصوصه كندى مطالعاتى درج ايلر؛ بوصورنه تفتيش راپورى مختلف نقاط نظر واجوبه لازمه يي احتوا ايتك محسنتى حائر اولور؛ بوندن صكره، بوراپور، مفتش عمومى به كاير، اوده در دنجى برخانه

مخصوصه مفتش لرك بيانان سندن و وري بلن جوابلردن استنباط اولنان نتايجي وعيني زمانده كندى مطالعه سنى درميان ايلر .. بعده بر منطقه نك بتون راپور لرى ، ماليه نظارتنه تقديم ايديلير و بونلره او مدت تفتيشيه ظرفنده مصادف نظر دقت اولان وقايع و حادثات مشهوره ايله بونلردن استدلال اولنان افكار اصلاحات و تكميله يني محتوى عمومى بر راپور علاوه اولنور .

فرانسه ده بو وظيفه يني ايفا ايدن هيئت تفتيشيه ، مفتش عموميلر ، مفتش لرك و مفتش معاونلرندن مركب اوله رق ۹۲ كشيدن عبارتدر . بونكله برابر مقدارى محدود اولان بو مفتش لرك ممالك نك تنسيقات ماليه سنى بوكسك بر نقطه دن تفتيشه كافى كلكده در . هيئت تفتيشيه نك بوتون فرانسه ده مالك اولديني نفوذ مفتش لرك عددندن دكل هيئت تفتيشيه اعضا س نك ناموس وعفتندن ، معلومات واسعه و حب مساعيسندن ، نهايت استقلال افكارندن انبعاث ايله يور .

حكومت عثمانيه ده دور سابقده تفتيش مالي قاعده سى بك مهمل بر ايلمش ايدى : يالكيز اوروپا نك مداخله سى اوزرينه ، صوك زمانلرده روم ايلي ولاياتنده حائر وقوف و متخصص ذواتدن مركب بر هيئت تفتيشيه تشكيلنه مجبوريت حاصل اولمشدى . فرداى مشروطيتده مكمل بر اصول تفتيشيه به استناد ايتكمكسز ين منتظم ر بودجه سياستى تعقيب ايدلسى ممكن اولمديني همان ادراك ايدلديكندن فرانسه دن اقتباساً ۶ تموز ۳۲۵ تاريخلى [\*] امور عموميه ماليه مفتش لرينه دائر نظامنامه ، وجوده كتيرلش وامور تفتيشيه يني تنسيق و اداره وظيفه سى فرانسه دن مخصوصاً جلب ايدلش اولان بر مدير عمومى به توديع اولمشدر :

[\*] بو نظامنامه تواريخ مختلفه ده بعض تعديلاته اوغرامشدر .

نظامنامه‌نك برنجی ماده-سند « ماله هیئت تفتیشیه‌سی پایتخته وولایاتده بالجله دواثر دولتك امور مالیه-سی تدقیق و تفتیش ایتمكه مكلفدر » دیمكه ماله مفتش‌لرینك دائرة صلاحیتی بك واسع بولنوب بالعموم دواثر و مؤسسانه شامل اوله‌جنی صریحاً بیان ایدلمش اولور . مفتش‌لر مأمورین دولتك كافه-سندن لازم كلن معلومات واوراقی طلب ایلك و عندالاحتیاج مال مأمورلرینه در حال ایش-دن ال چكدرمك صلاحیتی حازدرلر . معاملات تفتیشیه‌یی تسهیل ایتك ایچون مناطق تفتیشیه وجوده كتیرلشدر . مفتش‌لر راپورلرینی دوغروندن دوغرویه مقام نظارته تقدیم ایدرلر ( ماده : ۳ ) هیئت تفتیشیه مدیر عمومیهی ایریجه مفتش‌لر ك اخطارات و مطالعات واقعه‌سك فصل نتیجه‌لندیرلدیكنی تعقیب و مقام نظارته معلومات ویرمكه مكلفدر .

مالیه مفتش‌لرینك مملكتكمزك و-سعتنه نظراً ، الیوم مقداری غایت آز اولوب تقریباً الی كشیك برقادرویه ابلاغه چالشمقدهدر . درت صنف و برده معاونلك اوزرینه مراتب اولان مفتش‌لر - اولجه ولایات نائمهده بولمش اولان بر قاچ متخصص ذوات مستثنا اولمق اوزره - كاملاً مسابقه ايله آلمش ( ماده : ۸ ) واكتساب ممارسه ایللری ایچون برسنه مدته فرانسهده هیئت تفتیشیه رفاقنده استاژه تابع طوئیامش‌لردر .

### حساباتك اصول مضاعف اوزره تنظیمی

حساباتك اصول مضاعف اوزره تنظیمك برطرز تفتیش اولدینی اكثریا بیان ایدلمشدر . افراطه كیتكمكسزین دیه بیایر كه اصول مضاعف دوغروندن دوغرویه برطرز تفتیش اولیوب كرك محاسبك نظر نده حسابك سحتی اظهار

و تنویر ایلیه جك و كرك اداره ، و بر آ ز صكره كور یله جك اولان دیوان محاسبات طرفندن ، واقع اوله جق قوترولی تسهیل ایدیه جك بر اصولدر : فی الحقیقه اصول مضاعف سایه سنده محاسبك خطا ایتك احتمالی آ زایلر و ایتسه بیه بو خطاسی بالذات كندی كوزینه چار یار . ینه بو اصول مضاعف سایه سنده محاسبه عمومیه شهریه جدوللارنده کی ذهوللری ، نقصانلری در حال میدانه چیقاره بیلور . خلاصه محضا بو اصول مضاعف double comptabilité سایه سنده دركه محاسبه عمومیه نك تفتیشی حتی محاسبك كندی كندی قوتترولی ایتسی قولایلقه ممكن اوله بیلور . بونی آ كلامق ایچون اصول بسیط ایله اصول مضاعفی مقایسه ایلك ایجاب ایدر .

اصول بسیطده هر جبات و هر - صرف معامله سی ابتدا یومیه صكره دفتر كیره آنجق بر كره یازیلیر . مثلا بر تاجر اوچ بیک کیلو شكر صاندی یومیه دفترینك واردات صحیفه سنه ( ۸۰۰۰ غروشه ۳۰۰۰ کیلو - شكر صاكتلشدر ) دیه قید ایدر . صكره دفتر كیرنده عائد اولدینی حسابده آیر یجه قید ایدر . اكر بر خطا یامش ایه بونی آ كلامق ایچون یكانه چاره قاصه سنك مقدارینی یومیه دفترینك قاصه یه تعلق ایدن معاملاتیله قارشیلاشدیر مقدر عبارتدر . او حالده اوله بیلور كه تجار بو خطانك فرقه وارده ماز ، خطاده اوله جه قالیر و دفتر كیر حساباتی ده تلوث ایدر .

حالبوكه اصول مضاعفده واقع اولان بو خطا همان كندی كندی كوسترد ؛ چونكه بوراده حسابات برر شخص مغوبدر ؛ حسابلر دفتر كیرده قاصه حسابی ، امتعه عمومیه حسابی ، جزؤدان حسابی ، كار و ضرر حسابی و الح ناملریله تشخص ایتشدر ؛ هر معامله بو حسابلردن مطلقا ایکیسینه ، برینك ذمتنه دیگرینك مطلوبنه قید ایدیلیر عینی مثالی اله آله م :

۸۰۰۰ غروشه ۳۰۰۰ کیلو شکر صاندق؛ ۳۰۰۰ کیلو امتعه عمومیه دن چیقیدی . اوحالده امتعه عمومیه آله جقلیدر . بناءً علیه دفتر کیرده امتعه عمومیه حسابنک صاغ صحیفه سنه یعنی مطلوب خانه سنه ( ۸۰۰۰ غروش - امتعه عمومیه آله جقلیدر قاصه دن ) دیه قید ایدرز . دیگر طرفدن بوباره قاصه کیردی ، بناءً علیه قاصه بورجلیدر؛ اوحالده قاصه حسابنک صول صحیفه سنه یعنی ذمت خانه سنه ( قاصه حسابی بورجلیدر امتعه عمومیه - ۸۰۰۰ غروش ) دیه قید ایدرز . بوصورتله هر حسابی هر رقمی مطلقاً مقابل بر رقندن قوت تروله ایتک قابل اولدینی کبی خطا ناک موجود اولوب اولمادیغنده شبهه ایدلدیکی زمان معاینه ایتک ده قابلدی . دفتر کیرک بتون ذمت خانه لری کذا بتون مطلوب خانه لری یکون ایدیلور . اگر ایکی یکون مساوی ایسه حساب دوغریدر دکلشه یا کلشدر . تساوی واقع اولمادینی زمان رقنلر برر برر معاینه ایدیلور ویا کلش بولنور . کرچه ذمت خانه سنده و مطلوب خانه سنده یکدیگرینه مساوی ایکی خطا یا پلسه حساب یا کلش اولدینی حالده ینه دوغری کبی کورونه بیلیر ؛ فقط بویله ایکی یرده مساوی خطا یایمقی اندردر .

ایشته اصول محاسبه عمومیه دهده کیفیت عیناً بویله در . طبیعی درکه بوراده حساباتک اسملری دیکشیر . امتعه عمومیه ، اشخاص ، جزو دان حساباتی یرینه مثلاً واردات عمومیه ، واردات متحققه ، مخصصات حوالات ، مصارف متحققه ، تأدیات ... و الخ حسابلر تشخیص ایدر . فقط معاملات ینه عینیدر . هر رقم مطلقاً بر حسابنک صاغ و دیگر حسابنک صول صحیفه سنه کچیریلور . بوصورتله خطا لر قولایمجه تظاهر ایدر .

شویله که :

محاسب شهریه جدولانی تنظیم ایتدیکی زمان اولاً بوجودلك مطلوب خانه سبله ذمت یكونك مساوی اولمدیعی کورسه خطاسنی آراشدیرر . صکره شهریه جدوللارینی محاسبه عمومیه تدقیق ایتدیکی زمان ارقامی ، ( تدقیق ورقه سی ) دینیلان ومیزان جدولی اوزرینه دوکر . بو میزان جدولی متقابل بر طاقم حساباتك یکدیگرینه مساوی اولمسی خاصه سندن استفاده ایدیلهرک یابلیش بر جدولدر . بناءً علیه معین بعض حسابات جمع ایدیلور . یكونلر مساوی چیقارسه جدولده مساوی عداولنور

خلاصه محاسبه عمومیه نك اصول مضاعف اوزره طوتیلمسی سهولری . میدانه چیقارمقده حساباتك یکنسقیسنی تأمین وقوتترولی تسهیل ایتمکده در . شونیده سويلك ایجاب ایدرکه تحصیلدار اصول مضاعف اوزره حساب طوته میه جفتدن و ذاتاً بوکا پک اوقدر احتیاجده اولمدیغندن بوصف مأمورین هر مملکتکده حساباتی اصول بسیط اوزره طوته مده درلر . اصول مضاعف مال مدیرلرندن باشلار .



## دیوان محاسبات

### محاسب حساباتك تدقیق و محاکمہ سی

دیوان محاسباتك قوت و ترولی بالخاصہ محاسبہر حقندہ تطبیق اولنور .  
فرانسهده دیوان محاسباتك تدقیقات و محاکماتی آمر اعطالره شامل  
اولامیه جنی دیوان محاسبات قانوننده صراحه ذکر ایدلمش اولدینی کبی  
یزدهده دیوان محاسبات قرار نامه سی موجبہ بوقوت و ترولی آنجق  
محاسبہرہ راجعدر .

ماده : ۵۳ [ دیوان محاسباتك تدقیقات و محاکماتی اموالی قبض  
و صرف ایدن مال مأمورلری حقندہ جاری اولوب وکلا و ولایه و متصرفین کی  
اعطای امری و برنلره شمولی اولاماز بومثللو مأمورلرک عندالاقضاضمفلرینه  
کوره محاکمہ لری دیوان عالی و یا شورای دولته اجرا اولنور . . . ]  
بناء علیہ بوراده اولاد دیوان محاسباتك محاسبہر حقندہ کی قوت و ترولندن  
بخت ایدیلہ جک اونندن صکرا دیوان محاسباتك نظار حساباتی  
اوزرنده ، قضائی اولماق اوزره ، اجرا ایلہ دیکی تدقیقاته نقل کلام  
اولنه جقدر .

محاسب حساباتك حکماً تفتیشی مطلقاً دیوان محاسبات کبی کرک  
قوة اجرائیه کرک قوت و تشریعیه دن آیری اولان مستقل برمحکمه عالیہ ویرمک  
اقتضا ایدر . فی الحقیقه بعضاً مدعی و بعضاً مدعی علیه مقامنده بولنان ،  
وهر حالده بی طرف اولامیان ، مالیہ نظارتك محاسبہر اوزرنده حکماً

اجرای تدقیقات ایتمه‌سی قاعدهٔ عدالته منافی اوله جنی جهتله بووظیفه نظارت مذکوره‌یه ویريله مز ؛ كذلك هیئت تشریعیه‌یه تودیعندن ده احتراز اولنق لازمدر ؛ چونکه اولاً قوهٔ تشریعیه‌ده بر محکمه‌ده بولماسی الزم اولان استقلال شرطنه تصادف ایتمک ممکن دکلدر : مجلس مبعوثان واعیان بی طرف اولمقدن زیاده احتراصات سیاسییه تابعدر ؛ بناءً علیه اثنای تدقیقاده الحاقات سیاسییه قاپیله رق قونترولی افساد ایده بیلور . ثانیاً قوهٔ تشریعیه‌نک بووظیفه‌ایله اشتغالنه اساساً امکان مادی موجود دکلدر ؛ مجلس ملینک وظائفی اوقدر چوقدر که محاسب حسابلرینی رؤیته قطعاً وقت بولاماز . ثالثاً هیئت قانونیه‌ده اشبو حساباتک تفتیشی ایچون کافی درجه‌ده اوصاف و صلاحیت فنییه کورلمز : بر حسابی تفتیش ایده جک کیمسه همه حال حسابات ایچنده یوغورلمش اولمالیدر .

خلاصه بوتون بو اسبابه مبنی محاسبلر حساباتنک رؤیتی وظیفه مهمه‌سی بر محکمهٔ مستقله و عالییه اولان دیوان محاسباته حواله ایدلمکده در فرانسه دیوان محاسباتی بزه و اکثریا اوروپا حکومتانه اساس اولدینی جهتله اول امرده بوراده کی تأسیساتی کوزدن کچیره لم .

## ۱

## فرانسه‌ده دیوان محاسبات

فرانسه‌ده دیوان محاسبات پک اسکی زمانلردن ، تا اون دردنچی عصر میلادیدن بری موجود اولا کلمشدر . دیوان مذکور مقدا بر مجلسدن عبارت ایکن صوکرادن ایکییه انقسام ایتمش ، وبلا آخره دها زیاده تکرارلشدر . (۱۷۸۹) تاریخلرنده فرانسه‌ده دیوان محاسباتلرک عددی اون اوچه بالغ اولمشدی ؛ بو مجالسک بری پایتختده و دیگرلری ده

مختلف ولایات مرکز لرنده ایدی ؛ بونلردن هر بری کندی منطقه صلاحیتنه تابع اولان ولایتلرده کی محاسباتک حساباتی رؤیت ایدردی . فقط فرانسه اسکی دوردی دیوان محاسباتلرک وجودندن پک بیوک استفاده ایدمه مشدر : مطلقیت جاری اولدینی بر دوردی حساباتک صوک درجه کیچ و غیر منتظم بر حالدی مجلسه کلمه سی ، حکم لک اجرا اولنما سی و یا دوعرودن طوعر ویه حکمدار طرفندن عفو اولنما سی دیوان محاسباتلری پک نفوذ سز بر اقدشدر .

انقلاب کبری متعاقب دیوان محاسباتلر علیهنده بر جریان افکار حاصل اولمش ، نهایت اشبو مجالسی لغوه مجبوریت کوریلهرک تفتیش حسابات وظیفه سی *assemblée legislative* طرفندن درعهده اولومشدر . فقط مجلس حساباتک تدقیقنه وقت بولامیه رق بوندن بر ثمره مفیده حاصل اولامادینی ایچون ایش « *commuission de la comptabilité nationale* » محاسبه ملیه قومیسونی نامیه مجلس اعضا سندن مرکب اولهرق تشکیل اولنان بر انجمنه حواله اولمشدر . بوقومیسون (۱۷۹۵) دن (۱۸۰۷) یه قدر ادامه موجودیت ایدیه بیلمش ، اعضاسی ابتدا اونبش ایکن بالاخره بشه تنزیل اولمش ونهایت کندیسندن استفاده ایدیه مه مسنه بناء ناپولیون طرفندن الغا ایدلمشدر . ناپولیون طرفندن احیاء تأسیس اولنان دیوان محاسبات و بوبابده وضع اولنان ۱۸۰۷ قانونی فرانسه ده الیوم تماماً جاری و مرعیدر .

دیوانک تشکیلاتی . — فرانسه ده دیوان محاسبات شورای دولت درجه سنده بر محکمه اداریه حسابیه در ؛ دیوان اوچ دائره یه منقسم اولوب بر رئیس ، اوچ رئیس ثانی ، ۱۸ اعضا *Conseillers maitres* ۸۶ ممیز *Conseillers référendaires* و ۲۵ ملزم *auditeurs* دن

مرکبدر، برده مدعی عمومی و معاونی موجود در اعضا لایعزل اولوب حاکم صفتی حائزدرلر، مدعی عمومی حقوق حکومتی مدافعه ایدوب مالیه نظارتی ایله دیوان محاسبات اراسنده واسطه تبلیغ و تبلیغدر. میز لرك وظیفه سی حساباتك تدقیقات ابتدائیه سنی اجرا ایتکدر. بونلر تدقیقاتی اكمال ایدنجه اوراقا نایه ویررلر. اونلرده بعدالتفتیش مسئله یی بولندقلری دائره نك حکمنه عرض ایدرلر؛ اشبو اوچ دائره نك وظائفی یکدیگرندن قطعیا فرق سزدر .

دیوان محاسباتك حکمنه تابع محاسبلری دوت زمرده جمع ایده بیلیر: (۱) نقده واضع الید اولان یعنی حیایت و تأدیات معامله سی ایله مشغول محاسبلر Comptables en deniers، فقط دیوان بونلرك كافه سنك دكل یالكز درجه اولاده اولانلرینك حساباتی دوغریدن دوغرویه تدقیق ایدر؛ بونلرده: اولامرکزده وزنه عمومی مدیری Caissier Payeur central. ثانیاً ده پارتمانلرده کی Tresoriers Payeurs généraux حساب بیلر اولوب بونلرك معیننده کی Receveurs particuliers des finances مال مدیرلرینك حساباتی دیوان محاسبات دكل دفتر دارلر تدقیق ایدر Receveurs لر. حسابلرینی Trésoriers لره کونده ررلر اونلرده بونلری تدقیق و جمع ایدوب عموم ده پارتمانك حساباتی وجوده کتیره رك دیوان محاسبانه تقدیم ایلرلر. بوندن ماعدا بالواسطه جاری تکالیف، کمرک، قیدیه تحصیل مامورلری، اردو تأدیه مامورلقلری، امانات صندوقی، دوات شمندو فری، دوات مطبعه لری محاسبه لری کبی نقده واضع الید محاسبلرك حساباتی تدقیق دخی دیوانك دائره صلاحیتنده در .

(۲) اموال و اوضاع البدعيّيات محاسبى Comptables en matières  
 بدن اك مهملى : يعنى پول ، پوسته پولى ، مسكوكات ، توتون  
 كبريت انحصار قابىقه لرى محاسبلى ديوانك حكمنه تابعدر . دولت  
 موبيله لرى ، موزه لرده كى آثار نفيسه ، دولت كتيخانه لرده كى كتاب  
 محافظلى ديوانك قونترولنه تابع دكلدر .

(۳) نه نقده و نه ده عينه وضع يد ايمه ين دفتر كبير ، تصحيح حساب ،

شمندوفر محاسبلى كى محاسبى Comptables d'ordre  
 (۴) بالفعل محاسب Comptables de fait صفتنى كتساب ايدنلرك ،  
 مثلاً صلاحيتدار اولما دىنى حالده محاسب صفتنى طاقينه رق جيايت ويا  
 بأديات اجرا ايله ين كيمسه لرك ، جهت جزائيه مى بحث آخر ، حساباتى  
 دخی ديوان محاسبات تفتيش ايدر .

حساباتك شكلى و صورت اعطاسى . — محاسبى كندى اداره حسابلىنى  
 — كه بر ژهستيون دن عبارتدر — سنه نك ختامندن اعتباراً اوج ايه قدر  
 ويرمكه مجبوردرلر . حسابات ابتدا ماليه نظارتى محاسبات عموميه  
 مديريتسه تقديم اولنوب اوراده اوج آي ظرفنده تدقيق اولندقدن  
 صكرا ديوانه ويريلير . ژهستيو نه سنه نك ابتدا سندن نهايته قدر اولان  
 بالمله قاصه معاملاتى كچيرلمشدر . اكر محاسب سنه اورته سنده  
 دكيشديريليرسه مدت مأموريتى ائناسنده كى حساباتى جمع و تقديم ايدر كه  
 بوكا gestion personnelle ديرلر .

محاسبى حسابلىنى يالكز برسنه ايچون طو تدقلىرى ، يعنى ژهستيون  
 يعنى اصولنى تعقيب ايتدكلىرى ، حالبو كه ناظرلر بودجه حسابى طو تدقلىرى ،  
 اكر زرسيدس اصولنه رعايت ايتدكلىرى ، جهتله بوايكي حسابك يكدىكرينه  
 قارشولشديرلمسنه مدار اولق اوزره محاسبى بر سنه لك ژهستيونلر ندرنه

صرف اوسنه بودجه سی نامنه پامش اولدقلری معاملات آیری، کچن سنه نك دوره متمم سی نامنه اجرا ایتدکلری معاملات آیری اوله رق حسابلرنده کوسترمکه مجبوردرلر. [\*]

بو حسابات دیوان محاسبانه کونده ریلیرکن بالجله اوراق مثشده بونلره لف وربط اولنور.

حساباتك تدقیق. — محاسبلرك اوراق مثبتیه ربط اولنان حساباتی دیوان محاسبانه کلنجه رئیس اول بونلری شعبه لره، شعبه رئیس لری ده اشبو اوراق میزلر آره سنده تقسیم ایدرلر. میزلر ملازم لرك معاوتی ایله تدقیقات لازمه یی اجرا ایدرلر واردات و مصارف دن هررقی آیری آیری تحلیل ایلرلر؛ یعنی بونلرك اوراق مثبتیه استناد و قانونه توفیق ایتدیریلوب ایتدیریله دیکنی تفتیش ایدرلر؛ میز ایلجاب ایدر سه محاسبه محابره ویا اونی استجواب ایده بیلیر؛ تدقیقاتی اجرا ایدن میز بعده برراپور تنظیم ایله بالجله اوراق اودا اثره نك رئیس نه تقدیم ایدر، رئیس ده اشبو حساباتی شعبه نك اعضاسی آرا رسنده تقسیم ایلرلر. اعضا دخی درجه ثانیه ده تدقیقات اجرا سندن صوکر مسئله یی اوشعبه نك هیئت عمومیه سی حضورینه عرض ایدر. بودا اثره بر محکمه حسابیه ماهیتی حائزدر. بوراده اثنای محاکمه ده ایسترسه مدعی عمومی ده حاضر بولنور و مانیه نظارتك حقوقی صیانت ایدر. حساباتك مذاکره و محاکمه سی اثناسنده اولا راپورتور اولان اعضا بیان فکر ایدر ایسترسه حساباتی درجه اولاده تدقیق ایدن میزده ملاحظه سنی در میان ایده بیلور. فقط بونك رأی یالکز استشاریدر، اکثریته تأییری یوقدر؛ مذاکراتك ختامنده ویریلن قراره مان راپورلر

[\*] نظر حساباتك ده دیوانه کلدیکی ایلریده کوریله چکدر.

کنارینه درج وبعده علی‌الاصول بر اعلام تنظیم اولنور؛ ویریلن قرار ابتدا بر قرار موقت Arrêt provisoire اولوب محاسبه بیلدیرلدکنن وایضاحات ومدعیاتی آلدنقدن صکره ایکی آی نهایتندن بر قرار قطعی Arrêt définitif اصدار اولنور . بوراده یا حسابانده ذمت بولنمادیغنه حکم اولنور، بوتقدیرده تحت حجزده بولنان املا کدن حجزک فکی لازمکلور؛ یاخود ذمتنه قرار ویریلور ، ویاخود بالعکس محاسبک بری الذمه اولدقن ماعدا برده آلاجنی بولندیغنه یعنی خزینیه آوانس ایتدیکنه حکم اولنور .

حکملرک اجراسی . — دیوان محاسبات یالکیز اعطای حکمه صلاحیتداردر ، یوقسه وظیفه اجرا مکلف دکلدر . اعلامات مدعی عمومی وساطتیه بو مالیه ناطرینه بیلدیریلور ومشار الیه دخی نظارتک امور حقوقیه مدیریتی واسطه سیله حکمی اجرا ایتدیرر .

اعاده محاکمه وتمیز . — بعض اوراق مثبتته نک نقصانندن دولای محکوم اولان محاسب هر نه زمان اوراق ابراز ایدرسه حسابنک تکرار رؤیثی دیواندن طلب ایده بیلور ؛ مدعی عمومی واعضا دخی یکی بر حساب تدقیق اولنورکن اولجه حکمه اقتران ایتمش بولنان دیگر بر حسابده خطا ، حیه ویا برنسیان بولندیغنه واقف اولورسه اوحسابک تکرار تدقیقی دیواندن طلب ایتمک صلاحیتنی حائزدر .

دیوان محاسباتک ویردیکی حکملر قابل استیناف اولمایوب یالکیز شورای دولنده «دعاوی Contentieux» دائره سنده تمیز ایدیه بیلور . شورای دولت حساباتی تدقیق ایتمز؛ یالکیز فورمالیته نقطه نظرندن یعنی اصول محاکمه وقانونه رعایت ایدیلوب ایدله دیکی خصوصنده ، اجرای تدقیقات ایدر؛ یوقسه حکمی نقض ایتدیکی تقدیرده حساباتی یکیدن تدقیق

ایتمکه مکلف دکلدر ؛ عندالنقض حساب یکیدن حکمه اقتران ایتک اوزره دیوانه اعاده ایدیلور .

فرانسه دیوان محاسبات محاسب حقنده دکل حساب حقنده اعطای حکم ایدر . - بر حسابک تدقیقندن ایکی نقطه آکلاشیلیر : ۱ حسابک دوغرو اولوب اولمدینی ، ۲ محاسبک بری الذمه بولنوب بولمدینی ؛ بالنظریه بوایکی نقطه یکدیکرندن آیریدر ؛ فی الحقیقه حسابک دوغروانی محاسبک برائی دیمکسهده بونک عکسی دائماً صحیح دکلدر . یعنی حسابک غیر کافی اولمسی و بناء علیه محکومیتی محاسب مسؤولک بالضروره محکومیتی ایجاب ایله مز . بر مثال ایله ایضاح ایدلم : بر محاسب منعی ید اقتدارنده اولیان بعضی اسباب دولایسیله بر سرقته معروض قالبرسه طبیعتیه قاصه سندن چالمنش اولان پاره ایچون اوراق مثبتہ ابراز ایدلمز ؛ اوراق مثبتہ یی ابراز ایدلمدیکی ایچون حساب آچیق وخزینہ دولته قارشی بورجلیدر ؛ دیوان حسابک حین تدقیقنده سرقت وجودی وبونی منع ایتک محاسبک ید اقتدارنده اولوب اولمدینی کبی مسائل اداریه یی فصل وتقدير ایدلمیه جکندن حسابده دمت اولدینی قرارینی ویرر ؛ بونکه برابر بوندن دولای محاسبک اداره مسؤول اولمسی لازم کلز .

ایشته دیوان محاسب حقنده دکل حساب حقنده اعطای حکم ایدر دیمکه دیوان حسابک تمام اولوب اولمدینی حقنده بیان رأی ایدوب محاسبک مسؤولیتی حقنده بیان رأی ایتش دکلدر ، معناسی قصد ایدیلور . . بو مسؤولیتی قطعاً تعیین ایدلمک اولان مالیه ناظریدر : محاسب کندیسنک عدم مسؤولیتی ایجاب ایتدیکی ادعاسنده بولنه حق



اولورسه مالیه ناظری تدقیق مسئله وعدم مسؤولیت در میان ایده بیلیر؛ حتی نتیجه قراری محاسبک علیهنده اوله حق اولورسه محاسبک شورای دولته مراجعتله کیفیت استیناف ایتک صلاحیتنه مالکدر .

خلاصه دیوان محاسبات حقننده اعطای حکم ایدر؛ حسابک دیوان ظرفندن ذمتدار کورلمسی مطلق صورتده محاسبک محکومیتی ایجاب ایتیوب کیفیتک حلی مالیه ناظرینه و محکمه اداریه راجعدر؛ بونکله برابر کیفیتک معکوسی وقوعه کلدیکی یعنی دیوان محاسبک حسابی یریالذمه عد ایتدیک حالده محقق صورتده محاسبکده برائی لازم کلیر. دیوانک این دیدیکی بر حساب مالیه ناظرینک فنا دیمسی دیوانک صلاحیتنه بر تجاوزدر .

## ۲

## حکومت عثمانیه ده دیوان محاسبات

حکومت عثمانیه ده دیوان محاسباتک ابتدای تأسیسی ۱۲۸۱ سنه هجریه اولوب ایلک وضع ایدیلن والیوم ملغا بولنان دیوان محاسبات تقرارنامه سی دستور عتیقده مندرجدر .

۱۲۹۳ قانون اساسیسنک ۱۰۵ ، ۱۰۶ و ۱۰۷ نجی ماده لری دیوان محاسباته حصر ایدیلهرک بوراده دیوان مذکورک تشکیلات و تفرعاتی حقننده بر نظامنامه وجوده کتیریله جکی در میان اولنمشدر [\*]

[\*] [ اموال دولتك قبض و صرفته مأمور اولانلرك محاسبه لرینی زوئت و دواؤردن تنظیم اولنان سال محاسبه لرینی تدقیق ایدهرک خلاصه تدقیقات و نتیجه مطالعاتی هر سنه بر تقریر مخصوص ایله هیئت مبعوثانه عرض ایلمک اوزره بر دیوان محاسبات تشکیل اولنه جقدر . بودیوان هراوج آیده بر کره احوال مالیه بی

متعاقباً ۱۵ ذى الحجه سنه ۱۲۹۵ تاريخلى برقرار نامه وجوده كيتىلمش. واشبو نظامنامه تماماً فرانسه دن اقتباس اولندىني جهتله بزه ديوان محاسبات تشكياتى فرانسه ده كنه بگزە دىلمشدر. مع مافيه ۹۵ قرار نامه سنك بعضى ماده لرى الحاله هذه جاي تطبيق بوله مامقده اولدىني كى بعضى ماده لرى ده بودجه [\*\*] وساثر قوانين، از جمله محاسبه عموميه قانونى، ايله تعديل ايدىلمشدر. بوندن ماعدا، معلوم اولدىني وجهه، محاسبه عموميه قانونى ديوانه قبل التاديه ويزه صلاحيتى بخش ايتىمىشدر كه بوكا دائر قرار نامه ده هيچ بر ماده موجود دكلدر.

ديوان محاسباتك تشكياتى. — ديوان محاسبات مع رئيس اون ايكى اعضادن مركب ويكديكرينك عيى وظيفه وصلاحيتى حائز اولمق اوزره ايكى دائره دن متشكلدر. آريجه برمدعى عمومى برباش كاتب ولزومى قدر نمىز وملازم موجوددر.

رئيسك وظيفه سى هيئت عموميه وياخود شعبه لردن هر هانكى بريسنه رياست ايتىمك، حسابات وارده ني شعبه لر بيننده تقسيم ايتىك وديوانك انضباط اداريه وداخليه سنى تنظيم ايتىمكدر. اعضانك وظيفه سى حساباتى

رياست وكلا واسطه سيلاه باقرير طرف حضرت پادشاهى به دخی عرض ايدر [ قانون اساسى : ماده ۱۰۵ ]

[ ديوان محاسباتك اعضاسى ۱۲ كشيدن مرتب اوله جق وهر برى هيئت مبعوثاندىن اكثيرتله عزانك لزومى تصديق اولمده قجه مأمورينده قيد حيات ايله قالمق اوزره با اراده سنيه نصب اولمده ققدر ] ماده : ۱۰۶

[ ديوان محاسبات اعضاسنك اوصافى ووظائفنك تفصيلاتى وصورت استعفا و تعديل وترقى وتقاعدى واقلامنك كينيت تشكيلي بر نظام مخصوص ايله تعيين اولمده ققدر ] ماده : ۱۰۷

[\*\*] از جمله قرار نامه نك ايكىنجى ماده سى ديوان ميژلرينك عددى اون اوله جقنى تعيين وتصريح ايلدىكى حالده بودجه ايله بومقدار تزييد ايدىلمشدر.

تدقیق بعده اعطای حکم الیکدن عبارتدر ؛ میز لر حساباتی ملازم لک معاوتی ایله ابتداء تدقیق ایدر لر . مدعی عمومینک وظیفه سی مالیه نظارتنک حقوقی محافظه ، حکومتله دیوان آرمهنده واسطه تبلیغ وتبلیغ اولق ، حساباتک وقت وزمانیله دلیرانه کلوب کلدیکنی ، دیوانک وقت وزمانیله طویلا نوب طویلا نمدیغنی تدقیق ایتمکدر .

دائرة لده قرار اعطاسی ایچون لاقل درت اعضانک وجودینه احتیاج واردر ؛ بر دائرة نک دیکر ندن وظیفه و صلاحیت اعتباریله فرقی یوقدر ؛ عند الحاجه دیوان هیئت عمومیه حالنده تشکل ایدر ،

دیوان محاسبات فرانسه ده لفظاً اولسون مالیه نظارتنه مربوط اولدیغی حالده بزده بسبتون مستقندر ؛ ایری بر دائرة ده اقامت ایدر . ( قرار نامه ماده : ۶ ) اعضای مقام صدارتک عرضیه با اراده سنیه منتخب وبر مأموریت جدیده آلمدقجه غیر قابل تبدیل اولوب مجلس مبعوثانک قراری اولمدقجه اصلاً عزل ایدیله مز . ( قانون اساسی ماده : ۱۰۶ )

دیوان محاسبات بالخاصه محاسب لک حساباتی تفتیش ایدر که بو محاسب لک الیوم شونلردن عبارتدر .

اولاً نقده واضع الید اولان محاسب لک : دوغریدن دوغرییه حساب ویرن نقده واضع الید محاسب لک ۱ : وزنه عمومی مدیری ۲ : لوا محاسبه جیلری در ؛ دفتر دار لده بر محاسبه جی کبی کندی لوالرینک حسابی ویرلر ؛ مال مدیر لیرینک حسابات و اوراق مثبته سنی محاسبه جیلر کندی حساب لرنده جمع ایلر لر .

۳ : رسومات اداره لری مدیریت و پوسته و تلغراف اداره لری ده باش مدیریت

اعتباریله حساب ویررلر . یعنی مأمورلرک حساباتی رسومات و پوسته تلغراف مدیریت و باش مدیریتلرینک حسابلرنده اندماج ایدر .

۴: ردیف مفتشلکلری ، قول اردو مستقل فرقه حساب

مأمورلری وزاندارمه طابور محاسبلری آیریجه اعطای حساب ایدرلر

۵: اوقاف ، وزراعت بانکه سی امنیت صندینی ، حجاز تیموریولی

الح. کبی دولت بودجه سنه مربوط دوائر حساباتی دخی تدقیق و حکم

ایله مک دیوانه راجعدر .

قرارنامه ده بلدییه ، محاسبلرینک حساباتی ده دیوان طرفندن بلدییه لر

تفتیش اولندینی مصرح ایسه ده دیوان الیوم بو وظیفه نی ایفا ایتمه مکده در .

چونکه اشبو وظیفه مجالس بلدییه ، استانبولده مجلس عمومی

بلدییه عائددر .

فرانسه ده کی اصولک خلافته اولمق اوزره بزده عینیات محاسبلری

دیوان محاسبات طرفندن تفتیشه تابع طوتالزلر .

ثانیاً : بالفعل محاسبلر ، امثالک مفقودیتنه رغماً ، بزده ده دیوانک

قضا سنه تابع اولمق لازم کلیر . نته کیم اصول محاسبه عمومییه قانون موقتنده

بو خصوصده صراحت موجوددر :

[ صفت رسمیه و صلاحیت و مآذونیت قانونیه سی اولیانلردن هر

کیم خود بخود اموال امیرییه نک تحصیل و یا اداره سنه قیام ایدر ، و یا خود

خزینیه نامنه آچقه قبضی و تأدییه ایلر سه حقوق شخصیه نک استردادینه

خلل کلمه مک اوزره صلاحیت و مآذونیت و خارجنده صفت رسمیه نی

طاقینانلر حقنده قانون جزانک ماده مخصوصنده معین جزالر ایله مجازات

اولنور ، و محاسب مؤللرک تابع اولدینی احکامه تابع طوتیلور . ]

( ماده : ۴۷ )

حساباتك شكلى و صورت اعطاسى . — محاسبلك حساباتى اصول محاسبه عموميه قانونك (۵۰) نجى ماده سنده كى صراحتنه نظراً « هر سنه شباطى نهايتنده » و يا خود اكر مأموريتلرندن انفكك ايدرلر سه « مأموريتلرينك ختامى تاريخنده » قطع اولنور و بناء عليه بوتاريخلردن آلتى آى مرورينه قدر حساب ويرهكه مجبور طوتيلورلر . محاسبلر بونى اللرنده موجود نمونه لره تطبيقاً تنظيم ايدرلر .

اشبو حساباتك هر قلمى اوراق مثبتيه مستند اوراق لازمدر . محاسبلر بو اوراق مثبتيه ي حسابلرينه لف و علاوه ايدرلر ؛ بو خصوصده اصول محاسبه قانوننده شو ماده يه تصادف اولونمقده در : [ هر محاسب كندى زمان اداره سى حسابندن مسؤل و ديوان محاسباته اوراق مثبتيه مستند اداره حسابى ابراز ايتمكه موظفدر . اداره حسابى بر محاسبك اكر وظيفه مأموريتنده بوتون بر سنه قالمش ايسه مارت ابتدا سندن شباط نهايتنه دكين ايفا ايلديكى معاملاتك كافه سنى اكر بر سنه دن نقصان قالمش ايسه مدت مأموريتنده ايفا ايلديكى معاملاتى احتوا ايلر ؛ بودجه يه داخل اوليان معاملات دخى اداره حسابنه داخل اولور ] ( ماده : ۴۹ )

[ محاسبلك حسابلى هر سنه شباطى نهايتنده و يا خود مأموريتلى ختامى تاريخنده قطع اولنور . ] ماده : ۵۰ ؛ شو صراحتنه نظرآ محاسب زه سيتون اصولى اوزره طوتدنى اداره حسابى سنه صوكنده تقديم ايدر و اكر سنه اورته سنده چكلىر سه مدت مأموريتى ائناسنده كى معاملاتك حساباتى و يرر ؛ اداره حسابلرينه اولجه « ذات و زمان حسابى نامى و يرلمكه ايدى ؛ قرارنامه ده اداره حسابى بو عنوان يله ذكر اولنيور .

ماده: ۵۱ [ اداره حسابي دوره حسابيه نهايتنده ويريلور. بونده بودجهيه متفرع معاملات مدت متممهيه عائدقسمي تفریق ايدلك اوزره دوره حسابيه اعتباريله وبودجهيه متعلق اولميان معاملات دخي سنه ماليه اعتباريله كوستريلور . ]

ديمك اوليوركه محاسبلسنه صوكذره تام برسنه لك حساب ويررلر. بو حساب بركره او سنه ظرفنده او سنه بودجهسي نامنه ياپيلان معاملاتى احتوا ايتديكي كي، چكن سنه بودجهسي نامنه او سنه ايتداسنه اصابت ايدن مدت متممه ظرفنده اجرا ايديلان معاملاتى ده آيرى جدول حالنده اوله رق احتوا ايدر. بوندن مقصد، آتیده كوره جكمز وجهه، اكزريسيس اصوليله طوطلقده اولان نظار حساباتى محاسب حساباتيله قارشولشدیره بيلمكدر. چونكه ناظر حسابلرنده اكزريسيس طرفنده بودجهنك نه معامله كوردیکی مشاهده اولندينى زمان بونی محاسب حساباتيله قونترول ايتك لازمدر ، ۳۲۷ محاسب حسابلرنده آنجق اصل سنه ايچنده ۳۲۷ بودجه سنه عائد معاملات كوريله بيلور ، بوكا مدت متممه ظرفنده ياپيلان معاملاتى ده علاوه ايتك اقتضا ايدر كه بونده ۳۲۸ محاسب حسابلرنده آيرى جدول حالنده اوله رق كوريلور .

حساباتك صورت تدقيق وحكمي . — وظيفه تدقيق ديوان محاسبات قرارنامه سنده مذكور اولدينى اوزره ميزلره عائددر، اوراق دائره رئيس ثانيسى واسطه سيلاه بونلره تقسيم اولنور . فقط بر محاسبه عائد حسابات يكديكيرينى متعاقب ايبي سنه عيني ميزه ويريله مز. محاسب حساباتى بالذات تدقيقه مجبوردر ، ملازم لره تدقيق ايتديره مز .

ميز تدقيقاتى اجرا ايدر كن اكر لزوم كوررسه محاسبى شفاها

ويا تحريراً استجواب ايدر . بعده ير خلاصه ( راپور ) تنظيم ايلر؛ بو ورقه ايكي نوع مطالعه يني حاويدر : برنجي قسم مطالعه : هر ورق اوراق مثبتيه مستد بولنوب بولمديني بيان واوراق مثبتيه سي اولميانلرك محسوسنك ردی لزومنه دائردر .

ايكنجی قسم مطالعه دخی : ۱ ارقام اوراق مثبتيه مستند اولسه بيه جبايت ايديلان و ارداتك قوانين موضوعيه موافق اوله رق جبايت ايديلوب ايدلمديكنی ۲ صرفياتك تخصیص اولنديني شيار ايچون وقوع بولوب بولمديني و واردات و مصارفك وقت و زمانيله جبايت و تأديه اولنوب اولنديني ۳ مال مأمورلرنيك قوانين و نظامات و عملياته توفيقاً و وظائف مأموريتلرني حقيقه و تماماً ايضا ايدوب ايتمديكنی ۴ صرفياتك تحقيقات دائره سنده وقوع بولوب بولمديني و تفاوت اولديني حالده مقداري ني احتوا ايدر . ( قرارنامه ماده : ۳۵ )

كوريليوركه بو صورته يميزلر بالمله حساباتك تدقيقاتي اوراق مثبتيه استناد ايتدير كه مجبوردرلر و قرارنامه موجبنه بالمله اوراق مثبتيه دوسيه لر حالنده ديوانه كليدر ؛ يميزلر عندالخاصه تحريراً و شفاهاً محاسب استجواب ايده بيله جكدردر؛ مركزده محاسبلر ايچون بو حال مشكلاتي داعي اوله ماز. فقط طشره محاسبلي ايچون ايجه مشكلات قارشوسنده بولينيلور . بو سبيله ( ۱۳۲۶-۱۳۲۷ ) ده اتخاذ اولنان بر اصول موجبنه طشره محاسبلي حقنده بشقه طرزده حركت ايدلمكده در ؛ ۱۳ اغستوس سنه ۱۳۲۷ تاريخنده تنظيم اولنان صوك تعليماتنامه كوره بو بابده شو اصول اختيار و تعقيب اولمقده در :

ولايت مركزلري و لوالرده مجلس اداره اعضاسندن برذاتك رياستي

تختنده دیون عمومیه وزراعت بانقہسی مدیرویام امورلرندن مرکب تشکیل ایدیلن محلی بر قومیسئون اول امرده محاسب مسؤلک تنظیم ایدہ جکی اداره حسابنی تدقیق ایدہ جکدر، انجق بو قومیسئونلرک تدقیق ایدہ جکی مصارف قسمی اولدیقندن بوبادہ کی اوراق مثبته آراق دیوانہ کلیوب بونلریرینه بوتالی قومیسئونک مضبطہسی کلہ-ک-ک ایسہده ، واردات حساباتی دوغروندن دوغرویہ اوراق مثبته سیلہ دیوانہ تقدیم اولنہ جنی مذکور قرارنامہده بیان اولنشدیر . ایشتہ طشرہدن کلن محاسب حساباتی میزلقسمآدوغروندن دوغریہ وقسمآدہ، اوراق مثبته یہ استناداً دکل، طشرہ قومیسئونلری ضبطنامہ لرینہ استناداً تدقیق ایدرلر .

میزلر کرک درجہ اولادہ کرک درجہ ثانیہده بر حسابنی تدقیق واکمال ایتدکدن صکرہ اوراقی بوبادہ تنظیم ایدہ جکلری راپور ، یاخورد تعبیر نظامیسی وجهلہ ، خلاصہ ایلہ برابر دائرہ لرینک رئیس، ثانیسنہ تودیع ایدرلر ، رئیس ثانیہده بو راپورلری دائرہ لرینک اعضاسی میانندہ تقسیم ایدر . مع مافیہ میزلق حقندہ اولدینی کھی عینی بر محاسبہ عائد حسابات ایکی سنہ متوالیا عینی اعضایہ ویریلہ من اعضا اولامیزک بو حسابی بالذات تدقیق ایدوب ایتدیکنی، راپورده ذکر اولنان شیلرک اساسلی اولوب اولمدیغنی تدقیق ایدر . ثانیاً میزک حسابک هر جہتی تفتیش ایتدیکندن امین اولق ایچون اوراق مثبته دن لاعلی التعمین بر قاجنی بالذات حسابانلہ تقابل ایتدیرر و راپورینی یازار آراق حساب حکمہ اقراران ایدہ جکدر .

دیوانک هر دائرہسی وقت معینندہ بر محکمہ شکلندہ اجتماع ایدر . اکر رئیس اون لزوم کوررہ حساب ہیئت عمومیه ده دخی حوالہ اولنہ بیلیر . دائرہ لردہ مذاکرہ ایتدار ایچون لاقلا درت اعضانک وجودی



لازمدر ، اثنای محاکمه اولاً میز یا لکزر بر ماهیت استشاریه بی حائز  
اولان فکریخی بیان و بعد محاسبی درجه ثانیه ده تدقیق ایدن اعضا نقطه نظریخی  
در میان ایلر ، دیگر اعضا زده صره ایله بیان مطالعه ایدوب ایجاب ایدرسه  
مدعی عمومی دخی نقطه نظریخی مدافعه ایلر؛ بعده اکثریتله اعطای قرار  
اولنور و مساوات وقوعنده رئیسك طرفی ترجیح ایدیلیر؛ راپورك كنارینه  
درج ایدیلن قرارك اعلامنی تنظیم ایلک باش كتابته عائد بروظیفه در.  
دیوانك ویردیكى قرارلر یا موقت و یا قطعیدر یعنی دیوان یا اوراق  
مثبتة شك ابرازینه تعلیقاً بر قرار ویرر و یا قطعياً حکم ایدر .

دیوان محاسبات حسابلرك تدقیق صیره سنده ساخته كارلق و یا ارتكاب  
برجرمك وقوعنه واقف اولورسه کیفیتى مالیه نظاوتنه اشعار ایله برابر  
انخاب جرائمك محاکم عائد سنده محاکمه لرینی اجرا ایتدیرمك اوزره  
مقام صدارته مراجعت ایدر ؛ دیمك اولیوركه دیوان محاسباتك محاکماتی  
صرف مسائل حقوقیه راجع اولوب بر جهت جزائیه متعلق  
اولاماز .

دیوان محاسبات اعلاماتك اجراسی — دیوان محاسبات اجرا  
ماموری اولیوب ویردیكى اعلاماتك اجراسی مالیه ناظرینه و یا مستقل  
مؤسسه لرده اودا اثره نك الكیوك مأمورینه راجعدر [دیوان محاسبات كندیسنه  
تقدیم اولنان حساباتی تسویه و قطع و مال مأمورلرینك بری الذمه و یا  
آله جنی و یا ویره جکی اولدیغنی حکم قطعی ایله تعیین ایلر . اولکی  
ایکی شقده یعنی مأمورینك بری الذمه و یا آله جقلى چیقیدینی حالده  
برائتة حکم ایله مأموریتنی ترك ایتمش بواندینی تقدیرده حکم وقراری

ویریلان حسابدن دولای مجوزبولنان اموالک و دینہ مقابل صاتیلمق اوزرہ قید رسمی دوشوریلان املاکنک فک حجز و ترقین قیدینی دخی دیوان محاسبات امر ایدر شق نالئده دخی مال مأمورلرینک ذمتی ظہورنده قانوناً معین اولان مهل ایچنده تأدیہ ایتسی خصوصی حکم اولئور. وهر حالده خزینہ مأمورلری علیهنه واقع اولان بویله برحکمی اجرا ایتدیرمک ایچون اعلامنک بر صورتی مالیه ناظرینہ و تأسیسات عمومیہ مال مأمورلری اعلاماتی دخی اجراسنہ تقید ایچون تأسیسات مذکورہنک الک بیوک مأمورینہ تبلیغ اولنہ جقدر و اعلاماتک وقتیه اجراسنہ عدم تقیددن نظارت مشار الیها ایله تأسیسات مذکورہ بیوک مأمورلری مسئول طوتیه جقدر. [ قرارنامہ مادہ : ۴۶

[ ذمک تصفیہ و تقریری تحصیل ایچون تعقیباتی اجرا ایدہ جک اولان مالیه ناظرینہ عائددر. ] محاسبہ عمومیہ قانونی مادہ : ۵۳

اعادہ محاکمہ و تمیز. — دیوان حکم قطعی ایله ویردیکی اعلاملری دخی بعض احوالده تکرار رؤیتہ مجبوردر : قرارنامہنک ۴۷ نجی مادہ سنده [ دیوان محاسبات برحساب حقنہ قطعاً حکم و قرار ویرمش اولسه بیله حکمدن صکرہ الہ کچیریلن اوراق مثبتیه استناداً مال مأمورینک استدعاسی و یا دیوان محاسباتک رأساً قراری و یا خود حسابات سائرہنک اثنای تدقیقندن حکم و قرار آلتنہ آلتان برحسابده برسهو واقع اولدینی و یا بر قلمک حسابہ داخل ایدلندیکی و یا مکرر یازلدینی و یا محل صرفنک غیریه صرف اولندینی تین ایتسیله مدعی عمومینک وقوع بولان تقریری اوزرینہ او حسابک یکیدن معاینہ و تدقیقنہ ایتدار اولنہ بیلور ] دینمکله مادہنک ذکر ایتدیکی احوالده کرک رأساً دیوان، کرک محاسب و کرک مدعی

عمومی طرفندن اعاده محاکمه طلببنده بولنیله بیله چکی تصریح ایدلمش اولوبور بوندن ماعدا دیوان محاسباتک قرارلری ایچون افراده و حکومته برحق تمیز ویریشدر؛ قزارنامه نك اللنجی ماده سنده دیوانك مال مأمورلری علیهنده ویریکی حکم اعلاملرینک بهمه حال اجرا اولنه جنی، یالکز محاسبلرک قانون ویا اصول محاکمینی محل احواله تصادف ایتدکلری تقدیرده اعلامك نقضی ایچون اوج آی ظرفنده حق تمیزه مالک اوله جقلری ذکر اولونمشدر .

مالیه ناطری دخی دیوانك قرارنده قانون ویا اصول محاکمه برعدم توافق بولوندیغنی کوررویاخود مجلس مذکورک دائره صلاحیتی تجاوز ایتدیکنی ویا ایکی ماده آره سنده تباین بولوندیغنی آکلارسه بوندن دولایی شورای دولته مراجعت ایله تمیز طلببنده بولنه بیلیر. شوراسی جای دقتدرکه شورای دولت حساباتی اصلاتدقیق ایتمز؛ یالکز دیوانك قرارنده قانون ویا اصول محاکمه مغایر احوال اولوب اولمادیغنی آرشدیرر. اشبو احوالک وجودینه قانع اولوبده حکمی نقض ایلرسه حساب، ایلك دفعه او حسابی تدقیق ایدن اعضالر داخل اولماق اوزره تکرار، دیوانك دیگر دائره سنده تدقیق اولنوب بیکدن اعلامه ربط ایدیلیر. دیوان محاسباتک حکملرینک شورای دولتک هانکی دائره سنده تمیز اولنه جنی جای سؤالدر! برکزه نه ملکیه، نه مالیه ونه ده تنظیمات دائره لرینک بوکا صلاحیتدار اولمادیغنی ظاهردر. چونکه دیوان بر محکمه در، بر محکمه نك قرارینی آنجق دیگر بر محکمه نقض ایده بیلور؛ شو اوج دائره ایسه محکمه ماهیتی حائر دکلدر .

شورای دولت محاکم قسمنه کلنجه : بوراسی ده بو خصوصده

صلاحیتدار دکلدر ، چونکه شورای دولت محاکماتک وظائفی بالکنز جزائیدر؛ بومسئله ایسه بر مسئله حقوقیه دن عبارتدر؛ اساساً اخیراً محاکم اداریه جزائیه ده لغو اولمشدر. ایسته کوریلور که شورای دولته مرجع تمیز زره سی اوله جنی اکلایشیله میور. فرانسه ده « contentieux دعاوی » دائره سی بر محکمه اداریه صلاحیتی حائز اولدینی حالده بزده الیوم بویله بدائرته یوقدر؛ تمیز حقننده هیج بر امثاله دخی تصادف اولنه مامشدر؛ چونکه دور سابقده دیوان حقیله ایضای امور ایده مه مکده اولدیغندن کیفیت تمیز مسبوق دکلدی .

دفع مسئولیت و عفو ذمت . — قرارنامه ده « دیوان محاسباتک مال مأمورلری علیهنده اولان حکم اعلاملری هر حالده اجرا اولنور . دینکله ذمتک عفوی ممکن اولمدینی قصد ایدیلور سه ده ۱۳۲۷ تاریخی اصول محاسبه عمومیه قانون موقتی بعضی امکان استثنای کوسته ریور . قانون مذکورک ۵۴ نجبی ماده سنده [ ... سرقت و یا قوه مجبره تأثیریه ضیاع وقوعی و بونلرده صنع و تقصیری بولندیغنک اصولاً تحقیقات مقتضیه ایله تبیینی حالنده محاسب طرفندن وقوع بوله حق ابرای ذمت طلبی اوزرینه انجمن مشاوره مالیهنک رأیله مالیه ناظری طرفندن اتخاذ قرار ایدیلور ] دینبور .

ینه قانونک ۵۲ ، ۵۳ ، ۵۴ نجبی ماده لرنده [ محاسبلر عهده سنده اداره و یا حکماً تحقق ایدن ذم وقوعی تاریخندن اعتباراً حکومتک منفعتنه اوله رق فائض نظامییه تابعدر . . . ] [ ذمتک تصفییه و تقریری مالیه ناظرینه عاندر ] [ ذمتک عفوی انجمن مشاوره مالیهنک رأی بعدالاستیصال مالیه ناظری طرفندن وقوع بوله حق تکلیف اوزرینه مجلس وکلا قراریه با اراده سنیه حائز اوله بیلور . ] دینبور .

۵۴ نجی ماده ده علی الاطلاق ذکر اولنان ذمک عینی زمانده اداره و حکماً تحقق ایدن ذمه شامل اوله جفی ۶۲ نجی ماده قرینه سیله اگلاش یلمه قدده در . فقط ۱۳۲۶ تاریخی قانونده عیناً مذکور اولان ماده عفو کز یا لکز محاسبلر بورجندن تمتع التحصیل برحاله کان دیونه راجع اوله جفی اسباب موجب مضبوطه سندن وقانون مذکورک مجاسده حین تصدیقنده صرف اولنان مطالعاتدن مستبان اولمقده در .

بویانانندن ۱ ۴۵ نجی ماده موجبنه سرقت و یا قوه مجبوریه تحت تأثیرنده ضیاع وقوعی کی حالدرده ولو دیوان طرفندن حسابی ذمتدار کوسترلسون . انجمن مشاوره مالیه نک قراری بعدالاستحصال مالیه ناظری طرفندن مسئولیتک دفع ایدیله بیله جکی، ۲ محاسب عهدده سنده دیوان اعلامیه حکمه اقتران ایتمش اولان ذمک دخی تمتع التحصیل بر حاله کلنجه انجمن مشاوره مالیه نک رأی بعدالاستحصال مجلس وکلا قراری واراده سنیه ایله عفو اولنه بیله جکی آکلاشیلور .

## دیوان محاسبات

( مابعد )

دیوانه محاسبانك نظر مقننه کی ترقیقانی

دیوانك محاسبلر حقننه کی تفتیشی برماهیت قضائیهی حائز اولدینی حالده امر اعطالر حقننه دیوان ادسار بویله بر صلاحیت مالک دکلدر . یالکیز اونلرک حسابلرینی تدقیق ایله خطا کو ردیکی تقدیرده ، بالذات اعطای حکم وتعیین مسئولیت ایده میهرک ، بونی بئرسلس ملی به بیلدیرر . بو بایده دخی اولا فرانسهی نظر تدقیقندن کچیرهلم .

فرانسهده هر ناظر دوره حسابیه صوکنده ، کندی داترهنی مصارف حسابی تنظیم ایدرکه بوکا « ناظر حسابی » *Compte de n. ministre* دیزلور . بو حسابده سنه ایچنده نه مقدار تخصیصات عادیه و نه ضمه آلدینی ، هر فصله داتر نه قدر تحقق وقوع بولدینی ، امر اعطالرک یکنونی ، نه مقدار تأدیات یا بلدینی و نهایت نه درجه بقایا قالدینی و یا ، ابطال تخصیصات واقع اولدینی واح . . فصل وماده اعتباریه کوستریلور . مالیه ناظری ده کندی داترهنی ایچون بویله بر ناظر حسابی تنظیم ایدر . بوندن ماعدا آیریمجه برده « واردات حساب قطعی » عمومی *compte définitif des recettes* تعیین وتنظیم ایدر ، بوراده ، بودجهده نه مقدار واردات تخمین ایدلمش اولدینی ، نقدر تحقق وجبات واقع اولدینی ، فضله و یا نقصان تحصیلات هب کوسترلمشدر . « برده حساب قطعی » عمومی

« Compte général des Finances » دنیلان اوچنچی برحساب یابیلور. بو حسابده دولتک عموم واردات و مصارفاتی، بودجهیه متوازیاً، قیدایدلمشدر؛ یعنی سنه ایچنده جیایت و تادیه سی اجرا اولنان واردات و مصارفات هیئت عمومیه سی اکره رسیدس اصولی دائره سنده کوستریلور. بونی محاسبه عمومیه دائره سی تنظیم ایدر. حساب قطعی عمومی بوضورتله اکره رسیدس اعتباریله یاپلدینی کبی بردفعه محاسب اعتباریله یابیلور؛ یعنی هر محاسبک بو واردات و مصارفدن تقدیری تادیه و جیایت ایندیکی ایری ایری کوستریلور. بوضورتله ایکی بویوک جلد تشکیل ایدن حساب قطعی عمومینک نظار و محاسب حساباتی قارشیلانیدر لمسنه امکان بخش ایدلمش اولور؛ حساب قطعی عمومی یه برده معلومات ایستاتستیکیه یی حاوی برقم علاوه اولنور. دیوانک تفتیشندن اول بو حسابلری بشقه بر مجلس تدقیق ایدر، که بوکا Commission de verification des comptes des minis. tres ( نظار حساباتی تدقیق قومیسینی ) نامی ویرلمشدر. مبعوثان، اعیان و شورای دولت اعضاسندن اولق اوزره طقوز کشیدن ترکیب ایدن بوقومیسینی رئیس حکومت تعیین ایدر. بوهیئت، نظار حساباتی، آلف البیان اوچ حسابک یکدیگرینه توافقی ایدوب ایتدیکنی و نظاراتده موجود قیودات ایله متطابق بولنوب بولمیدیغنی بعدالتدقیق برضبطنامه تنظیم ایله بونی مجلس مبعوثان و اعیانه تقدیم ایدر.

دیوان محاسبات بوندن صکره ایشه مداخله ایدر. بو اوچ حساب یعنی نظار حسابی، واردات حساب قطعی عمومیه سی و حساب عمومی دیوانه کلنجه، دیوان بونلری تفتیش ایلر و هر سنه ایکی نوع بیاننامه ویرر:

۱ مطابقت بیاننامه عمومیه سی  
Declaration générale de  
Conformité

## ۲ رئیس حکومت معطی سنوی راپور Raapport annuel au chef de l'Etat

اولا برنجی بیاننامه‌ی کوره‌لم :

معلومدر که دیوان محاسبات اولجه محاسبلر حساباتی تفتیش ایتیش و بونلرک خلاصه‌سنه مالک بولنمشدر . بناءً علیه نظر حساباتی تدقیق وشبهه وتردده محل قلمیه جق صورتده مقایسه ایده‌بیله جک عناصره مالکدر . بناءً علیه محاسبلر حساباتی کرک نظر حساباتیله کرک واردات حسابی و کرک حساب قطعی عمومی ایله مقایسه ایدر؛ حساب قطعی عمومی بر دفعه اکر رسیس وبر دفعه محاسب حساباتی اوزرینه تنظیم ایدلش اولدی بی ، ونظار حساباتنده ، بالذات سنه ایچنده اجرا ایدیلن ومدت مدت متممه ظرفنده اجرا ایدیلن قسملر آری آری کوسترلدیکی ایچون تدقیق دهها قولایلاشیر بو تدقیق نتیجه‌سنده مطلع اوله‌جینی یولسزقلری ذکر ایده‌رک نظر حساباتک محاسبلر حساباتنه حین تطبیقنده کورولن مطابقت زقلری مبین بر بیاننامه تنظیم ایدر ایشته بوکا مطابقت بیاننامه‌سی اطلاق اولنور که مالیه ناظری وساطتیه بعد الطبع مجلسه تودیع اولنور و آئیده کوره جکمز وجهله محاسبه قطعیه قانونک مجلسده تدقیقنده اوراق مثبته مقامنه بکر .

رئیس حکومت معطی سنوی راپور : دیوان محاسبات کرک محاسبلر حساباتک حین تفتیشنده کرک سائر صورتله مطلع اوله‌جینی یولسزقلر حقنده نوط آله‌رق سنه صوکنده بر راپور تنظیم ایدر . اوزون مدت بوراپورک فرانسه‌ده طبع ومجلس عمومی‌یه تودیع اولنسنه موافقت اولنموردی؛ فقط ۱۸۳۲ دن صکره نو اساس قبول ایدلدیکندن



راپور رئیس حکومتی کنجیه مشار الیه هرناظره کندیسنه عطف واسناد اولنان خطیئات حقنده لازم کلن جوابی ویرمسنی طلب ایدر . ناظرلرده ممکن اولدینی صورتده جواب ویررلر؛ کندیلرینی تبریه یو یا دیوانک نقطه نظری یا کلش اولدینی اثباته جالیشیرلر . قصورلرینی تصدیق ایتدکری تقدیرده دخی بردها تکرر ایتیه جکنه دائر بیانانده بولنورلر . بو جوابلر آلدنقدن صکره کرک دیوانک اصل راپوری کرک جوابلر برجلد حائنده طبع و مجلسه تودیع اولنور . مجلسدهده ، ایجاب ایدرسه ، راستیضاح ایله ناظرلرک مسئولیت سیاسییه سی موضوع بحث اولور . بوراپورلر غایت مهمدر بوسایهده فرانسهده بر جوق ساخته امراءطالر و تجاوز تخصیصاتلر میدانیه چیقارلمش و منع وزجرینه جالیشیلر مشدر .

حکومت عثمانیه ده دیوان محاسباتک آمر اعطالر حقنده کی تدقیقاتی . — دیوان محاسباتک محاسبلری صورت تفتیشندن بحث اولندینی ائانده دخی ایضاح ایدلدیکی وجهله دیوان محاسباتک آمر اعطالر حقنده کی تدقیقاتی قطعاً حکمی وقضائی اولیوب یالکیز بعض یولسزقلر وقانونسزقلردن مجلس عمومی یی خبردار ایتک ایچوندر :

اولا : دیوانک امر اعطالری وطشره حوالاتی ویزه صلاحیتی قبل الاجرا بر تفتیش و مراقبه دن باشقه هیچ بر شی دکلدر . کذا اولجه کوردلیدی وجهله نظارتلرده تعهداتک مراقبه سی وظیفه سیله مکلف اولان محاسبه مدیرلری ناظرلرک یولسز تعهداتی مالیه ناظرینه اخبار و مشار الیه ده دیوان محاسباتی مسئله دن خبردار ایدر . ایشته دیوان مطلع اولدینی بو یولسزقلر حقنده نوط آلیر . کذا اصول

محاسبه عمومیة قانونك ۱۷ نجی ماده‌سی موجبینجه دیوان محاسباتدن، فصول و موادینه عدم مطابقت حسیله رد اولنان امر اعطالر وتخصیصات وحوالاتی مالیه ناظرینك رأی وموافقتی اوزرینه اتخاذ اولنه‌جق مجلس وكلا قراريله تأدیه اولنور؛ دیوان محاسبات بوقراردن خبردار اولنجه بو خصوصده نوط آلیر . كذلك قوانین ونظاماته موافق كورمیهرك رد ایستیگی اعطال امرلری حققنده آمر اعطالر طرفندن تحریر آدرعهده مشیوایت اولوندیقی تقدیرده دیوان محاسبات بونلری، احتیاطاً ویزه ایدر وبونی‌ده قید ایدر . ایشته دیوان كوردیگی بو وامثالی اویغونسزلقلری هراوج آیده برتنظیم ایستیگی راپور ایله ومقام صدارت واسطه‌سیله مجلس ملی‌یه بیلدیرر . ( محاسبه عمومیة قانونی : ماده ۲۳ ) ایشو راپورلر ۳۲۷ سنه سندن بری ویرلمكده در . محاسبه مدیرلرینك آمر اعطالره اعتراضلری شمدی‌یه قدر نامسبوق اولدیغندن بوراپورلرده كزیاده اصرار اوزرینه ویزه اولنان وامر اعطال وحوالات، ورد اولنان امر اعطالر كوستلش بر چوق معلومات استاتیقیه علاوه اولونمشدر . بوراپورلر ایلریده غایت قیمتدار وثائق اوله‌جقدر . [۱]

دیوانك نظارحققنده ایکنجی برصورت تدقیق مطابقت بیاننامه‌سی ایله اولور . بوبابده محاسبه عمومیة قانوننده شو ماده‌لره تصادف اولنمقده در :

[ هرناظر برسنه بودجه‌سنه عائد مصارفك حساب قطعیسنی ایکی نسخه اوله‌رق بالتنظیم نهایت دوره حسابیه‌ك قانددینی سنه‌نی ولی ایدن سنه‌ك اغستوس غایه‌سنه قدر مالیه نظارتنه ارسال ایدر . مالیه

---

[۱] دیوان محاسبات قرارنامه‌سك صوك فصلنده دیوانك بعضی اصلاحات ومعاملات حققنده مقام صدارته سنوی (اخطارات لایحه‌لری) ویره‌جکی مذکور ایسه‌ده ایشو راپورلر مذکور اخطارات لایحه‌سی مقامنه قائم اولمشدر .

ناظرى بونك برنسخه سنى ، بلا تأخير ، ديوان محاسبانه تبليغ ايدر [ (ماده : ۳۸) بو ماده نظار حساباتنك تنظيمى امر ايدىيور . بو حسابات بو مودهل اوزره يابيليركه بوده ۳۹ نجى ماده ده مصرحدر : [ اشبو حسابات نسق واحد اوزره بودجهنك فصللرى اعتباريله ترتيب ايديلوب هر فصلده :

اولا ، ويريلن تخصيصات .

ثانياً ، حكومتك تحققيق ايدن ديونى .

ثالثاً : مصارف محققه دن تأديه ايديلن وتأديه ايديلوب صورت مخصوصه ده آجيله جق امانت حسابنه نقل ايديلن مقدارلرى آيرى آيرى كوستريك اوزره امر اعطايه اقتران ايدن مبالغ .

رابعاً ، تماماً ويا قسمأ ابطال ايديله جك تخصيصاتك مقدارى بيان وارائه اولونور . ]

بوندن سوكره ماليه ناظرى ده سنه ماليه واردات ومصارفات حساب قطنى عمومىسنى تنظيم ايدهرك [ دوره حسابيه نك قاندينى سنه يى ولى ايدن سنه كانون اولنك غايه سندن اول مجلس اعيان ومبعوثانه وديوان محاسبانه توديع ايدر ] ماده : ۴۰

[ بو حساب واردات نقطه نظرندن بودجهنك اقسام فصول وموادينه منظرأ :

(۱) واردات عموميه نك غمخنانى

(۲) تحقيقاتى

(۳) تحصيلاتى

(۴) بقاياسنى .

محتوى بولدينى كچى مصارف نقطه نظرندن ده هر نظارت ايجون :

(۱) ویریلن تخصیصاتی .

(۲) حکومتك تحقق ایدن دیونی

(۳) تأدییه ایدیلن و تأدییه ایدیلیوب امانت حسابنه نقل ایدیلن مقدارلری آیری آیری کوسـتریلک اوزره امر اعطایه اقتران ایدن مبالغ .

(۴) تماماً و یا قسمأ ابطال ایدیلن تخصیصات یکون عمومیسنی ارائه ایلر] (ماده : ۴۱)

ایشته بو حسابات دیوانه کلیر دیوان سنه ایچنده محاسبلردن آلوب تدقیق ایتدیکی حسابات ایله بونلری قارشولاشدیرر . مطابق اولوب اولمادیغنی تنظیم ایتدیکی « مطابقت بیاننامه سیله » مجلسه عرض ایدر . بوبابده اصول محاسبه عمومیه قانوننك ۳۴نجی ماده سنده صراحت کافیه موجوددر .

[ نظار حساباتك كرك واردات و كرك مصارف جهتندن محاسبلر حساباتی ایله مطابقتی دوره حسابیه نك قباندینی سنه بی ولی ایدن ایکنجی سنه نك نهایت اغستوس ابتداسنده دیوان محاسبات طرفدن مجلس اعیان و مبعوثانه ویریلسی ایجاب ایدن عمومی بیاننامه لرایله تأیید اولونور . ]

ایشته بوماده لر موجبنجه اولاه: هر نظارت دوره حسابیه نك قباندینی تاریخندن اعتبارأ بر سنه ظرفنده مالیه ناظرینه بر حساب ویرمهک مجبوردر؛ بو حسابك برنسخه سی هان دیوانه ارسال اولنور .

نایبأ مالیه ناظری محاسبه عمومیه واسطه سیله دولتك واردات و مصارفات حسابی قطعی سنوینسی تنظیم و دوره حسابیه نك

ختمانندن اعتباراً اون بش آی ظرفنده برنسخه سنی دیوان محاسبانه و برنسخه سنی مجلس ملی به تقدیم ایدر .

دیوان محاسبات ده بودجه نك قباندینی تاریخندن اعتباراً ایکی سنه ظرفنده ( یعنی حسابی وقتنده آلدینی تقدیرده « ۹ » آیده ) حسابی بدقیق ایله بر مطابقت بیاننامه سی تنظیم و مجلسه اعطا ایدر . دیوان یوقاروده ده کوردیکمز وجهله محاسبلر حساباتی آلوب تدقیق ایتشدی شمدی ناظر حسابلریله بونلری قارشولشدریر . ویا به جنی مطابقت بیاننامه سنده یولسز لقلری بیلدریر .

بو مضبطه نك صورت تنظیمی قرار نامه نك یدنجی فصلنده کوره بیلیرز . بونك صورت احضاری محاسبه اعلامات نك احضارینه بکزه ر: حساباتی اولامیز بعده اعضا تدقیق ایدر، دیوانك هیئت عمومیه سنده مذاکره و وضع اولنور . ومدعی عمومینك مطالعه سی آلنیر ، بعده بالتمهیر صدارته ارسال اولنور . مع مافیه ینه تکرار ایده رز بو بیاننامه بر حکمی محتوی اولمایوب یالکوز مطابقتسز لقلری تشریح ایدر .

قرار نامه ده مطابق بیاننامه سی ( مضبطه نامی تحتنده ) حقنده صراحت موجود اولمقله برابر بودجه اولماینجه حساب و مضبطه اولامیه جفندن طبیعتیه مشروطیتدن اول بویه بر بیاننامه تنظیمی امکان خارجنده ایدی . مشروطیتدن صوکر ا دخی صوڪ وقوعات بو حساباتك اعطاسنی امکانسز براقشدر . بناء علیه قانونلرک امر ایتدیکی حسابات و مطابقت بیاننامه سی اصلا تنظیم اولنه مامشدر . اصلاحات و تنسیقات مالیه ده جدی برآدیم آته بيلمك ایچون اشبو قیودات قانونیه نك برآن اول ساحه تطبیقاته وضعی شدتله تمی اولنور .

## ۲

ممالك متمدنه سائر ده دیوان محاسبات ویا دیوان محاسبانه

### مشابه مؤسسات

فرانسه دیوان محاسبانی یالکز بزه دکل اوروبا حکومتانك اکثریسنه برموده ل تشکیل ایلش ، بو حکومتلرده دیوان محاسبانك تشکیلات ووظائف خصوصنده آز چوق فرانسه دن ملهم اولمشلردر . یالکز روسیه وانکلترده دیوان محاسبانه مشابه مؤسسات بسبتون باشقه براساس اوزرینه تنسیق اولمشدر .

بلجیقا دیوان محاسبانی کرک تشکیلاتی وکرک محاسب و آمر اعطا حسابلرینی صورت تفتیش و تدقیق اعتباریه فرانسه دن اساسی صورته آیرلامقده در . یالکز بوراده ، معلوم اولدینی اوزره ، امر اعطالرك قبل التادیه ویزه سی ، بزه اولدینی کبی ، بروطیفه منضمه اولمق اوزره دیوانه ویرلشدر .

ایتالیاده دخی دیوان محاسبات برمحکمه عالیه اولوب اوچ دائره یه آیرلشدر . برنجی دائره محاسبلرك حساباتی تدقیق و محاکمه ایتک ، ایکنجی دائره قبل التادیه تعهداتی و امر اعطالری ویزه ایلک اوچنجی دائره دخی بالخاصه تقاعد و معزولیت قرارلرینی تدقیق و امر اعطالرینی تصدیق ایتک و طیفه سیله مکلفدر . محاسب حساباتی تدقیق و محاکمه نقطه نظرندن ایتالیا دیوان محاسبانی فرانسه دیوان محاسبانه شبیه ایسه ده نظار حساباتی تدقیق نقطه نظرندن اساسی بفرق موجوددر . ایتالیا ده خزینه ناظری هر آی نه ایتنده ، معامله اکمال ایدلکجه ، واردات و مصارفک بر خلاصه سنی دیوانه کونده ریر . واردات حسابلرینه مختلف

مفتش لرك راپورلری ومصارف حسابلرینه تأدیاتك اوراق مثبتیهی مربوطدر. دیوان هر آی بو حساباتی تدقیق ایدر بوصولته سنه ختامنده نظار حساباتی تدقیق ایله مش بولور ؛ صوكره محاسب حسابلری كلدیكى زمان اونلری بولرله قارشیلادیرر ؛ بو سایهده ایتهلایاده حسابات آز مدتهه تشكلی ایتمكهده در .

بروسیهده دخی دیوان محاسبات chamber superieure des comptes برچوق نقاط نظردن فرانسهده كینك عینیدر. بورادهده دیوان، محاسبلر ، حساباتی تدقیق وتفتیش ایدر، كذلک نظار حساباتی ده بعدالتفتیش مطابقت بیاننامهلری ورئیس حکومه راپورویرر. یالکزشو فرق واردر: روسیهده دیوان محاسبات اعضای محاسبلری تفتیش ایچون طشریه کیده رك محاسبلرك دفترلری ، قاصهلری ، دپولری محلهده بالذات تدقیق ایتمكه صلاحیتداردرلر ؛ فرانسهده ایسه بواصول یوقدر .

روسیهده دیوان محاسبات برمحکمه ماهیتی حائز اولیوب بر نظارت حالنده در حتی اسمنده « قونترول نظارتی » دینیر . بو نظارتك ولایتلرده (chamboa de contrôle) دنیلن برر شعبهسی واردر: بوشعبات مأمورین محلیهك وحی والیلرك نفوذ ومداخله سندن مستقلدر. حساباتی بالذات بولر تنظیم ایدرلر ؛ بو دأرملر روسیهده اولدینی کی محلهده اجرای تفتیشاته مأذوندر ؛ حتی بکلنلمدك زمانلرده دفتری ، قاصهلری ، دپولری آرایه بیلیر ؛ تأدیه مأمورلری معاملات بعدالایفا اوراق مثبتیهی بو دأرملره ویررلر . اونلرده اشبو حساباتی بمداالتظیم قونترول نظارتنه کوندریرلر .

انکلترهده دیوان محاسبات مقامنده اولان مقام audit office در.

بونک ریاستنده واسع براستقلاله مالک ، حکمدار طرفندن منصوب  
 و مجلس مبعوثان ايله اعیانک رأیی اولمدقجه عزلی غیر قابل ، قونترولور  
 اودیتور ژهنه رال موجوددر ؛ قونترولورک معیتنده بر معاون و ایریجه  
 مالیه نظارتی طرفندن تعیین اولنان قلملر وارددر . بوزانک وظیفه سی  
 محاسبلرک حساباتی تدقیق ایتمک - حتی بعضاً محاسبلر حقنדה اداری جزالر  
 ویرمک - در . فقط بتون قرارلری برقرار اداری در ؛ بناء علیه  
 محاسب حساباتنک تدقیقندن صکره قونترولور بر اعلام اصـداری  
 مجبوریتنده دکلدر .

Bureau de trésorerie : بونلری بدایه  
 تدقیق ایدر وبالآخره اودیت اوفیسه کوندریرر ؛ بوده درجه ثانیه ده  
 اجرای تقیذشات ایدر ؛ و کندی مطالعه سنی علاوه ايله مجلسه ویرر .  
 بورودو تره زوره ری حساباتی و قتیله تدقیق و کندیسنه اعطا ایتمز ایسه  
 قونترولور، اشبو حساباتی بالذات تنظیم ایده رک مجلس مبعوثانه کوندرمک  
 حقنه مالکدر .



## محاسبه قطعيه قانونی

اداری و عدلی قونترول بالخاصه محاسب مسئولر حقننده تطبیق اولنوب بو قونترولک نظاره اولان تاثیراتی ، اولر حقننده کی قوه تأییدیه سی، محدود و در دیوان محاسبک امراء عطا حسابلر نی تدقیق ایتمسندن مقصد ایسه یولسزلقلری مجلس عمومی یه اخبار ایتمکدن عبارت قالدیغی کورولمشدی. ایشته نظار حقننده کی تفتیشاتی اجرا ایدم بیه جک و اولنری مسئول ایلیمه جک مقام طبیعتیه مجلس مبعوثان و اعیان اولسی لازمدر؛ بناء علیه بوراده موضوع بحث اولان قونتروله سیاسی بر قونترولدر . مجلس مبعوثان و اعیان بودجه اجرا آتی حقننده کی قونترولی عمومی و مه تودیک بر شکله آنجق محاسبه قطعيه قانونی. La loi de reglement du Budget تصدیق صورتیه ایفایدر. کچمش سنه نك حسابات و معاملاتنی احتوا ایدن بقانونی تدقیق ایتمدیکی ائشاده ، مجلس ، نظارک امور و اجرا آتی حقننده عمومی بر فکر الله ایدر . اسی سنه ده کی یولسزلقلری ، یا کشلری اوکره نهرک بوندن دولایی نظار حقننده مسئولیت سیاسیه موضوع بحث ایلر ، و ماضیه عائد اولان بو تدقیقاتندن آتی ایچون بر طاقم نتایج استخراج واستنباطنه مقتدر اولور .

بودجه بر یول چیز حساب قطعی قانونی زمامدارانک بویولی

تعقيب ايدوب ايتدكلارنى تفتيش ايدر . حساب فطعى قانونك تدقيق انساننده ، ذاتاً نظار حساباتى ، واردات حساب عمومىسى ، حساب قطعى عمومى ، تدقيق قوميسيونى راپورى (فرانسه ده) ديوانك راپورلى ، مطابقت بيانامه سى كافه مجلسه كلش در ، بونلر هپ محاسبه قطعيه قانونك تدقيقنه مدار اولور .

محاسبه قطعيه قانونك پروژه سى شكلاً بودجه يه مشابهدر : باشده بر اسباب موجب لايحه سى ، صوكره مواد قانونيه وعائد اولدينى سنه نك واردات ومصارفات جدللى وموجوددر . بوجدوللارده بودجه ده نه قدر تخصيصات ويرلديكى ، ن قدر تحقيقات ياپلدينى ، نه مقدار بقيه بولندينى ، نه قدر امر اعطا اصدارونه مقدار تاديه ايدلديكى فصل فصل ، ماده ماده محرر در . وارات جهنندن دخى تخمات ، تحقيقات ، تحصيلات بقايا و الح آيرى آيرى كوستريلير قانون اساسينك ( ۱۰۴ ) نجى ماده سى بزده محاسبه قطعيه قانونك تنظيمى آمر بولنمقده در ماده مذكوره ده بو قانونك دوره حسابيه نك ختامندن درت سنه مرورينه قدر ويريله چكى ذكر اولئيور [ \* ] حالبوكه بواصول ، محاسبه قانونك ( ۴۲ ) نجى ماده سندنه كى صراحتله متضاد بولنمقده در ، بوماده ده :

[ بودجه نك قطع حسابى دوره حسابيه نك قاندينى سنه يى ولى ايدن سنه نك كانون اولى غايه سندن اول بر قانون مخصوص ايله مجلس مبعوثانك نظر تصديقنه عرض اولئور . اسباب موجب يى ده محتوى اوله جق اولان اشبو قانون لايحه سى تدقيق ايچون مجلس مبعوثانه واردات ومصارفات محاسبه قطعيه عموميه سيلاه نظار حساباتى ده توديع اولونور . ] دينيور . بوراده كى تناقضى شويولده تفسير اتمك ممكندر : قانون اساسيده كى

[ \* ] ( عاسبه قطعيه قانونك لايحه سى متعلق اولدينى سنه ختامندن اعتبارآ نهايت درت سنه صكره مجلس عمومى به اعطا اولئور ) قانون اساسى ماده : ۱۰۴

ماده حساب قطنی عومینک نهایت درت سنه ظرفنده ویرلمسنى امر ایدیور ، درت سنه مرورندن اول ویرلمسنه مانع اولیور ؛ ایشته محاسبه عومیه قانونی ده بومدی تقلیل ایلدیور محاسبه قطعیه قانونک مجلسده تدقیق طبق بودجهنک تدقیق کبیدر ، پروژه اولا قومیسونه کیدر صوکره هیئت عومیه ده مذاکره اولونور ونهایت اعیانندن کچهرک قبول اولونور ؛ ایشته بو تدقیقات انسانسندۀ نظارک مسؤلیتی موضوع بحث اولور . بو مسؤلیتلر سیاسیدر . احتمال بعضاً مسؤلیت جزائییه ده ایشه قاریشیر . او زمان بونک حلی دیوان عالییه تودیبع اولونور ؛ هر حالده مجلس مبعوثانده مسؤلیت حقوقیه موضوع بحث اولاماز .

اکثر دولتلر حساب قطنی قانونلرینه لازم اولان اهمیت ویرمه مکده در از جمله بزده فعلاً حساب قطنی قانونی موجود دکلدر ؛ شمدییه قدر هیچ بر محاسبه قطعیه قانونسندۀ تنظیم اولنه مامشدر ؛ حاویوکه بو قانون ویریلوب تصدیق ایدیلش اولسه یدی نه قدر سوء استعمالات کوریلوب آتی ده منع وزجری چاره لری آرانه جق ، ماضینک تجاربندن استفاده ایدهرک استقبال ایچون نه قدر مکمل دستورلر وضع اولنه بیله جکدی . فرانسه ده اشبو قانونک تصدیق الیوم غایت فنا بر صورتده جریان ایدیور ، بوکا سبب سیاسی قونترولک حقیقه اجرا اولنمه می ، ناظرلرک قانونی کیچ ویرمه لری ، مبعوثلرک سنه لرجه قانونی موقع مذاکره وضع ایتمه لری ومذاکره ایدلدیکی زمان بیله بو قانونه هیچ اهمیت عطف ایلمه لمیدر . ایشته بو اسباب تأثیریه حساب قطنی قانونلری نک فرانسه ده پک کیچ وعادتا باشدن صاومه بر صورتده تصدیق اولندیکی کوریلکده در . (۱۸۹۸) سنه مالییه سی حساب قطنی قانونک انجق

(۱۹۰۷) ده علي العجله تصديق ايدلديكي دوشونيه جك اولورسه بو باده بر فكر ايدنك قابل اولور ؛ بر حساب اون سنه صوكره تدقيق اولنورسه مسئول نظار آرتق موقع اقتدارده بولنهميه جفندن اوراده كي خطيئات ضمنى بر مرور زمانه اوغرامش اولور ؛ ايشته اليوم فرانسه ده ، ره ستوراسيون دورينك عكسكه اوله رق ، بصورتله محاسبه قطعيه قانونلى صوك درجه دوجار اهمال اولمقده در .

### انكلتريده سياسي قونترول

شمدي به قدر انكلتريه نك مؤسسات ماليه سندن بحث اولندچي دائما كنديسكه مخصوص بر خصوصيتي وبخصوصيت ايچنده بر مكمليتي محتوي اولديني كمال تقديريله ذكر ايدلمشدي ؛ بو قدر مكممل بر منظومه ماليه نك منتظم برده سياسي قونترول اوزرينه استناد ايدجكندمه شبهه يوقدر . في الحقيقه انكلتريه مجلس مبعوثاني خصوصيات ماليه ده حائر اولديني حق مراقبه به فوق العاده شدتله صارلمش اوني قطعياً لندن بر اقيور ؛ بونكه برابر انكتر فرانسه ده اولديني كي بودجه نك حساب قطعيسني رسمي بصورتده مجلسك هيئت عموميه سي حضورنده تصديق ايتك بو باده هيئت عموميه نك رأيي آلمق كي فورماليته لر موجود دكلدر ؛ انكليز لر حساب قطعي ايچون بر قانون اصدارني ضروري كورمه مككه برابر قونترول كيفيتي ده بوندن هيچ برشي غائب ايتيور .

اولا انكلتريده هر نظارت ، هر مؤسسه رسميه ، مطردوغير مطرد زمانلرده بر چوق رساله لر نشر ايدر بونلردن هر كس كي مجلس ملي ده بر چوق حقايق و نتايج استنباط ايلر وافكار عموميه ايله برابر دواثر ك اجرا آتي حقنده بر فكر ايدينه بيلير ،

ثانیاً یوقاریده کوردیکمز وجهله بورودو تره زوروری هر سنه  
 Finances accounts دنیلن بر حساب قطعی عمومی تنظیم ایتدیکی  
 کبی ناظر لرده نظار حساباتی دیمک اولان cmopte d appropriation  
 لرینی تنظیم ایدرلر. بونلر هپسی قونترول اودیتور ژه نه رالک اودیسیونه  
 یعنی تصدیقنه اقتران ایدر؛ قونترول اودیتور بونلری محاسبلر حساباتیله  
 قارشولشدیرر، جمله سی حقنده اجرای تدقیقات ایدر؛ بعده بو حسابی تنظیم  
 ایتدیکی راپور لرله برلکده مجلس ملی به تقدیم ایلر. حتی اشبو حسابات  
 کندیسنه وقت معینده گلز سه قونترولور بونلری بالذات تنظیم ایلر مجلسه  
 ویرمک اقتدارینی حاضردر.

حساب قطعی، نظار حسابلری و قونترولورک راپوری مجلسه کلدیکی  
 زمان برای تدقیق بر قومیسون تشکیل اولنور؛ بالخاصه بو حسابلری تدقیقه  
 مأمور اولان بوقومیسونه comité permanent des comptes  
 Publics نامی ویریلر. بوقومیسون یالکمز حساباتی تدقیق ایلر اکتفا ایتمز؛  
 ایجاب ایدر سه، نظاری، محاسبه مدیرلرینی و ساژمأمورینی جلب استجواب ایدر  
 وه ستمینیس ترده بردائرة منحصر سه موجودر که بو استجوابات بوراده اجرا  
 اولنور. حسابات تدقیق و تصحیح و بالجمله تفرعاتی آراشدیرلدقن صکره  
 راپوتور وظیفه سنی ایفا ایدن رئیس هر دائره ایچون بر راپور تنظیم  
 ایدر. بتون بو معاملات ژه سیتونک تاریخ ایتدارندن ایکی سنه ظرفنده  
 تماماً ختام بولور. راپورلر و حسابات بر جلد حالنده تنظیم واکال  
 اولنور.

ایشته انکلتزده حساباتک مجلس طرفندن قونترولی بوراده ختام  
 بولور. فی الحقیقه مجلس مبعوثان آرتق بر قانون حالنده بو حساباتی  
 تصدیقه هیچ بر احتیاج حس ایتیمور، یالکمز طبع اولنان حساب

وراپورلرک مجلس اعضاسنه توزیمی ایله اکتفا ایدیلور. مبعوثاندن بری حساب وراپورده موجب مسئولیت بر حال کوزرسه بر استیضاح ویا بر سؤال ترتیب ایده بیلیر هیئت عمومیهده مسئلهی اوزمان ناظردن صورار؛ بو حق کثرله استعمال ایدیلور؛ فقط حساب قطعی ایریجه بر قانون حالنده تصدیق اولمسنه احتیاج مس اولماز .

ایشته بو صورتله انکاتروده حساب قطعیمنک بر قانون حالنده تصدیق اصولی موجود اولمدینی حالده بودجه قونترولی بواصول موجود اولان ملکترلره نظر آقات مکمل بر صورتده ایفایدملکده در حساب قطعینک اسپه سیالیستلردن مرکب اولان قومیه لرده تدقیقنده هم بر چوق مسئولیتلر ظاهره چیقارلمقده همده آتی ایچون بر چوق قیمتدار امثال واحکام استنباط ایدیلرک قوانین مالیه حس ایدیلن احتیاجه کوره تعدیل واصلاح اولمقده در .

## خاتم

### بورد به معامرتك تلخیصی

بودجه به عائد اوله رق کوردیکمز معاملات ی برقاچ سطر ایچنده .  
بردها خلاصه ایتک فائده دن خالی دکلدر :

هر ناظر طشرده ویا مرکزده کی مأمورینی معاونتیه کندی بودجه سنی .  
تنظیم ایدر ؛ بوتنظیم کیفیتنی بعض مملکتلرده سنه مالیه ابتداسندن .  
یک اوزاق برزمانده ایفا ایدلیدی کی بعضیلرنده سنه به یک یقین برزمانده .  
اجرا ایدیلیر . بودجه سنه به قدر یاقین برزمانده تنظیم ایدیلرک اولورسه .  
ارقامنک صحت واصلاتی او درجه تأمین ایدلش اولور .

مالیه ناظری بعض مملکتده نظارک تقدیم ایتدیکی بودجه لری  
تکرار کوزدن کچروب تعدیل ایتک صلاحیتنه مالکسده اکثر  
مملکتلرده بو حق قبول ایدلمه مشدر . فقط هر مملکتده مالیه ناظری  
دیگر ناظرلرک بودجه لری سانترا لیزه ایدرک عمومی معارف بودجه سنی  
تنظیم بعده واردات بودجه سنی بالذات احضار ایدرک عمومی بودجه نی  
وجوده کتیریر ، و صوکنه اسباب مرجیه لایحه سنی علاوه ایدر .  
بودجه به متوازیاً طوتیلان حساب بعض یرلرده ژستون و بعض یرلرده  
اکزرسیس اصولیه تنظیم ایدلمکده و فقط هرا یکسینک محاذیرینی تعدیل  
ایده یک وسائله توسل اولمقده در .

منتظم بودجه لرده واردات و مصارفات تماماً آیری آیری اوله رق  
کوستریلیر . بودجه ده وحدت و عمومیت اساس اولمالیدر .

وارداتك تخمینى اوتوماتيك، تزئید وسطی و یا تقدیر ذاتی اصول لرندن بری ایله اجرا ایدیلیر سه ده بونلرک ایلاک ایکسی عندی اوچنچیسى ده الك منطقى برطریقدر . مع مافیة هر عملکندة قابل تطبیق اوله مامقده در . مصارفك تخمینندة اصول میخانیکى وضع اولنه ماز مع مافیة مالیة ناظرلری ایله مجلس مبعوثان تخصیصات متحولہ ایله غیر متحولہ نی یکدیگرندن تفریق و دقتله تدقیق ایتمه لیدر لر . پارلمنتولر بودجه نك تصدیقه ایتدار ایتزدن اول اولاقومیسو نلرده تدقیقات اجرا ایدر لر .

قانون ماده ماده مذا کره اولونور واردات و مصارف جدوللری ده فصل فصل قبول اولونور و ابتدا مصارف بعده واردات تصدیق اولونور . مجلس مبعوثانك تصدیقندن صوکره قانون مجلس اعیانده عینی فور مالیته ایله تصدیق اولونور ممالك متمدنه تك اکثریسندہ مبعوثانك بودجه حق اعیانہ فائقدر .

بودجه نك تصدیق منتظماً هر سنه واقع اولور . بودجه نك ردی پارلمنتولر طرفندن تهدید ایچون الدہ بولندیر یلان فقط استعمال اولنمیان بر سلا حدر . تخصیصات منضمه و فوق العاده خصوصى قانونلر ایله ویریلیر، ابطال تخصیصات محاسبه قطعیه قانونلریله واقع اولمیدر . بودجه نی قوه اجرائیه تطبیق ایدر وارداتی جیایت اونلری بر مرکزہ جمع و احتیاجه کوره توزیع ایتمک مالیة ناظرینك حمله وظائفنددر .

مصارفك تأدیہ سنی امر ایله مک هر یرده آمر اعطالره، یعنی درجه اولاده نظاره راجعدر . بونکه برابر امر اعطالره یرده مالیة ناظرى و یادىوان محاسبات طرفندن قونترول ایدیلیر لر . مصارفك تأدیہ سى صرف مالیة ناظرینك معیتندہ کی محاسبلر طرفندن اجرا ایدیلیر .



بودجه حساباتي دوره حسابيه صوكننده قاباير . بقيه واردات و مصارف ايرتسي سنه بودجه سندن نسويه اولونور . بونكله برابر دولتلك لهنده استثناء ده قيصه بر زمان قبول اولمشدر . بودجه اجرا اولندقدن صوكره قونترول ايديلير ، محاسبلر بالخاصه اداري وعدلي قونتروله تابعدرلر آمر اعطالر ديوان محاسباتك وساثر هيئتلك تنويري اوزرينه دوغريدن دوغريده مجلس ملينك قونترولنه تابعدرلر .

### بودجه فورماليته لرينك اهميتي

ايسته بر مملكتك تفيض وتكميل ماليه سني تامين ايچون موجود بودجه قواعدي بولردن عبارتدر بتون بومعاملات هيسي فورماليته دن قواعد واشكال خارجيه دن عبارت اولديغي كورولمورمي ؟ او حالده بر مملكتده تفيض مالي توليدينه بتون قواعد خارجيه دن عبارت اولان بودستورلرك عجا نه تاثيري وارد ديه ذهنلره برشبه طاري اوله بيلير ؛ حقيقه دنيله بيليركه بر مملكتك انكشاف ماليه سني تامين ايدن شي بويله بودجه مه قانيرمه سي كي فورماليته لر دكل بولدن ده ها عالي بر طاقم دساتير اقتصاديه ، سياسي و حكميه در ، يعني حكمت و فطانت نفوذ نظر ، سوء استعمال ، قارشى متانت ، فكر اقتصاد كي مديران مملكتك حائز اولسي لازم كلن اوصاف بولميينجه مملكتك ثروتي نه درجه ترقى ايدرسه ايتسون حال ماليه سنده هيچ بر صلاح كوريله مز ؛ شبهه سز هيچ كي مسه بوپرنسيپلرك بودجه فورماليته لرينه نظرا قات يوكسك اولديغني و مملكتده فيض ماليه اصل مولدي بولنديغني انكار ايدمه ؛ بونكله برابر بوپرنسيپلرك نه قدر نازك نه قدر قولاي قابل انهدام اولديغني

نظر دقتدن دور طوتماملی یز. چونکه فکر اقتصاده، نفوذ نظره، حکمت اداره‌یه، سوء استعمالاته، صلاحته قازشی متبادیاً هجوم ایدن هر مملکتده نیجه عناصر موجوددر. هرکس، هر امر عطا، بویه دجه ممکن اولدینی. قدر آز اوده مک و امکان دائره‌سنده اوندن چوق استفاده ایتک ایستر و بناءً علیه اشבודساتیر اساسیه قازشی، مهاجمه ایده رک اونلری اسقاطه جالیشیر، احوالده بودشم نلره قازشی اشبو دساتیر عالییه تقویه و حمایه ایتک ایجاب ایدر که بونلرکده مدافعی و صیسی بودجه فورمالیته لریدر. بودجه فورمالیته لری کی مدافع و و صیلر اولسه اساساً شخصی subjectif اولدینی ایچون قولایجه ییقله بیلن حسن نیت، نفوذ نظر، تدبیر و احتیاط و اقتصاد دستورلری پک جابوق مهاجملرک یداستیلاسنه دوشره، مملکتک حال مالیسی برتشوش بر هرج و مرج ایچنده قالیر. خلاصه بودجه فورمالیته لری اویله آهنین استحکام آندرکه اونلرک مدافعه‌سی اولسه مملکتک تفیض مالیسنک عوامل حقیقیه‌سی اولان دساتیر، چار جابوق یداعدایه دوشره. بودجه فورمالیته لرندن بعضیلری دوغروندن دوغرویه سوء استعمالات منع ایده جک حقیقی مانعه لر در، بونلر سوء استعمالاتک حدود مالیه دائره‌سنی تجاوز ایتمه‌سنی منعه مأموردرلر. قوای عمومیه‌نک اوکنه دیکلیدیلر می متجاوزلری هان کری دونمکه، و یا هیچ اولمازسه آز چوق انخما ایتکه مجبور ایدرلر. مثلاً مجلس ملینک واردات و مصارفاتی هر سنه بودجه ایله مکمل و مدیدب بر صورتده، عمومی راپورلر و مذاکره لرله تصدیق ایتمی کند یسنی کندی اثرینه حرمت و رعایت ایله مکه، اونی اخلاص ایده جک تکلیفاتی ینهر د ایتکه مجبور ایدر. مبعوثلر کمال دقت و اعتنا ایله تأسیس ایتدکلری موازتی بر هوس و اختراص

اوغورینه فدا ایتمکه راضی اولمازلر . بودجه تخمیناتی نه درجه دقتله حساب ایدلش اولورسه اوقدر مقاومت کسب ایدر اخلاصه تشبث آسنده اوقدر بیوک اعتراض و هیجانی بادی اولور .

قوه اجراییه کانه مجلسک بو تصدیق رسمیسی اونک الیرینی باغلار، حکومت مجلسک کندیسنه و یردیک تخصیصاتک هر فصلنه تماماً رعایته مجبور اولور، عکس حالده کیفیتک موجب مسئولیت اوله جغنی بیلیر . کذا بعض مملکتلرده مجلسک مصارفاتی تزید و وارداتی تنقیص خصوصنده کندی کندی تقید ایتسی تطبیق کوچ رفورمالیته فقط سوء استعمالاتی او توماتیک بر صورتده منع ایده جک بر قاعده در .

کذلک تخصیصات منضمه لک تقیداته تابع طوئلسی قوه اجراییه یی سوء استعمالدن منع ایدن حتی نیجه دفعه لر قوه تشریعیه یی قوه اجراییه نك طلب و تمیینه مماشادن منع ایله ن قیمتدار بر پره نسیدر .

نهایت بودجه نك قونتروله تابع طوئلمسی بودجه یی اجراییه مأمور اولانلری سوء استعمالدن منع ایله هر کس حاکم لیه معاملات ی محاسبه ایتزدن اول حساباتی کندی کندی حسن صورتله تنظیمه مجبور اولور .

خلاصه بو برنجی قسم فورمالیته لر تدبیر، احتیاط و فکر اقتصاده قارش ی وقوع بوله حق سوء استعمالاتی امکانسز قیلار و یا هیچ اولمازسه جزئی کلی منع ایدر .

فورمالیته لک بعضیلری ده طریق صوابی کوستیرر لر ، وضوحک یعنی نور حقیقتک انتشارینی تأمین ایدر لر . بو وضوح سایه سنده قوه تشریعیه نه هدفه دوغری کیده جکنی کورور وظیفه سی کلیاً قولایلا شیر . بر دولتک واردات و مصارفی هیئت عمومی سی و تفرعاتیله آشکار

بر صورتده کوروندیمی اداره مالیه ایچون اڤی طریق حرکت بیدار اولش دیمکدر، بو طریق حرکتیه سلوک ایتک ایچون مجلسک بر سی ناموسکارسی کفایت ایدر .

شبهه سز اکر کوز کوره مملکتک محو و خرابیتنه کیتمه که عزیمکار بر مجلس ملی اوکنده بولنسه ییق و وضوحک هیج فائده سی اولیه جقدی؛ شکر اولنورکه بوحال وارد دکلدر، مجلس مبعوثانک یا کلاش آدیملری اکثریا حال مالی یی ای کورمه مکدن بعضاً کورمه مقتدر اوله مامقدن نشأت ایدر . بناء علیه بوجه فورمالیتهلرندن وضوحی تأمین ایدنلر اونی دوغریدن دوغریه کوره بیلنلری بیکی دساتیر حرکت تعییننه سوق ایدر کوره مینلرکده یواش یواش کوزلرینی آچار .

کوردیکمز قواعدک برچوخی بوجه لرده وضوحی تأمین ایچوندرد . وحدت و عمومیت قاعده سنک تطبیقی ، بوجه نک تنظیمکنمکن اولدینی قدر سنه ابتداسنه یقین اوله رق تعینی ، ژهستون واکزرسیس اصوللرینک ممکن مرتبه اصلاحی ، دولت لهنه بش سنه لک مرور زمان قبول ایدلسی ، بوجه پروژه لری ایضاح ایدن اسباب موجب وراپورلرک تحریر ایدلسی ، بوجه قانوننک مه تودیک تقسیماتنه تابع طوبیلمسی ؛ اصول مطرده و منتظمه دائره سنده حسابات قطعیه تنظیم اولنسی ، مطابقت بیاننامهلری وسائره هپ بومقصدی تأمین ایچوندرد .

بوجه فورمالیتهلرینک اوچنچی بر فائده سی ده حاکمیت ملیه یی تقویه ایتمیسیدر . کرک تاریخ سیاسی درسلی کرک بوجه نک مطالعه سی بوحق ملت طرفندن نه قدر بیوک مجاهدات نتیجه سنده الده ایدلریکنی کوستریبور . بوحق الده ایتک نصل مقدسه تقویه ایتک ده اوله جبه

الزمدر. ايشته فورماليتهلرك بو خدمتی ده واردر: حكومتی مجلس ملينك ارزوسنه حرمت ورعايته مجبور ايدر. بودجه نك حاضر لئسمندن مقصود اولان بتون مساعی اونى مجلس ملیه مال ايتك ايجوندر. حسن تقدير، مصارفانك دائره، فصل وماده اعتباريله ترتیبی، رأس سنه مالينك تبدیلی اسباب موجب لایحه سنك احضاری، بودجه برحق تفرعات علاوه سی هپ مجلس ملينك وظیفه سنی تسهیل ايجون وضع اولنان تدایردر. کذا بودجه تطبیقه کیردیكى زمان محاسبه عمومیه قانونلرینه توفیقاً قوه اجرائیه نك مجلس ملينك ارزولرینی خطوه بخطوه تعقیب ایتمی، مجلس طرفندن تصدیق اولنماش اولان وارداتك حیایت اولنه مامسی. مصارفده هیچ بر تجاوز واقع اولماسی وحتی امر واقعلرك بيله مجالسك تصدیقنه اقراران ایتمی حساب قطعی قانونلرینك مجلسك تصدیقندن کچیرلمسی هپ بومقصده مبنیدر.

خلاصه بودجه مجلسك ارزوسنه كوره تنظیم اولنور، مجلس طرفندن تصدیق اولنور، مجلسك وضع ایتدیكى قواعد دائره سنده اجرا اولنور، وبالاخره ینه مجلس طرفندن مراقبه اولنور، وبوتون معاملات حاکمیت ملیه نی تقویه ايدر.

ايشته بودجه فورماليتهلرك تأمین ایتدیكى اوج بیوك فائده بونلردر، بوفائده لرینك اهمیتی ایسه قطعاً قابل انكار دكلدر. ممالك متمدنه ده بوقواعدك موجود اولمادینى زمانلرده وقوعه كلان سیئاتك تعدادی غیر قابلدر، زده اسكى دورده بودجه سزللكك پك آجی تجربه لرینی كورمشردر. برملكتنده بودجه وحساب اولمایمی بكون مصارفك فضله و آچیلرك مقداری بیلنمهدیمی، پاره نك نهره دن كلدیكى ونزه یه صرف اولندینى معلوم

بولندیمی اومملکت خراب اولمغه محکومدر . آوروپا حکوماتی بودجه قواعدی سایه سنده احوال مالیه لرینی نصل تحکیم و تقویه یه مقتدر اولمشلرسه حکومت عثمانیه نکه ده اویله جه مشروطیتدن بری تعقینه باشلادیغی طریق اقتباسده دوام ایلمسی تفیض مالیمز ایچون برشریطه اساسیه در.

ختم

## فهرست

تجربه نومروسی

تفصیل نومروسی

## مدخل

- ۳ علم مالینک تعریفی  
علم مالینک درجه اهمیت ، مصارفك اسبابی تزايدی :  
تزايد ظاهری و تزايد حقیقی - اسباب اقتصادی دن و اسباب  
سیاسیه دن دولایی واقع اولان تزايد
- ۱ بودجه نك تعریفی - بودجه حقنده کی معاملات اربعه ۱۴  
بودجه نك تنظیمی
- ۳ بودجه بی کیم تنظیم ایدر ؟  
۱۸ متحده امریقاده بودجه نك تنظیمی - بودجه نك تنظیمنده  
محلی مأمورلرک، مرکز مأمورینک، نظارک و مالیه ناظرینک  
وظائفی - مالیه ناظرینک بودجه نك حین تنظیمنده نظار  
سائریه قارشی اولان وضعیتی - انکلترده بورودوتره  
زوروری
- ۳ بودجه نه زمان تنظیم اولنور ؟  
۲۷ زمان تطبیقندن بعید اوله رق تنظیم اولنسان بودجه لرك  
محاذیری - فرانسه ده بودجه نك زمان تنظیمی - انکلترده  
مدت احضار ورأس سنه مالی - آلمانیا ، روسیه ، ایتالیا ،  
متحده امریقا و بلجیقاده رأس سنه مالی - حکومت

عثمانيه ده مدت احضار ورأس سنه مالی.

٣٧

٤ بودجه حسابلری :

ژهستیون ، اکزرسیس - سنه مالیه و دوره: حسابیه -  
اکزرسیسک محسناتی و ژهستیونک محاذیری - ژهستیونک  
محسناتی و اکزرسیسک محاذیری - تطبیقات : فرانسه  
و حکومت عثمانیه ده اکزرسیس ، انکلتزه و ایته الیاده  
ژهستیون

٥٣

٥ قاعده عمومیت :

حاصل صافی و عمومیت اصولی - عمومیتک تعریفی -  
عمومیتک فوائدی - فرانسه ، انکلتزه ، المانیا ، روسیه ،  
بلجیقا و حکومت عثمانیه ده عمومیت

٦٣

٦ قاعده وحدت :

وحدت و معاکنی بولسان خصوصیت. قاعده لری -  
خصوصی بودجه لریک محاذیری - انکلتزه و فرانسه ده  
وحدت - حکومت عثمانیه ده ملحق بودجه لری

٦٩

٧ فوق العاده بودجه :

فوق العاده بودجه نک تعریفی - فوق العاده بودجه  
طرفدارلرینک مدعایی - فوق العاده بودجه لری محاذیری :  
مصارف حربیه ایچون فوق العاده بودجه ضروری  
دکلدر - امور نافع ایچون فوق العاده بودجه لری لزوم  
یوقدر - مصارف عادیه نک فوق العاده بودجه لری ادخلی



بر سوء استعمالدر - فرانسه ده فوق العاده بودجه -  
انگلترده و المانیاده فوق العاده مصارف - بلجیقا ده  
فوق العاده بودجه - دولت عثمانیه ده فوق العاده بودجه لر

۸۳

حسن تقدیر :

۸

۱ و ارداتك تقدیری: اوتوماتيك، تزید وسطی و تقدیر  
ذاتی اصوللری - ممالك مختلفه ده و ارداتك صورت  
تقدیری

۲ مصارفك تخمینى تخصیصات متحولہ و غیر متحولہ -  
بوايكي نوع تخصیصاتك صورت مراقبه سی

۹۷

بودجه پروژه سنك تقسیاتی :

۹

۱ اسباب موجبہ لایحه سنك محتویاتی  
۲ متن قانون : بودجه لرده مصارفك سبب تقدیمی -  
(آ) و (ب) جدوللری - متن قانونك مواد سائرہ سی - ملحق  
بودجه لر  
۳ اوراق و لوايح ملحقه

بودجه نك تصدیقی

۱۱۷

بودجه حقنك تاریخی :

۱۰

ملتك بودجه حقنه مالکیتك سبی - انگلترده ده بودجه  
حقنك تکاملی - فرانسه ده بودجه حقنك تکاملی

۱۲۷

بودجه نك تصدیقده مجلس مبعوثان و اعیانك حقوق  
متقابلہ سی :

۱۱

مبعوثانك اعيانك حقوقى مساوى اولان ممالك -  
مبعوثانك يالكز حق تقدمه ممالك اولدېنى ممالك - مبعوثانك  
حقوقى اعياندىن بك واسع اولان ممالك - انكلكترده  
بودجه نك تصديقى خصوصنده اعيانك وضعيتى - فرانسه ده  
مبعوثانك امتيازى - حكومت عثمانيه ده بودجه نك تصديقى  
خصوصنده اعيان و مبعوثانك وضعيتى

١٢ بودجه انجمنلىرى : ١٣٥

دائى و سنوى قوميسيو نلر - خصوصى و عمومى قوميسيو نلر -  
قوميسيو نلر ده تدقيقات

١٣ بودجه نك مبعوثانك هيئت عموميه سنده تصديقى : ١٤٢

پارلمنتونك تشبثى ايله مصارفك تزييدنده كى محاذير - انكلكترده  
مبعوثانك تزييد مصارف و تنقيص واردات خصوصنده  
درجه صلاحيتى - فرانسه ده قبول اولنان تحدييدات -  
هيئت عموميه ده صورت مذاكره - مصارف ماده سنك  
تصديقى - فصل و ماده - تصديقك ماده لره قدر توسيع  
ايدلمه مسنك اسبابى - وارداتك و مواد سائر نك تصديقى -  
بودجه نك اعيانده تصديقى

١٤ بر سنه دن زياده ويا بر سنه دن آز مدت ايچون تصديق ١٥٥

ايديلن بودجه لر :

١ بودجه لر نى متعدد سنه لر ايچون تصديق ايدن دولتلىر  
٢ بودجه لر ينك بعضى اقسامنى متعدد سنه لر ايچون تصديق  
ايدن دولتلىر : انكلكترده فون و فونسلر ليه - المانيا و انكلكتره

- وفرانسده حربیه و بحریه پروغراملری  
 ۳ موقت بودجه - موقت بودجه لک سبب موجودیتی -  
 موقت بودجه لک محاذیری - ممالک متمدنه ده موقت بودجه لک  
 ۱۵ تخصیصات مؤخره : ۱۶۵  
 ۱ تخصیصات فوق العاده و تخصیصات منظمه - تخصیصات  
 مؤخره نك محاذیری - انكلترده تخصیصات منظمه -  
 ایتالیا ده تخصیصات منظمه - فرانسه ده تخصیصات مؤخره  
 - حكومت عثمانیه ده تخصیصات منظمه و فوق العاده  
 ۲ ابطال تخصیصات - ابطال حقیقی و ظاهری  
 ۱۶ مناقله تخصیصات :  
 مناقله نك مجلسك رضاسنه تعلیق - ممالک متمدنه ده مناقله  
 تخصیصات - حكومت عثمانیه ده مناقله تخصیصات  
 ۱۷ مصحح بودجه : ۱۸۸  
 ایتالیا ده مصحح بودجه - مصحح بودجه نك فواندی  
 و محاذیری  
 ۱۸ بودجه نك ردی : ۱۹۲  
 بودجه نك ردندن تولد ایده جك نتایج - بودجه نك ردی  
 بر مسئله سیاسیه در - انكلترده فرانسه و المانیاده  
 بودجه نك ردی  
 بودجه نك اجرایی  
 ۱۹ وارداتك جباتی : ۱۹۹

- ١ فرانسه ده بلا واسطه جارى تكاليفك صورت طرح وجبائى  
 ٢ فرانسه ده قيديه و پول و ركولرينك صورت جبائى  
 ٣ فرانسه ده استهلاكات داخله رسومك جبائى  
 ٤ فرانسه ده كمرك رسومك جبائى
- ٢٠ حكومت عثمانيه ده طرح وجبايت تكاليف: ٢١٧  
 ١ بلا واسطه اجارى تكاليفك طرح وجبائى  
 ٢ تمغا رسمى ، خرچلر وقيديه لك جبائى  
 ٣ بالواسطه جارى تكاليفك جبائى
- ٢١ خزينه معاملاتك صورت ايفاسى : ٢٣٣  
 خزينه دولت - نقل نقودك صورت اجراسى - محاسبه  
 عموميه و معاملات نقديه مديرتلى - ماليه نظارتك ، ماليه  
 و خزينه نظارتلى ناميله ايكيه تفريقى - وارداتك  
 صورت تركزى - انكلتره و بلجيقانك ، خزينه  
 معاملاتك ، باقهلردن استفاده سى
- ٢٢ مصرف بودجه سنك تطبيق : ٢٤٢  
 آمر اعطا معاملاتى :
- تعهد - تعهداتك مراقبه سى - حواله ، تحقيق و امر  
 اعطا معاملاتى - آمر اعطا معاملاتك بردن ايضاحى
- ٢٣ امر اعطالك قبل التاديه قونترولى : ٢٥٨  
 مسئوليت حقوقيه نظار و قبل التاديه قونترولك  
 لزومى - فرانسه ده آمر اعطالك ماليه ناظرى طرفندن

قونترولی - آمر اعطا قونترولنك ديوان محاسبانه  
اعطاسی - ديوان محاسبانك قبل التادیه قونترولنه قارشى  
سرد ایدیلن اعتراضات - بلجیقا ایتالیا و حکومت  
عثمانیه ده ديوانك قبل التادیه ویزه سی - آمر اعطا  
معاملاتنك تدخیزی

۲۶۹

تأديات : ۲۴

تادیه محاسبلى - حكومت عثمانیه ده مصارفك صورت  
تادیه سی - محاسبلك اجرا ایتمه مجبور اولدینى تدقیقات  
وتفتیشات فرانسه ده تأديات - انكلتره ده تأديات

۲۷۹

بودجه حسابنك قبادلمى : ۲۵

فرانسه ده بودجه حسابنك قبادلمى - حسابى قبادلمش  
سنه لره عائد ديون - فرانسه ده دولت لهنه مرور زمان  
- ديون عتيقه نك صورت تسويه سی - حكومت عثمانیه ده  
بودجه حسابنك قبادلمى

كچمى سنه لره عائد ديون - دولت لهنه مرور زمان -  
ديون عتيقه نك صورت تسويه سی - انكلتره و ایتالیا ده  
ژه ستیونك قبادلمى

### بودجه نك تفتیشی

۲۸۹

تفتیشی : ۲۶

تفتیشی - لزوم وانواعی - امر اعطال و محاسب مسئول ۲۹۰

حقننه جاری قونترولك سبب تفریقى . امر اعطالرك اداره

قوترولی - محاسبہ لک اداره قوترولی - شہرہ جدولاری  
ہیئت تفیشیہ مالیہ - حساباتک اصول مضائف اوزرہ  
تنظیمی .

۲۷ دیوان محاسبات محاسبہ راجع اولان قوترولی : ۳۰۵  
دیوانک تدقیقات و محاکماتی انحق امر اعطالہ راجعدر -  
محاسبہ لک حکماً تفیشی انحق دیوان طرفندن اجرا ایدیلہ بیلیر -  
۱ فرانسدہ دیوان محاسبات :

تاریخ و تشکیلات حاضرہ سی - دیوانک حکمنہ تابع محاسبہ  
حساباتک شکل و صورت اعطای - حساباتک تدقیقی -  
حکمر لک اجرایی - اعادہ محکمہ و تمیز - فرانسدہ دیوان  
محاسب حقندہ دکل حساب حقندہ اعطای حکم ایدر  
۲ حکومت عثمانیہ دیوان محاسبات :

تاریخ و تشکیلات حاضرہ سی - دیوانک قضاسنہ تابع  
محاسبہ - حساباتک شکلی و صورت اعطای - حساباتک  
صورت تدقیق و حکمی - دیوان محاسبات اعلاماتک  
اجرایی - اعادہ محاکمہ و تمیز - دفع مسئولیت و عفو ذمت  
۲۸ دیوان محاسباتک نظار حقندہ کی تدقیقاتی : ۳۳۶

فرانسدہ نظار حساباتی واردات حساب عمومی  
و حساب قطعی عمومی - نظار حساباتی تدقیق ایدن  
قومیسون مخصوص - دیوانک مطابقت بیاننامہ سی و سنوی  
راپوری

حکومت عثمانیہ دیوانک امر اعطالہ حقندہ کی تدقیقاتی :

نظار حسابلری و حساب قطعی عمومی - مطابقت بیاننامه سی  
 دیوانک اوچ آیلق راپورلری  
 مالک متمدنه سائرده دیوان محاسبات و یاد دیوان محاسبانه مشابه  
 مؤسسات: باجیقا ، ایتالیا ، روسیه دیوان محاسباتلری -  
 روسیه ده قونترول نظارتی انکلترده اودیت اوفیسی

۳۳۷

محاسبه قطعیه قانونی :


۲۹

محاسبه قطعیه قانوننک لزومی - محاسبه قطعیه قانوننک  
 انشای تدقیقنده موضوع بحث اولان مسئولیت سیاسییه -  
 محاسبه قطعیه قانوننک شکلی ، وعداء عطا و مجلسده صورت  
 تدقیقی - فرانسه ده محاسبه قطعیه قانونلری - انکلترده  
 سیاسی قونترول: نظار حساباتی و حساب قطعی عمومی -  
 بو حسابلرک دائمی قومیسوننده تدقیقی .

۳۳۴

خاتمه :

بودجه معامالاتنک تلخیصی - بودجه فورمالیته لرینک  
 اهمیت و فائده سی : سوء استعمالنک منع و تحدیدی -  
 بودجه ده وضوحک تأسیسی - حاکمیت ملیه نک تقویه سی



متن اثرده بر چوق مراتب تهویاتی ، واز جمله فرانسرجه کلماتده  
 بعض خطیات موجود ایسه ، قرینه ایله اگلاشلملری قولای اولدینی  
 ایچون خطاصواب جدولی درج ایدله شد .

